

sc. sup. 20. pl. 3.







N O D U S

PRÆDESTINATIONIS

*Ex Sacris litteris, doctrinaque SS. Augustini, &
Thomæ, quantum Homini licet, dissolutus.*

A U C T O R E


CŒLESTINO

S. R. E. PRESBYTERO

CARDINALI SFONDRATO.

Sententia illa antiquitate, suavitatem, ac scripturarum nativam auctoritate nobilissima de Prædestinatione ad gloriam post prævisa opera, sanè mihi gratissima fuit; qui nimirum eam semper à Dei Misericordiæ, ac gratia magis consentaneam, veriorē, ac amabiliorem existimaui, quod etiam tantisper in Libello de Amore Dei indicavi.

S. Franciscus Salesius in Epist. ad P. Leonardum Lessium data sub die 27. Augusti 1618., quæ habetur impressa Lovanii in Theſibus Theolog. *Philippi de Vos* eamque citant *Maynam* Tom.2. *Philosoph. Sac. cap. 24. & Gonzalez* Tom.2. Disput. select. disput. 8. sect. 3.



ROME, Typis Jæ Jacobi Komarek Boëmi propè SS. Vincentii
& Anastasii in Trivio. 1696.

S U P E R I O R U M P E R M I S S U.



1875

1876

1877

1878

1879

1880

1881

1882

1883

1884

1885

1886

SACROSANCTÆ
ET
INDIVIDUÆ TRINITATI.

Votum morientis Auctoris.



T cognoscant Te
Deum, & quem misisti JESUM
CHRISTUM in quo omnia,
ex quo omnia, & per quem om-
nia.

*Cælestinus Sfondrati S. R. E. tit.
S. Cæciliæ Presbyter Cardinalis.*



Feria 4. Die 25. Julii 1696.

IN Congregatione Generali S. Romanæ, & Universalis Inquisitionis habita in Conventu Sanctæ Mariæ super Minervam coram Eminentiss. & Reverendiss. DD. S. R. E. Cardinalibus in tota Republica Christiana, contra hæreticam pravitatem Generalibus Inquisitoribus à Santa Sede Apostolica specialiter deputatis.

Lecto memoriali tenoris sequentis, videlicet: *Eminentiss. & Reverendiss. Signori. Essendo dalla Sacra Congregatione proibito, che niuno possa stampare in materia de Prædestinatione, & Divinis auxiliis, senza licenza della medema:*

Il Card. Sfondrati havendo composto un Tratato de Prædestinatione, ch' involve anche la materia de Divinis auxiliis, prega la medema Sacra Congregatione del S. Officio per la licenza di poterlo stampare servatis servandis, e l'haurà à gratia. Quo memoriali audito, Eminentiss. & Reverendiss. DD. Cardinales Inquisitores prædicti annuerunt.

Josepb Bartolus S. Romanæ, & Universalis Inquisitionis Notarius,

Pio, & Erudito Lectori.

F. Jo: Damascenus Ordinis Min. Convent.

Postremum piissimi Auctoris, & dignitate Eminenti-
ssimi, en tandem Opus in lucem prodisse conspicis
Lector; ejus probè undequaque Auctoris clarissimi;
qui Romanos inter Purpuratos, cum lucis hujus frueretur
usura, tanta meum respexit obsequium clementia, ut
tenuitatem qualemcunq; meam operi imprimendo præse-
cerit, pro cæteris pluribus indies imprimendis, & curam
commisurus, & inspectionem. At (pro dolor) imma-
turo eripiens mors idæu, in uno SEONDRATO erepto,
quanta eripuit bona! Erant inter cætera dissertis-
simus De Opinione probabili Tractatus; Dissertationes
eruditissimæ duæ contra Hereticos De Baptismo In-
fantum: Apertissima De Atheismo parabatur Historia.
Remediis fecundissima contra pestilentem Librum Hei-
deggeri Tigurini, cui titulum fecerat, Meretrix Apoca-
lyptica, Dissertatio afferebatur: Itemq; Commentaria
in Jus Canonicum eodem quinquennio, quo Saltzburghi
illud explicuerat, in tres digesta Tomos elaborata, expo-
nebantur; Quæ omnia unà cum cæteris prælaudati Au-
toris MM. SS. Sanctissimi D. Nostri INNOCENTII XII.
jussu, Eminentissimo, ac omnigenæ eruditionis peritissi-
mo Cardinali ALEANO Apostolicorum Brevium Secretario
credita sunt. Quoniam verò extremo, & inexpectato ere-
ptus fato Auctor nunquam satis laudatus extremam eis
non imposuit manum, meas ideo duxi partes, ut de qui-
busdam, quæ pro hoc opere necessaria videntur, manu
plena unumquemque edocerem.

Primò igitur Auctoris finem, & mentem perscrutatu-

rum admonet; ut prius de morum pietate, cœlestis amoris ardore, divinæ gloriæ Zelo, omniumq; salutis desiderio, quæ Ecclesiasticum quemq; decet, & tanto in viro apprimè fulserunt, se certiores reddat; Qua re quidem cognita, facile quæ mecum acta de ipso referam, credet, & Regulam sibi in judicando constituet. Illum namq; sæpe sæpius (ac tùm præcipuè, cùm in Arce Castri Gandulphi, quò aëris mutationis gratia diverterat, ad ejus admissus sum obsequia, propiorq; moralium virtutum in litteratissimo Homine admiratus sum ornamenta) piè ita mecum differentem audiui: Se cum Scholis contrarium de Prædestinatione, & gratia sentientibus, ut contentioni funem duceret haud scripsisse, sed præcipuè in Votis habuisse, ut ii, quibus, juxta expressa in hoc Opere principia, Verbum Dei de Prædestinatione factum esset, magis divinæ Misericordiæ in nos miseros magnitudinem admirarentur, ac sese strictiori semper charitatis vinculo in Deum devinciendos, cœlestis Beatitudinis spe erigendos, nec non Summo & Infinito Bono per opera conjungendos agnoscerent; prout etiam Genevensis ille Antistes Sanctissimus Franciscus Salesius, & credidit, & lib. 5. de Amore Dei cap. 3. testatur, & ad Patrem Leonardum Lessium ex Societate Jesu scribens, in nostri Auctoris sententia circa Prædestinationem, hominum memoriæ consignavit. Quòd si, quis quis es, tantum Opus lecturus, unà cum Opere nuncupativam, quam ipse penè moriens dictavit Epistolam, leges, finem, & obiectum idem cognoveris necesse est; Hocq; tibi ut magis pateat, ea in parte Librum attentius percurras, quæ Asceticis Aporisimis intellectum illuminat, & voluntatem ad Dei amorem accendit.

Verùm ut Lectoris admirationi occurram in iis, quæ quodammodo Operi deficere videntur, eum monitum volo, me servatis servandis, cùm egrotare Auctor Emi-

mentissimus ceperit, jam hujus Operis impressioni manum admovisse; Illum verò in Paragrapho tertio primæ partis describendo, in quo ab origine Mundi ad hanc nostram usque ætatem longa, nec non erudita historiarum serie, Dei gratiam etiam obstinatissimis Peccatoribus non deesse conabatur ostendere, occupatum, & Annum sexagesimum sextum supra trecentesium Æræ Christianæ affecutum, urgente morbo decubuisse, & crescente occubuisse. Sed quod Græci adagium usurpant: Ἀγλαὸν ἥρωα πάλιν ἀδύος τρεῖν, videlicet, Illustrem Heroem bellum nulla re privat, in piissimo & litteratissimo Heroe probatum est; Humanæ namq; Vitæ finem ipso in mortis agone expectans, totus erat, ut finem suum assequeretur, hoc est, Operis hujus impressionem; Unde cum jam pridem CARDINALI LEANDRO COLLOREDO non minùs dignitate, quàm pietate Eminentissimo super hoc enicòdè vota sua contulisset, humillimas tunc etiam suas preces Sanctiss. D. Nostro INNOCENTIO XII., Benefactori suo munificentissimo, nec non Serenissimo, ac Piissimo COSMO TERTIO Magno Etruriæ Duci transmisit, mibiq;, ut præ viribus ceptam editionem curarem, indicit, prout eorundem Principum auspicio sum affecutus.

Huic insuper Operi illustrando fuit quidem ea intentione Auctor, ut Polemico-Historicos adderet pro dissolvendo Prædestinationis, gratiaq; Nodo secundæ partis Paragraphos; Verùm cum in iis parandis noctes San-Galli absumeret, diuturnos optimi Principis, & Pastoris pro Populo, proq; suo Grege impendens labores per INNOCENTIUM hujus nominis XII. purgatissimo in cognoscendis, ac librandis Perspicuorum Virorum virtutibus judicio, proq; præmio afficiendis Macenatem nulli secundum, Vaticana exornatus Purpura, iter Romanum est aggressus.

Ceterum inaudita ne judices parte, mi Lector, advertas, quæso, Clementis Alexandrini lib. 6. Strom.
Edicere: Non enim improbari, ac damnari aliquid potest, nisi prius cognitum sit: Hinc de exhibito Opere judicium suspendas, donec totum percurreris, interdum enim textum solvit contextus; Quin delectationem cum doctrina exhauries, ubi exquisito omnia leges stylo conscripta, sacra Patrum eruditione referta, ac Theologico, solidoq. innixa fundamento. Quod si inter legendum Typica, prout solent in unoquoque Opere, occurrent errata, gemens sub Torculari Opus ad sui vitam, debuit & gemuisse proprii Parentis ad mortem; Non levis quidem jactura, nec minor pro detergendis lacrymis Correctori ab impressione distractio. Quæ satis prudenti ad excusationem notitia. Crassiora quæ sunt, apposita ad Operis calcem notula indicabit, & corriget. Auctoris mentem, & finem interea grata habeas, quia sancta; quia ad Animarum profectum, & tranquillitatem præcipue directæ; Quibus factò respondere si studeas, felicitatem, quam toto auspicio animo, assequeris.

A P P R O B A T I O.

G Eminos Elektorum, & Reprobatorum greges æquissimâ oculi judicii Dei mensurâ alterum salvandum, alterum perdendum in sacra Regum historia (1. 2. c. 8.) comperrimus typicè designatos, ubi mysticus David Æternus Judex *mensus est duos funiculos, unum ad occidendum, & unum ad vivificandum*, quo implexissimus adumbratur *Prædestinationis, & Reprobationis Nodus*: quippe alius funiculus Rahab, alius Moab, alius Juda, alius Samariæ, unus electorum, alter reproborum, unus templi aut tabernaculi, alius carceris. Huic nexui exolvendo dum solemter insudamus ex Doctoris gratiæ monito (2. ad Cor. 10.) *ipsi in nobis nosmetipsos metientes secundum mensuram regulæ, quæ mensus est nobis Deus*, alius occurrit (Ezechiel. 47.) *duplex funiculus Joseph* portendens Gratiæ sufficientem (qua Deus ideo omnibus, ut disertè scribit S. Ambrosius 1. 2. de Abel, & Cain cap. 3., *opem sanitatis detulit, ut quicumq; perierit, mortis suæ causas sibi adscribebat, qui curari noluit, cum remedium haberet, quo posset evadere*) & Gratiæ efficacem à S. Augustino victricem, & triumphatricem nuncupatam, qua certissimè liberantur, quicumq; liberantur (Osee attestante cap. 11.) *Traham eos in funiculis Adams, in vinculis charitatis*. His interiicitur tam arctum vinculum, quo inter se coalescunt infallibilis gratiæ blandientis efficacia, & inviolata humanæ voluntatis libertas, ut (1. 1. Reg. c. 18.) Davidis, ac Jonathæ necessitudinem permutatis vestibus, ac veluti dignitate, & potestate confusa devotissimam superare videatur. Ex his conflatur ille *funiculus triplex* ratione principii, medii, & finis, seu ut cum S. Fulgentio 1. 1. ad Monim. c. 11. loquar, *relatè ad vocationis initia, justificationis augmenta, & glorificationis præmia* ab Apostolo Romanis c. 8. descripta. Verè *funiculus triplex* seu potius tergeminus, qui propter abstrusissimas superexcelli Providentiæ supernaturalis mysterii, & Divini intellectus, ac voluntatis difficultates in uno *Prædestinationis Nodo* agglomeratas *difficilè rumpitur*. Triplicem hunc implicatissimum nexum plusquàm Herculeum Gordiumve non magni Macedonis ense discindendum stricto authoritatæ ex divinarum Scripturarum oraculis, Pontificum decreto, Patrum Senatus-consulto, & Scholæ Theologicæ Procerum placito depromptarum, atq; etiam acutissimarum rationum

A P P R O B A T I O.

mucrone expedite resolvit, & tùm eximio Eminentissimi nominis decore, tùm ingenti Theologicæ facultatis incremento, nulli adstrictus parti, nullius in verba juratus, summotis præjudiciorum præstigiis, sagaciter præcavens cum S.P. Bernardo *Serm. 6. in Cant. , ne recordatio solius judicii Divini in barathrum desperationis præcipitet, & misericordia fallax assentatio pessimam generet securitatem, dilucidè extricat; tùm etiam ex recondito profanæ eruditionis penu, utile dulci sapienter permiscens, nullo verborum involucro (quandoquidem juxtà Græcā paræmiā, ἀπλῆς γὰρ ὁ τοῦ ἀληθείας λόγος, simplex, & apertus est veritatis sermo)* sed aureâ eloquentiâ explicat Eminentiss., & Reverendiss. D. Cardinalis Cælestinus Sfondratus in longè præclarissimo opere inscripto: *Nodus Prædestinationis &c. quantum homini licet dissolutus*, in quo sapientissimus æquè, ac religiosissimus Author hocce saluberrimum S. Bernardi (*Serm. de Nativit. S. Jo: Baptista, & serm. 8. in Cant.)* documentum sectatus, tantùm lucere, vanum, tantùm ardere, parùm; ardere & lucere perfectum; egregiè patefacit spiritum sapientiæ, & intellectus, qui instar apīs ceram portantis & mel, habet omnindè & undè accendat lumen scientiæ, & undè infundat saporem gratiæ. Istud itaque insigne volumen honoris ergò jussus à Reverendiss. Patre Paulino Bernardinio Sacri Palatii Apostolici Magistro tanta animi jucunditate perfusus evolvi, tantaque sedulitate penitus introspexi, ut nodum sanè in scyrpo quæreret, quisquis hac in materia nunc enodi vel nodulum censorio stigmate inurendum suspicaretur, quin potiùs deberet cum Doctore Mellistuo (*Serm. in Nativit. SS. Innocentium, & serm. 1. in Purif. B. Mariæ)* magis sollicitus, & timoratus agere gratias benignissimo, & largissimo Salvatore, qui humana salutis occasiones tam copiosa charitate perquirat, ut in his voluntatem & opus, in his sine opere voluntatem, in his etiam sine voluntate opus salutis invenire latet, qui vult omnes homines salvos fieri, & ad agnitionem sui venire; cujus gratia in communi posita est, offertur omnibus, & nemo illius expertus, nisi qui renuit. Ex Cœnobio S. Pudencianæ de Vrbe, die festo S. P. Bernardi Abbatis 1696.

D. Joannes Maria Gabriellus Monachorum Reform. S. Bernardi Ord. Cisterciens. Procurator Generalis, S. Theol. Magister, Sac. Congregat. Indicis Consultor, Supremæ Inquisitionis Qualificator, ac Collegii Urbani de Propaganda Fide Studiorum Præfatus.

APPROBATIO.

Nodos tenaces recta rumpis regula, ait Prudentius Poeta Christianus in *prefat. ad Smellum*. Id quàm prælitum sit in hoc libro, cui titulus: *Nodus Prædestinationis ex sacris litteris, doctrinâq; Sanctorum AUGUSTINI ET THOMÆ, quantum homini licet dissolutus*, nemo sapiens non videt. Sanè cum Auctor doctrinâ non secus ac dignitate Eminentissimus, quem nuper nobis ereptum (proh quanta Christianæ Reipublicæ iacturâ) sacra hæc Aula conqueritur, cùm, inquam, ille postremum hoc, & maximum suæ humilitatis specimen nondum decumbens edidisset, ut lustrandum mihi tantum opus committeret, mirari satis non potui, quam benè ille implicatum tot difficultatibus argumentum, cui enodando lectissimi Theologorum manus admoverant, explicuisset. Quid ergo de ipso opere sentirem, cùm aliquoties eidem testari, vetante Purpurati Principis modestia frustra tentassem, id nunc tandem, præcipiente Reverendissimo Patre Magistro Paulino Bernardinio Sac. Pal. Apost. Mag. proferre cùm debeam, illud inprimis ejusdem Prudentii lib. 2. *cont. Symmachum* Lectori ingero.

Nam cum divinis agimus de rebus . . .

Conjectare animo contendimus, exigua est vis

Humani ingenii, tantoq; angusta labori.

Quoddifusquam alibi humana ratio deficere in perscrutandis divinarum rerum quæstionibus deprehenditur, contingit id potissimum, ubi arduum *Prædestinationis*, & divinatorum auxiliorum *Nodum* dissolvere aggreditur; Quæstiones enim quæ pro hocce *Nodo* dissolvendo à Theologis quandoque agitari permittuntur, profundas magis, ac difficiles esse, non obscure innuit Cælestinus Papa in *Epistola* quam, proscriptâ iam hæresi Pelagiana, ad Gallia Episcopos scripsit, *Profundiores* verò, ait, *difficilioresq; partes quæstionum, quas latius pertractarunt, qui hæreticis resisterunt; sicut non audemus contemnere, ita non necesse habemus adstruere.*

Neque verò ausim dicere Auctorem hunc omnium retrò scriptorum (sunt enim magni nominis, ut satis perspicuum est Scholastica in Palæstra versatis) qui de mente S. AUGUSTINI implicatissimam hanc quæstionem, & in eadem Auctoris sententia, extricandam susceperunt, vicisse conatus, & rectiori regula tantum *Nodum* abru-

A P P R O B A T I O.

abrupisse (suffundi enim rubore cineres ipsos timerem) Illud potius confidenter dicam, Opus hoc tali argumentorum vi, nec non suavitate sermonis elaboratum esse, ut si rectè intentioni Auctoris adhæreas, scopum ipsius satis invenire possis, non alium certè, quàm incrementum Amoris erga Deum, quo ipse æstuabat, exaltationem divinæ misericordiæ, augmentum spei, quod tibi unicè proposuisse mihi sapius piissimus Auctor professus est.

Quod attinet ad Doctrinam Patrum, præcipuè verò memoratæ AUGUSTINI, constat vel hinc Auctorem tam sapè, & tam sedulò illorum opera evoluisse, ut penè eorundem spiritum induisse videatur; Pietatem verò, Zelum, Dei amorem nulla non pagina refert, præcipuè ubi Asceticus est; nam igne quodam succendit animum, & supernis compellit æstare desideriis. Non alio itaque Lemmate inscriberem Librum, quàm quo suum *de Oratione* Gregorius Nyssenus ἡ ἐν ἱερῷ καὶ Θεῷ ἔργον *Sacrum, & divinum Opus*, vel quo R. Azarias Librum Aristæ *de Septuaginta Interpretibus* דְּעֵס הַרְרֵת וְקַיִים *Dectus Seniorum*. Quod si mores limul, ac scientiam Auctoris nostri posteritati designare vellem, elogium illud ab Alexandro de Ales mutua-rem, quo Divi BONAVENTURÆ ejus discipuli viventis meritum compendio referebat: *Non videtur Adam in homine isto peccasse*, aut si idipsum aliquantò fusiùs exequendum esset, aptissimum sanè præconium exhiberet in Chronicis Minorum Religio; nam planè congruunt meritissimo nostro Purpurato, quæ de eodem BONAVENTURA ibi exarantur: *Hujus Sanctissimi Cardinalis doctrina devota, sapida, & seraphica est, cum legentes non solum illuminet, sed inflammet; omnem enim veritatem, quam ipse intellectu percipiebat, ad formam devotionis, & laudationis Divina reducens, rummabat affectu*. Nec extra argumentum esset, quæ de Joanne Cænobiarcha S. PATER meus DAMASCENUS in *Oratione de Trisagio contra Anastasum, & Cnaphæum* scripsit: *Nec verò nos fugit, quæ divinorum sermonum cupiditate tenebatur, quodq; voluptatem tam, quam ex his percipiebat, ipso quocq; melle dulciorem esse ducebat*.

Nemo qui noverit COELESTINUM CARDINALEM SFONDRATUM, nemo qui ejus opera perlegerit, indulgere me hic nimium genio arbitrabitur, aut longius trahi, quasi posthumam gratiam redditurus eximiæ humanitati, quæ me usque ad extremum vitæ excepit. Extabunt apud litterariam, & apud Christianam Rempublicam monumenta tantæ virtutis, INFULÆ verò à præstantissimo Patrum Cætu, &

Pur-

A P P R O B A T I O.

PURPURA à Summo, ac Vigilantissimo meritorum Libratore INNO-
CENTIO XII. delatæ, testari poterunt, quàm sim parcus, &
quantùm Justitiæ detrahàm, dum ad alia propero.

Ut igitur iudicium meum qualecunq; absolvam, monitum
velim Lectorem, opus hoc deductum esse, quod ajunt, ad calcem eo
tempore, quo Auctor ultima corporis ægritudine torquebatur; ubi
enim aliquantùm intermittebant cruciatus ad instar Gregorii Papæ,
qui ad extrema deductus Epistolas pro Ecclesiæ necessitatibus (teste
Baronio *ad an. 595.*) dictabat, vel D. Thomæ qui Cantica Cantico-
rum decumbens explanabat, ipse quoq; ad hoc *Prædestinationis*
Opus intervalla valetudinis penè moriens impendebat. Proh quàm
dulcis, ac proficua Justo morienti meditatio!

Atque hic non admodùm laboro in extollendo Auctoris inge-
nio; Opus enim per se loquitur; quin etiam, attentâ argumenti dif-
ficultate, loquitur Nazianzenus *Oratione 33.* ἡ πάντων μὲν, ὃν τῶν
ἱερουργούντων, καὶ διακόνων τῶν ἐκ Θεοῦ. *Non omnium esse de Deo dispu-
tare, sed eorum dumtaxat, qui explorati sint, ac contemplando lou-
gè præcesserunt.* Satiùs est igitur gratolari Auctori vel mortuo, & ex-
clamare cum Augustino *Epist. 9.* ad Hieronymum *Ingenium tuum
divino dono auctum.* Nequeo tamen præterire modestiam, qua tali-
ter ille in scribendo utitur, ut dum suam nititur probare sententiam,
alienam nullatenus fugillet, aut carpat, ac proindè dicere de se po-
tuit cum Cypriano *lib. 4. Epist. 4.* ad Magnum: *Qua in parte nomi-
ni verecundia, & modestia nostra præiudicat, quo minus unusquisq;
quod voluerit sentiat.*

Sed quoniam primas in scribendo obtinet exquisitissima illa
pars Ingeniû, quæ cum nullis tradi præceptis, nulla possit arte præ-
scribi, usq; adeo tamen necessaria est, ut ea deficiente lapidum
nihil esse possit, Prudentia videlicet, quæ vulgò Judicium appella-
tur. Hæc porro tam religiosè, ut ita dicam, in hoc opere, imò in
quavis operis linea, & in quovis penè apice, ut, sicut in omni ejus
actione, nullibi desideretur. Nec miretur quisquam me hanc lau-
dem à Theologo requirere; meminerit enim oportet, quid de Theo-
logia sentiat Epiphanius Salaminæ Cypri Episcopus *hæresi 31.* ἐν
τοιαύταις μεγάλας ἐπιταγὰς ἀποδοτέον, καὶ διανοὴν τῆς καὶ πάλαι ἀποδοτέας.
*Qua enigmata quibusdam involucribus oblecta sunt, expellet, atq;
explicit, & ad communem fidei institutum accommodet; quamq; regu-
lam Theologo scribenti præscripserint Cyrillus Alexand. in Propheta-
tico*

A P P R O B A T I O.

fico ad Imperatorem Theodosium ὁ τῶν ὑπο μέτρον ἀκρίβειας καταλύειν ἄξιον, ὥς μὴ τῶς ἐς ἄκρον ἰσχυραῖς διαφύγειν τὰ ὑπο νόμου. Indignum putat ea qua intelligentiam superant, immoderata diligentia labefactare, ac nimis inquisitionibus subicere, & AUGUSTINUS lib. 9. de Trinitate cap. 1. De credendis nulla infidelitate dubitemus: de intelligendis nulla temeritate affirmemus. In illis auctoritas tenenda est: in his veritas exquirenda.

Et sanè nil cautius Auctore nostro; nam ubiconque aliquid probandum suscipit, vel sacrorum Codicum auctoritati innititur, vel exquisitis Theologiæ principiis adhæret, vel SS. Patrum, & AUGUSTINI in primis sententia fulcitur. Quàm verò arduum sit introspicere Patrum sensus, præcipuè ubi eorum sententiæ ab ipsis etiam Orthodoxis ad Scholam evocantur, & in quæstiones traducuntur, noverit quicumque vel à solo limine Ecclesiasticam Historiam salutavit; Constat enim tres Sessiones habuisse Patres Concilii Florentini, nempe XX. XXII. XXIII. ad investigandum Basilii sensum; Patres verò Chalcedonenfis Synodi Actionem primâ ad expendendum quoddam Cyrilli dictum, Sextæ Synodi Actionem septimam ad unum Dionysii, Actionem nonam ad unum Cyrilli, & duodecimam ad unum Mennæ testimonium explorandum. Sed, ut verum fatear, speciali Dei ope, & juxta præfagium nominis, COELESTI præsidio factum arbitror, ut in tanto Scriptorum conspectu, arduum, & implicitum Prædestinationis *Nodum*, gratiæque Arcanum explicaret COELESTINUS, qui non unam, vel alteram ex AUGUSTINO libaverat auctoritatem, qua suam fulciret sententiam, sed totum AUGUSTINUM longis, iteratisque vigiliis, ut patet, ita hauserat, ut ipsius ore loqui videretur AUGUSTINUS. Quod ut tibi Lector perspicuum sit, fas sit mihi dicere de hac Auctoris Dissertatione cum R. Baybad *de studio legis* prout refertur in lib. *Pirkê Abot. cap. 5. הַפּוֹרֵךְ בַּה חֶסֶד בַּה דְּבָלָא בַה* Versa illam, versa illam; omnia enim complectitur.

Ex patria itaque, ubi pium est credere, te tot laborum præmiis frui, præbe mihi faciles aures, Tu, cui tam jucundè auscultabam cum mihi loquebaris in via; Audi quam exquirebas tui Operis, Censuram, nunc tandem quando nec me laudantem adulationi movet, nec te laudatum tentat elatio; Audi cum Vincentio Lyrinensi *Commonitor 1. adversus Hæreses cap. 27. Intelligitur te exponente illustrius, quod antea obscurius credebatur, per te posteritas intellectum gratuletur, quod antea vetustas non intellectum venerabatur.*

A P P R O B A T I O .

Tantas igitur altissimi Ingenii Opes , tantosque uberrimos Piiſſimi Auſtoris Fructus , nedum Prælo , ut iis Aſcetici , Scholaſtici ; Polemici, Parænetici, Philologi, aliique fruantur Eruditi, ſed Immortalitate dignos cenſeo . E Cœnobio SS. XII. Apoſtolorum de Urbe Quarto Nonas Octobris in Die Feſto Seraphici Patris FRANCISCI , Anno à Virginis Partu MDCXCVI.

*Fr. Joannes Damascenus Ord. Min. Conventus. Sac. Theol. Magiſter Sæu-
tæ Romana , & Uniuerſalis Inquiſitionis Qualiſicator , Sacra-
rum Congregationum Rituum, & Indicis Conſultor, & in Archi-
gymnaſio Romana Sapientia Theologia Dogmatica Lector .*

Imprimatur .

Si videbitur Reverendiss. P. Magistro Sac.
Pal. Apostolici .

Sperellus Episcopus Interamnen. Vicefg.

Imprimatur .

Fr. Paulinus Bernardinius Ord. Præd. Sac.
Apost. Palatii Magister .

INDEX

Partium, Paragraph., & Numeror.

PARS PRIMA.

*Esse in Deo seriam, impensamque, & quantum
ex se est, efficacissimam voluntatem
salvandi omnes.*

§. I.

- 1 **E**xplicatur fuscè quid nomine voluntatis, gratiæq; per se efficacis, & ab Autore, & ab aliis quoq; Theologis intelligatur.
- 2 Probatur primò testimonio ex Sacris litteris, quarum testimonia expenduntur.
- 3 Ex mysterio Incarnationis.
- 4 Et ex sensu Sanctorum Patrum, præsertim Prosperi Aquitanici, Discipulorum S. Augustini fidelissimi.
- 5 Et ex ratione. Ubi distinctio voluntatis antecedentis, ejusq; efficacia, & consequentis expenditur.
- 6 Ex divina bonitate, ejusq; in homines amore.
- 7 Et ex absurdo, si dicas, non omnes, quantum ex parte Dei est, efficaciter eligi.
- 8 Et ex efficacissimis mediis, quæ Deus ad æternam vitam suppeditat.
- 9 Et ex efficaci omnium Creaturarum in suos fines directione.
- 10 Et ex necessitate, præceptoq; spei Christianæ.
- 11 Et ex disertissimis Augustini, Angelicq; Doctoris testimoniis, quæ simul expenduntur!
- 12 Diluitur Sophisma Calvinii de Prædestinatione.
- 13 Series, ordoq; Prædestinationis breviter expressus.
- 14 Respondetur ad objecta, & ostenditur, Christum pro omnibus, etiam pro reprobis orasse.

I N D E X.

- 15 *Non ideo Voluntate antecedenti, & quantum ex parte Dei est, aliquos esse reprobatos, quia in Sacris litteris dicitur Christi sanguis pro multis, non pro omnibus effusus.*
- 16 *An Semipelagiani ideo Hæretici, quod dicerent, velle Deum omnes salvos fieri?*
- 17 *Ea Sententia: Deus vult omnes salvos fieri, quomodo ab Augustino explicata?*
- 18 *Divina, & efficaci voluntati an resisti possit?*
- 19 *Cur non omnibus ea media, & auxilia dentur, quibus prævisi sunt, certissimè assensuri?*
- 20 *Respondetur ad celebre Apostoli testimonium ad Roman. 9. fuisseq; vera illius sententia exponitur, præsertim an Deus sit causa obdurationis?*
- 21 *Non sequi ex nostra Sententia, non habere Deum majorem Electorum curam, quam non Electorum.*
- 22 *Multoq; minus sequi hominem seipsum discernere.*
- 23 *Causam Parvulorum nihil obicere, multoq; magis ad rem nostram facere.*

§. II.

Dari omnibus hominibus ad æternam vitam consequendam non tantum necessarias, & qualescunq; sed copiosissimas, & abundantes gratias, quibus si velint, facile, commodeq; obtinere illam possint.

- 1 *Ex voluntate efficaci salvandi omnes, optimè inferri voluntatem omnibus quoq; quantum ex parte Dei est, efficaces, & copiosissimas gratias offerri.*
- 2 *Possè causam aliquam & dici, & esse efficacem, quamvis effectus non sequatur, idq; exemplis Luciferi, & Adami ostenditur.*
- 3 *Efficaces ex natura sua, & copiosas gratias dari ex Sacris litteris, & qua ratione jugum Christi leve, & suave dicatur, ostenditur.*

I N D E X.

- 4 *Sæpe reprobis, & renuentibus aequales, aut etiam maiores gratias dari, quam electis, & consentientibus. Neq̃ tantum externas, verum etiam, multoq̃ magis internas. Ubi Augustini, & Thoma testimonia expendantur.*
- 5 *Idemq̃ probatur ex effusissima etiam in Bruta, aliisq̃ Creaturas insensibiles Dei bonitate, & Providentiâ.*
- 6 *Et in ipsum hominis Corpus.*
- 7 *Et quia homo Dei opus est.*
- 8 *Idemq̃ ex Corporis humani structura.*
- 9 *Ac præsertim hominis redemptione.*
- 10 *Ipsaq̃ experientia.*
- 11 *Neque id tantum de fidelibus, verum etiam Infidelibus credendum esse, quod variis, multisq̃ rationibus probatur, præsertim verb testimonio Augustini, ejusq̃ præstantium Discipulorum.*
- 12 *Nihil ob stare doctrinam S. Thomæ de Infidelitate purè negativa.*
- 13 *Si homini auxilia gratiæ deessent, transgressionem mandatorum ex sententiâ Augustini nequaquam transgressoribus imputatum iri.*
- 14 *Nullis quantumvis obduratissimis Peccatoribus abundantissimas gratias deesse.*
- 15 *Quo sensu Augustinus dicat, gratiam non omnibus dari.*
- 16 *Causa Parvulorum sine Baptismo decedentium non obesse ostenditur.*
- 17 *Exponitur Augustinus.*
- 18 *Falsam esse eorum opinionem, qui contendunt gratiam omnibus quidem præparari, non tamen omnibus dari.*
- 19 *Exponitur Apostoli sententiâ ad Rom. 10. quomodo credent, quomodo audient sine prædicante &c.*
- 20 *Nemini quamvis perditissimo custodiam Angelicam subtrahi, ubi de peccatorum mensura, deq̃ prava consuetudine, modisq̃ eana expugnandi.*
- 21 *Nemini orandi petendiq̃ gratiam deesse. Ubi de gradibus Orationis, deq̃ auxilio remoto.*

INDEX.

§. III.

*Dei gratiam etiam obstinatissimis peccatoribus non
deesse longa serie historica, multisque
exemplis ostenditur.*

§. IV.

*Orationem etiam Peccatoris, cum illa petit, quæ ad
vitam æternam consequendam necessaria sunt,
semper exaudiri, sicque in peccatoris po-
testate esse gratiam illam efficacis-
simam, & triumphatricem
orando impetrare.*

- 1 *Quid sit efficacia gratiæ Triumphatricis, fuse, multisq; ex Augusti-
no testimoniis exponitur.*
- 2 *Qua ratione voluntas humana præter objecti propositionem à Deo
physicè juvetur, ac etiam præmoveatur.*
- 3 *Orationem efficacissimum, certissimumq; medium esse, quo etiam
peccatores gratiam illam specialem, ac triumphatricem assequi
possint, ubi distinctio peccatoris ad bonum conantis, & non con-
antis.*
- 4 *Probatum ex Sacris litteris, juxta Patrum expositionem.*
- 5 *Ac etiam ex ratione.*
- 6 *Qua ratione sint intelligenda scripturæ, cum dicunt, non exaudiri
peccatores.*

INDEX.

§. V.

*Aphorismi, seu Regula Ascetica de mysterio
Prædestinationis.*

- 1 *Explicatio primi Aphorismi.*
- 2 *Explicatio secundi Aphorismi.*
- 4 *Explicatio tertii Aphorismi, ubi de spe, & timore.*

PARS ALTERA.

*In qua ostenditur, nihil opponi posse divinæ provi-
dentiae ex eo, quòd in negotio Prædestinationis,
quædam sint inscrutabilia.*

§. I.

*Probatnr ex Sacris litteris, sanctisque Patribus, no-
luisse Deum Mysterium Prædestinationis
ab hominibus explorari.*

§. II.

*Multa esse in rerum natura, quæ licet vera, occul-
tas tamen, & inpenetrabiles habent causas,
nec ideo falsi accusari possunt. Ergo
multò magis idem dicendum de
alea Prædestinationis.*

§. III.

INDEX:

§. III.

*Causam Divinorum Judiciorum querentibus
optima datur, omniq̃ue demonstra-
tione potentior.*



.11

NO.

1

N O D U S

PRÆDESTINATIONIS

*Ex SS. litteris, doctrinaque SS. Augustini,
& Thomæ*

QUANTUM HOMINI LICET,
DISSOLUTUS.

P A R S I.

*In qua expenduntur, quæ cognosci in hoc arcano
ab hominibus possunt.*



UO sunt, quæ in omnibus Christianæ Fidei
Mysteriis considerari oportet, videlicet, &
quodd cognosci debeant, & quodd penetrari
non possint; sicque & quodd fidem merean-
tur, quia certa; & quodd reverentiam, ac
timorem, quia sublimia, & inaccessa. Utque
maris, ita rerum divinarum proprietas est,
& magnâ ex parte cerni posse, & majori
latere: Sicut enim non mare, sed flumen
esset, cujus totam latitudinem, & profundum metiri oculo posses;
ita non res divina, sed humana esset, quam totam intellectu perspi-
ceres. Inde est, ut in aliis ferè omnibus, ita quoque in rebus ad
Religionem spectantibus duo vitanda, excessum videlicet, ac dese-
dum, hoc est, ignorantiam, & præsumptionem; paris enim damni
est, parisque delicti, & nescire, quod debeas, & velle scire, quod

non possis. Quid enim interest, siue ideo cadas, quia cæcus es; siue cadas, quia per præcipitia incedis? Imò sæpe major, pejorque audacium, quàm ignorantium ruina; illi enim soli, illi cum pluribus cadunt, quos exemplo, ac veneratione doctrinæ, quam profitentur, in abruptæ compellunt, ut Origenis, Tertulliani, aliorumque experientia ostendit. Optimum ergo est Apostoli monitum ad Rom. 12. 3. *Sapere ad sobrietatem*. Si non sapias, quomodo amabis, quod ignoras? Si non ad sobrietatem, quomodo tibi proderit, & non potius onerabit, quod non capis? Optimus ergo cognoscendi, qui vescendi modus erit, si nec gulæ indulgeas, nec fami desis.

Hæc, ut dixi, in omnibus Christianæ Religionis Mysteriis, sed præsertim in arcano Prædestinationis vera sunt. Nihil isto apertius, si modestè accedas; nihil occultius, si protervè invadas. Nihil ad inflammandum amorem opportunius, si modicè, ac guttatim aspergas: nihil ad extinguendum validius, si impetu, & undatim affundas. Omnia tempestatibus, & naufragiis plena, si scapham alto committas: omnia tuta, & tranquilla, si terram legas. Verbo, hîc maximè consilium Apostoli valet ad Rom. 12. 20. *Noli altius sapere*.

Ego cùm observâssem in hac præcipuâ, & decretoriâ salutis, & animarum causâ à quâ plurimis nimis parùm divinæ bonitati tribuî, & culpam pereuntium non tam reis imponi, quàm in ipsum Judicem derivari, quasi partibus addictum, & aliquibus tantum, non omnibus propitium, nimisque ardua præscribentem, quæ paucis, & Heroibus tantum superare animus sit; ego, inquam, cùm id animadvertissem, statui iustissimi simul, & clementissimi Judicis causam suscipere; nodumque hunc, licet aliàs implicatissimum, non ferro, sed calario solvere, ac omnibus compertum, palamque facere, nullam posse contra Judicem querelam moveri, nihilque in prædestinationis negotio peractum, cui non amor præfederit; sicque damnatorum casus non Prædestinationi divinæ, sed humanæ voluntati tribuendos esse, Deo quavis ratione vitam peccatori procurante, sed peccatore ipso omni ratione mortem volente, sicque verissimas esse illas Prophetæ voces Osæ 13. 9. *Perditio tua ex te Israël, ex ore tantum auxilium tuum*.

Quatuor ergo in hoc argumento demonstranda suscipiam. *Primò*. Deum setid, impensissimè, ac quantum in se est, efficaciter omnium hominum salutem velle. *Secundò*, & ideo non quacum-

cumque hominibus, sed abundantissimas, copiosissimas, & ex natura sua efficaces gratias tribuere, quibus ad æternam felicitatem pervenire possint. *Tertio*, imò facillima quoque media præscripsisse, quibus etiam perditissimi, ac deploratissimi peccatores gratias illas speciales, quas Augustinus *invidiissimas*, & *triumphatrices* appellat, sicque perseverantiam finalem certissimò impetrare possint, si velint. *Quarto*, & hæc ad divinam, & infinitam Bonitatem omni suspicione liberandam sufficere; reliqua in causa Prædestinationis explorari nec posse, nec debere.

§. I.

Esse in Deo seriam, impensamque, & quantum ex se est, efficacissimam voluntatem salvandi omnes.

S U M M A R I A.

- I. Explicatur sensè quid nomine voluntatis, gratiarum per se efficacis, & ab Auctore, & ab aliis quoque Theologis intelligatur.
- II. Probatur primò testimonio ex Sacris litteris, quarum testimonia expenduntur.
- III. Ex Myſterio Incarnationis.
- IV. Et ex sensu Sanctorum Patrum, præsentim Prosperi Aquitani, Discipulorum S. Augustini fidelissimi.
- V. Et ex ratione. Ubi distinctio voluntatis antecedentis, ejusque efficacia, & consequentis expenditur.
- VI. Ex divina Bonitate, ejusque in homines amore.
- VII. Et ex absurdo, si dicas, non omnes, quantum ex parte Dei est, efficaciter eligi.
- VIII. Et ex efficacissimis mediis, quæ Deus ad æternam vitam supeditat.
- IX. Et ex efficaci omnium Creaturarum in suos fines directione.
- X. Et ex necessitate, præceptoque Spei Christianæ.
- XI. Et ex disertissimis Augustini, Angelicique Doctoris testimoniis, quæ simul expenduntur.

- XII. *Diluitur Sophisma Calvini de Prædestinatione.*
 XIII. *Series, ordoq; Prædestinationis breviter expressus.*
 XIV. *Respondetur ad objecta, & ostenditur, Christum pro omnibus, etiam pro reprobis orasse.*
 XV. *Non ideo voluntate antecedenti, & quantum ex parte Dei est, aliquos esse reprobos, quia in Sacris litteris dicitur Christi Sanguis pro multis, non pro omnibus effusus.*
 XVI. *An Semipelagiani ideo Hæretici, quod dicerent, velle Deum omnes saluos fieri?*
 XVII. *Ea Sententia: Deus vult omnes saluos fieri, quomodo ab Augustino explicata?*
 XVIII. *Divinæ, & efficaci voluntati an resisti possit?*
 XIX. *Cur non omnibus ea media, & auxilia dentur, quibus prævisi sunt, certissimè assensuri?*
 XX. *Respondetur ad celebre Apostoli testimonium ad Roman: 9. scilicet, vera illius sententia exponitur, præsentim an Deus sit causa obdurationis?*
 XXI. *Non sequi ex nostra Sententia, non habere Deum maiorem Elektorum curam, quam non Electorum.*
 XXII. *Multoq; minus sequi hominem se ipsum discernere.*
 XXIII. *Causam Parvulorum nihil ob stare, multoq; magis ad rem nostram facere.*

NE termini, quibus Theologi in hac profundissima, remotissimaque ab hominum captu materia uti solent, ambiguitatem aliquam, speciemque erroris præferant, prius, in ipsoque limine explicandæ nobis sunt voces, quæ toto hoc opere quam frequentissimè occurrent, & in quibus tota rei summa, cardoque versatur.

I. Observandum igitur primò est, duas in Deo esse voluntates, *antecedentem* unam, alteram *consequentem*. Non quòd in divina natura numerum, & multitudinem perfectionum admittamus; sed quia quæ in Deo unum sunt, ea ob eminentiam, & infinitatem suam pluribus, innumerisque perfectionibus creatis æquivalent; & ideo perinde quoad effectum se habeant, ac si plura essent; sicque à nobis per numerum, & in plurali explicantur, quamvis re ipsa sint res simplicissima. Ea ferè ratione, quâ dicimus, nummum aureum tres florenos argenteos complecti, non numero, cùm unicus sit, sed valore, & pretio. Ita, inquam, duæ sunt in Deo voluntates: Pri-

ma absoluta, efficax, independentique ab omni hominum merito, quâ Deus naturaliter, meroque bonitatis suæ instinctu, atque, ut ita dicam, *motu proprio* vult omnium hominum salutem, æternamque felicitatem; & ideo eos creat, eos redimit, & accommodatissimis ad hunc finem mediis accingit, aliter tamen, aliterque juxta infinitæ, ac ordinatissimæ sapientiæ suæ modum. Et hanc vocamus *voluntatem antecedentem*, seu *voluntatem amoris*, quia nullam aliam causam habet, quàm, ut dixi, naturalem bonitatis suæ instinctum, motumque proprium. Hæc, inquam, voluntas, quantum ex parte Dei efficax, & absoluta est. Efficax; quia vi hujus voluntatis movetur Deus ad media non tantum huic fini necessaria, & commoda; verum etiam abundantissima, & præstantissima hominibus applicanda, adeo ut ne unigenito quidem, nec sanguini, vitæque parcat, quod nemo facit, nisi qui finem flagrantissimè, ac efficacissimè ex parte sua cupit. Absoluta verò hæc ipsa voluntas dicitur; quia licet Deus exequi hanc suam voluntatem nolit, nisi homine consensum suum præbente, cum salvare invitum nolit: quod tamen creaverit, & quoddam ideo creaverit, ut æternam vitam adipisceretur, quodque in hunc finem nobilissimis, & validissimis mediis instruxerit, id totum gratis, totumque opus summi amoris, & bonitatis fuit, nihil homine ipso ad propositum tam regię, spontaneæque adoptionis conferente, nullaque ex ejus parte conditione expectata: sicut si Princeps Juvenem mendicum sola miseratione, & pietate commotus hæredem ultimis tabulis scribat, quam tamen hæreditatem ipso facto consequi non possit, nisi ex natura ipsius testamenti adeat, acceptetque: in hac, inquam, hypothesi voluntas mendicum instituendi, pura, absoluta, mereque gratuita est, nihil ad ipsam conferente mendico, quippe omnium, quæ à Principe sunt ignaro: Voluntas tamen ejusdem Principis, ut actu ipso hæreditate potiatur; conditionata est; quia non vult aliter obtineri, quàm hærede adeunte, & acceptante. Ita in Deo. Quod te voluerit condere, voluerit in filium, quantum est de se, adoptare, voluerit Regni cælestis heredem esse, in eumque finem mille, ac pretiosissimis te dotibus, & beneficiis exornaverit, meræ charitatis, & misericordiæ fuit, nihil te, tuisque meritis adjuvantibus. Voluntas verò, quâ decrevit, ne hoc ipsum Regnum obtineres, nisi velles, & mereris; quodque spoliare te illo voluerit, quia prævidit, te operari, & mereri nolle; hæc, inquam, voluntas *conditionata*, & *consequens* dici

dici debet, quippe ex præuisa voluntate, arbitrioque tuo pendens; quod Theologi nostri aliis terminis voluntatem intentivam, & executivam appellant,

Si tu verò solam illam vnicamque voluntatem de se efficacem in Deo dici velis, quæ effectum consequitur; litem quidem de nomine mouebis, sed pessimè confusione terminorum rebus ipsis confules, confusis enim terminis, confundi quoque rem ipsam oportet; ut si equo nomen Aquilæ; aut Romæ nomen Memphis imponas, nemo non inferet; ergo equum alas habere, & Romam Nilo rigari. Voluntas ergo de se efficax illa dicitur, quâ quis rem aliquam tam serid, impenseque intendit; ut illi consequendæ validissima media, omnesque officii sui partes impendat, seu deinde effectus sequatur, seu non sequatur; postquam enim omnes suas partes aliquis explevit, nec tamen effectum obtinuit, id non voluntati, non ignauix cupientis, sed casui, alteriue impedimento imputari, adscribi que debet. Ita in Deo res se habet: Si enim eius saluandi omnes voluntatem consideres, tam illa impensa, & eximia est; ut iure jurando protestetur, *Se nolle mortem peccatoris, sed ut convertatur, & vivat*: Si efficaciam, & abundantiam mediorum spectes, tanta est; ut etiam proprio filio non pepercerit, sed pro omnibus tradiderit illum, & cum illo omnia nobis donaverit: Si denique examines, an omnes numeros, omnesque partes Salvatoris, & Redemptoris expleverit, id tam plenè, copioseque peractum; ut nihil exigere amplius possis, *quid enim, inquit, debui facere vineæ meæ, & non feci?* Quæ cum ita se habeant, amabde te, quid voluntati divinæ deest, ut quantum ex se est, efficacissima appellari non debeat? *At effectus cessauit*. Esto; sed efficacia causæ quantum est de se, non ex effectu, sed ex conatu, votoque censetur, ut videlicet adeo velis, ut nihil eorum omittas, quæ fieri debent: quod si non esset, omnia serè vitæ Christianæ fundamenta corruerent.

Altera voluntas est hypothetica, & conditionata, quâ Deus peccatores punire constituit, si gratiis à se copiosissimè oblati uti nolint, iisque in finem, usque pertinacissimè oblucentur. Hæc voluntas, ut monui, conditionata est, quia supponit insuperabilem peccatorum contumaciam, ac finalem impœnitentiam. Et hanc vocamus voluntatem consequentem, seu voluntatem Iustitiæ, quia non immediatè, motive proprio à Deo proficiscitur, sed ex Peccatorum protervia, oblatam veniam obstinatissimè recusantium.

Potest utraq; hæc in Deo voluntas exemplo clementissimi

Prin-

Principis ostendi. Is cum plures filios habeat, omnes magno amore complectitur, omnes paternæ hereditati destinat, & ideo cum civilibus, tum bellicis artibus per versatissimos magistros imbui curat; omnes denique regio cibo, regio cultu, ac famulatu exornat, & siquem morbo affligi contingat, vitæque periclitari; dolet, timet, præmia medentibus spondet, non curis, non expensis parcit, nihilque non agit, ut laborantem restituat. Quod si eorum aliquem audiat, defectionem parasse, sibi que bellum, ac mortem moliri, ac patriam igne, ferro vastare; non ideo primum in filium rebellem amorem ponit, nec continuè propositum mutat, eum honoribus augendi; sed per Legatos, per epistolas, minis, præmiisque, ac reluctante in armis aggreditur, victumque veniã, & amplexu donat. Si verò intelligat, nec cblatam veniam ab eo recipi, nec armis abfistere, sed toti Regno perniciem meditari, nullisque rationibus à se, patriaque perdenda compesci posse; tunc enim verò mutato consilio, publicæque quietis causã pertinacem vinciri, ac perpetuã custodiã claudi iubet; quod nisi faciat, nemo non dicat, Principis partibus defuisse, nec clementem in filium, sed ignavum in Patriam appellet. Ita prorsus in Deo; nisi quod quæ in hominibus pluribus consiliis, & propositis, ac per intervalla fiunt; in Deo unum consilium, unum propositum, unumque momentum est; sed quod infinitate, ac eminentiã perfectionis omnia illa complectitur, quæ modò in Principe diximus. Nam quia anima hominis una, eademque est, non ideo minùs vegetat, & sentit, quàm aliæ, innumeræque plantarum, brutorumque animæ. Et quia æternitas unicum instans est; non ideo minus spatii, minùsque temporis occupat, quàm innumeræ annorum, ac sæculorum myriades. Et ut Plinius notat, Panchios gemma, licet vna sit, non ideo tamen non *ex omnium aliarum gemmarum coloribus constat*: Sic in Deo, non ideo, quia ejus voluntas una, eademque est, non omnes illas Amoris, clementiæ, justitiæque partes complectitur, quas suprà recensuimus. Et quamvis nulla sit in Deo, quippe inmutabili, successio cogitationum, ut modò istud, modò remutata, aliud velit; est tamen ordo, & connexio Decretorum, cum & ista sit maxima perfectio confusio opposita: sicut enim, quia Deus est substantia immaterialis, ideo cognoscit: & quia cognoscit, ideo amat; & quia amat, ideo providet: ita quia est infinite bonus; ideo vult omnibus à se conditis bene; & quia bene vult, vult neminem perire; & quia neminem vult perire, nulli copiosissima ad hunc

finem

finem media negat; & quia tandem videt, nolle aliquos oblati mediis proficere, nullumque delinquendi finem facere; ideo vult punire, ne Justitiæ suæ desit. In quibus omnibus non alternatio, & vicissitudo cogitationum est, sed ut dixi, ordo & connexio, qualis esse in natura simplicissima potest. Vult ergo Deus, quippe omnium Pater, omnes homines salvos esse, vult Regno potiri, vult hæredes scribi, idque amore non qualicumque, sed paterno, hoc est, omnium maximo, ac sincerissimo. Et si qui rebelles evadant, non ideo propositum, & amorem mutat: monet, rogat, invitat, terret, minatur, prosperis, adversis urget, veniam, pacemque offert. Et ecce tibi voluntatem Dei *antecedentem*, seu *propositum amoris*, omnes salvare festinantis: Si verò nihil ista proficiant, peccatore omnem veniam, omnemque gratiam respuente; tunc enim verò succedit *voluntas consequens*, ac propositum *Justitiæ*, quo, ne officio Judicis desit, neque impunitate delicti licentiam delinquendi foveat; rebellem ad poenam, & supplicium vocat, semper tamen affectu, & charitate Patris nunquam in Filii poena, etiam criminosi lætantis. Ea ferè ratione, quàm videmus, preciosissimas, & charissimas merces naufragii metu à Domino, & mercatore jactari, invito tamen, & ad singulos jactus plorante. Sic Deus amat, etiam cum perdit, perdit tamen, ne justitiæ naufragium faciat. Hinc illæ voces: *Heu consolabor super inimicis meis* Isaia 1. v. 74. *Jerusalem, Jerusalem, quoties volui congregare filios tuos, & noluisti? Nunc ergo relinquetur Dominus vestra deserta.* Matth. 23. Vides hæc deferentem, & tamen plorantem; jactat, & gemit; sed hoc amoris, illud Justitiæ debet; periret justitia, nisi plecteretur culpa.

Observandum deinde est, posse causam aliquam esse, dicique efficacem, quamvis effectus non sequatur; si videlicet cessatio, & suspensio effectus non ex defectu virtutis in causa, sed aliunde proveniat. Illa enim dicitur causa efficax, quæ omnem, & necessariam virtutem ad ponendum effectum habet: Nemo enim negaverit, solem causam efficacem illuminationis esse, quia nihil ei ad illuminandum, & ætrem, & terram deest, ipsosque factio omnia illuminat, nisi nubem, aut velum, aliudve impedimentum opponas, quæle opponunt, qui lucenti, & mille radiis ad illuminandum conanti oculos studiosè claudunt; tunc enim cessabit quidem illuminatio, non tamen solis, sed solem impediens culpâ. Aliud ergo est causa efficax, aliud effectrix; ista, quam effectus consequitur; illa quæ omnem

omnem necessariam virtutem ad consequendum effectum habet, nisi aliunde impediatur. Idem de gratia dicas. Alia effeatrix est, quæ voluntatem expugnat; alia efficax, quæ virtutem expugnandi habet, quæque ipso facto voluntates omnium expugnat, quot quot impedimentum nullum ponunt; unde quod una, eademque gratia alium flectat, alium non flectat, non gratiæ, sed voluntatis culpa est: sciendum enim, hanc esse libertatis creatæ naturam, ut quamcunque etiam efficacissimam gratiam possit eludere, cassamque reddere; quod si potest, quid mirum est, si aliquando agat? Sicut enim nulla gratia est, quæ tollat libertatem; ita nulla est, quæ tollat potentiam resistendi; quid ergo novi, absurdi que, imò quid non rationi, & experientiæ consentaneum, resistere aliquando illam, quæ semper potest resistere, juxta illud Act. 7. *Vos semper Spiritui Sancto resistitis?* Non quod major sit in voluntate virtus resistendi, quam in Deo potentia superandi; sed quod Deus nolit potentiâ, sed gratiâ uti, hoc est, non cogere liberam, sed invitare, ac more nobilis, castique amatoris petere consensum, non rapere. Re igitur sic explicata, à sacris litteris initium ducamus.

II. Primò igitur Beatus Apostolus 1. ad Timoth. 2, ita loquitur: *Obsecro primum omnium fieri obsecrationes pro omnibus, ut in omni pietate, & honestate vitam geramus; hoc enim bonum, & acceptum est coram Salvatore nostro Deo, qui omnes homines vult saluos fieri, & ad cognitionem veritatis venire; unus enim Deus, unus & Mediator Dei, & hominum Christus JESVS, dans semetipsum redemptionem pro omnibus.* Vides in hac sententia, non semel tantum, sed sæpius, ac repetitis vicibus, Deum omnium salutem velle. Dicit enim Apostolus: *Pro omnibus* orandum esse: Christum *pro omnibus* redimendis sanguinem fudisse: *pro omnibus* curare, ut salvi fiant: *Pro omnibus*, ut ad veram, & Christianam Fidem perveniant. Ubi simul adverte, non de justis tantum, & qui re ipsa salvantur; verum etiam de iis loqui, qui peccatores, & infideles sunt; nam & pro istis orandum est, & de istis præferim scribit Deum velle, ut omnes ab infidelitate ad veram fidem convertantur. Cum ergo Apostolus de omnibus loquatur, nullumque excludat; cur tu excipias, quos ille non excipit; excludas, quos ille non excludit, sinumque Divinæ Misericordiæ ad paucos constringas, quem ille ad omnes dilatat? Paulus dicit *omnes*: tu dicis, paucos: cui magis credam? Apostolo, an tibi? Nec tantum id asserit Apostolus, sed etiam duplici ratione probat: quia

unus est Deus, unus est Mediator: quasi dicat: Si plures essent Dii, pluresque Mediatores; credere aliquis posset, non omnes omnino homines Deo, & Mediatori nostro cordi esse: sicut quia non unus, sed plures in Mundo Principes sunt, quilibet suis, non alienis subditis providet; Rex videlicet Hispaniæ Hispanis, non Gallis: Rex Galliæ, Gallis, non Germanis, aut Indis. Quod si unus omnium mortaliū, idemque Imperator esset, ut olim Romæ; ad illum non unius modò, aut alterius Nationis cura pertineret. Ita cum Deus sit omnium Dominus, omnium Mediator; non potest non omnibus, quantum ex se est, vitam, & felicitatem velle, alioquin partibus suis deesset, sicut deesset Medicus, qui cum decem ægrotorum curam suscepisset, non omnibus, sed tribus tantum sanitatem efficaciter cuperet; & Aduocatus, cui cum ex officio octo clientum causæ, & quidem capitales commissæ essent; duos tantum tueretur, reliquis aut neglectis, aut non serio, obiterque defensis. Ergo qui omnium Deus & Mediator est, aut oportet officio suo desit, aut omnium salutem, & vitam efficaciter velit. Altera Apostoli ratio est, quia Christus est omnium Redemptor, quam paulò post accuratius examinabimus.

Ezechielis 33. v. 2. ita loquitur Deus: *Et tu fili hominis dic ad eos: Vivo ego dicit Dominus Deus, nolo mortem impii, sed ut convertatur impius à via sua, & viuat*. Si Deus ne peccatoris quidem mortem, & supplicium vult, cuius ergo hominis volet? nam si aliquis dignus sit, quem Deus perire velit, is planè peccator erit: Si ergo nec peccatorem perire vult, nec justum; sequitur, ut neminem velit. Peccatum est infinita Dei offensæ, quippe infinitæ Majestati facta; & ideo non unam tantum mortem, unumque infernum, sed mille, & innumeros meretur: Si ergo ne infinita quidem injuriâ provocari divina voluntas potest, ut mortem, & excidium peccatori velit; sequitur, ejus in peccatores, adeoque in omnes mortales amorem inextinguibilem, insuperabilem esse; sicut insuperabile incendium esset, quod nullis aquis, ne totius quidem maris extingui posset. Ubi etiam observa, patheticam illam, plenamque tenerissimi amoris in Deo loquendi formulam: *Dic ad eos: vivo ego, dicit Dominus &c.* Ubi vides, Deum non velle tantum impii salutem; verum etiam id palam profiteri, suumque propositum solenni juramento firmare, ac per Prophetam peccatoribus insinuaturn velle. Quid amabò! est efficaciter velle, si id non est, quod Princeps aliquis & juramento, & publicis tabulis, & misso insuper Legato palam

lām testatur? Planè qui aliter sentiunt, nescio, an ex Deo vero, Deum Mimicum, & scenicum faciant, quales sunt, qui ludi, & animi causâ gestu, habitu, comitatu Reges in theatro se fingunt, cùm tamen nihil minus, quàm Reges sint. Sed abint hæc ludibria à veracissima illa Majestate, quæ nullam causam fingendi habet. Egre-
giè huc servit & illa Ecclesiastici sententia c. 15, v. 2. *Non dixeris per Deum abest: quæ enim odit, ne feceris . . . nec enim necessarii sunt ei homines impii*. Atqui si Deus voluntate antecedente, & quantum est ex se, non vult aliquos salvari; planè per eum abest, ne tot millia reproborum salutem consequantur, tam enim consequi eam non possunt, Deo nolente, quàm non potest imago in nuda tabula pingi, nolente Pictore. Nec mihi gratias sufficientes, occultas inspiratio-
nes, & alia salutis instrumenta opponas, quæ reprobis dantur; tam enim nihil possunt ad salutem consequendam omnia illa nolente Deo, quàm nihil possunt ad opus faciendum omnia instrumenta cessante artifice. Abest ergo per Deum, si velit quidem te ex fidelibus nasci, Baptismo tingi, veram Fidem doceri, sed nolit saluum esse, sicut per Fabrum abesset, ne domus strueretur, si vellet quidem ligna cæ-
di, saxa conduci, machinas parari, sed nollet domum surgere. Ne-
que dicas, Deum voluntate antecedente, motuque proprio tam mul-
tos Regno excludere, ut Justiciam suam ostendat, nam ad hoc quo-
que respondet Ecclesiasticus: *Non sunt Deo necessarii homines impii*, non sunt necessarii Justitiæ, non sunt necessarii potentia, perinde ac si Deo non millia alia Justitiæ sũt declarandæ argumenta supersint, citra tot animarum strages, ac æterna supplicia; perire enim necesse est, si nolit salvare. Deinde officium Justitiæ ad voluntatem non an-
tecedentem, sed consequentem pertinet, cùm delictum supponat. Postquàm enim peccator divinæ voluntati obluſtari pergit, nec ced-
dit vocanti misericordiæ, Deus hoc ipsum peccanti malum in ma-
gnum bonum convertit, more præstantis Medici, remedium ex vene-
no parantis; ut in Pharaone monstratum est; sed cùm id totum cul-
pam, & impœnitentiam supponat; nihil ad eam voluntatem prima-
riam, ingentiam, & antecedentem facit, de qua nobis Disputatio.

Sed omnium clarissimè Christus ipse apud Mathæum cap. 18. ubi cùm proposuisset parabolam Pastoris, qui nonaginta novem ovi-
bus relictis, unicam, quæ erraverat, quæſivit, invenit, succollavit,
magisquæ de illa una, quam perditam repererat, quàm de nonaginta
novem aliis nunquam perditis, gavisus fuerat; subjunxit: *Sic non*

est voluntas ante Patrem vestrum, qui in Cælis est, ut pereat unus. Sicut ergo Pastoris, non Mercenarii est, ne unam quidem de ovibus suis, etiam minimis perditam velle; ita Redemptoris nostri nullam de animabus à se conditis damnatam velle; nisi forsan major pastori cura de ovibus, quàm Redemptori de Animabus sit; magisque pastor errantem ovem, quàm Deus errantem animam diligit. Si ergo ne unum quidem vult Deus perire, ergo vult omnes non perire, hoc est, salvos esse. Sicut Judex, qui ex mille reis nollet vel unicum supplicio affici; vellet hoc ipso omnes vivere, veniàque donari. Ubi simul observa efficacissimam, & enixissimam esse hanc de nulla ove perenda boni Pastoris voluntatem. Si enim non efficaciter vellet, cur peregrè proficiscitur? cur ubique terrarum quærit? cur laborat? cur sudat? cur inventam amplexu stringit? cur humeris imponit? cur viciniam plausu, & tripudiis implet? planè aut nulla voluntas, aut ista efficax dici debet.

Huc quoque efficaciter illa verba Sapientis faciunt cap. 6. v. 8. *Pusillum & magnum ipse fecit, & æqualis est illi cura de omnibus.* Hic Sapiens ex ea ratione, quòd Deus omnium hominum Creator sit, optimè colligit; ergo omnium æqualiter curam habere. Non ita quidem, quòd non unū Creator plùs alio diligit, id enim & in naturalibus, & supernaturalibus rebus clarissimè apparet; cùm enim amare sit bonum velle, quantò plùs boni uni, quàm alteri confert, tantò Deus magis unum, quàm alium diligit; sed quòd nullum deserat, nullumque, quantùm ex se est, abiiciat, velitque perire. In quo eadem omnium creaturarum, & æqualis conditio est. Quòd etiam spectant illa Apostoli verba ad Roman. 10. & ad Coloss. 3. *Non enim est distinctio Judæi & Græci; nam idem Dominus omnium. . . . Induite novum hominem secundum imaginem ejus, qui creavit illum, ubi non est Gentilis, & Judæus, Barbarus, & Scythæ, Servus, & liber.* Si ergo neminem deserit, cujus Dominus, & Creator est; Sequitur, ne in illa quidem Prædestinationis causa, quæ omnium maxima est, & ex qua reliqua omnia pendent, nullum omnino deseruisse, nullumque ab efficaci salvandi proposito exclusisse. Si enim tam multos, imò longè plurimos exclusisset; non ergo omnes curavit. Quis enim dicat, curasse, quos in illa causa omnium præcipua, & infiniti momenti neglexit, exclusit, abiecit? Planè tam non est hoc curare, quàm pater non posset dici, curasse filium, quem nihil mali adhuc meritum domo, & hæreditate paterna spoliasset, aut
in

in flumen casurum tenere noluisse. Et tamen id omnino est, quod facit Deus, si arbitrio suo, nullaque prævīsā culpā tam multos adulatorum salvare noluit; unde necessariū secutum, ut perirent: jam enim suprà monui, idem in adultis esse non salvari, quod perire, cū medium non detur in præsenti serie præcedentiæ supernaturalis, & ideo si unum non est, sequitur necessariū, aliud esse; sicut quia inter vivere, & mori medium non datur, si Deus nolit aliquid vivere, sequitur necessariū, esse moriturum. Rursus, si verum est, quod dicit Apostolus, nullam apud Deum (quantū videlicet ad salvandi propositum) distinctionem esse Judei & Græci, Barbari & Scythæ, *quia est Dominus omnium*, & quia omnes ad imaginem suam condidit; sequitur ex eadem ratione, & priusquā culpa aliqua inter reprobos, electosque distinguat; nullam quoque apud Deum inter reprobos, & electos, inter Paulum, & Judam distinctionem fuisse: sicque omnibus æqualiter salutem optasse. Si enim ideo non distinguit Deus, inter Judæum, & Græcum, inter Barbarum, & Scytham; quia non minùs Græci, quā Judæi; nec minùs Barbari, quā Scythæ Dominus est; ergo nec in illo Prædestinationis negotio, quantū in se est, inter Cain, & Abel, inter Paulum, & Judam distinguit Deus, sed omnibus æqualiter salutem voluit, quia non minùs Caini, quā Abelis, nec minùs Judæ, quā Pauli Dominus, & Creator est; nec minùs unus, quā alter ad ejus imaginem conditus, imò & redemptus. Quantū ergo ex parte Dei est, non est Barbarus, non est Scythæ, non est reprobus, non est damnatus; sed omnes filij, omnes dilecti, omnes chari, solā culpā inter malos, bonosque, inter Electos, reiectosque distinguente: Sicut enim apud homines non potest filius citra culpam, & in ultimis Tabulis à Patre omitti; aut si omittat, querelam Testamenti inofficiosi filius opponet; ita multoque fortius apud Deum, ubi longè magis, quā in humanis Tribunalibus leges amoris, humanitatis, & clementiæ valent. Hæc ipsa Augustini sententia fuit, cujus perpetua ferè & constans doctrina est; non dari electionem unius præ alio, ubi non sit distantia meritorum, sic enim in Psalm. 45. scribit *Quid est Deus in medio ejus? hoc significat, quod æquus est omnibus Deus, & personas non accipit. Quomodo enim illud, quod in medio est, paria habet spatia ad omnes fines; ita Deus medius esse dicitur, æqualiter omnibus consulens.* Quod intellige de voluntate Dei, quantū ex se est, omnes salvandi; non verò de æqualitate meritorum

rum, aut gloriæ: Constat enim, hæc alia, & alia esse, nec minori, quàm in ordine naturali varietate. Qua in re idem dicere liceat, quod olim Hannibali Carthaginensi: Is enim, cùm militem omnium Nationum in Romanos duceret, ut omnes quoque spe præmii ad pugnam, & victoriam accenderet, his verbis teste Plutarcho utebatur: *Carthaginensis mihi erit, quicumq; hostem prostraverit.* Ita Deus mortalibus: *Prædestinatus mihi erit quicumq; peccatum vicerit.* Idemq; Augustinus in expositione quarundam Propositionum ex Epistola ad Roman. cap. 60. scribit: *Quid ergo elegit Deus? Si enim nullo merito; non est electio, æquales enim omnes sunt ante meritum, nec potest in rebus omnibus æqualibus electio nominari.* Et lib. 1. ad Simplicianum q. 2. *Unde igitur ista electio, vel qualis electio, si nondum natis, nondumq; aliquid operatis, nulla sunt momenta meritum? Et infra: Nemo eligitur, nisi iam distans ab illo, qui reicitur. Unde, quod dictum est: elegit nos Deus ante Mundi constitutionem, non video, quomodo sit dictum, nisi ex præscientia.* Ergo ex hoc Augustini principio, si voluntatem Dei antecedentem consideres, sicut in illa omnes pares sunt, omnes creaturæ, omnes imagines, omnes filii, ita quoque nulla illuc Pauli, nulla Judæ distinctio, nulla unius præ alio electio; (*non est, inquit, electio, ubi non est distinctio meritum*) sed quantum ex parte Dei est, omnes dilecti, omnes ad vitam æternam, aut aliquid, quod ipsa vitæ æternæ melius sit (ut de Infantibus Baptismo non tinctis postea dicemus) destinati. Si verò voluntatem Dei consequentem, & executricem attendas, hoc est, illam, quæ præscientiam meriti, aut demeriti consequitur, jam incipit in communi illa, parique massa distinctio Pauli, & Judæ esse. Ideo enim Paulus præ Juda electus, quia Paulus vocationi consensurus, Judas dissensurus prævidetur, sicque unus præmio, alter supplicio dignus. Quam rationem elegantissimè quoque S. Ambrosius advertit lib. 1. offic. cap. 13. *Quis operator, inquit, negligat operis sui curam? quis deserat, & destituat, quod ipse condendum putavit? nam aliquid non fecisse, nulla iniuria fuit, sed non curare, quod feceris, summa inclementia.* Neque dicas, omnes à Deo curari, quia omnibus mediæ ad salutem procurat; quomodo enim dici possint procurari mediæ ad salutem, nolenti salutem? Planè tam impossibile est homini salutem adipisci, Deo nolente; quàm impossibile est trunco, statuam fieri, nolente Sculptore. Lusus ergo erit, quidquid tu dicis, Deum pro salute omnium agere, si non vult omnes salvare, sicut lusus & pom-

pompa fallentis Tyberii erat, cum currus, commeatus, hospitia, supplicationes, omnia ad iter Romam pararet, sed nollet proficisci. Cætera, quæ de causa infantum, de Esau & Jacobo in contrarium opponi possent, postea refutabimus. Verum quidem est, S. Augustinum alibi sæpè aliam electionem admittere, quæ non invenit eligendum, sed facit: ut videre est c. 7. de Corrept. & Grat. c. 13. de Prædest. San. Hor. l. 5. contra Julian. c. 3. Sed ibi loquitur de assumptione, & vocatione ad gratiam supponente iam electionem ad Gloriam, & consequenter aliquam distinctionem. Certum enim est, S. Augustinum cum aliqua in suis libris retractasset, numquam retractasse, quæ in libris ad Simplicianum de gratia docuerat; imò vehementer ea commendasse, eoque Semipelagianos remisisse l. 1. de Prædest. SS. c. 4.

III. Nec minùs hanc in rem faciunt illæ sententiæ, quibus Sacræ Litteræ clarissimis verbis docent, Christum pro omnibus mortuum esse; quales sunt ad Rom. 8. *Qui proprio Filio suo non pepercit, sed pro omnibus tradidit illum.* Et 2. ad Corinth. 5. *Si unus pro omnibus mortuus est Christus, ut qui vivunt, non sibi vivant; sed illi, qui pro omnibus mortuus est.* Et 1. ad Timoth. 4. *Qui est Salvator omnium hominum, maxime Fidelium.* Et Epist. 1. ad Corinth. c. 8. *Peribit infirmus in tua scientia, pro quo mortuus est Christus?* Ubi Apostolus apertissimè supponit, Christum etiam pro perituris, hoc est, pro Reprobis mortuum esse. Et 1. Joan. 2. *Ipse est propitiatio pro peccatis nostris; non pro nostris autem tantum, sed etiam pro totius mundi.* Cum ergo Sacræ Scripturæ toties, ac tam enixis verbis, Christum pro omnibus mortuum esse testentur; nullibi verò, & nunquam pro aliquibus tantum; planè temerarius sit, qui id dicat, quod Scriptura non dicit; id verò non dicat, quod Scriptura tam clarè, ac toties dicit. Si quis Princeps moriturus ultimis Tabulis disponat, ut ex regio, immensoque thesauro, quem heredi relinquit, omnes totius Regni captivi redimantur, qui triremibus, & servituti addicti sunt; hæres verò non de singulis generum, sed de generibus singulorum; hoc est, non de omnibus, sed de paucis tantum id intelligi vellet; quis non infidelem, prævaricatorem, hostemque paternæ voluntatis diceret? At quantò id iustius dicendum de illis erit, qui contra clarissimam Scripturæ sententiam Christi Redemptionem angustissimam faciunt, ejusque infinitum in homines amorem brevissimis terminis cøpercent, sicque rivum ex pelago faciunt?

IV. Nec alia totius Ecclesiæ, sanctorumque Patrum sententia fuit, quos magno numero proferre in medium liceret, nisi superfluos testes, & importunos crederem in causa tam manifesta: præsertim cum nemo apertius, quam Scripturæ loquantur, unde quibus istæ non sufficiunt, nihil aliud supersit, quo persuaderi possint. Unum ergo tantum, alterumque producam, explicandi potius, quam convincendi causâ. Primus sit S. Prosper Episcopus Regiensis, quo nemo pulchrius, ac eloquentius de gratia scripsit, nemo Augustini mentem melius & intellexit, & exposuit. Sic ergo variis locis loquitur: *Sincerissimè credendum, atq; profitendum est, Deum velle, ut omnes salvi fiant: siquidem Apostolus, cujus ista sententia est; absolutissimè præcipit, quod in omnibus Ecclesiis piissimè custoditur, ut Deo pro omnibus supplicetur. . . . Qui ergo dicit, quòd Deus non vult omnes homines salvos fieri, sed certum numerum Prædestinatorum, is durius loquitur, quàm loquendum est de altitudine inscrutabilis gratiæ Dei, qui omnes vult salvos fieri, atq; ad agnitionem veritatis venire, . . . Sive igitur novissima contemplemur secula, seu proxima, seu media, rationabiliter & piè creditur, omnes homines salvos fieri Deum velle, semperque voluisse. . . . & ideo manifestum est, quòd diversis atq; innumeris modis omnes ad se invitet; sed qui veniunt, Dei auxilio diriguntur; qui non veniunt, suâ pertinaciâ reluctantur. . . . Nulla ergo dubitandi ratio est, JESUM Christum Dominum nostrum pro impiis, & peccatoribus mortuum esse, aquorum numero, si aliquis liber inventus est, non est pro omnibus mortuus Christus; sed prorsus pro omnibus mortuus est. (a)*

S. Leo: Pro omnibus impiis mortuo Domino, etiam Judas in eo potuisset consequi remedium, si non festinasset ad laqueum. . . . Dominus enim noster peccati, mortisq; destructor, sicut nullum à reatu liberum reperit, ita liberandis omnibus venit. (b)

S. Ambrosius: Mysticus ille Sol Justitiæ omnibus ortus est, omnibus passus est, omnibus venit, & omnibus resurrexit. (c)

S. Augustinus: Judicabit orbem terra in æquitate, & populos in veritate sua. Quæ est æquitas, & veritas? Congregabit secum electos ad iudicium; ceteros autem separabit ab invicem; positurus enim est
alios

(a) Floruit A. 460. In Resp. ad 2. Vincent. Object. & in Resp. ad Object. Gall. sentent. 8. Et lib. 2. cap. 16. & cap. 25. de Vocat. Gent.

(b) A. 461. serm. 11. de Pass. & Serm. 1. de Nativit.

(c) A. 397. in Psalm. 118. v. 64.

alios ad dexteram, alios ad sinistram; non ergo partem judicabit, quia non partem emit; totum judicare habet, quia pro toto sanguinem dedit. Et alibi Christum Dominum ita Reprobos alloquentem inducit: Videte vulnera, quæ infixistis; agnoscite latus, quod papugistis, quod & per vos, & propter vos apertum est, nec tamen intrare voluistis. (a) Et lib. de Spir. & litera cap. 33. interrogat: Cur voluntas credendi, si donum Dei est, non omnibus detur? Et respondet: vult quidem Deus omnes homines salvos fieri, non sic tamen ut eis adimat liberum arbitrium, quo vel bene, vel male utentes iustissimi judicentur; quod cum fit, infideles contra voluntatem Dei faciunt, cum ejus Evangelio non credunt. Sed de Augustini mente circa hujus sententiæ expositionem pluribus postea.

Concilium Tridentinum: Et si Christus pro omnibus mortuus est, non omnes tamen beneficium ejus mortis accipiunt. (b)

Ipsa denique Ecclesia mentem suam quotannis de hac re publice protestetur, cum Deum ita rogat: Omnipotens sempiterne Deus, qui salvas omnes, & neminem vis perire, respice ad animas diabolica fraude deceptas, ut omni hæretica pravitate deposita, errantium corda resipiscant, & ad veræ fidei redeant unitatem.

Ex his omnibus palàm est, nullum omnino hominem esse, pro quo Christus passus non sit, & consequenter quem nolit efficaciter quantum est de se, salvum esse; quæ enim de se efficacior voluntas, quàm cum aliquid ita optas, ut pro eo consequendo etiam sanguinem, ac vitam impendas? Planè ipso Salvatore teste, majorem charitatem nemo habet, quàm, ut animam suam ponat quis pro amicis suis. Aut quid existimari potest, Deum non esse daturum, postquam Unigenitum dedit, cujus vita longè pluris, quàm millies mille Paradisi valet. Nolit ergo Paradisum dare, qui voluit Filium? hoc est, negabit obolum, cui donavit thesaurum? Quæ argumentatio non nostra, sed Apostoli est dicentis: Qui etiam pro nobis Filium suum Unigenitum dedit, quomodo ergo non cum illo omnia nobis donavit? Quasi dicat Apostoles: noli timere, ne qui majus voluit, non velit & minus: negare nihil potest, postquam Filium dedit. Quid est Cælum ad Filium, nisi thronus ad Imperatorem? qui ergo ut regnaret, non pepercit Imperatori; quomodo ne pereas, non parceret throno? Si Medicus sanguinem suum omnibus venis profudisset sanando

C

ægro-

(a) *A. 520. in Psalm. 95. & lib. 2. de Symbolo ad Cathecum.*

(b) *Concilium Trident. Sess. 6. cap. 3.*

ægroto; quis dubitet, non eum seridè, efficaciterque ægroti sanitatem cupere, nihilque de aliis pharmacis omittendum, opportunis quidem, sed multò minoris pretii, nulliusque Medico damni? Hoc argumentum eleganter inculcat S. Augustinus in Psalm. 148. *Tales arrhas accepimus, tenemus mortem Christi, tenemus Sanguinem Christi.* Erigat ergo se humana fragilitas, non desperet, non se collidat, non se avertat, non dicat, non ero beatus. *Quid enim tibi promissit Deus à homo mortalis? Quòd victurus es in æternum. Non credis? crede, crede: plus est jam, quod fecit, quàm quòd promissit. Quid fecit? mortuus est pro te. Quid promissit? quòd vives cum illo. Incredible est, quòd mortuus sit æternus, quàm quòd in æternum vivat mortalis. Jam quòd incredibile est, tenemus. Si propter homines mortuus est Deus, non est victurus homo cum Deo? Planè hæc tam clara sunt, tamque omnibus manifesta, ut & Lectoris, & causæ ipsius injuria sit, diutius immorari, perinde ac si clarè videntibus persuadere multis rationibus velis, nivem candidam esse, solemque interdum lucere.*

V. Quòd si nihil Scriptura, nihil Patres de hoc Dei omnes homines salvandi proposito loquerentur; id ipsum apertissima ratio convinceret, & cui nemo nisi expertus rationis repugnare possit.

Ubi tamen priùs observa, ut notavimus sub initio, duas in Deo esse voluntates, *antecedentem* unam, alteram *Consequentem*. Non quòd in diuina natura numerum, & multitudinem perfectionum admittamus; sed quia quæ in Deo unum sunt, ea ob eminentiam, & infinitatem suam pluribus, innumerisque perfectionibus creatis æquivalent; & ideo perinde quoad effectum se habeant, ac si plura essent; sicque à nobis per numerum, & in plurali explicantur, quamvis re ipsa sint res simplicissima. Ea serè ratione, quàm dicimus, nummum aureum trescorenos argenteos complecti, non numero, cum unicus sit, sed valore, & pretio. Ita, inquam, duæ sunt in Deo voluntates. Prima absoluta, efficax, independensque ab omni hominum merito, quæ Deus naturaliter, meroque Bonitatis suæ instinctu, atque, ut ita dicam, *motu proprio* vult omnium hominum salutem, æternamque felicitatem; & ideo eos creat, eos redimit, & accommodatissimis ad hunc finem mediis accingit, aliter tamen, aliterque iuxta infinitæ, ac ordinatissimæ sapientiæ suæ modum. Et hanc vocamus *voluntatem antecedentem*, seu *voluntatem amoris*, quia nullam aliam causam habet, quàm, ut dixi, naturalem Bonitatis suæ instinctum, motumque proprium.

Hæc

Hæc,inquam,voluntas,quantum ex parte Dei efficax,& absoluta est. *Efficax*, quia vi huius voluntatis movetur Deus ad media non tantum huic fini necessaria,& commoda; verum etiam abundantissima, & præstantissima hominibus applicanda, adeo ut ne Unigenito quidem, nec sanguini, vitæque parcat, quod nemo facit, nisi qui finem flagrantissimè, ac efficacissimè ex parte sua cupit. Absoluta verò hæc ipsa voluntas dicitur; quia licet Deus *exequi* hanc suam voluntatem nolit, nisi homine consensum suum præbente, cum saluare invitum nolit quiddam tamen creaverit, & quoddam ideo creaverit; ut æternam vitam adipisceretur; quodque in hunc finem nobilissimis, & validissimis mediis instruxerit; id totum gratis, totumque opus summi amoris, & bonitatis fuit, nihil homine ipso ad propositum, tam regię, spontanęque adoptionis conferente, nullaque ex ejus parte conditione expectata. Sicut si Princeps juvenem mendicum sola miseratione, & pietate commotus hæredem ultimis tabulis scribat, quam tamen hæreditatem ipso facto consequi non possit, nisi ex natura ipsius Testamenti adeat, acceptetque, in hac inquam, hypothesi voluntas mendicum instituendi, pura, absoluta, mereque gratuita est, nihil ad ipsam conferente Mendico, quippe omnium, quæ à Principe sunt, ignaro. Voluntas tamen eiusdem Principis, ut actu ipso hæreditate potiatur, conditionata est; quia non vult aliter obtineri, quam hærede adeunte, & acceptante. Ita in Deo, quod te voluerit condere, voluerit in filium, quantum est de se, adoptare, voluerit Regni cœlestis hæredem esse, in eumque finem mille, ac pretiosissimis te dotibus, & beneficiis exornaverit; meræ charitatis, & misericordiæ fuit, nihil te, tuisque meritis adiuvantibus. Voluntas verò, quâ decrevit, ne hoc ipsum Regnum obtineres, nisi velles, & merereris; quodque spoliare te illo voluerit, quia prævidit, te operari, & mereri nolle; hæc inquam, voluntas *conditionata*, & *consequens* dici debet, quippe ex prævisa voluntate, arbitrioque tuo pendens; quod Theologi nostri aliis terminis voluntatem intentivam, & executivam appellant.

Si tu verò solam illam, unicamque voluntatem de se efficacem in Deo dici velis, quæ effectum consequitur; litem quidem de nomine movebis, sed pessimè confusione terminorum rebus ipsis consules; confusis enim terminis, confundi quoque rem ipsam oportet; ut si equo nomen Aquilæ; aut Romæ nomen Memphis imponas, nemo non inferet; ergo equum alas habere, & Romam Nilo rigari. Vo-

luntas ergo de se efficax illa dicitur, quâ quis rem aliquam tam ferib, impensèque intendit; ut illi consequendæ validissima inedia, omnesque officii sui partes impendat, seu deinde effectus sequatur, seu non sequatur; postquam enim omnes suas partes aliquis explevit, ne tamen effectum obtinuit; id non voluntati, non ignaviæ cupientis; Sed casui, alterivè impedimento imputari, ad scribique debet. Ita in Deo res se habet: Si enim eius salvandi omnes voluntatem consideres; tam illa impensa, & eximia est, ut iurejurando protestetur, *se nolle mortem peccatoris, sed ut convertatur & vivat*. Si efficaciam & abundantiam mediocum spectes, tanta est, ut etiam *proprio Filio non pepercerit, sed pro omnibus tradiderit illum, & cum illo omnia nobis donaverit*. Si denique examines, an omnes numeros, omnesque partes Salvatoris, & Redemptoris expleverit; id tam plenè, copiosèque per actum; ut nihil exigere ampliùs possis: *quidenim, inquit, debui facere vinea mea, & non feci?* quæ cum ita se habeant, amabo te, quid voluntati divinæ deest, ut quantum ex se est, efficacissima appellari non debeat? *at effectus cessavit*. Esto; sed efficacia causæ, quantum est de se, non ex effectû, sed ex conatu, votoque censetur, ut videlicet aded velis; ut nihil eorum omittas, quæ fieri debent. Quod si non esset, omnia ferè vitæ Christianæ fundamenta corruerent.

Altera voluntas est hypothetica, & conditionata, quâ Deus peccatores punire constituit, si gratis à se copiosissimè oblati uti nolint, iisque in finem usque pertinacissimè oblucentur. Hæc voluntas, ut monui, conditionata est, quia supponit insuperabilem Peccatorum contumaciam, ac finalem impœnitentiam. Et hanc vocamus voluntatem *consequentem*, seu voluntatem *Iustitiæ*, quia non immediatè, motu proprio à Deo proficiscitur, sed ex Peccatorum protervia, oblatam veniam obstinatissimè recusantium.

Potest vtræque hæc in Deo voluntas exemplo clementissimi Principis ostendi. Is cum plures filios habeat, omnes magno amore complectitur, omnes paternæ hereditati destinat, & ideo cum civilibus, cum bellicis artibus per versatissimos Magistros imbui curat; omnes denique regio cibo, regio cultu, ac famulatu exornat; & si quem morbo affligi contingat, vitæque periclitari; dolet, timet, præmia medentibus spondet; non curis, non expensis parcat, nihilque non agit, ut laborantem restituat. Quod si eorum aliquem audiat, defensionem parasse, sibi que bellum, ac mortem moliri, ac patriam

igne,

igne, ferro vastare; non ideo primum in filium rebellem amore
ponit, nec continuè propositum mutat, eum honoribus augendi;
sed per Legatos, per epistolas, minis, præmiisq̃ue, ac reluctantem
armis aggreditur, victumq̃ue venià, & amplexu donat. Si verò in-
telligat nec oblatam veniam ab eo recipi, nec armis abstinere, sed
toti Regno perniciem meditari, nullisq̃ue rationibus à se, patriaq̃ue
perdenda compesci posse; tunc enim verò mutato consilio, publicæ-
q̃ue quietis causâ pertinacem vinciri, ac perpetuâ custodiâ claudi ju-
bet; quod nisi faciat, nemo non dicat Principis partibus defuisse,
nec clementem in filium, sed ignavum in patriam appellet. Ita pro-
fus in Deo; nisi quodd quæ in hominibus pluribus consiliis, & proposi-
tis, ac per intervalla fiunt; in Deo unum consilium, unum propositum,
unumq̃ue momentum est; sed quodd infinitate, ac eminentiâ perfectio-
nis omnia illa complectitur, quæ modò in Principe diximus. Nam
quia anima hominis vna, eademq̃ue est, non ideo minùs vegetat, & sen-
tit, quàm aliæ, innumeræq̃ue plantarum, brutorumq̃ue animæ. Et
quia æternitas unicum instans est; non ideo minùs spatii, minùsq̃ue
temporis occupat, quàm innumeræ annorum, ac sæculorum my-
riades. Et ut Plinius notat lib. 26. cap. 10. Panchios gemma,
licet una sit, non ideo tamen *non ex omnium aliarum gemmarum,
coloribus constat*. Sic in Deo, non ideo, quia eius voluntas una, ea-
demq̃ue est, non omnes illas amoris, clementiæ, iustitiæq̃; partes
complectitur, quas suprà recensuimus. Et quamvis nulla sit in Deo,
quippe inmutabili, successio cogitationum, ut modò istud, modò
re mutata aliud velit, est tamen ordo, & connexio Decretorum,
cùm & ista sit maxima perfectio confutioni opposita. Sicut enim,
quia Deus est substantia immaterialis, ideo cognoscit: & quia co-
gnoscit, ideo amat, & quia amat, ideo providet: Ita quia est infi-
nitè bonus, ideo vult omnibus à se conditis bene, & quia bene vult,
vult neminem perire, & quia neminem vult perire, nulli copiosissi-
ma ad hunc finem media negat, & quia tandem videt, nolle ali-
quos oblatiis mediis proficere, nullumq̃ue delinquendi finem facere;
ideo vult punire, ne iustitiæ suæ desit. In quibus omnibus non al-
ternatio, & vicissitudo cogitationum est, sed ut dixi, ordo, & connexio,
qualis esse in natura simplicissima potest. Vult ergo Deus, quippe
omnium Pater, omnes homines saluos esse, vult Regno potiri,
vult hæredes scribi, idq̃ue amore non qualicumq̃ue, sed paterno,
hoc est, omnium maximo, ac sincerissimo. Et si qui rebelles eva-
dant;

dant; non ideo propositum, & amorem mutat; monet, rogat, invitatur, terret, minatur, mittit; prosperis, adversis urget, veniam, pacemque offert. Etenim tibi voluntatem Dei autecedentem, seu propositum amoris, omnes saluare festinantis, Si verò nihil ista proficiant, peccatore omnem veniam, omnemque gratiam respuente; tunc enim verò succedit *voluntas consequens*, ac propositum Justitiæ, quo ne officio Judicis desit, neque impunitate delicti licentiam delinquendi foveat; rebellem ad pœnam, & supplicium vocat, semper tamen affectu, & charitate Patris, nunquam in filii pœna, etiam criminosi lætantis. Ea ferè ratione, quâ videmus pretiosissimas, & charissimas merces naufragii metu à Domino, & Mercatore jactari, invito tamen, & ad singulos jactus plorante; Sic Deus amat, etiam cum perdit; perdit tamen, ne Justitiæ naufragium faciat. Hinc illæ voces Isa. 1. vers. 24. Matth. 23. *Heu consolabor super inimicis meis! Ierusalem, Ierusalem, quoties, volui congregare filios tuos, & noluisti? Nunc ergo relinquetur domus vestra deserta.* Vides hîc deserentem, & tamen plorantem, jactat, & gemit; sed hoc amoris, illud Justitiæ debet; periret Justitia, nisi plecteretur culpa. Re igitur sic explicata, rationes modò audiamus, quibus hæc ipsa, & efficacissima omnes homines salvandi voluntas magis, magisque demonstrabitur. Nam

VI. *Primò.* Deus ex sua natura est infinita Bonitas, infinitus Amor; ergo quantum ex se est, omnibus bene vult, omnesque amat; & consequenter nullum perire vult; sicque si cui male sit, si quis pereat, id principio omnis mali adscribendum est, quod est peccatum, non principio omnis boni, quod est Deus. Quemadmodum quia sol ex natura sua lucidissimus est, ideo omnia luce, ac radiis implet, nihil verò tenebris, umbrisque aspergit, & ideo quidquid umbrarum existit, illud non in lucem, non in Solem, sed in corpus opacum luci oppositum referri debet; ita, inquam, Deus, quia infinitus amor est, omnes amat, & quia infinitum bonum est, omnibus bene vult; mala verò aliunde, quàm à bono derivantur. Imò, quod bene observandum est; non solum natura boni, & amoris est, ut se aliis quovis modo communicet; verum etiam ut formam adversam expugnet, deleatque repugnantem, sicque non utcumque, sed cum triumpho regnet, hostesque proligato. Quod præsertim locum habet in agente nobilissimo, hoc est, copiosissimè bono. Sic videmus, solem non tantum, ubicumque micuerit, lucem omnibus as-

fundere; verum etiam tenebras pellere, & quantum licet, in sui naturam convertere, ut in nube, in iride, in stellis, in auro, gemmisque cernere est, quæ omnia sunt aliqua ipsius Solis imitatio. Ignis quoque non solum calefacit, verum etiam frigore, geluque soluto omnia sibi similia efficit, & in alium ignem convertit. Quid si aliqua obsistant, nec agenti cedant, ut noctua Soli, adamas igni; non idem tamen negari potest, ignem, & Solem, quantum in ipsis est, conari, ut dotes, & perfectiones suas etiam resistentibus imprimant. Idem de Deo sentias. Cur enim hunc solum ab omnium agentium conditione excludas, ut cum omnis causa similitudinem sui affectet, ipse solus aut non velit, aut non possit, qui omnibus dedit, ut vellent, & possent? Vult ergo, quantum in se est, omnes bonos esse, quia ipse bonus est; vult omnes iustos esse, quia ipse iustus est: vult omnes felices, & beatos esse, quia ipse felix, & beatus est: & denique vult omnes sibi similes esse, quia id omnibus causis, ac præsertim præstantissimæ, & nobilissimæ ingenitum, & naturale est; nec ipsa Beatitudo (quæ est omnium operum Dei ultimus finis) aliud erit, quam perfectissima creaturæ cum Creatore similitudo, juxta illud Joannis: *Similes ei erimus, quia videbimus eum, sicuti est*. Majus ergo prodigium esset, Deum optimum, & felicissimum nolle, quantum in se est, aliquos felices esse, quam Solem sui exortu alicubi noctem efficere, ignem palæ adieci alicubi gelu, non flammæ excitare.

Hinc Stoicorum hallucinatio ostenditur, dicentium: Deum, cum nullius creaturæ indigeat, sibi que sufficiat; nulli quoque diligendæ obstringi, sed pro arbitrio, ut supremum in eas dominium ostendet, negligere, persequi, ac perdere eas posse, ut aucupes, & venatores cum feris, cum præda solent. Verum qui sic philosophantur, Tiberium aliquem, aut Neronem Dei nomine intelligunt, quibus nullum majus potentiæ, & majestatis argumentum videbatur, quam per strages, & supplicia in ciues grassari. Perinde ac si nulla alia Deo ratio super sit, potentiam, & dominatum suum in homines comprobandi, quam illos perdendo, Domitiani Cæsaris exemplo, muscas animi causâ aureo stylo figentis. At verò quam non est Imperatoris muscas persequi, tam non est Dei, homines perimere; quid enim aliud est homo ad Deum, quam musca ad Imperatorem? Nihil ergo ad potentiam Dei muscarum strages. Quid si talis esset Deus noster, qualem isti concipiunt, meritis opponi ei posset,

set, quod olim Arminius Germanico Cæsari, cum ingentibus copiis cinctus, uxorem abduxisset: *Egregium patrem! Magnum Imperatorem! Fortem exercitum! Quorum tot manus unam mulierculam abduxere.* (a) Non ergo potentiae argumentum est, perdere animas, sed servare; sicut nec præstantissimi artificis frangere crystallum, sed sculperé: nec eximii pictoris delere imaginem, sed pingere. Et ideo optimè dixit Sapiens: *Misereris omnium Domine, quia omnia potes.* Vides, ubi posuit potentiam? Non in vindicta, non in suppliciis, sed in venia, & in clementia. Imò, ut notat Aristoteles: lib. 2. Rhet. *Maximè ob imbecillitatem nascitur ira.* Et ideo mansuescere Leones, ac Elephantes videmus, nunquam tamen mures, & vespas. *Sunt leges,* inquit Ambrosius, lib. 5. Hexam. cap. 21. *Non scripta litteris, sed moribus impressæ, ut leniores ad puniendum sint, qui maxima potestate funguntur.* Et S. Hieronymus in Isaiam cap. 28. *Non est opus Domini perdere, quos creavit: & punire peccantes peregrinum, & alienum ab eo, qui Salvator est.* Nec minùs eleganter S. Augustinus Serm. 109. de Temp. *Qui nos tanto pretio redemit, non vult perire, quos emit, nec enim emit, quos perdat, sed emit, quos vivificet.* Falsissimum ergo est, ideo Deum salvari aliquos nolle, ut appareat, Dominum esse; cum potiùs dominii, & potentiae argumentum sit, parcere, & servare, cum pollis delere. At, inquit, *Deus nullius creatura indiget, & ideo non tenetur amare.* Imò quia non indiget, ideo amat; si enim amaret, quia indigeret, non is amor, sed quæstus, & paupertas esset. Tria ergo sunt, quæ Deum ad amandos homines provocant. *Primò*, infinita illius perfectio: Bonitatis enim proprietas est, se aliis quoque, utcumque capaces sint, communicare, more videlicet amnis, qui si modicus sit, intra ripas, & alveum fluit; si plenus, redundat, & omnia, quæ circumalluit, gramine, ac floribus vestit. Quàm ergo Deus non potest non bonus, ac optimus esse; tam non potest non homines amare. Necessitas ergo homines amandi, non in homine, sed in ipsa Dei natura principium, ac fontem habet, & ideo perpetua, & universalis est. Quam rationem S. Thomas 1. contra Gentes cap. 73. his verbis expressit: *Deus solus est maximè liberalis, quia non communicat, & tribuit, ut aliquid sibi accrescat, sed quia ipsam communicari est sibi conveniens, tanquam fonti Bonitatis.* Deinde cum homo sit opus & factura Dei, non potest Deus non amare, quod ipse fecit, alioquin in artificis con-

tem-

(a) Tacitus lib. 1. Annal.

temptum cederet odium operis; quantoque præstantius opus, ac maioris pretii; tantò major amandi illud, & conservandi cupiditas, tantoque si proicias, aut inter vilia reponas, major Auctoris injuria: quidquid enim contra tabulam, contra domum, contra statuam dixeris, id totum in pictorem, architedum, sculptoremque redundat. Hinc etiam tanta parentum in partus suos dilectio, & cura; nec hominibus tantum, sed brutis etiam, ac rebus inanimatis impressa: quanta in parandis nidis, ciboque pullis quærendo volucrum solertia? Pelicanus sanguine pascit: Aquila opposito corpore à telis venantium tuetur: Urssi, Leones, Tigrides in ferrum, & mortem ruunt, ut catulos servent. Amant etiam Dracones, & Basilisci, quæ genuerunt. Denique nihil tam barbarum, tam sævum, tam rationis, vitæque expers, quod non suorum amore tangatur. Deus ergo, qui hunc ipsum amandi impetum rebus omnibus impressit; ipse solus non amabit, quæ fecit? Ipse omnium artificum, omniumque parentum solus erit, qui operibus, qui filiis suis excidium malit, quam vitam? Eum solum & Dracones, & Basilisci amore superabunt? Planè indigna sunt ista, quæ de Deo omnium Opifice, omniumque parentum optimo vel cogitentur. Amat ergo, & flagrantissimè amat, quia Pater, quia Conditor, quia odium, & contemptus operis in ipsum Auctorem rediret; sicque quàm non potest se ipsum, tam non potest opera sua non amasse. Hanc rationem optimè Sapientis expressit: 11. vers. 25, & 27. *Diligis enim omnia, quæ sunt, & nihil odisti eorum, quæ fecisti; nec enim odians aliquid fecisti, aut constituiisti; parcis enim omnibus, quia tua sunt Domine, qui amas animas.* Vides hinc iterum, nihil excipi, nihil excludi, sed omnia diligis; diligere verò, quia Dei sunt opera. Et simul observa, hæc non de electis, sed de reprobis, Pharaone videlicet, ejusque infidelibus populis dicta esse. Si ergo diligit Deus omnes homines, ergo salvari vult omnes, nullumque perire; amoris enim est, amato bene velle, malumque nolle. Sciendum quoque est, hominem non qualecunque Dei opus, sed imaginem esse; imaginem verò non penicillo, non auro, non minio, aut Apellis arte, sed Dei ipsius manu confectam, & in cujus anima longè vivaciùs Dei facies, ac pulchritudo efflorescit, quàm Solis in Iride, & Narcissi in fonte, limpidaque crystallo. Nullus autem odisse, aut averfari potest imaginem ejus, quem amat; imò quòd major dilectio, tantò impensius amplexu, osculoque imaginis delectatur, nec satiari aspectu potest. Quòd si ex adverso ima-

ginem conspuat, aut contumeliis afficiat, signum id odii est, & contemptus in personam revolvitur; unde Senator Romanus capitis damnatus est, quoddam manum annulo, signoque Tiberii Cæsaris insignem ad servilia protulisset. Cum ergo Deus se ipsum infinito amore prosequatur, imaginem sui, hoc est, hominem odisse non potest; aut si illum odio, & contemptui haberet, id ipsum in eum redundaret, cujus homo effigies, & adumbratio est. Hoc ipsum insinuant illa Sapientis verba 12. vers. 18. *Tu enim dominator virtutis cum tranquillitate iudicas, & cum magna reverentia disponis nos*. Reverentia inferioris est ad Superiorem, aut paris ad parem: unde ergo Deo in creaturas, tantæ Majestati in ancillam reverentia, nisi quia Dei imaginem gestat, imago verò, nomenque Principis non auro tantum, aut gemmis (ut olim Alexander sculpi se jusserat) verum etiam ceræ, & plumbo incisa fidem, ac honorem merentur; nec Augusti Legatum privata conditio venerabilem facit, sed quoddam Cæsarem referat.

Denique, præcipuum amandi homines incentivum sanguis, ac merita Redemptoris sunt. Postquam enim Christus humanam naturam induit, ac pro omnibus hominibus, nemine excepto, sanguinem fudit, Deus non utcumque, ac ut puram naturam hominis animam intueretur, sed ut Filii sui sanguine redemptam, ejusque meritis dotatam, ac regni cœlesti hæredem constitutam; sicque licet propria conditione sordidam, ac peccatricem, divinique amoris indignam; tantum tamen Advocati, & Mediatoris patrocínio insignem. Amat ergo illam non proprio, sed Mediatoris merito; nec quia dignam infinito Amatore, sed quia à Filio, quem infinite diligit, commendatam; ita videlicet, ut tota ratio hominem diligendi non sit meritum, aut conditio Dei, sed interpellatio, & Majestas Advocati. Quis enim tam grandis Iatro, & tam supplicio dignus, quem Judex non absolvat, si pro Advocato Cæsarem habeat? Ita inquit S. Joannes 1. cap. 2. *Filioli mei, hac scribo vobis, ut non peccetis; sed si quis peccaverit, Advocatum habemus apud Patrem JESUM Christum iustum, & ipse propitiatio est pro peccatis nostris: & non tantum pro nostris, sed etiam pro totius Mundi*. Vides, non aliquotum, non paucorum, non Electorum tantum, sed omnium Advocatum. Sicut ergo nemo tam peccator, nemo tam reprobus est, cujus causam non Unigenitus Dei suscepit; ita quoque nemo est, qui sperare veniam non debeat, qui quæ à Deo non ardentissimè diligatur.

gatur, nullo quidem merito suo, sed magno Mediatoris patrocinio. Neroni in speculo, quod ex Smaragdo confecerat, Gladiatores spectanti, etiam vulnera, & sanguis in theatro pugnantium florida, ac speciosa videbantur, non quòd talia essent, sed quòd talia in Smaragdo viderentur: Ita nemo peccator tam sordidus, nemo tam saucius, qui non aliquid habeat, quod vehementer ametur, si Deus illum non in se ipso, sed in gemma; hoc est, in Redemptore consideret.

Ergo, inquires, *Deus necessariò hominem amat, hoc est umbram, folium, gustum, meramq; vanitatem? Atqui hoc indignum tanta Majestate, perinde ac si Rex aliquis ad caulam, hortumq; colendum se demittat, aut amore ardeat vilissima, ac rustica Virginis, quæ nihil habeat, quod cum forma, ac dignitate amantis comparari possit.* Resp. Homines à Deo & liberè, & necessariò amari. Liberè, quia potest creare, aut non creare; necessariò, quia postquàm creavit, fieri nequit, ut non amet, cùm amare sit velle bonum: primum autem, maximumq; bonum, & reliquorum omnium fundamentum est, esse; diligit ergo Deus, quoties dat esse, quæ tamen necessitas, cùm sit hypothetica, & consequens voluntatem, nihil obstat liberati. Deinde diligit Deus homines, quatenus aliquid sunt Dei, ut suprà docuimus, sicque non eorum pretio, sed intuitu, ac merito sui: Neque id infinitam ejus magnitudinem dedecet: dedecet enim, si amando creaturas aliquid commodi ab istis reciperet, aut earum pulchritudine raperetur, ut homines solent, id enim ad indigentiam, & cupiditatem pertinet. At Deus non supponit bonum, aut pulchrum, sed facit; nec in creaturis amat, quod est creaturæ, sed quod est suum: sicut cùm Pontificis imaginem in tela veneraris, nihil indignum homine, aut præstantiâ tuâ facis, licet enim multò tu imagine nobilior, quia tamen non telem, non colores, sed Pontificem in signo, ac imagine colis; ideo nemo id obsequium vitio vertet, imò verteret, si omitteres. Sic Deus nihil in homine amat, nisi opus, ac imaginem suam, hoc est, se ipsum in speculo, & radio expressum. Si ergo, ut ostensum est, Deus omnes homines amat, sequitur, ut omnes quoque, quantum ex se est, salvos, ac felices esse velit: hoc enim est amare, amato bene velle, malumque nolle.

VII. *Secundò.* Cùm dicis, Deum aliquos tantum, non omnes salvos esse velle, sicque voluntate propria, nulloque ad culpam respectu alios ad æternam vitam destinare, alios excludere, quæro, cui

Dei attributo hanc exclusionem adscribas? nihil enim in creatis est, quod non in aliquam Dei perfectionem derivetur. Quodd creavit; *Potentia*, & amoris est: quodd vestit, & nutrit; *Providentia*: quodd parcit; *Misericordia*: quodd donat; *Liberalitatis*: quodd punit; *Justitia*: quodd in amorem sui rapit; *infinitæ pulchritudinis*: denique nihil isthuc derivatur, quod non fontem, & venam habeat in aliqua perfectione, Dei quæ attributo. Quæro ergo, cui causæ, cui attributo referas voluntatem illam insuperabilem tot millia æterna felicitate excludendi? *Amori*? At amantis est, velle alteri bonum, non nolle. *Misericordia*? At miserentis non est, veniam negare, sed dare. *Potentia*? At, ut suprà monstravimus, potentis est opus struere, non demoliri. *Justitia*? At Justitia supponit culpam, & causam prius in delicto, quàm in voluntate Dei, ac vindicta Judicis habet; si ergo Deus eos tantum exclusit, quos reos prævidit, quique perire, quàm renuntiare delicto maluerunt, jam ad voluntatem *consequentem*, non *antecedentem* pertinet, sic quæ non in bonam Dei, sed in malam hominis voluntatem referri debet, Deo vitam, sed peccatore mortem, ac supplicium eligente. Nihil ergo est in Deo, cui possis hanc primam voluntatem non omnes salvandi attribuire. Frustra nodum in scirpo, & sulmen in hac iride quæris: non est in-
— doles summi Boni, velle homini summum malum.

VIII. *Tertiò*. Nemo quàm plurima, & opportunissima ad consequendum finem media adhibet, si finem ipsum non velit; id enim amentis esset, aut alios ludere volentis. Quis enim balnea, sectio-
— nes, inediam, aliasque medicinas admittat, qui sanitatem nolit? Quis vineam plantat, colit, putat, depampinatque, ea voluntate, ut vindemiam non colligat, aut etiam incendat? Quis venatur, piscatur, si prædam nolit? Cùm ergo Deus non Electis tantum, sed Reprobis etiam pretiosissima, ac serè innumera media paraverit, mandata videlicet, internas, externasque inspirationes, Angelicam custodiam, ac quod præcipuum est, sanguinem, mortemque suam, qui, inquam, hæc media omnibus voluit, ac etiam dedit, quæ potuit finem ipsum noluisse? quorsum tot pharmaca, & tanto pretio confecta, si noluit sanari? quorsum tot vela, tot remi, & tam longa navigatio, si noluit ad portum appellere? planè nihil aliud hoc esset, quàm oleum, & operam perdere. Cumque nihil simile in operibus naturæ, imò ne in hominum quidem quibuscumque negotiis videre sit, sacrilegum foret, in operibus gratiæ, tantò illis superioribus, tan-

tantiq̃ue momenti de Deo hunc ludum, & larvam suspicari.

IX. *Quartò.* Id ipsum efficacissimè ostenditur, si illa consideres, quæ immediate à divina voluntate proveniunt, citraque hominis arbitrium: hæc enim omnia, quia solius Dei sunt, ordinatissimè, nulloque errore ad fines suos diriguntur. Nunquam Sol suum cursum abruptit, aut Ecclipticam exit. Nunquam Luna suum orbem non implet. Nunquam flumina aliò, quàm in mare volvuntur, nec alibi finem currendi faciunt. Nihil deest avibus ad volandum; nihil piscibus ad natandum; nihil Aquilæ ad prædam faciendam. Et bruta omnia, quamvis esuriant, & ament, nihil tamen est, quod in eorum epulis, & conjugiiis vitium imitetur. Et quamvis monstra subinde, aut prodigia contra communes leges eveniant; ea & rarissima sunt, & serviunt homini, qui finis est omnium ratione carentium. Verbo quidquid immediatè à Deo est, finem suum consequitur. Ergo, multoque magis, quantum ex parte divinæ voluntatis est, omnes homines, modò ratione polleant (nec enim de infantibus modò loquimur) ad finem suum, hoc est, Dei possessionem diriguntur, quem nisi assequantur, non hæc Dei semper metam ferientis, sed hominis culpa est. Cur enim Deus, quantum in se est, in solo homine operum suorum nobilissimo finem hominis nolit, & tot monstra, quot damatos, & peccatores pariat?

X. Si Deus, quantum est ex se, nulloque ad culpas hominum respectu, non vult omnes salvos, sed quàmplurimos Cæli, ac Redemptionis suæ expertes esse; ergo non constat, Deum mihi Cælum parâsse, mihi quoque redimendo passum, ac mortuum esse; imò suspicari meritò possim, me de illorum esse numero, quos voto, ac sponte sua Cælo inter tam multos excludit. Quod si ita est, cadunt totius vitæ Christianæ præcipua fundamenta, spes videlicet, & amor: præcipua enim amandi, sperandi que ratio est, quia *prior dilexit*, quia *Filium suum unigenitum tradidit*; at non constat, quòd me quoque dilexerit, & quòd pro me Filium quoque tradiderit. Quomodo ergo ut Redemptorem amabo, quem ignoro, an Redemptor meus sit? Quomodo in merita, mortemque illius sperabo, quem nescio, an mihi quoque meritus, mihi mortuus sit? Planè ut nemo tenetur Navarchum eligere, ejusque fidei vitam suam committere, quem nescit, an navigandi peritus sit, & de quo meritò dubitat, velit in portum ducere, an potius in scopulum, desertamque insulam exponere: ita nemo tenetur in Redemptorem sperare, si nesciat, suum

suum quoque Redemptorem esse, ac seriam, & efficacem voluntatem se quoque salvandi habere; at scire non potest, si non omnes voluit, si non omnes redemit. Adde, neminem sperare aliquid posse, qui plures non sperandi, quàm sperandi rationes habet; tunc enim validior, maiorque metus minorem fiduciam vincit. Atqui nisi Deus, quantum ex se est, velit efficaciter omnes salvos, omnes sanguinis sui participes esse, sed quàmplurimos sponte sua Cælo excludit; sequitur, plura mihi fundamenta non sperandi, quàm sperandi in Redemptorem suppetere; cum enim plures sint relictæ, quàm electæ; plures quoque sunt, qui exemplo suo ad non sperandum, quàm sperandum invitant, quot enim relictæ, tot sunt non sperandi argumenta. Quomodo ergo sperare in Redemptorem iubes, cum plura non sperandi incentiva occurrant, omnemque fiduciam exinguant? Fracta est anchora, paratumque naufragium, si vera sunt, quæ dicis. At vera esse non possunt, quia cum Scripturis, cum Religione, cum Christianæ vitæ principiis, cum morum honestate pugnantis: quem enim non pigebit, Christianum, & innocentem esse, spe omni sublata?

XI. Restat, ut Sanctorum quoque Augustini, & Thomæ de hac re sententiam rogemus. Cum enim, quoties de Prædestinatione agitur, præcipuam isti paginam faciant, fidemque mereantur, semper deinceps eorum testimoniis, & autoritate causam nostram armabimus, sic enim istorum accessu nulla ratio dubitandi supererit.

S. Augustinus de Spiritu & littera cap. 3. *Vult Deus omnes homines salvos fieri, & in agnitionem veritatis venire; non sic tamen, ut eis liberum adimat arbitrium, quo bene, vel male utentes iustissimè judicentur; quod cum sit, infideles quidem contra Dei voluntatem faciunt, cum ejus Evangelio non credunt, nec ideo tamen eam vincunt, verum se ipsos fraudant magno, & summo bono, malisq; penalibus implicant, experturi in suppliciiis potestatem ejus, cujus in donis misericordiam contempserunt. Ita Dei voluntas semper invicta est, vinceretur autem, si nullo modo possent evadere, quod talibus ille constituit. Qui enim dicit v. g. volo, ut omnes servi mei opereantur in vinea, & post laborem quiescentes epulentur, ita ut quisquis eorum hoc noluerit, in pistrino semper molat: videtur quidem quicumq; contempserit, contra voluntatem Domini sui facere; sed tunc eam vincet, si & pistrinum contemnens evaserit, quod nullo modo fieri potest sub Domini potestate. Ille igitur reus erit ad damnationem sub potestate ejus, qui*

contempserit ad credendum misericordiam eius. Tria hic docet Augustinus. *Primo*, velle Deum, omnes homines salvos fieri, neque Prædestinatos tantum, sed etiam Reprobos, nam de Reprobis tantum dici potest, quod contra voluntatem Dei faciant, cum eius Evangelio non credunt, & se ipsos magno, & summo bono defraudent. *Secundo*, Quod si aliqui non salventur, id non Deo, sed libero arbitria tribuendum, quo male utentes iustissime iudicentur. *Tertio*, nec ideo tamen vinci, frustrarique Dei voluntatem posse, cum illa semper aut obediens coronando impleatur, aut rebelles puniendo; sicque semper in Deo voluntatem salvandi præcedere, sequi verò voluntatem perdendi.

Idem Augustinus quàm plurimis locis præsertim verò in responso ad articulos sibi falsè impositos, art. 7. & art. 14. eam sententiam pro certissima inculcat, repetitque, *Deum neminem deferere, antequam deferatur.* Atqui hæc regula Augustini falsissima est, si Deus ab æterno, ac propria voluntate, nullaque ne prævisa quidem culpa voluisset tam multos non salvari: quæ enim major, & antiquior desertio fingi potest, quàm ab æterno nolle certò perituros, ne pereant, tenere?

Aliud quoque insigne Augustini testimonium est lib. 2. de peccatorum meritis cap. 17. ubi sic loquitur: *Cum voluntate humana, gratia adjuvante divinitus, sine peccato in hac vita possit homo esse, cur non sit, possem facillimè, & verissimè respondere, quia homines nolunt.* Sed si ex me quaritur, quare nolint? imus in longum. Verumtamen etiam hoc sine præiudicio diligentioris inquisitionis breviter dicam. *Nolunt homines facere, quod iustum, siue quia latet, an iustum sit, siue quia non deleat: Tantò enim quidquam vehementius volumus, quantò certius, quàm bonum sit, novimus, eoq; delectamur ardentius.* Ignorantia igitur, & infirmitas vitia sunt, quæ impediunt voluntatem, ne moveamur ad faciendum opus bonum, vel ab opere malo abstinendum. *Ut autem innotescat, quod latebat, & suave fiat, quod non delebat, gratia Dei est, quæ, ut homines non adjuventur, in ipsis causa est, non in Deo.* Quæ verba allegat. S. Fulgentius lib. 1. ad Monimum: *In istis, inquit, Augustini dictis attende quæso mi charissime, primum, quia ut homines non adjuventur à Deo, in ipsis causa esse dicitur, non in Deo.* Quid clarius dici potest? Vult salvare, vult juvare etiam eos, qui salvari, & juvari nolunt, ergo Deus, quantum est ex se, neminem à salute excludit, ergo includit omnes; nec Prædesti-

destinatos tantum, verum etiam Reprobos, isti enim sunt, & non illi, per quos stat, ne iuventur.

Et iterum Tract. 12. in Joan. circa finem in ea verba: *Non enim misit Deus filium suum, ut iudicet Mundum, sed ut salvetur Mundus per eum: Ergo, inquit, quantum in medico est sanare venit agrotum. Ipse se interimit, qui præcepta Medici observare non vult. Venit Salvator ad Mundum; quare Salvator dictus est Mundi; nisi ut salvet Mundum, non ut iudicet Mundum? Salvati non vis ab ipso? ex te ipso iudicaberis.* Plura notatū dignissima hîc docet Augustinus. *Primò, Velle Deum omnes, etiam reprobos salvos fieri; reprobi enim soli sunt, qui se ipsos interimunt, qui præcepta Medici observare nolunt, qui salvari recusant. Secundò, Nec utcumque, sed efficaciter, & impensivimè hanc ipsam omnium salutem velle Deum: Ille enim efficaciter vult, qui facit, quantum in se est, & cui imputari non potest, si ex voto res non succedat; atqui juxta Augustinum, Deus, quantum in se est sanare venit agrotum, qui si non sanatur, ideo est, quia sanari non vult. Tertiò, Quod ex antecedentibus sequitur, nihil ex parte Dei ad omnium salutem deesse, & consequenter in Decreto Prædestinationis neminem ab æterna gloria, quantum in Deo est, fuisse exclusum (alioquin si Deus ante omne prævisum demeritum exclusisset aliquos, istis ex parte Dei, nimium quantum ad salutem defuisset, videlicet voluntas Dei eos salvandi) scique qui exclusi sunt, non Deo, sed prævisis demeritis, culpisque suis hanc exclusionem debere.*

Idem Augustinus rem totam eleganti similitudine illustrat in Psalm. 63. ad finem; *Ubi: quod pluit in agrum uberem, dulce est, & quod pluit in agrum spinosum, dulce est, nunquid pluviam accusas, quòd spinas genuerit? nonne erit pluvia illa testis in iudicio Dei, & dicet: ego dulcis super omnia veni. Tu ergo quid proferas vide, ut quid tibi paretur, attendas. Profers frumentum? horreum spera. Profers spinas, ignem time. Sed nondum venit aut tempus horrei, aut tempus ignis. Nunquid consilii corrigendi, & mutanda vita male in bonam non est tempus? non est locus? nonne si vis, hodie fit? nonne si vis, modo fit? quid empturus es, ut facias, quæ emplastra quaesiturus? ad quos Indos navigaturus? quam navim paraturus? ecce dum loquor, mutacor, & factum est. Et iterum in Psalm. 101. Sanabit te Christus, sed opus est, ut sanari velis. Sanat omnino ille quidem, sed non sanat invitum. Quid enim in te beatius, quam ut tanquam, in manu tua vi-*

tam, sic in voluntate tua habeas sanitatem. Hic iterum multa dicit Augustinus, quæ ad causam nostram muniendam mirificè faciunt. *Primò*, enim docet, divinam gratiam instar *pluvie dulcis super omnia venire*, hoc est, omnibus dari, bonis videlicet agris, & malis, fecundis, & sterilibus, electis, & reprobis; sicque Deum, quantum ex se est, omnibus salutem velle, ideo enim omnibus dat gratiam, quæ salventur, sicut cælum ideo omnibus pluit, ut omnibus proficit. *Secundò*, quoddam aliud ager proferat frumentum ad horreum, alius spinas ad ignem, id non pluvie, quæ omnibus dulcis est, adscribendum, sed bonæ, aut malæ agrorum glebæ. Ita quoddam alii bene, alii malè operentur, sicque quoddam alii sint electi ad cælum, velut frumentum ad horreum, alii verò sint reprobi, velut spinæ ad ignem, id non cæli, non pluvie, hoc est, non Dei, non gratiæ defectum, sed peccatorum esse. Quæ omnia falsa sunt, si Deus non vult omnes salvos esse; id enim perinde esset, ac si cælum in frumenta tantum, non etiam in spinas plueret. Et quoddam plures cælo, ac salute careant, non penès peccatores tantum, sed maximè penès Deum defectus esset. Quis enim major defectus, majusque impedimentum ad opus esse potest, quàm nolle artificem? Nec posset Deus in extremo judicio dicere peccatoribus: *Ego dulcis super omnia veni*: possent enim respondere, non fuisse omnibus dulcem, qui noluit omnium misereri, sed misereri tantum eorum, quos sponte ad Regnum elegit; non verò illorum, quos sponte proscripsit. *Tertio*, docet Augustinus, in omnium potestate, ac arbitrio esse, ut vitam suam quovis momento corrigant, mutentque in aliam: *ecce*, inquit, *dum loquor, muta cor, & factum est*: atqui hoc verum non est, nisi ex parte Dei nihil desit, quod ad opus faciendum desiderari possit: Nam si illam vacuum tantum gratiam sufficientem admittas, cum qua nemo operatur, aut saltem in finem usque perseverat, quomodo sperare possim, me cor mutaturum cum ea gratia, cum qua jam à quinquies mille annis, nemo unquam cor mutavit, nemo mutaturus est? Ego sperabo, futurum mihi, quod nemini hactenus factum est, nemini fiet? Vota ista, & spes sunt dormientium, non vigilantium. *Quarto* alia Medici similitudine utitur Augustinus, eaque probat, nullum penitus esse, quem Deus sanare non velit, quoddam si aliqui non sanentur, non ideo esse, quod Deus nolit; sed quoddam ipsi non velint: *sanat omnino quemlibet, sed non sanat invitum.* Ubi vides, loqui Augustinum de voluntate salvandi etiam reprobos, isti enim sunt, qui sanari nolunt, *Quinto* addit denique Augustinus,

salutem, vitamque æternam *in manu ac potestate nostra esse*. At falsissimum id est, si salvari Deus aliquos nolit: tam enim in manu mea non est, salutem, Regnumque æternum adipisci, Deo non eligente, quàm non est in manu, & arbitrio meo Episcopum fieri, non eligente Capitulo. Imò hoc magis, quàm illud sperari possit; potest enim voluntas Capituli aut mutari, aut vinci, non potest voluntas Dei. *Neque dicas*, velle quidem Deum salvari omnes, sed voluntate simpliciter inefficaci: Jam enim id suprà refutavimus, quando probatum est, voluntatem sic inefficacem repugnare officio Patris, ac Redemptoris, repugnare tot illis remedijs, ac modis, quibus Deus salutem hominis procurat, repugnare communi hominum sensui, qui cum inefficaciter aliquid volunt, nihil eorum agunt, quæ pro salute hominum agit Deus, repugnare etiam menti, ac doctrinæ Augustini: Si enim Deus, quantum ex se est, & ante prævisam omnem culpam vult efficaciter me non esse ex numero Electorum, sequitur, ex parte Dei insuperabile consequendæ salutis impedimentum poni, omnemque potestatem ad eam adspirandi ademptam esse, quæ tamen omnia è diametro adversantur Augustino, ut modò probatum est. Repugnat denique rectæ rationi: cum enim dicis, velle Deum salutem omnium, sed inefficaciter tantum, quæro ex te, unde hæc inefficacia, languorque voluntatis proveniat? ex culpa peccatoris? at dicis, præcedere omnem culpam etiam prævisam: ex imperfectiōe hominis, qui nihil habeat, quod possit divinam voluntatem ad efficaciter amandum provocare? At Dei amor non pendet ex objecto, & bonitate creata, nec supponit bonum, sed facit. *Deinde*, homo quæ filius, & imago divinæ pulchritudinis, satis habet, quo amari efficaciter & possit, & debeat, ut suprà ostensum. An verò hanc inefficiam divinæ voluntati adscribes? atqui hoc absurdissimum est, cum enim divina voluntas infinitæ activitatis, & potentæ sit, tam ex illa non potest esse inefficacia, quàm non potest ex calore gelu, ex pulchritudine odium, aut ex magnjs viribus, magnoque impetu, torpor, & imbecillitas nasci. An verò dicendum est, hanc inefficiam ex arbitrio, & libertate Dei pronisci? At Deus licet amare possit hominem, vel non amare, postquam tamen illum ut imaginem condidit, tam non potest amplius non amare, quàm non potest non flare pollicitis, postquam semel promisit. Quæ necessitas cum sit hypothetica, & ab ipsa voluntate originem ducat, non minuit, sed auget libertatem. Ut taceam, nihil posse à divino, infinitoque amore alienius dici, quàm voluisse non unius, aut alterius hominis, sed

tot myriadum ruinâ libertatem suam experiri. Quasi verò defuissent alia, & innoxia probandæ libertati suæ argumenta, qualia essent, cælum, stellas, elementa, mundumque universum momento dele-
re, & alium struere.

Rursus idem Augustinus lib. 6. Hypognosticon hæc habet: *In quantum possumus, omnes homines ad bonum exhortemur; nulli desperationem demus, pro invicem oremus: ipsius erit potestatis, iudicium in nobis debitum mutare damnationis, & gratiam indebitam Prædestinationis prorogare.* Observa, tantum ex sententia Augustini à Deo abesse, ne aliquem voluntate antecedente, ac sponte sua salvum nolit, ut potius paratus sit, etiam eos, in quos sententiam damnationis tulit, in gratiam, ac numerum prædestinatorum recipere, si vita non mutent, & peccatis abstant. Scio equidem, ab eruditis dubitari, an hic liber Augustini sit, sed tamen Doctores, qui notas editioni Lugdunensi addiderunt, ad finem hujus libri hæc habent: *Hujus operis non meminit Augustinus in Catalogo suarum lucubrationum, sed omnia sic referunt ingenium illius, ut de auctore nihil sit dubitandum.* Et initio ejusdem operis: *Hic liber videtur esse hominis eruditi, facundi, qui, quæ sparsim ab Augustino dispersa sunt contra Pelagianos, studuit in unum contrahere.* Ipse Bellarminus: *Libri, inquit, Hypognosticon eruditi sunt, & utiles, & vetusti Anctoris.* Sed quidquid de hoc libro dicatur, certum est, nec dubitari ab ullo potest, hanc esse Augustini sententiam: eam enim in sermonibus de tempore clarissime docet. Cum enim ferm. 109. multa præmisisset de sententia Damnatorum in Reprobos ferendâ, mox adjungit: *Quid times, quia dixi, si mutaris, mutatur & prædixit, non fixit. Nam dictum est, si penituerit vos de omnibus peccatis vestris, penitescet & me de omnibus malis, quæ facturus eram vobis. Nunquid quasi errantem penitet Deum? Sed penitentia in Deo dicitur mutatio sententiæ: non est iniqua, sed iusta. Quare iusta? mutatus est reus, mutavit Judex sententiam: noli terreri, sententia mutata est, non iustitia. Iustitia integra manet, quia mutato debet parcere, quia iustus est.* Si Deus voluntate antecedente, nulloque ad culpam, & pertinaciam peccatoris respectu salvari aliquos nollet, falsum esset, culpâ mutaturum sententiam, cum, ut dicis, sententia non à culpa delinquentis pendeat, sed à voluntate salvare nolentis; voluit enim non salvare, priusquam delictum prævideret. Aqua incalescere quidem ab extrinseca causa potest, sed cum naturâ suâ frigida sit, faci-

le amoto igne calorem perdit, recipitque ingenitum frigus. Sic Deus naturâ suâ benignus, & in omnes clementissimus est; nec illi ardor homines puniendi, Regnoque proscribendi ab intrinseco, sed aliunde accedit, ex delicto videlicet, & impœnitentia peccatoris. Hic est ignis, qui divinam iram inflammat, istum si removeas, nihil in Deo præter innatam bonitatem, omnesque salvandi propositum. Hoc solum discrimen est, quoddam aqua, cum ex calida in frigidam evadit, mutatur, quia aliud est frigus, aliud calor; mutatio verò de uno in aliud transitus est. At cum Deus jam damnare vult peccatorem, jam emendatum non vult damnare, nulla in Deo mutatio est, cum in illo non sit aliud, & aliud, sed una, eademque voluntas, quæ tamen ob infinitam sui eminentiam, utrumque effectum, pœnam videlicet, & veniam complectatur. Tota verò mutatio in homine solo est, jam peccatum amante, jam detestante. Sic unum, idemque speculum, nunc deformem, nunc pulchrum, nunc juvenem, nunc senem repræsentat, nullâ speculi, sed objecti tantum mutatione. Sicut ergo non speculum, sed facies mutatur; ita cum Deus jam vult, jam non vult peccatorem damnare, non Dei, sed peccatoris mutatio est. Sicut ergo in arbitrio tuo est, ut non turpis, sed formosus in speculo appareas, si videlicet maculam tergas; ita in arbitrio tuo est, ut non reprobus, sed electus apud Deum sis, si oblatam gratiam accipias, ac peccatum deponas. Non ergo speculum, sed faciem, hoc est, non Deum, sed conscientiam accusa. Id ipsum alia similitudine illustrari potest, Solis videlicet, qui jam hominem illuminat, si oculus aperiatur, jam non illuminat, si oculos claudat, nulla tamen in Sole, sed in homine tantum mutatione facta. Hæc ipsa S. Pauli sententia fuit 2. Timoth. Cum enim de Prædestinatione loquens, dixisset: *Fundamentum Dei stat. Cognovit Dominus, qui sunt ejus. In magna autem domo non solum sunt vasa aurea, & argentea, sed & lignea, & fictilia: & quædam quidem in honorem, quædam in contumeliam*, mox adjungit: *Si quis ergo se emundaverit ab istis, erit vas in honorem sanctificatum*. Sicut ergo in arbitrio tuo est, oblatam à Deo gratiam recipere (quæ, ut postea probabitur, nemini deest) sicque à peccatis mundari; ita quoque in arbitrio tuo est, vas gloriæ, aut contumeliæ, hoc est electum, aut reprobum esse, Deo, quantum in se est, omnes ad gloriam, nullum ad contumeliam parante. Hoc est, quod scribit Ambrosius in caput primum Lucæ: *Novit Dominus mutare sententiam, si tu noveris mutare de-*

Cum

Cum Pelagiani obicerent Augustino, docere illum, non esse Dei voluntatem, ut omnes salventur, Sanctus Doctor ex instituto, & professio hanc calumniam refutans, hæc scribit art. 2. ad articulos sibi oppositos: *Cum veritas dicat: si vos, cum sitis mali, nostis bona data dare filiis vestris; quomodo fieri potest, ut Deus nolit aliquos salvari, qui etiam salvari volunt, nisi aliqua cause existant, de quibus, quamvis sint nobis incognoscibiles, ita tamen iudicat, de quo dici non potest, aliter eum quidquam facere debuisse, quam fecerit. Remota ergo hac discretionem, quam divina scientia intra secretum Justitiae suae continet, sincerissime credendum est, atque profitendum, Deum velle omnes salvos fieri. Siquidem Apostolus, cujus ista sententia est, sollicitè præcipit, ut Deo pro omnibus hominibus supplicetur. Ex quibus, quod multi pereant, pereuntium est meritum: quod multi salventur, salvantis est donum. Quod enim reus damnetur, inculpabilis est Dei Justitia, ut autem reus iustificetur, ineffabilis est Dei gratia est. Hic tria docet Augustinus. Primum: Sicut pater terrenus bona data dat filiis, multo magis id Patrem cœlestem & fecisse, & facturum esse. At nullus est pater terrenus, qui propria voluntate, nullaque præcedente culpa velit aliquos ex filiis hæreditate, domoque paterna excludere, quando minus id volet Pater cœlestis? An fortè minus est pater, aut minus amat? aut quis unquam de terreno patre audit, eum, ut potentiam, & libertatem suam ostenderet, maiorem filiorum partem, aut exilio mulcasse, aut gladio percutisse? quando minus id de cœlesti Patre dicendum? Ego enim posset perdere ut Dominus, nollet tamen ut Pater; nec ita ejus potestas extollenda est, ut amor præjudicet. Alioquin ubi erunt magnifica illa: *Et miserationes ejus super omnia opera ejus. Superexaltans misericordiam iudicio?* Quomodo enim major misericordia, si plures deserit, quam sanat, plures negligit, quam eligit? Mutanda erit sententia, corrigendum vaticinium, magisque dicendum: *Et indignatio ejus super omnia opera ejus. Superexaltans iudicium misericordiae.* Quod si potentiae suae dare experimenta velit, quando illustrius, & manifestius in alias creaturas, quam in homines, hoc est, in mancipia potius, quam in filios aget? Quamquam jam supra ostendimus, potentiam artificis non destruendis, sed condendis operibus monstrari. Secundò docet Augustinus: *Si sincerissime credendum, ac profitendum esse, velle Deum omnes salvos fieri, ex quibus, quod multi pereant, pereuntium est meritum.* Hic apertissime ostendit.*

ostendit Augustinus, ex iis, quos Deus vult salvos esse, multos perire, sicque illam Pauli sententiam de voluntate omnes salvandi, non solos Prædestinatos, verum etiam reprobos complecti, nullumque à Deo excipi, si enim aliqui exciperentur, ii reprobi essent. Cur ergo alibi Augustinus docet, de solis Prædestinatis dictam esse? quia id ex instituto non agebat Augustinus, ut hæc agit, quando calumnias sibi ab adversariis impositas unice, & ex professo refellit. Deinde quia, ut infra dicemus, & ipse Augustinus professus est, non unam semper, eandemque sententiam tenuit, sed magis, magisque disputando profecit, crescente semper, ut in Sole contingit, cum motu luce. Ac tandem quia Augustinus plerumque loquitur de illa gratia, quæ non tantum est efficax, verum etiam effectrix, hoc est, cui opus respondet, & de hac verum est, ad solos Prædestinatos spectare.

Tertio excipit ab hac omnes salvandi voluntate Augustinus aliquos, qui licet velint, occultissimis tamen, & in arcanum repositis causis non salvantur; ita prorsus, ut illis sit tota ratio pereundi non Dei, sed eorum imperfecta voluntas, *quod multi pereant*, inquit, *pereuntium est meritum*, *quod multi salventur*, *salvantis est donum*. Ubi vides, duas à S. Doctore voluntates poni: unam, quæ homo perit, & hanc dicit, peccatoris esse: alteram, quæ homo salvatur, & hanc Dei esse. Voluntas ergo Dei solum pertinet ad salvandum, non verò ad reprobandum, & deferendum, alioquin dicendum esset, *Quod multi pereant, nec salventur, Dei est nutus*, *eos salvare recusantis*. Nam posita hac voluntate non salvandi, quamvis reliqua omnia impedimenta cessent, fieri non potest, ut homo salvetur, cum omnium impedimentorum maximum sit, Deum nolle; sicut impossibile est, nolente pictore, imaginem pingi, quamvis alioquin nulum aliud in tabula, in coloribus, in penicillis impedimentum sit. Cur ergo non omnes salvantur, etiam qui volunt? respondet Augustinus, duas esse causas: unam patentissimam, & universalem, alteram occultissimam, & specialem. Patentissima est, quia peccatores non verè, & efficaciter volunt; hoc est, non per ea media, quæ illis ad salutem præscripta sunt; sicut nec egrotus dicendus est, velle sanari, si sanitatem quidem optet, sed remedia recuset: non est hæc voluntas, sed umbra voluntatis; non salvantur ergo, quia nolunt, & ita *quod multi pereant*, *pereuntium est meritum*. Altera verò, & occultissima causa est, soli que Deo nota: Quis enim compertum habet, cur Petrum, & Magdalenam ita vocaverit, ut vellent, non

verò

verò ita Saulum , & Judam ? Petrus peccator , Judas peccator . Petrus vocatus , Judas vocatus . Petrum aspexit : Judam osculatus est ; plùs fuit osculari , quàm intueri . Et tamen Petrus convertitur , Judas desperat . Unde amabò in tanta paritate cadendi , tanta disparitas resurgendi ? Quia Petrus voluit , & quia Judas noluit ? ita quidem ; sed cur non factum , ut uterque vellet surgere , sicut permillum est , ut uterque vellet cadere ? Hoc arcanum , & anigma est , quàm occultum , tam justum . Constat , potuisse Deum , constat , vultuisse ; constat potenti , & volenti Deo Judam repugnasse , cætera latent , nec explorare licet . *Noli scrutari , si non vis errare* , inquit , idem Augustinus , qui hanc doctrinam suam videtur à Magistro Ambrosio hausisse in Psalm. 118. ita loquente : *Mysticus ille Sol Justitiæ omnibus ortus est , omnibus passus , omnibus venit , & omnibus resurrexit . Si quis autem non credit in Christum , generali beneficio ipse se fraudat , ut si quis clausis fenestris radios Solis excludat .*

Denique perpetua est Augustini sententia , divinæ Bonitati , & Justitiæ nimum quantum repugnare , si homines immortali animâ præditos , & ad imaginem suam conditos citra omne peccatum , non tantum æternis suppliciis addicat , verum etiam si cælesti Regno excludat , ac velut durissimo exilio procul patriâ pellat . Quo argumento præsertim Pelagianos urget : Hi enim docebant , parvulos originali peccato non teneri , sed tamen , si absque Baptismo decedant , cælestis Regni expertes esse . Quibus Augustinus responder , id salvâ Dei Justitiâ fieri non posse : nec enim posse innocentes à justissimo Deo puniri , maximam verò creaturæ rationalis pœnâ esse , si exilio mulctetur , nec verò exilium aut majus esse , quàm quod perpetuum , aut pejus , quàm quo cælum amittitur ; tantò enim infelicius exilium , quantò felicior patria , sicut tantò gravius malum , quantò majus est bonum , quo privat . At qui hæc omnia absurda longè magis locum habent , si dicas , Deum ante omne prævisum hominis peccatum alios ad æternam vitam elegisse , plures verò non elegisse . Non elegit ergo , cum adhuc innocentes essent , hoc est , cum nondum peccassent , nec peccaturi præviderentur ; privavit ergo illos patriâ , ad quam creati erant ; at hæc privatio patriæ est illud acerbissimum exilium , quo negat Augustinus , posse innocentem puniri . Quod absurdum longè in adultis immanius est : adultos enim aut æterna in cælo felicitas , aut in inferno æterna infelicitas in anet , nec medium datur : unde quoad rem , effectumque ipsum unum
idem.

idem siue fuerit, non elegerit, quod damnâsse, cum istud ex illo necessarium sequatur. Sicut enim quia inter manum dexteram, & sinistram alia, & tertia manus non datur; si quis dexteram vinciat, ne uti illâ possit, sequitur necessarium, sinistram te usurum. Ita si Deus ante omnem prævisam culpam noluit aliquos, imò longè plures ad dexteram, hoc est, ad cælum pertinere; sequitur, necessarium pertinere ad sinistram, hoc est, ad infernum, æternumque supplicium: id verò nimium à divina Bonitate alienum esse, mille locis protestatur Augustinus. Audi illius verba Serm. 14. de Verbis Apostoli: *Ecce existit, nescio quis, & dicit: parvulus non habens ullum omnino peccatum, nec quod suâ vitâ contraxit, nec quod de vita primi Parentis traxit, habebit & Regnum cælorum, & vitam æternam. Respondete Pelagiani, vincite hominem resistentem vobis. Vos enim dicitis: vitam quidem habebit iste non baptizatus æternam, sed non habebit Regnum cælorum. Ille contrâ: imò & vitam, & Regnum cælorum. Quare enim patrimonium Regni cælorum abripis innocenti? à quo Regnum cælorum non acquiritur, profectò magno bono fraudatur. Quæ est ista iustitia? Dic quare? quid offendit parvulus non baptizatus, nullam habens culpam, nec suam, nec de parente tractam? quid offendit, dic mihi, ut non intret in Regnum cælorum, ut sit exul à societate Angelorum? Videris enim tibi misericors, quia non auferes ei vitam, damnas tamen, quem separas à Regno cælorum. Damnas, non enim percutis, sed in exilium mittis. Nam & qui exulantur, vivunt, in doloribus corporis non sunt, non torquentur, non carceris tenebris affliguntur, hæc illis sola pœna est, non esse in patria. Si amatur patria, magna pœna; si autem non amatur patria, peior est cordis pœna. An enim parvum malum est, in hominis corde, si societatem non quarit Sanctorum, si non desiderat Regnum cælorum? Sed si, quod vis, parva sit pœna, & ipsa parva magna est, si nulla est culpa. Hic defende iustitiam Dei. Quare vel parva pœna infligitur innocenti, in quo nullum invenitur omnino peccatum? Responde, si potes. Hæc Augustinus Pelagianis. Hæc ego aliter sentientibus: Vos dicitis, Deum tam multos eorum, quos ad imaginem suam finxit, & ad felicitatem æternam creavit, non quidem æternis flammis addixisse, sed tamen sponte suâ, nullâque prævisâ culpâ cælo eliminâsse, vobisque misericordes, clementesque videmini, quia non infertis quidem eis pœnam, damnatis tamen, cum cælo excluditis. Dicit mihi, quæ est ista iustitia? quid offenderunt, si nullam habent culpam? Defendite*

dite Iustitiam Dei. Nec enim parva pena est, non esse in patria. Et si parva esset, quare vel parva pena infligitur inuocenti, in quo nullum omnino invenitur, nec praevidetur peccatum?

Eadem S. Augustini mens ex fidelissimo ejusdem Discipulo S. Prospero Aquitano magis adhuc, magisque patebit. Is enim lib. 2. de Vocat. Gent. cap. 35. *Frustra, inquit, dicitur, quod ratio operandi non habet in electis, cum ad hoc operentur, ut electi sint.* Vides in arbitrio operantium esse, ut eligantur, Deo quidem gratiam ad opus offerente, sed homine oblatam acceptante; eo serè modo, quo in arbitrio ægrotantis est, ut sanetur, & vivat: non quod pharmacum ipse præparet, sed quod maxima arte, ac labore à Medico paratum accipiat; unde totum pretium, & gloria reparata: sanitatis ad Medicum; fructus verò, & utilitas ad ægrotum pertinet; tam enim multum est, quod Medicus facit potionem temperando, ac porrigendo; tam verò parùm est, quod ægrotus facit accipiendo, ut meritò omnia Medico, nihil ægroto debeatur: sed nisi ægrotus acciperet, nihil quoque medicina juvaret. Idem de peccatore dicas, gratiam recipiente, aut recusante, sicque aut ad vitam, aut ad mortem, aut ad electos, aut reprobos pertinente, utcumque voluerit, modò id semper observes, etiam ipsum velle, ipsumque accipere, & hominis esse, & Dei; sed Dei magis, quàm hominis; sicut sanari, & laborantis est, & medentis; sed medentis magis, quàm laborantis. Imò (secùs ac in ægroto) illud ipsum, quod diximus, hominis esse, illud, inquam, velle, & accipere, totum quoque à Deo, & gratia est, quæ si non esset, homo nec vellet, nec acciperet, sed repugnaret. Unde optimè Apostolus dixit: *Non est currentis, neque volentis, sed miserationis Dei.* Vult homo, & currit; sed hoc ipsum velle, & currere, & hominis est, & Dei; hominis quidem, quia homo est, qui currit, non Deus; homo est, qui consentit, non Deus: sed hoc ipsum & currere, & consentire, magis est Dei, quia non curreret, nec consentiret homo, nisi Deo per gratiam miseratione. Sic cum Musicus manu cytharam pulsât, totus ille sonus, ac pulsus, & à manu, & à cythara est; magis tamen totus ab anima, quia nisi anima esset, nec manus, nec cythara moverentur; hoc verò est Deus, & gratia homini operanti, quod est anima manui pulsanti, hoc discrimine, quod voluntas potest pulsante Deo non velle, manus verò non potest imperante anima non moveri. Idem S. Prospero responso tertio ad Gallos ita scribit: *Ideo non sunt prædestinati, quia tales*

futuri ex voluntaria pravariatione præciti sunt. Et respons. 12. ad obiectiones Vincentianas explicans hæc verba: *Exierunt ex nobis, sed non fuerunt ex nobis: si enim fuissent ex nobis, mansissent utique nobiscum,* inquit, *voluntate exierunt, voluntate ceciderunt, & quia præciti sunt casuri, non sunt prædestinati; essent autem prædestinati, si essent reversuri, & in sanctitate, ac veritate mansuri.* Tota ergo causa, quod prædestinati non sint ex Prosperi sententia, non Dei, sed hominis voluntas fuit; Deo, quantum est ex se, omnibus ad salutem prompto, sed peccatore salutem recusante, & mortem ante vitam eligente. Planè si quis cogitaverit, fuisse Prosperum Augustini Discipulum fidelissimum, eisque coævum, atque acerrimum defensore (ut ex ejus Epistola de Prædestinatione ad Augustinum constat) is negare non poterit, Prosperi sententiam Augustini sententiam esse. Plura S. Prosperi testimonia omittimus, quæ jam supra recitata sunt; sed & ipsi concinit S. Fulgentius lib. 1. ad Monimum circa medium, ubi ait; *Ostensusus itaq; Deus, quod reddendum præciverit, & quid donandum, prædestinavit illos ad supplicium, quos à se præcivit voluntatis malevitio discessuros, & prædestinavit ad Regnum, quos ad se præcivit misericordia prævenientis auxilio redituros, & in se misericordiæ subsequenter auxilio esse mansuros.* His verbis præscientiam operum electioni, & reprobationi apertè supponit; undè subdit: *Quia misericors est Dominus, & justus, prædestinavit justos ad gloriam, & impios ad pœnam.* S. Anselmus Augustini fidelissimus Sæctator Orat. 28. juxta correctissimam Editionem Gabrielis Gerberonis Congregationis S. Mauri, ita Christum alloquitur: *Æquali dilectione pro omnibus passionem suscepisti, æqualiter omnibus vitam æternam præparasti.* Ergo ex sententia S. Anselmi tota inæqualitas, quæ inter reprobos, electosque verfat, non ex Dei voluntate, sed ex culpa hominis procedit. Idem tenet Commentator Matth. apud S. Anselmum in caput 6. ad illa verba: *Fiat voluntas tua,* hæc habet: *Due sunt voluntates in Deo: una Misericordia, quæ non est cogens, neq; aliquid libero arbitrio aufert, quâ omnes homines vult salvos fieri, quod tamen in libera eorum potestate positum est. Est & alia, quæ est de effectibus rerum, de qua dicitur: omnia quæcumq; voluit, fecit.* Huic nemo potest resistere, de qua dicitur: *voluntati ejus quis resistet?* Hac Providentiæ concordat semper; alia verò non semper. Si enim velit per Misericordiam de aliquo pravo, quod sit justus, & conferat ei gratiam suam, &

samen ille per liberum arbitrium contradicat , nec gratia Dei consentiat , hac voluntas Dei non concordat Providentia . Itaq; homines resistunt voluntati Misericordia , & non resistunt voluntati Justitia . In terra multi contradicunt voluntati Dei , illi scilicet , quæ est ex Misericordia : Cum enim vellet pravorum etiam salvare , si vellent ; tamen ipsi contradicunt operibus huic voluntati .

Non minus eleganter nostram hanc sententiam Angelicus Doctor duobus præcipue locis expressit . Sic enim lib. 3. contra Gentiles cap. 259. loquitur : *Considerandum est , quod licet aliquis per motum liberi arbitrii divinam gratiam nec promereri , nec advocare possit ; potest tamen se ipsum impedire , ne illam recipiat . Dicitur enim de quibusdam Job. 21. Recede à nobis , scientiam viarum tuarum nolumus . Et Job. 24. Ipsi rebelles fuerunt luminini . Et cum hoc sit in potestate liberi arbitrii , impedire receptionem gratiæ , non immerito ei imputatur , qui impedimentum ponit . Deus enim , quantum ex se est , paratus est omnibus gratiam dare ; vult enim omnes salvos fieri , sed illi soli gratiæ privantur , qui in se ipsis impedimentum gratiæ posuerunt ; sicut Sole mundum illuminante in culpam imputaretur ei , qui oculos clauderet , licet videre non posset , nisi lumine Solis præventus . Et in illa verba Joannis : Nemo venit ad me : Sicut grave per naturam non potest sursum ferri , nisi trahatur ab alio ; ita cor humanum ex se ad inferiora tendens non potest sursum elevari , nisi tractum per gratiam . Si verò non elevatur , non est defectus ex parte trahentis , qui quantum ex se est , non deficit , sed est propter impedimentum ejus , qui non trahitur . Vides hinc iterum ex sententia Angelici Doctoris velle Deum , quantum ex se est , omnes salvos fieri , velle omnes illuminare , velle omnes trahere , sed eos solos non salvari , non illuminari , non trahi , qui impedimentum ponunt , & qui nolunt ; sicque nullum ex parte Dei volentis , sed tantum ex parte hominis resistentis impedimentum esse ; & ideo voluntatem Dei salvandi omnes , non ad solos prædestinatos (isti enim impedimentum non ponunt) sed etiam ad reprobos extendi . Hanc verò Dei voluntatem omnes salvandi , quantum ex parte Dei est , efficacem esse , dubitari non potest ; si enim inefficax sit , impedimentum non solum ex parte hominis , sed præsertim ex parte Dei esset ; illa enim inefficax voluntas salvandi v. g. Judam , impediretur à contraria , & efficaci voluntate non salvandi ; quod enim majus impedimentum operis , quàm efficax voluntas non operandi ? aut quid magis morari aliquem potest , ut non*

ambulet Romam, quàm efficax voluntas non ambulandi? Si ergo, ut docet S. Doctor, nullum ex parte Dei impedimentum est, quo salventur omnes, sequitur, ejus voluntatem omnes salvandi, quantum ex se est, efficacissimam esse. Quid si aliquando inefficax vocatur, ideo est, quia effectum non consequitur, humano nolente arbitrio. Ex quibus omnibus perspectum est, nostram sententiam Augustini sententiam esse, sive Augustinum ipsum, sive illius Magistrum, ac præcipuos Discipulos consideres. Idem S. Doctor 1. ad Timoth. 2. lect. 1. *Christus JESUS est Mediator Dei, & hominum, non quorundam, sed inter Deum, & omnes homines, & hoc non esset, nisi vellet omnes salvare.* Et in Epist. ad Hebr. cap. 12. lect. 3. *Deus vult omnes homines salvos fieri, & ideo gratia nulli deest, sed omnibus, quantum in se est, se communicat.*

XII. Ex hæcenus dictis facilè illud Calvini Sophisma dissolves: *Si sum prædestinatus; quidquid egero, certissimè salvabor: si non sum prædestinatus, quidquid boni egero, certissimè damnabor. Quid ergo superest, nisi ut agam, quod lubet, & quamdiu licet, voluptatibus fruor, cum datâ semel, fixâq; Prædestinationis sententiâ nihil mihi ad vitam æternam aut nocere peccata, aut prodesse virtutes possint.*

Respondeo enim primò, hanc argumentationem totius generis humani consensu, ipsorumque Calvinistarum exemplo, & usu falsitatis convinci: Nihil enim in hoc mundo geritur, quod non immutabili Dei Præscientiæ, ac voluntati subjaceat, juxta illud Apostoli ad Ephes. 1. 11. *Qui operatur omnia secundum consilium voluntatis sue.* Nemo igitur diutius vivit, quàm Deus velit, nemo metit, nemo dives evadit, nemo hostem in bello vincit, nemo ad portum appellit, nisi quantum, & quando Deus ab æterno disposuit. Quis verò ita unquam desipuit, ut diceret: vel Deus ab æterno disposuit, ut hunc morbum evaderem, vel ut morbo extinguerer? Si primum: ergo certissimè sanabor, quamvis medicinis non utar: Si secundum, ergo certissimè extinguar, quibuscumque tandem remediis utar; nullis ergo utar, ac genio dum licet, indulgebo, cum Dei voluntas mutari, aut falli non possit. Aut quis unquam non navim ad transfretandum conduxit, non semen ad messem faciendam sparsit, non omnem operam ad comparandas divitias, vel obtinendam victoriam adhibuit, quod crederet, omnia fato agitari, ac divina voluntate, nutuque immutabili evenire. Planè deliria sunt

istâ,

ista, non argumenta. Si ergo pro terrena vita nemo non laborat, quamvis sciat, omnia divino nutu contingere; cur non æquè laboret pro vita cœlesti; quamvis non ignoret, nullum ad eam pervenire, nisi divina voluntate prædestinatum? Non te movet Prædestinatio, ut pro terrestri Regno bene pugnes; cur te morabitur, ut pro cœlesti Regno non bene vivas? Imò hoc multo magis; fieri enim potest, ut qui bene pugnat, non ideo vincat, at fieri non potest, nec unquam factum, aut futurum est, ut qui bene vivit, cœlesti Regno non potiatur. Quot Jacobus Patriarcha laboribus, quot David præmiis, & artificiis egit, ut ad Regnum perveniret, quod tamen sibi à Deo destinatum esse jam olim, certoque didicerant? Nihil ergo Prædestinatio operibus, nihil opera Prædestinationi obstant; sic ergo agendum, & conandum est, ac si nulla Dei Prædestinatio; sic verò omnia Deo tribuenda, & spes omnis in eum collocanda est, ac si nulla hominis industria, & prudentia esset. *Deinde* non ideo neganda hominis in agendo libertas est, aut operandi necessitas tollenda, quia libertatis, operumque cum divina Prædestinatione consensum, ac sœdus ignoras. Num ideo moveri Solem, terram in aëre, punctoque suspendi, magnetem in Polum figi, & mille alia negabis, quia eorum rationes, & causas, quibus fiunt non intelligis? Constat, Deum justum esse, constat, Evangelicam legem observandam, constat, orandum esse, constat, esse liberum arbitrium; sed non satis constat, quomodo ista cum Prædestinatione, Dei que voluntate convenient; num ideo negabis, quod constat, quia non assequeris, nec intelligis, quod non constat? Nemo Christianorum negat, esse in Christo naturam divinam, humanamque, quamvis ignoret modum, quo sibi tam distincta connectantur. Nemo Deiparam dubitat, Matrem simul, ac Virginem esse; quamvis pugnantia videantur in una, eademque planta fructum nasci, nec florem corrumpi. Idem de Prædestinatione dicas. Pugnare tibi cum libertate humana illius certitudo videtur, nec modum capis; at sufficit Christiano, ita Deum revelasse; nec ideo falsa, quia tibi occulta. Denique si ex te quæram, cur tanto labore, impendiis, ac periculo pugnes, & non potius victoriam otiosus expectes, cum certum sit, neminem visurum, nisi quem Deus voluerit; voluntatem verò Dei immutabilem esse? respondebis utique; quia constat nemini Deum victoriam velle, nisi conanti; & ideo unum, idemque esse, nolle certamen, quod nolle victoriam; nolle seminare, quod nolle metere; nolle

nolle cursum, quod nolle metam. Idem ergo de Prædestinatione dicendum; cur oras, cur operaris, cur bellum cum vitijs geris, & non potiùs soluto cingulo, desertâque militiâ quieti, ac deliciis vacas, cum Prædestinatio certa sit, nec mutari possit? quia constat, Deum neminem nisi bene operantem, ac Christianè viventem ad Cælum eligere, unde unum, idemque sit, nolle operari, quod nolle ex electis esse, nolle virtutem, quod nolle Cælum. Sanè, si hujus Dilemmatis aliqua vis esset, nemo eam meliùs ipso Dæmone intelligeret, & tamen iste, ac si nulla Prædestinatio esset, sed omnia ex creaturarum industria penderent, tentando, insidiando, persuadendo, obiecta, & occasiones offerendo, noctu diuque mille nocendi artes moliendo, nihil non agit, ut hominem seducat, trahatque in suas partes. Agnoscit ergo liberas hominum actiones non ex fato, sed ex hominum arbitrio pendere, talesque fieri, quales homo esse voluerit, nihilque Prædestinationem impedimenti asserre, quò minùs homines, aut boni, aut mali, aut felices sint, aut infelices, reprobi, aut electi, utcumque maluerint. Quis ergo tantùm insauiat, ut credat, se aliquid argumentando invenisse, quod nec Dæmon invenit? aut meliùs Logicam callere, quàm calleat Dæmon? Quacumque ergo ex parte Dilemma illud Calvinii expendas, vanissimum est, & omnium hominum, Dæmonumque judicio planè falsissimum; cessarent enim insidiæ, tentationesque omnes, sic Dæmone philosophante: Aut Judas est prædestinatus, aut non est prædestinatus? si prædestinatus, frustra illum tento: si non prædestinatus, etiam me non tentante, ac nihil agente, tandem damnabitur.

Tres ergo sunt in hoc, aliisque similibus de Prædestinatione paradoxis hallucinandi causæ. *Prima*: quòd ex iis, quæ occulta sunt, ad ea neganda movearis, quæ manifesta sunt: quod planè absurdissimum est philosophandi genus; oportet enim ex certis ad incerta, ex claris ad obscura, & non ex incertis ad certa, ex obscuris ad clara pervenire. Quid enim aliud esset, certa ex incertis, & clara ex obscuris, velle discere, quàm velle cæcum de coloribus interrogare, aut noctuam de Sole? Aut quis non agricolam rideret, qui arcum cælestem, quem oculis toties usurpat, esse negaret, quia non intelligit, à quo, quâ manu, quâ arte, quâ ratione, & quibus coloribus in aëre, & momento pingatur? Et ideo monuit optimè Augustinus Lib. de Bono Persever. cap. 14. *Non ideo negandum, quod apertum est, quia comprehendendi non potest, quod occultum est.* *Secunda*, erroris causa

causa est, quodd homines sibi persuadeant, non esse ampliùs in eorum potestate, ut inter electos numerentur. Quæ persuasio planè falsissima est: Sicut enim cum gratia Dei (quæ nemini volenti deest) in eorum potestate est, ut bene vivant, & in bono perseverent; ita in eorum potestate est, ut ad Electos pertineant, cum impossibile sit, bene viventē, & in bono perseverantē ex electis non esse, & ideo monebat Apostolus: *Satagite, ut per bona opera certam vocationem vestram faciatis.* (a) *Tertia* causa est, quodd sibi perperam imaginentur, Deum velle aliquos salvari, qui ad prædestinatos pertineant; alios verò, multoque plures non salvari, quos reprobos appellamus; & ideo cum Prædestinatio, & Reprobatio ex sola Dei voluntate pendeat, credunt. nihil ampliùs homini superesse, quo fatalem, & insuperabilem hanc voluntatem mutare in aliam, magisque propitiam possint. Sed hoc iterum à veritate alienissimum est: Deus enim, ut suprà prolixè ostensum, quantum ex se est, neminem perire, sed omnes enixè, ac efficaciter salvari vult, & ideo, qui pereunt, arbitrio suo pereunt, qui non salvantur, arbitrio suo non salvantur; at quod arbitrio suo faciunt, utique non facere possunt. Cum ergo dicunt; *Si prædestinatus sum, quidquid egero, pœnitebo tandem, & salutem adipiscar;* falsum dicunt. Si bene non egeris, non Deum perseveranter oraveris, non Christianè vixeris, tandem nec pœnitebis, nec prædestinatus eris. Sicut exadverso, si bene vixeris, si constanter oraveris, tandem perseverabis, erisque de prædestinatis. Verbo: *Perditio tua ex te Israël, ex me tantum auxilium tuum* (b) Et eleganter quoque S. Augustinus de natura & gratia cap. 67. *Quiescant ingrati, & adversus Deum murmurare desistant. Rectè enim fortasse quærentur, si erroris, & libidinis hominum nemo victor existeret. Cum verò ubiq; sit præsens, qui multis modis aversum vocat, docet credentem, consolatur sperantem, diligentem adhortatur, conantem adjuvat, exaudiat deprecantem; non tibi deputatur ad culpam, quod invitus ignoras, sed quod negligis quærere, quod ignoras. Neque illud, quod vulnerata membra non colligis, sed quod volentem sanare contemnis. Ubi iterum vides, totam causam perditionis, non ipsi Deo, quasi mederi, ac sanare nolit, sed soli homini adscribi, quodd sanare, & mederi volentem nolit admittere.*

XIII. Ex hæcenus disputatis colliges, hanc esse Prædestinationis seriem. *Primò.* Deus videlicet, qui omnes homines amat, vo-

luit

(a) 2. Petri 1. v. 10. (b) Osee 13.

luit etiam omnes salvare, nullumque perire. *Secundò*. Atque ut hanc omnes salvandi voluntatem suavius exequeretur, statuit omnium hominum sortem ex merito, demeritoque primi hominis pendere, ut videlicet isto non peccante, tota posteritas & in terris, & postea in Cœlis felicissimam vitam agitare. Ne verò peccaret Adam, & innocentia decideret, tot illum præditiis, tot dotibus corporis, animique vallavit, ut videretur vinci non posse. *Tertiò*. Sed Adamo infelicitè peccante, tota quoque posteritas, quippe ex Patre rebellis nata omni jure ad cœleste Regnum spoliata est, quod peccatum Originale vocamus. *Quartò*. Verùm ne hominis delicto Dei consilium, omnesque salvandi voluntas effectu careret, decrevit Deus, Uoigenitum suum mittere humana carne indutum, cujus merito, & originale, & alia omnia peccata iis remitterentur, qui mediis uti vellent ab eo præscriptis. *Quintò*. Ut autem vellent, singulis ob meritum Salvatoris validissimæ gratiæ ab æterno paratæ, quibus humana voluntas ad malum prona in bonum flecteretur. *Sextò*. Parvulos quod attinet, qui sine Baptismo decedunt, cœlesti quidem Regno, quippe paternæ culpæ reos, nec expiatis exclusit; non exclusit tamen naturalibus bonis, & à peccato præservavit, æternoque supplicio, quo si adolescerent, puniendi erant: quæ planè magna portio amoris, & gratiæ est; cùm sola præservatio à peccato pluris valeat, majorisque pretii sit, quàm Regnum ipsum cœleste, quo, si ipsis optio daretur, carere vellent, quàm peccato involvi. Non ergo neglecti dici possunt, qui tanto bono donati sunt, tantoque malo liberati. Fatendum tamen, quia nunquam parvulis ante baptismum sublati Deus æternam vitam voluit, istos ad alium finem, classemque Providentiæ pertinere. *Septimò*. Quia ergo Deus omnes amavit, salvarique voluit, omnibus quoque copiosissima media suggessit, quibus salvari possint. Quod si oblatis ad salutem mediis uti aliqui nolint, ac peccatis usque ad mortem insistant, reculentque oblatam sæpius veniam, eos damnare justissimè statuit, sicut enim quia bonus est, gratis salvare statuit, citraque omne meritum etiam prævisum, solo videlicet misericordiæ, & amoris instinctu; ita quia justus est, non gratis, sed ob culpam salutem prævisam punire decrevit, quàm enim misericordis est, velle citra meritum amare, tam est justus, nolle citra meritum punire. Nihil ergo aliud *Predestinatio* est, quàm *antecedens*, & *efficax Dei voluntas hominem ad vitam æternam promovendi, dandi*que *efficacissima*

finis ad hunc finem media, quibus cùm videat, aliquos bene usuros, istos *consequente* etiam, ac *executrice voluntate* salvare proponit, & hi solum ac propriè *prædestinati* appellantur. Tota tamen antecedentis illius voluntatis ratio est sola, & unica Dei Bonitas, & Misericordia; non verò hominis merita etiam prævisa, cùm ista non sint causa, sed effectus efficacis illius, & beneficæ voluntatis. Imò in illa ipsa voluntate consequente, quâ Deus statuit, Petro vitam æternam conferre, quia prævidet, præscriptis à se mediis bene usurum; nihil ipsius hominis meritum in Prædestinationem influit, Deumque movet, qua parte ab homine est, sed tantum qua parte à gratia est, quæ gratis, citraque debitum datur. Et ideo absolutissimè dicendum est, Prædestinationē gratuitam omnino esse, & opus solius amoris, sicque Prædestinationem non esse ex prævisis hominum meritis; sed potius ex prævisis Dei donis, & gratijs, juxta illud Psalmistæ: *Qui coronat te in misericordia, & miserationibus*. Et illud Joan. 1, *Ex plenitudine ejus nos omnes accepimus gratiam pro gratia*. Reprobatio verò nihil aliud est, quàm voluntas Dei consequens, hominem æternam penam patiendi, quia prævidet, usque ad mortem peccatis inhaesurum, & gratias à Deo copiosissimè datas, & cum quibus salvari facillimè poterat, recusaturum; ita videlicet, ut tota ratio damnationis sit hominis culpa divinam Justitiam provocantis, oblatamque misericordiam respuentis.

Rebus ergo ita discussis restat, ut ad ea, respondeamus, quæ opponi possunt. Nihil enim tam est verum, quod impugnari non so-
leat, sicut ex adverso nihil tam falsum, quod non aliquo veritatis colore tingatur; imò quia nemo falsum credit, nisi deceptus; ideo tam falso, quàm deceptor solenne est, veritatem, ac fidem profiteri, quam non habent.

XIV. *Opponitur igitur Primò*: Christum Dominum non pro omnibus, sed pro Electis tantum orasse; sic enim Joan. 17. Patrem precatur: *Ego pro eis rogo, non pro Mundo rogo; sed pro his, quos dedisti mihi, quia tui sunt*. Hic apparet Christum pro solis prædestinatis, quos Pater ei dederat, & qui ad Patrem pertinebant, non verò pro Mundo, hoc est, pro Reprobis orasse; non ergo Christus pro omnibus, etiam Reprobis passus est: Cùm enim multò minùs sic orare, quàm mori; quis sibi persuadeat, voluisse pro his mori, pro quibus nec voluit orare?

Respondetur primò: Christum pro omnibus orasse, ac oran-
do

dogratiam omnibus, etiam reprobis meruisse, quâ converti, salvari-
 que facillimè possent, si vellent, quod ex suprà dictis certum est, &
 apertissimè docuit Augustinus. Nam præter illa, quæ paulò antè re-
 citavimus, Serm. 4. de S. Stephano ita loquitur: *Jubet Deus, & di-
 cit: diligite inimicos vestros, orate pro persequentibus, & calumni-
 antibus vos. Attendite ipsum Dominum, qui hoc jussit, quod fecit:*
nonne pendens in Cruce ait: Pater ignosce illis: quando ergo in Cruce
pendens orabat, videbat, & prævidebat omnes inimicos; sed multos
ex illis futuros amicos; ideo omnibus veniam postulabat. Illi senie-
bant, ille orabat, illi dicebant Pilato, crucifige; ille clamabat Patri,
ignosce: pendebat, & tamen petebat. Et scribit. 109. de Temp. Cum
 venerit Dominus, redditurus est singulis pro merito. An hoc vultis,
 ut reddatur averfis, quod redderetur conversis? Fratres justum vide-
 tur vobis, ut illic ponatur Judas, ubi positus est Petrus, & ipse ibi po-
 neretur, si se correxisset: sed de venia desperans potius sibi collum la-
 queo ligavit, quàm Regis clementiam imploraret: itaq; Fratres, sicut
 dicere ceperam, non est, unde reprehendamus Deum. Et in respon-
 so ad articulos sibi falsò impositos, art. 1. loquens de Redemptione,
 & Sanguine Christi. Poculum quippe immortalitatis, quod consecutum
 est de infirmitate nostra, & virtute divina; habet quidem in se, quod
 omnibus prodest, sed si non bibitur, non proficit. Ex quibus intelli-
 gis, ex sententia Augustini, Orationem, ac Redemptionem Christi
 ad omnes quidem etiam Reprobos (qualis erat Judas) pertinuisse;
 sed ideo non omnibus profuisse, quia non omnes acceptare voluerunt:
 omnibus, & paratum, & porrectum est poculum; sed non omnibus
 profecit, quia non omnes biberunt; profecisset, si bibissent. Ad-
 vertis etiam, Christum non tantùm paucis illis, quos futuros aliqua ni-
 do amicos prævidebat; sed omnibus, qui sæviebant, dicebantque
 Pilato: *crucifige*, veniam à Patre postulasse. Deinde sciendum est,
 Christum Dominum Joam. 17. Mundo valedicentem pro tribus
 personarum generibus preces suas ad Patrem fuisse. *Primo* à versu
 nono, usque ad vigesimum pro solis Apostolis rogat, quibus tantum,
 & non toti Mundo conveniunt, quæ illic à Christo dicuntur, videli-
 cet: quod sermonem suum eis dederit, quod Mundus eos odio habuerit;
 quod non sint de Mundo: quod eos in Mundum mittat &c. Postea à
 versu vigesimo: non pro solis Apostolis, sed pro omnibus Fidelibus
 (quos inter multi utique reprobi erant) orat iis verbis: *Non pro eis*
autem rogo tantum, sed & pro iis, qui in me credituri sunt per Verbum

coram; ubi apertè ostendit, se priùs pro solis Apostolis ad Patrem precatum esse. Denique versu 21. rogat, & pro toto Mundo. *Ut credat Mundus, quia tu me misisti*. Ubi vides, licet Christus à speciali illa oratione, quæ solos Apostolos complectebatur, Mundum excluderet; non exclusisse tamen à reliqua oratione sua, in qua petebantur, quæ toti Mundo convenirent, videlicet, ut in Christum crederent. Licet ergo Christus præcipuè pro Apostolis, pro Fidelibus, pro Prædestinatis oraverit; non ideo tamen reliquum Mundum orationis suæ expertem voluit, ut etiam S. Paulus clarè 1. ad Timoth. 4. iis verbis insinuat: *Qui est Salvator omnium hominum, præsertim Fidelium*. Vides, in hoc reprobos, & electos pares esse, quòd omnes ad Redemptionem pertineant, sed in hoc distingui, quòd Electi præcipuas partes Redemptionis obtineant, quia soli ejus effectum consequuntur. Planè cum S. Joannes testetur, Christum esse *Advocatam pro peccatis totius Mundi*, sequitur, orasse quoque pro peccatis totius Mundi, alioquin tam frustra esset Advocatus, qui non orat, quàm frustra est Mulicus, qui non cantat. Omnes ergo redempti, omnes commendati, omnes Christo ad salutem commissi; sed electi præcipuè, non tamen soli. Oravit ergo pro Mundo, & non oravit; Oravit prece illa communi, omnesque complectente; non oravit oratione illa speciali ad solos Apostolos, aliosque electos spectante, quomodo intelligendus etiam est Angelicus Doctor 3. p. q. 21. a. 4. ad 2. Cum enim nihil aliud sit oratio, quàm expressio desiderii; sicut Christus omnibus etiam reprobis salutem ardentissimè optavit, ita pro omnibus quoque ardentissimè precatus est. Qua in re observandum venit, Deum rebus quidem omnibus à se creatis, multoque magis à se redemptis, nullo excepto, providere; ita tamen, ut hæc ipsa providentia partim sit omnibus communis, partim verò sit aliquibus specialis, suosque gradus habeat. *Pusillum, & magnum ipse fecit, & æqualiter est ei cura de omnibus*, inquit Sapiens cap. 6. *Æqualiter*, quia ex parte ipsius Dei unus, idemque amor est, quo omnes complectitur, nullique deest, ac singulis non necessaria tantum, verim etiam copiosa pro singulorum statu, ac conditione distribuit. Hæc tamen æqualitas nihil obstat, quin inter creata, magis homines, inter homines magis Christianos; inter Christianos, magis prædestinatos; inter prædestinatos verò eos magis curet, ac pluribus beneficijs ornet, qui magis in illum sperant, seque totos ejus divinæ voluntati committunt. *Tibi cura est de omnibus, præcipuè de servis, qui totam*

spem suam posuerunt in sola misericordia tua. (a) Si Christus, quia omnium Advocatus, pro omnibus quoque intercessit, pro Apostolis tamen magis, quàm pro reliquis Fidelibus; & prædestinatis magis, quàm non prædestinatis. Sicut enim pater inter multos filios, magis morigeros, quàm discolos amat; ita Deus, quippe omnium hominum Pater, omnes quoque homines diligit; eos tamen dilexit magis, quos morigeros, quàm discolos futuros esse prævidit; quamquàm, & qui morigeri, illius gratiâ; & qui discoli, propriâ culpâ tales futuri erant. Deus enim neminem bonum futurum esse prævidet, nisi quem bonum facturum erat: Sicut artifex, qui truncum in silva oculis notat; non aliter prævidet ex illo futuram esse statuum, nisi quia ipse facturum est; potest enim sine artifice truncus esse, sed non potest esse statua. Ergo, ut dicebam, pro omnibus oravit Christus, pro electis tamen maximè.

XV. *Opponitur secundo.* Matth. 26. dicitur: *Hic est sanguis novi, & æterni Testamenti, qui pro multis effundetur.* Eademque loquendi formula passim in Scripturis occurrit; si pro multis, ergo non pro omnibus.

Resp. Imò, quia pro omnibus, ideo pro multis; qui enim veriùs multi dicuntur, quàm omnes? Et ideo Apostolus ad Rom. 5. *Sicut per inobedientiam unius peccatores constituti sunt multi;* Ubi vides, idem Apostolo esse, omnes, quòd multos. Quòd si Adamus omnes perdidit, Christus verò non omnes redemit, sequitur, fortius peccatum Adami ad perdendum, quàm Christi sanguinem ad redimendum fuisse, sicque non erit verum illud Apostoli: *Ubi abundavit delictum, superabundavit gratia,* sed potius dicendum erit: *Ubi abundavit gratia, superabundavit delictum.* Deinde non pro omnibus, sed pro multis dicitur Christi sanguis effusus, quia non omnibus profuit. Ergo & pro omnibus effusus est, & non pro omnibus. Pro omnibus quoad efficaciam; non pro omnibus, quoad fructum. Quantum ex parte ipsius Christi, datus est omnibus, sed quia non omnes accipere voverunt, eoque in bonum uti; non profuit omnibus, sed multis, quia non omnes, sed multi voluere. Quid efficacius Sole ad illuminandum, si oculos aperias? Quid inefficacius, si micanti oculos claudas, aut vchem opponas? Idem dicas de Christi sanguine. Sed ea quoque ratione multos dixit Evangelista, ut ingentem Electorum numerum ostenderet. Planè is tantus est, ut ali-

qui

(a) S. Bernard. *serm.* 68. *in Cant.*

qui velint, tertiam partem Angelorum, qui ceciderunt, æquare. Angeli verò tam multi sunt, ut si singulis hominibus, decem assignes, hominum verò quotquot sunt, fuerunt, eruntque sint tricies millies, decies centena millia: hoc est, triginta millia millionum; (cùm tamen dubium non sit, multè plures esse, cùm in sola China, quæ non omnino est decima sexta pars Orbis terrarum, teste Daniele Batholo in sua Geographia Morali, trecenti milliones hominum numerentur; quot ergo erunt in Empyreo, Globo terrestri infinitis penè spatiis vastiore?) sequitur Angelorum trecenties mille Exercitus fore, quorum singuli millies mille, hoc est, millionem completantur. Si ergo tot erunt Beati, quot tertiam partem Angelorum conficiunt; sequitur centies millies milliones Beatorum fore. Et in immensum summa excrescet, si ex sententia Sanctorum (a) Dionysii, Thomæ, (b) & Bernardini (c) dicas, plures Angelos esse, quàm Stellas, arenas, folia, herbas, ac omnia creata, quod forsan innuere Jobus voluit, cùm dixit cap. 24. *Nunquid est numerus Militum ejus?* Alii multitudinem Prædestinatorum ex proportionem Martyrum colligunt, quos Romæ tantùm millies mille, & quingenta quinquaginta millia S. Birgitta in *Revelationibus suis lib. 3.* censeri posse testatur; quantus ergo erit aliorum Sanctorum numerus, toto Orbe sparforum? Alii denique ex magnitudine Cæli Empyrei conjiiciunt, quod decem millionibus vastius terrâ esse, mathematici docent; quot ergo civibus indigebit, ne maxima parte vacuum sit? Sed utcumque res se habeat; Prædestinatorum multitudinem innumerabilem esse, ipsa Scriptura sæpissimè, ac præsertim Apocalyp. 7. testatur. Quæ omnia eò spectant, ut ostendam, optimè Evangelistam dixisse, Christi Sanguinem pro multis effusum iri. *At inquires:* Si Christus pro omnium salute passus est, & oravit, nec tamen omnes salvantur, sequitur; Christi orationem non semper, & pro omnibus, sed aliquando tantùm, & pro multis exauditam fuisse. Resp. Orationem, ut bene advertit S. Thomas 3. par. quæst. 21. art. 1. Nihil aliud esse, quàm *explicationem propriæ voluntatis apud Deum, ut illum impleat.* Tunc ergo exauditur Christi oratio; cùm ejus voluntas impletur. At voluntas Christi erat, ut salvarentur omnes, si vellent; non salvarentur, si nollent, quæ

(a) S. Dionys. de celest. Hierarch. cap. 9. (b) S. Thom. 1. p. q. 50. a. 3. (c) S. Bernardin. serm. 49. Antonius Gualmus Congreg. Oratorii discursu 43.

quæ voluntas in Christo semper impleta est; semper ergo ejus quæque ora io exaudita. Taceo, tantam esse gloriam, tantumque gaudium, vel unius Beati, ut id longè omnium damnatorum mala, & dolore superet, sicque vel unius Animæ salutem, dignam Christi Sanguine, ac præcibus mercedem fuisse. Nam quoddamnati dolent, & cruciuntur, id totum ab igne, causisque creatis est, quæ illos torquent; Quoddamnati gaudeant, & felices sint, id totum à Deo immediatè, clareque viso procedit. Illa ergo inter Damnatorum pœnas, & gaudia Beatorum, quæ inter Deum, & creaturas proportio est. Deinde, quoddamnati puniantur, opus est Justitiæ: quoddamnati gaudiis exudent, opus amoris, & Misericordiæ; at verd quis nescit, Deum validius amando, & miserendo, quàm vindicando, & puniendo agere, cum hoc invitus, illud sponte, & ideo impensius agat? In pœnis damnatorum semper Misericordia Justitiæ miscetur, ejusque brachium avertit, ne toto impetu, quantumque damnati merentur, in miseros ruat. At in Beatis nihil Misericordiam, nihil torrentem voluptatis moratur, quo minùs toto alveo, plenoque fluat. Denique sola Justitia est, quæ damnatos persequitur; at in Beatorum delicias, & Justitia, & Misericordia conspirant, certantque, quæ magis felices eos reddat; tantò ergo perfectius, & excellentius opus, quantò pluribus, & melioribus causis; sicut & major lacus, in quem plures amnes volvuntur. Et hæc causa Augustino fuit, ut diceret, omnes in damnatis gemitus, pœnasque cessaturas, si vel momento Deum videre possent, sicque vel unâ Paradisi stillâ in eos ignes cadente. Quid ergo erit æternitas, si tantum est momentum? Quid erit mare, si tanta est gutta? Verba Augustini sunt: *Tanta est dulcedo futuræ gloriæ, ut si una gutta in infernum deflueret, totam damnatorum amaritudinem dulcoraret.*

XVI. *Opponitur tertio:* Hæc ipsa fuit Massiliensium, & Semipelagianorum sententia, qui passim docebant, velle Deum omnes salvos fieri, modò ipsi vocanti Deo consentiant. *Ideo enim non omnes salvos fieri, & in agnitionem veritatis venire, quia ipsi nolint petere, cum Deus velit dare; nolint querere, cum Deus velit ostendere; nolint pulsare, cum Deus velit aperire.* Ita refert S. Augustinus lib. 4. contra Julianum cap. 8.

Resp. Non omnia, quæ Pelagiani, aut Semipelagiani, aliique Hæretici docebant, falsa esse; alioquin falsum erit, Christum natum, passum, mortuumque esse, quia ista etiam Hæretici fatebantur

cur. Imò quàm plurima vera falsis studiosè miscebant, ut tantò securius, ac cautius fallerent. An verò, quia Dæmon professus est, *Christum esse Filium Dei vivi* Luc 4. id verum non erit? Sicut ergo non omnia ideo falsa, quia Dæmon dixit; quantò magis non ideo falsa, quia docuit Pelagius? Non ergo Semipelagiani hæretici erant, vel quia crederent, Deum omnibus efficacissimè salutem velle; vel quia dicebant, neminem saluum fieri nisi qui vellet; hæc enim & verissima erant, & ab Augustino, ac Catholicis omnibus concessa; sed quia docebant: *Prædestinationis nomine fatalem quandam numerum augeri posse, & minui: priorem esse hominis obedientiam, quàm gratiam: initium salutis esse ex eo, qui salvatur, non ex eo, qui salvat: gratiam à voluntate præcedi, quàm tantum Medicum quærat: Fidem, aut saltem initium Fidei non ex gratia, sed ex naturæ viribus esse: eum adiuvanti à gratia, qui ceperit velle, ipsum autem velle à gratia non dari: quod credimus, nostrum esse, quod operamur, Dei esse.* Hi sunt errores Semipelagianorum, quos Prosper, & Hilarius in *Epistola ad Augustinum* recensent, quæque optimè ab Augustino refutantur. Ubi etiam adverte, aded illos speciosis rationibus, ac auro pietatis obductos fuisse, ut quod mireris, non solum sanctitate, ac doctrinâ præcipuos in Gallia; verum etiam in Africa ipsum Augustinum occuparent, priusquàm Episcopatu fungeretur, ut ipse, in libro de Prædestinatione attestatur. Neque enim induci poterant, ut crederent, sperari æternam salutem à se posse, nisi arbitrio, & viribus suis relinquerentur, hoc est, nisi spem suam fragili cymbæ, & non validissimo Myoparoni committerent. Quibus eleganter Augustinus in eodem Libro de Bono Perseverantiæ cap. 21. & Homil. 14. respondet: *Absit à nobis, ideo desperare de nobis, quia spem nostram in ipso habere iubemur, non in nobis, cum scriptum sit: Maledictus homo, qui spem habet in homine, & Bonum est confidere in Domino, quàm confidere in homine. . . . Quid times, ne pereas, cuius capillus non peribit? non perit capillus, quem, cum tonderetur, non sentis, & perit anima tua, per quam sentis.* Et de Prædestinatione Sanctorum cap. 11. *Miror homines, infirmitati suæ se magis committere, quàm firmitati promissionis Dei: sed incerta est mihi, inquis, de ipsius voluntas Dei. Quid ergo? Tua ne tibi voluntas de te ipso certus est?* Ceterum alia, quæ Semipelagiani docebant, vera quidem erant, & ab Augustino admittæ, sed instar læcis veneno mi-

mittebantur, ut quantò dulcius, tantò nocentiùs libarentur.

XVII. *Opponitur quartò*: S. Augustinus variis locis illam sententiam Apostoli: *Deus vult omnes salvos fieri*. Multò aliter exponit, quàm à nobis explicata sit. Docet enim, non ita intelligendam esse, quasi Deus omnes omnino homines, quantum ex se est, salvari velit; sed quòd nullum sit genus hominum, nullà conditio, in qua non plurimi sint, qui salutem consequantur.

Resp. Augustinus, prout illi cum Pelagiani certamen erat, hanc Apostoli sententiam explicabat. Nam & in eo sensu vera est, quam obiectio insinuat; idque refellendis Pelagianis fatis erat. Verùm cum ex proposito rogatus est, quid de voluntate Dei omnes salvandi, quid de hoc ipso Apostoli loco sentiret, ingenuè, citraque ambages respondit, ut suprà notatum est. Ut ergo de mente Augustini ferre iudicium possis, *prænotandum est*, non semper in causa gratiæ unam, eandemque sententiam tenuisse. Priùs enim quàm Episcopatum iniret, Semipelagianorum erroribus tinctum fuisse, dubitari non potest. Docebat enim, fidem ex viribus naturæ esse, & illius merito gratiam dari, ut ipsemet *Libro de Bono Perseverantiæ cap. 3. & 4.* fatetur, ac etiam in libro *Retractationum*. Rursus cum in Libro de hominis arbitrio docuisset, pœnas, quibus innocentes parvuli ante Baptismum affliguntur, occultis à Deo præmiis compensari: *Quis autem novit, quid parvulis in secreto Iudiciorum suorum bona compensationis reserves Deus?* Epistola tamen 28. ad Hieronymum id ipsum recantat. Taceo inferni supplicia, quibus infantes ante Baptismum extinctos puniri censebat, quantumvis id alibi in dubium revocaverit. In iis ergo, quæ Augustinus contra Pelagianos, aut Semipelagianos de gratia disputavit, certum est, neminem illo pulchriùs, fortiùs, eloquentiùs, ac veriùs scripsisse, adeò ut quidquid Ecclesiæ de gratia credendum proposuit, id totum non ex sententia tantùm, sed etiam ex verbis Augustini derivaverit. Id verò quòd Augustinus ex professo contra Pelagium defendit, non aliud fuit, quàm gratiam, non ex præcedente merito, sed ex solo Dei proposito, meroque beneplacito conferri; hic cardo, hic scopus omnium Augustini de gratia Disputationum. Reliqua, quæ velut incidenter, & hanc causam comitari poterant, Augustinus aut omisit tanquàm occulta, & incerta; aut se ignorare professus est; aut disputando, & inquirendo potiùs, quàm decidendo scripsit. Et ideo S. Cælestinus Pontifex Epist. ad Episcopos Galliæ, eximius alio,

alioquin Augustini prædicator de hujusmodi accessoris, & honorariis Quæstionibus hæc habet: *Profundiores verò, difficilioreſq; partes intercurrentium quæſtionum, quas latiùs pertractarunt, qui Hereticis responderunt, ſicut non audemus contemnere; ita non neceſſe habemus adſtruire.* Imò ipſe Auguſtinus lib. 2. de Bono Perſeverantiæ cap. 21. *Unde recolant, inquit, adverſus hæreſim Pelagianam tam ante aliquot annos iſta dicta eſſe, atq; conſcripta, quæ nunc eis diſplicere mirandum eſt: quamvis neminem velim ſic amplecti omnia mea, ut me ſequatur, niſi in iis, in quibus me non errare perſpexerit. Nam propterea nunc facio Libros, in quibus opuscula mea retractanda ſuſcepi, ut nec me ipſam in omnibus me ſecutum fuiſſe demonſtreſ; ſed proſcienter me exiſtimo, Deo miſerante, ſcripſiſſe, non tamen à perfectione cepiſſe: quandoquidem arrogantius loquar, quàm veriùs, ſe vel nunc dico, me ad perfectionem ſine ullo errore ſcribendi jam in iſta ætate veniſſe. Sed intereſt, quantum, & in quibus rebus erretur.* Sanè quàm difficilis intellectu ſic Auguſtinus, quantoque periculo ab iis legatur, qui omiſſa cauſa, quam ille contra Pelagianos agebat, alia Prædeſtinationis arcana quærunt, quæ ille neſcire potiùs voluit, quàm quæri; nemo illuſtriori exemplo, ac malo ſuo, quàm Cornelius Janſenius Episcopuſ Iprenſiſ docuit: Is enim in ſuo Auguſtino Libro proæmiali cap. 11. & 18. teſtatur, ſe in omnibus Auguſtini Libris evolvendis ſupra viginti duos annos operam navâſſe, omneſque tricies percurriſſe. Quis non crederet, poſt tantum ſtudium, tot annorum induſtriam nemini magis Auguſtini mentem potuiſſe compertam eſſe? Et tamen cùm omiſſa cauſa, quam Auguſtinus ex profeſſo agebat, alia rimatur, quæ non agebat Auguſtinus, in pernicioſiſſimas hæreſes, & ab Auguſtino alieniſſimas incidit, quas primò Theologi Chriſtiani calamo damnârunt, ac demum Innocentiuſ X. Pontifex Maximuſ anathemate percuſſit. Taceo Calvinistarum, ac Lutheranorum ex Auguſtino ruinas. Semper ergo oportet hujus S. Doctôriſ ſtudioſum, in ſcopum, & argumentum reſpicere, quod ſibi diſputandum præſcripſerat, alioquin ſi aliud, quàm ſcopum attendas, errabis ſæpiùs, quàm tanges. Exemplum eſt in præſentia futurorum conditionatorum. Dicebant Pelagiani, ex duobus parvulis, quorum unus baptizatuſ, alter non baptizatuſ decedat; eum, qui Baptiſmo caret, ideo Sacramento privatuſ eſſe, quia Deus peccata prævidebat, quæ, ſi vixiſſet, commiſſuſ erat. Auguſtinuſ inter alia argumenta, quibus ineptiſſi-

mum hoc commentum refutat, etiam illud urget, repetitque sæpius: Deum, quæ futura sunt, scire, non verò scire, quæ futura non sunt. *Ita lib. 1. de Prædestinatione Sanctorum cap. 14. lib. 2. ad Bonifacium cap. 7. & alibi.* Quibus verbis negare videtur, posse à Deo certissimè sciri, quæ futura non sunt; sed tantùm ea coniici juxta dispositionem, ac pericula causarum secundarum. Sed cùm Augustinus non id ex professo tractet, sed cursim tantùm, & aliud agens, nemo dixerit, hanc Augustini sententiam esse: Aliud enim est Augustini dictum, aliud Augustini sententia; hæc enim discussionem, & examen requirit. Non dissimile exemplum ex Augustino proferri posset de pœnis parvulorum sine Baptismo decedentium. His ergo priùs observatis restat, ut ad obiectam Augustini auctoritatem respondeamus. Dicimus enim, Deum efficaciter velle, & non velle omnes salvos fieri. Vult, si utantur mediis ab illo sapientissimè præscriptis; non vult, si mediis uti nolint. Non verò omnibus eadem, sed aliis alia præscripsit, ut postea copiosius dicetur. In qua eisdem Dei voluntate aliud est facillimum, aliud difficillimum capto. Quis enim non facilè capiat, Deum nolle iis salutem, qui salvari nolint? At ex adverso quis unquam rationes, & causas compertas habuit, cur uni, non alteri media, & gratias providerit, quibus efficeretur, ut vellet? Planè hæc est altitudo, quam Paulus expavit, & quam mirari potiùs conveniat, quàm metiri. Jam verò non aliter ab Augustino Dei propositum omnes homines salvare volentis intellectum fuisse, quàm à nobis explicatum est, ex illis patet, quæ suprà clarissimis testimoniis ostensa sunt. Unum tantùm, aliud ve repetemus. Idem ergo Augustinus de Spiritu, & Litteræ cap. 13. ita loquitur: *Vult quidem Deus omnes homines salvos fieri, & in agnitionem veritatis venire, non tamen eis adimendo liberum arbitrium, quo bene, vel malè utentes justissimè judicentur, quod cum fit, infideles contra voluntatem Dei faciunt, cum ejus Evangelio non credunt.* Observa, ex Augustini sententia benignâ Dei voluntatem in omnes etiam reprobos extendi, nullumq; excludi, nisi qui libero arbitrio nolit. Quod etiam apertissimè S. Prosper fidelissimus S. Augustini Discipulus docuit, qui Responso tertio ad Gallos ita scribit: *Ideo non sunt prædestinati, qui tales futuri ex voluntaria pravocatione præsciti sunt.* Tota ergo causa, quod prædestinati non sint, non Dei, sed hominis voluntas fuit, Deo, quantum ex ipso est, omnibus ad salutem parato, sed peccatore salutem recusante, & mortem ante vitam malente.

lente . Idem Augustinus *l. 1. de Nat. & Grat. cap. 17.* Cùm ei Pelagius objecisset : Deus potest omnia sanare . Respondet : *Deus utiq; hoc agit , ut sanet omnia , sed agit iudicio , nec ordinem curandi accipit ab agro .* Non ergo negat Augustinus , Deum velle omnibus salutem , imò quoad hoc cum Pelagio consentit , sed tantùm negat , modum sanandi ex hominis voluntate pendere , Vult sanare omnes , sed non eodem modo , nec hominis arbitrio , sed suo . Deniq; sapiissimè Augustinus eam regulam inculcat . *Deus neminem deserit , nisi prius deseratur* , ut suprâ quoq; notatum est . Atqui falsissimum id est , si aliquos propria voluntate , nullâq; eorum culpâ salvos esse nolit : quid enim aliud est deserere , quàm nolle salvare ? Atqui jam ab æterno quàmplurimos , imò plerôsq; salvare noluit , deseruit ergo , & deseruit , ut dicis , non quia prævidit deserturos , sed quia voluit : quid amabò hoc est aliud , nisi prius deserere , quàm deseratur ? Aut quæ desertio major , ac prior fingi potest , quàm quæ omne tempus , omnem hominis voluntatem , omnemq; culpam prævolavit , & qua posita homo certissimè periturus est . Si ergo Deus quantum ex se est , non vult omnes salvos fieri , sequitur , eum ab æterno prius aliquos deserere , quàm deseratur . Atqui hoc Augustinus , hoc ratio negat : Cur enim voluit condere , si voluit destruere ? Nemo sapiens hoc fecit , quantò magis non fecit Sapientia ? *Nec enim* , inquit Augustinus , *amas , & deseris .* Tam non est amoris deserere , quàm non est hederæ non hære . Tunc ergo credam , voluisse prius deserere Deum , quando mihi ostendes , voluisse Deum non amare . Planè cùm constat , Deum ideo hominem condidisse , quia amavit ; oportet mihi ostendas , quid causæ fuerit , ut quamprimum creavit , mox voluntatem suam , & amorem mutaverit , ut quem prius diligendo creaverat , mox creatum non diligendo reprobaverit . Præsertim cùm divina voluntas immutabilis sit , nec alia esse possit , nisi postquàm obiectum aliud esse cepit . Quid ergo mutatum est , ut hominem , quem prius amavit , & ideo condidit , mox non amaverit , & ideo deseruerit ? Quid inquam , mutatum est ? Deus ? at mutari non potest : Homo ? at nihil deliquit , quò in alium mutaretur : què ergo fieri potuit , ut prius amaret , ac postea non amaret , & ideo desereret , nulla in Deo , nulla in homine facta mutatione ? Fixum ergo , ratumq; sit , Deum non deserere , nisi deseratur , & hanc esse Augustini sententiam .

XVIII. *Opponitur quintò .* Divinæ , & efficaci voluntati nemo resistit ; si ergo Deus vult omnes salvos fieri ; sequitur , omnes salvos futuros , nullumq; periturum ,

Resp. Si quid hæc objectio convinceret, sequeretur, ne minern quoque peccatum; quid enim efficacius vult Deus, quantum est de se, quam non peccari? nemo enim dixerit, non velle Principem efficaciter, quod prohibet indicta morte, quantum magis si morte, ac supplicio æterno? Cujus ratio est, quia Deus aliter cum causis necessariis, aliter cum liberis agit. Cum necessariis agit, ut effectus necessariè sequatur, & ideo nunquam non id sequitur, quod jubet: Cum liberis verò agit liberè, & ideo licèt ex parte sua salutem efficaciter velit, ac media de se potentissima suggerat eam obtinendi; relinquit tamen, ut ex S. Augustino vidimus, homini libertatem ea recusandi, si malit. Vult enim salvare hominem, si velit; at si nolit, vult punire; sicque Dei voluntas nunquam non impletur. Idque magis explicari adhuc potest familiari Sanctis; Patribus exemplo, quod jam suprà libavimus. Nemo negat, Solem, eiusque lucem ad illuminandum efficacissimam causam esse; hic tamen, quodd cum causa libera concurrat, sæpe non illuminabit, homine videlicet oculos claudente, aut velum, ne insuat, opponente; stare ergo potest efficacia causæ etiam effectū cessante. Ita Deus; *Erat*, inquit, Joannes 1. *lux, qua illuminat omnem hominem venientem in hunc Mundum*. Ecce tibi lucem omnem Mundum illustrantem! sed nunquid omnes illuminati sunt? minimè inquit: *sed hoc est judicium, quia lux venit in Mundum, & dilexerunt homines magis tenebras, quam lucem*, Joan. 3. Vides hîc iterum lucem omnia illuminantem, & non omnia illuminantem. Omnia, quantum ex parte sua est: non omnia, quantum ex parte hominis est: *dilexerunt*, inquit, *magis tenebras*, hoc est, clausurunt oculos Soli, noluerunt fulgurantem admittere, noctem, quam diem maluerunt, sicque in tenebris, & umbra mortis jacuerunt, nullâ Solis, sed suâ culpâ. Isti ergo sunt, de quibus Job 24. dicitur: *Ipsi fuerunt rebelles lumini, nescierunt vias ejus; qui dixerunt, recede à nobis, scientiam viarum tuarum nolumus*. In quæ verba Gregorius: *Lumini ergo rebelles sunt, qui elationis suæ scintilla faculis veritatis obiciunt, ne salubriter in corde feriantur*. Narrat Solinus c. 34. Atlanticos Africæ populos adeo Solem averfari, quodd ejus radijs torreantur, ut orientem alii convitiis, & jaculis impetant, alii verò in silvas, & speluncas se condant. *Isti*, inquit, *torrente Sidere, oderunt Deum lucis*. Tales sunt Reprobi. Habent Solem, habent lucem, sed eam oderunt, & persequuntur, multoque minùs admittunt: quem ergo, si non videant, & ideo impingant,

& cadant, quem, inquam, nisi se ipsos accensabunt? Audi iterum S. Thomam lib. 3. contra Gentes cap. 159. *Considerandum est, quodd sit in potestate liberi arbitrii impedire receptionem gratia, & ideo non immeritò ei imputatur, qui ponit impedimentum: Deus enim quantum est ex se, paratus est, omnibus gratiam dare, vult enim omnes salvos fieri; sed illi soli gratia privantur, qui in se ipsis gratia impedimentum præstant.*

XIX. *Opponitur Sextò.* Si Deus, quantum est ex se, vult omnibus, & voluntate quidem efficaci vitam æternam; cur ergo non dat omnibus media, quibus prævidet fore, ut illam adipiscantur?

Responderi multa ad hanc oppositionem possunt. *Primò*, id quod Apostolus, & post eum Augustinus, omnesque Patres responderunt; id videlicet ad Dei judicia pertinere, arcana quidem, sed tamen iusta; & ideo tam non licere hominibus explorare, quam non licet mancipio secretum Principis cubile irrumperere, intraque velum proteruè, nec vocatum irruere. *Noli scrutari, si non vis errare*, inquit Augustinus. Et in Libro de Spiritu, & Littera cap. 34. *Jam si ad illam profunditatem scrutandam quis me volueris coarctare, cur illi ita suadet, ut persuadent; illi verò non ita; duo solum mihi respondenda occurrunt. Primò: O Altitudo Sapientia, & Scientia Dei, quàm incomprehensibilia sunt judicia ejus! Deinde non est iniquitas apud Deum. Cui ista non sufficiunt, quærat alium me doctiorem, sed caveat, ne inveniat præsumptiosorem.* Hæc perpetua est Augustini responsio, quoties hanc illi litem Pelagiani moverunt. Nec planè mirum est, non posse nos causas hujus divinæ, & secretissimæ voluntatis intelligere, cum nec earum rerum intelligamus, quæ nobiscum sunt, quæque ante oculos versantur. Cur magnes in solum Aquilonem, non in Meridiem, non in Orientem voluitur? Cur Laurus nunquam fulmine icitur? quod etiam de dormientibus Plutarchus testatur lib. 4. *Convival. quasi.* Cur teste Aristotele lib. 4. *de Animalib.* Aquila quamvis voracissima, ac calidissimi sanguinis, nunquam sitit, nec bibit? Cur musca senis pedibus, magnus verò Elephas quaternis tantum incedit, cum tamen sicut magnæ domui plures columnæ, ita magno corpori plures pedes convenisse videantur? Cur truncato arbori ramo alius ramus, non verò truncato homini brachio, aliud brachium succedit? Si ergo, istorum, quæ videntur, quæque in terris fiunt, ratio quidem est, sed tamen reddi non potest; quantum magis illorum quæ in cælis fiunt, quæque videri non possunt? quodd si causa reddi

reddi non potest, cur illam quæris prius de terra, si potes, postea de cælo responde. Nec verò in hujusmodi rebus imprudentis consilii est, sed prudentissimi ignorantiam fateri; paris enim dementiæ est, velle scrutari inscrutabilia, quàm velle videre invisibilia; quem enim non risu, & contemptu dignum censes, qui oculis gustare, aut auribus videre aliquid vellet? Atqui non minoris insanix est, intellectu, ac ratione humana capere velle, quæ omnem intellectum, & rationem longissimè superant, *ideo enim creduntur, quia non capiuntur, nam si caperentur, non crederentur*, inquit, idem Augustinus *lib. de Bono persév. cap. 14.* qui etiam optimè monet, ut suprà quoque advertimus, *non ideo à nobis neganda esse, quæ manifesta sunt, quia non comprehenduntur, quæ occulta sunt.* Quis enim neget, mare fluere, ac refluerè, quia hunc motum non capit? terram in puncto suspendi, quia causas nescit? totum, & quamvis vastissimum circulum in vno centro compingi, quia rationem ignorat? totam animam in toto corpore, & totam in qualibet ejus parte reperiri, quia de modo non constat? & denique quis motum localem inficiatur, quia solvere Zenonis argumenta non potest? Hæc si vera sunt in rebus naturalibus, quânto veriora in rebus divinis, in quibus idem, quod in coloribus accidit, ut videlicet, licèt pulcherrimi sint, nigri tamen, obscurique videantur, quia remoti. Constat ergo Deum amare, constat bonum, ac justum esse; constat, gratiam dari, quæ libertatem non tollat; constat libertatem dari, quæ gratiam non impediat; constat, Dei scientiam falli, & errare non posse; at quomodo hæc omnia inter se conveniant, nec unum alteri obstat, non satis constat; num ergo negabis, quæ constant, quia aliqua ignoras, quæ non constant? At hoc delirare, non philosophari est. Demus, Deum aliquid velle, ac facere posse, quæ fateamur, nos intelligere non posse; tamen enim si humano intellectu caperetur, non esset Deus, quàm si conchâ caperetur, non esset mare; ergo quæ patent, non negentur, quæ verò non patent, vera esse credantur. Optimè etiam huc facit alia S. Gregorij Magni regula, quàm in Moralibus tradit, videlicet, veritatem, & æquitatem divinatorum Judiciorum, quæ adhuc occulta nobis sunt, ex iis metiendam, ac probandum esse, quæ dum latent, ejus bonitati haud consentanea videbantur, sed postea experientia, & exitus docuit, justissima fuisse. Quis, cùm videret, servire Josephum, duci Susannam, Hebræos Juvenes in flammam jactari, Daniele leonibus proijci; quis, inquam, cùm ista spectaret, non

non continuò crederet, periisse innocentiam, nec Deo cordi esse? Atqui contrarium exitu patuit, nunquam videlicet magis vicisse, ac triumphasse pietatem, quam cum victa, & oppressa videbatur. Idem de aliis Dei judiciis, ac Prædestinatione dicendum est. Modò ista non capis; at nec illa capiebantur: modò dura videntur, at illa quoque dura videbantur: sed illa tandem æquissima fuisse exitus ostendit; ergo idem de istis aliquando exitus ostendet. Noli ergo de tela ante fimbriam judicare, & finem expecta, ac quæ futura sunt, ex præteritis discere. Verba S. Gregorii sunt: *Sed ecce cum hæc audivimus, cordi nostro quæstio oritur, cur omnipotens, & misericors Deus in tantam cecitatem cadere rationem mentis humane permiserit? Ne verò quispiam ultra, quam debet, occulta Dei judicia discutere præsumat, restè subjungitur: Nunquid Deum quisquam docebit scientiam? cum in his enim, quæ de nobis aguntur, ambigimus, debemus alia, qua nobis sunt certa conspiceret, & eam qua de nostra nobis incertitudine surrexerat trepidationis querelam placare. Cum Romæ causa aliqua in Senatu agitabatur, de cujus meritis non satis constaret, in hæc verba loco sententiæ Patres pronuntiabant: Non liquet. Idem in causa Prædestinationis dici possit: cur Petrus, non Judas emendatus, cum utrumque Deus posset? Non liquet: cur Jacobus, non Esau dilectus? Non liquet. Cur aliqui vocati, ut sequantur; aliqui vocati, nec sequuntur, cum Deus omnes istos vocare posset, ut sequerentur? iterum, iterumque, non liquet. Quid minùs postulare à Christianis Deus potest, quam ut cum illo tanquam cum reo agant, & absolvant, ac iustissimum credant, quamdiu in causa non liquet? Sic Apostolus, sic Augustinus respondit: quoties non in Senatu, sed in Ecclesia lis ista Deo movebatur.*

Ipse tamen Augustinus optimè advertit, licèt modò penetrari à nobis abyssus ista divinorum Judiciorum non possit; id tamen in altera vita futurum. Verba Augustini sunt *serm. 22. de verbis Apostolis. Es lib. 2. de Civit. Dei: Videbimus istorum occultorum apertissimam rationem. . . . Manifestabitur in judicio, cur hæc mentes mortalium modò lateant, cum tamen in hac re Justorum mentes non lateat, justum esse, quod latet. Id ipsum insinuat Apostolus; sibi videlicet in cælis admissio arcana verba audita esse, quæ non liceat homini loqui: quid verò arcanum magis, quodque minùs exponi possit, quam negotium Prædestinationis? Audivit ergo Paulus, sed sub rosa, & cum pacto silentii. Ubi observa, non dixisse Paulum, quæ loqui*

loqui homo non potest, sed que non licet. Si Paulus audivit, si loqui potuit, sed non licuit; ergo huiusmodi arcanorum rationes, & causæ dantur, illæque Beatis compertæ sunt, nobis tamen inter Mortales versantibus occultæ; quid ergo miraris, videre Aquilas, quod nescias latet? Legitur in vita S. Angelæ Fulginatis, ei quoque cœlestia contemplanti, ac in extasim raptæ subitò divinorum Iudiciorum momenta, & causas patuisse, ac singillatim, ac velut radio descriptas oculis objectas esse; tantam verò in illis æquitatem, pulchritudinem, sanctitatem, ac sapientiam effulsisse, tantoque eorum aspectu, & gaudio, & amore perfusam, ut paratissima esset, si Deo ita lubitum foret, illa experiri, æternumque subiacere. Ergo dum velum pendet, non accusentur, non damnentur, quæ necdum spectantur; erit tempus iudicandi, velo sublato, ac theatro patente. Sed Augustinum ipsum audiamus de hac impermeabili abyssò pro more suo elegantissimè perorantem; sic enim Serm. 22. de Verbis Apostoli loquitur. *Dicis itaque mihi, cur adhuc quaritur? quis enim voluntati eius resistit? O homo tu quis es, ut respondeas Deo? quis sis ille, attende, quis sis tu, attende: ille Deus est, sed tu homo. Sed iustitiam tibi loqui videris tu, & fons ille iustitiæ siccatus est? Si iustum loqueris, unde tibi nisi à iusto Deo? quid ergo dubitas iustum, à quo est omne iustum? aut si iniustum loqueris, debes tacere. Primum ergo fundamentum Fidei pone, nunquid iniquitas est apud Deum? latere te æquitas potest, esse illi iniquitas non potest. Expedias à me fortasse, ut dicam tibi, quare cuius vult misereatur, & quem vult indurat? sed si, & tu homo, & ego homo, anbo audiamus: O homo tu quis es, ut respondeas Deo? melior ergo est fidelis ignorantia, quàm temeraria scientia. Si homo sum; non indigner; excedam hominem si possum, & forè attingam. Quid si æquitatem illam, quæ est apud Deum, modo non videmus, finietur via, & veniemus ad Patrem; non potest videri tempore viæ, videbitur tempore Patriæ; ibi æquitatem Dei videbis, illic leges in Verbo, & sine Codice. Cum ergo pervenierimus ad speciem, æquitatem Dei videbimus, & jam non erit ibi dicere, quare huic subvenit, & huic non? quare ille ductus est, ut baptizaretur, ille autem cum bene catechumenus vixerit, subitò ruinâ mortuus est, & non pervenit ad Baptismum? ille cum sceleratè vixerit, cum Machus, cum Scenicus, cum Venator, agrotavit, baptizatus est, decessit, & peccatum in eo deletum. Quare merita, non invenies, nisi penam, quare gratiam, & ecce, O Altitudo divitiarum! Petrus negat, La-*

tro credit. O Altitudo divitiarum! hoc nos putas perferuntari posse, quod Apostolus expavit? quæris tu rationem, & ego expavesco altitudinem. Tu ratiocinare, ego mirer: tu disputa, ego credam. Altitudinem video, ad profundum non pervenio, o altitudo! Nemo ergo quærat à me occultiorum rationem. Paulus dicit, inscrutabilia sunt iudicia ejus, & tu scrutari venisti? si inscrutabilia sentari venisti, & investigabilia vestigare venisti, crede, jam periisti. Tale est velle scrutari inscrutabilia, & investigare investigabilia, quale est, videre invisibilia, & fari ineffabilia. Et tract. 53. in Joan. Quod si nos ultimis dies proficientes invenerit, ibi discimus, quod hic nos potuimus.

Alterum, quod responderi ad factam objectionem potest, illud est: in hac dispari gratiarum dispensatione, non tam querendum esse, cur Deus hanc tibi gratiam tribuat, non illam; sed potius, cur tu illâ, quam tribuit, uti nolis. Sicut si carcere clausus à Principe clavem acciperet, quâ erumpere custodiâ posset januis apertis, nec tamen clavibus uti, sed murum carceris everti vellet, non tam querendum esset, cur Princeps clavem offerret, non murum everteret, sed potius, cur oblata clavi uti captivus nollet? ejus enim nihil interest, clavi, aut muro evadere, modò evadat: at Principis plurimum referre potest, cur unum, quàm aliud malit. Non ergo tam querendum est, cur Princeps hoc potius modo, quàm illo juvare reum velit; sed querendum, curreus juvari hoc modo nolit, quo Princeps jubet? Idem de Deo dicas, cujus voluntas quânto certius justissima, & sapientissima est; tantò minùs examinanda, & judicanda est; quis enim examinat certâ?

Tertio denique respondetur, Deum ad diversissimos gradus gloriæ, & per diversissima quoque media juxta infinitæ providentiæ suæ sapientissimas regulas homines destinasse; nec enim minor in ordine supernaturali, quàm naturali varietas est. Inter tot stellarum, gemmarum, florum, plantarum, brutorum, volucrum, hominumque millia, nullum alteri simile; alia species, alius color, alia figura, aliæ dotes, aliæ facies, alii mores. Cum enim omnis creatura sit vestigium quoddam, & exemplar divinæ perfectionis; nulla verò creatura totam, integramque exprimere possit (nam si omnia, quæ in Deo sunt, exprimeret, jam infinita non esset) opus pluribus, & & variis fuit, ut quod singula non possent, omnia conjunctim, ac quantum licet, explicarent. Verba Doctoris Angelici sunt 1. p. q. 47. Dicendum est, quod distinctio rerum, & multitudo est ex intentione primi agentis, quod est Deus. Producit enim res in esse propter

suam bonitatem communicandam creaturis, & per eas representandam, & quia per unam creaturam sufficienter representari non potest, producit multas creaturas, & diversas, ut quod deest uni ad representandam divinam bonitatem, suppleatur ex alia. Nam bonitas, quæ in Deo est simpliciter, & uniformiter, in creaturis est multipliciter, & divisim. Unde perfectius participat divinam bonitatem, & representata totum Universum, quàm alia quæcumq; creatura. Sicut ergo infinita Dei perfectio causa est varietatis in bonis naturæ, ita quoque in bonis gratiæ, & ideo alia gratia est, quæ datur Petro, alia quæ Paulo, alia quæ Iudæ; sic tamen alia, ut omnibus ad bene operandum accommodatissima sit, non secus, ac in magno exercitu, & à peritissimo Duce, non omnibus eadem arma tribuuntur, sed aliis gladius, aliis lancea, aliis tela, aliis faces, omnia tamen ad pugnandum, & vincendum aptissima. Quod ergo militibus sunt alia arma, hoc sunt Christianis aliæ gratiæ; nec si miles lanceam abiiciat, Ducis est crimen, nec si Christianus gratiam recuset, Dei est culpa: & potuit, & debuit miles, debuit, & potuit homo. Idem ergo est interrogare, cur Deus non eandem Iudæ, & Petro gratiam dederit, quod interrogare Imperatorem, cur non eadem arma pediti, equitique non eandem lanceam tribuerit? sufficit, omnibus datum esse, quo commodissime vincere, ac triumphum mereri possent; si noluit, crimen militis, non Ducis fuit. Alio nec minùs apto exemplo explicari id ipsum potest. Statuit Rex aliquis adolescentem sanguine librum junctum, sed ærumnis confectum, & in exilio procul degentem, in filium, Regni quæ hæredem adoptare. Millis ergo Legatis ad palatium vocat, ut quæ iter facilius, nulloque labore absolvat, jubet servos, comites, equos, currus, aut si malit aquam vestiri, navim instructissimam adornari, ac multam pecuniam offerri, dari quæ electionem, curru, equo, an navigio iter aggredi malit, & ad thronum capeffendum venire. At ignavus adolescens, & otio dissuens, molestiam itineris causatus, domi herere, ac oblatam purpuram recusare. Rex socordia tantam gratiam respicientis offensus, alium in Regnum adlegere, ac throno imponere, primo illo in exilio, otio quæ, & ærumnis marcente; qui ubi intellexit, alium ad Imperium electum, omnia querelis, & accusationibus implet, & culpam totam in Regem refert, qui ad iter, Regnum quæ capeffendum non illa media submisit, cum quibus certo prævidebat, iter arrepturum fuisset: nam si currum illum igneum, quo Elias in Cælum abreptus est,

aut Angelum misisset, qui Prophetam capillo sublatum Babylonem per aëra transvexit, aut alas commodasset tot aliis volucris multo homine inferioribus concessas, certò se viam ingressurum, & ad Regnum, quo vocabatur, perventurum fuisse. Si hoc, inquam, ignavus ille diceret, quis non meritò irrideret, ac non injustas tantum, sed insanissimas querelas crederet? At id ipsum faciunt, & dicunt peccatores, quicumque iis gratiis, quas à Deo copiosissimè acceperunt, abusi, ac propterea cœlesti Regno exclusi, culpam in Deum referunt, frigdeque interrogant, cur non auxilia tribuat, quibus prævidebat, certissimè consensuros, ac postea salvarum iri? quibus respondendum est, velle Deum, omnes salvos esse, modò tamen, ac ratione non qualicumque, sed à se sapientissimè præscriptà, sicut vult æstatem, vult autumnum esse, Sole tamen non in quocumque, sed in Cancrì, Leonis, Libræ signo metante; & ideo stultus omnino esset, quicumque in Aquario, aut Piscibus messem, & vindemiam quæreretur. Vult ergo Deus, & Petrum, & Judam salvos esse, sed non eodem modo, nec eadem gratiâ Petrum, quàm Judam. Quid enim non fecit, ut Judam salvaret, & ab exilio peccati, quo tenebatur, ad penitentiam primò, ac deinde ad æternum Regnum proverheret? in Collegium Apostolorum accepit, inter amicos conscripsit, testem sanctitatis, ac miraculorum suorum fecit, docuit, monuit, minatus est, prædixit, osculo, amplexu strinxit, ac jam jam sceleri pertinaciter accinctum cum armata cohorte ad terram allisit; quid amabò facere amplius debuit, ut obstinatissimum expugnaret? Habuit ergo Judas, & pedes, & currum, & navim, quibus iter salutis ingrederetur. At si gratiam Petro, & Magdalene datam haberet, vitam mutasset. Verùm quid hoc aliud est, quàm cum inerti illo Adulescente, quadrigam Eliæ, & volucrum pennas optare, cum ad iter faciendum equus, & rhedæ, navisque sufficiant. Deinde quis novit cum ea gratia, quæ Petro, & Magdalene data est, Judam conversum iri, cum fortè plures, ac majores gratias utroque acceperit? Etiam Epulo Evangelicus Fratres suos ad meliorem frugem redituros sperabat, si ad illos mortui mitterentur; sed responsum est: *Habent Moysen, & Prophetas, audiant illos, etiamsi aliquis ex mortuis ad eos venerit, non credent.* Vult ergo Deus & Petrum, & Judam, & Reprobos, & Electos, omnesque homines salvos esse, vult omnibus media dare, non solum quæ sufficiant, sed etiam quæ abundant. Cur verò non data lia, quibus prævidet, salvatum iri? quia id tam

non convenit varietati, ordinique, ac legibus gratiæ à se præscriptis, quàm non convenit Uniuerso ætatem esse, nili Sole Cancrum obtinente, quàm non convenit homini, alio modo, quàm oculis videre, aut alia ratione, quàm pedibus iter facere. Sicut ergo non ideo oportuit, mutare leges naturæ, quia tu illi subiici reculas, ita non oportuit mutari ordinem gratiæ. Totam hanc doctrinam ipse Augustinus paucis quidem, sed clarissimis verbis insinuat lib. 1. de Nat. & Grat. cap. 17. *Hoc utiq; agit Deus, ut sanet omnia, sed agit iudicio suo, nec ordinem accipit ab agro.* Ecce concedit Augustinus, velle Deum omnes salvos esse, sed non eodem ordine, iisdemque remediis; nec ex voto, arbitrioque hominis, sed suo. Sicut enim noluit dispositionem, nexumque causarum naturalium singulorum electioni permittere; ita multoque minùs ordinem, ac nexum causarum supernaturalium, quæ quantò nobiliores, tantò minùs decuit ex alieno iudicio, nutuque pendere. Qudd si tamen tibi ista non sufficiant, quæ convincendo etiam pertinacissimo sufficere deberent; redeo ad prima, & cum Augustino iterum, iterumque inculco: *No-
li scrutari, si non vis errare.*

XX. *Obiicitur septimò.* Hæc sententia, quæ dicit, Deum, quantum ex parte sua est, omnibus æqualiter gloriam velle, videtur Sacris Litteris adversari, & iis præsertim, quæ S. Apostolus sæpius ad Rom. 9. & 11. repetit: Illic enim cùm disputationem aggressus esset, cur Deus reiecit Judæis, Gentiles ad Fidem elegisset, id totum in Dei voluntatem, occultumque propositum refundit. Verba Apostoli sunt: *Cum enim nondum nati fuissent, aut boni, aut mali aliquid egissent, ut secundam electionem propositum Dei maneret, non ex operibus, sed ex vocante dictum est eis: quia major serviet minori, sicut scriptum est: Jacob dilexi, Esau autem odio habui. . . .* Moysi quoq; dicit: *Miserebor, cuius misereor, & misericordiam præstabo, cuius miserebor; igitur non volentis, neq; currentis, sed miserentis est Dei. . . .* Dicit enim Scriptura Pharaoni: *in hoc ipsum excitavi te, ut ostendam in te virtutem meam, ergo cuius vult miseretur, & quem vult obdurat. . . .* An non habet figulus potestatem ex eadem massa faciendi aliud quidem vas in honorem, aliud in contumeliam? . . . quod ergo quærebat Israel, hoc non est consecutus, electio autem consecuta est; ceteri verò excacati sunt, sicut scriptum est: *dedis eis Dominus Spiritum compunctionis, oculos, ut non videant, aures, ut non audiant vsq; in hodiernam diem; conclusit enim Dominus omnia in incredulitate, ut*

omnium miseretur. Hactenus Apostolus, ex quibus argumentari italicet: Deus Jacobum dilexit, Esau odio habuit; quæro, unde tanta disparitas, ut unus diligeretur, alter odio haberetur? ex parte hominis? at nondum nati, nondum operati erant, ergo ex parte Dei; si ergo Deus ante omne opus alium diligit, alium odio habet; sequitur Deum, quantum ex se est, non in omnes æqualiter propensum esse. Neque dicas: Nihil quidem mali operatum Esau fuisse, antequam nasceretur; prævisum tamen malè operaturum, & ideo non amore, sed odio dignum fuisse. Primò enim in Scripturis inauditum est, Deum aliquem odio, aut pœna prosequi propter peccata, quæ nondum fecit, sed quæ facturus est; amat enim Deus, qualis aliquis est, non qualis futurus est. Deinde: si Deus unum diligit, quia prævidit bonum; alium verò odio habet, quia prævidet, malum futurum esse; quid opus Apostolo fuit, tam longam disputationem texere, tot causas inquirere, se in omnem partem versare, actandem ad occulta, & inscrutabilia Dei judicia, velut ad asylum confugere, cum facillimè se labyrintho explicare, totamque causam duobus verbis absolvere potuisset, si dixisset, unum dilectum, alium reiectum esse non ex operibus quidem bonis, malisve, quæ jam fecisset, cum nondum nati essent, sed quæ prævidebantur facturi, si nascerentur. Rursus ea verba: *non ex operibus, sed ex vocante, & ut propositum Dei maneret, dictum est: quia Jacob dilexi, Esau autem odio habui*; clarissimè insinuant, quòd unus præ alio diligatur, non operibus, sed Dei proposito adscribi. Si ergo Deus nullam operum rationem habet, sed sola sua voluntate Esau à Jacobo distinguit, non ergo, quantum ex se est, omnes vult æqualiter salvare. Illa quoque verba: *Miserebor, cuius misereor*, clarè significant, Misericordiam à Deo non omnibus, sed aliquibus tantum præstari, nam si omnibus non diceret, *Miserebor, cuius misereor*, sicut quia omnes homines moriuntur, frustra dicitur, eos mori, quos Deus vult, cum velit omnes. Idem, & præcipuè ex illis verbis colligitur: *cuius ergo vult, miseretur, & quem vult obdurat: an non habet figulus potestatem &c.* Si enim aliquorum miseretur, quia vult, aliòs verò obdurat, quia vult; sequitur, voluntatem Dei non omnibus propiciam esse; quis enim propitiam illis dicat, quos obdurat? hoc est quorum non miseretur, ut exponit Augustinus. Et sicut, quòd ex eodem luto, eadamque massa alia sint vasa ad honestos, alia verò ad fordidos usus; nihil aliud, quam figuli voluntas in causa est; ita quòd Pharaò, quòd Judas ex repro-

reprobis; quodd Paulus, quodd Petrus ex electis sint; nullam planè aliam causam, quàm Dei voluntatem Paulus agnoscit.

Cùm hæc obiectio multa complectatur, ad singula respondendum est.

Primò igitur observa, hunc Apostoli locum, unum ex illis esse, de quibus S. Petrus scribit 2. 3. *Sicut & charissimus Frater noster Paulus Secundùm datam sibi sapientiam vobis scripsit; sicut & in omnibus Epistolis, in quibus quadam sunt difficilia intellectu, quæ indocti, & instabiles depravant.* Et planè his maximè Pauli verbis Lutherus, & Calvinus ad errores suos muniendos abusi sunt. Cùm ergo clarissimis Scripturæ testimoniis ostensum sit, Deum velle omnes salvos fieri, omniumque misereri; quæ ratio patitur, ut clarissima, & planissima testimonia, obscurissimis illis, & abditissimis cedant? Nam quæ clara sunt, per obscura impugnari non debent, sed obscura potiùs per clara monstrari; alioquin si certam veritatem incertis rationibus urgeas, idem fuerit, quod velocissimum cervum lenta testudine, aut claudis, cæcisque canibus leporem venari. Quæ igitur Paulus de Gentium vocatione prosequitur, vera quidem sunt, sed *difficilia intellectu*, & ideo obscura, non ergo probationi idonea. Adde, quæ in Scripturis uno loco dicuntur, cum aliis conferenda esse, id enim veritati, quod remotis procul stellis contingit, ut videlicet conjunctæ non solæ appareant. Tu dicis, *non est currentis*, ego respondeo: *Sic currite, ut comprehendatis*. 1. ad Corinth. 9. Tu dicis: *Non est volentis*; ego respondeo: *Si volueritis, & audieritis me, bona terræ comedetis* Isa. 1. vers. 9. *Si volueris servare mandata, conservabunt te: Ante hominem vita, & mors, quod placuerit ei, dabitur illi*: Eccl. 15. Tu dicis: *Esau odio habuit*: at ego respondeo: *Nihil odit eorum, quæ fecit*, Sap. 11. 25. Tu dicis: *Est solius Dei misereantis*; at ego respondeo: *Misereamur impio, & non discet iustitiam*. Isa. 16. *Curavimus Babylonem, & non est curata*. Isa. 51. 9. *Quoties volui congregare filios tuos, & nolui*? Matth. 23. 37. Non ergo est solius misereantis, & curantis Medici, sed etiam volentis agroti. Tu dicis: *Cuius vult, misereatur*; at ego respondeo: *Omnium enim miserearis, quia omnium Dominus es*. Sap. 11. *Et neminem perire vis* 2. Pet. 3. Tu dicis: *quos vult, indurat*; at ego respondeo: *imò Deus est, qui monet, & jubet: Si vocem ejus audieritis; nolite obdurare corda vestra*. Psalm. 4. Non ergo obdurat, qui prohibet obdurari. Et iterum, Deus est,

de quo Apostolus: *Ipse autem neminem tentat*. Jacob. 1. si non tentat, quāto minùs obdurat? Tu dicis: *Deus excitavit Pharaonem, ut in ipso ostendat potentiam suam*. At ego respondeo: *ne dicas; ille me implanavit, non enim sunt ei necessarii homines impii Eccl. 15.* Denique tu dicis: *Nunquid non habet figulus potestatem aliud quidem vas faciendi in honorem, aliud verò in contumeliam?* At ego respondeo: *Nunquid voluntatis ejus est mors impii, & non potius ut convertatur, & vivat?* Ezech. 18. *Nunquid non vult omnes salvos fieri, & in agnitionem veritatis venire?* Ad Timoth. 3. Ergo vult omnes vasa honoris, & vitæ, non vasa mortis esse, aut contumeliæ. Si ergo Scripturæ cum Scripturis conferantur, ut fieri oportet; vera sunt, quæ Paulus dixit, sed falsa, quæ ex Paulo colliguntur, nec eo sensu intelligenda, quem cortex verborum ostendat.

Secundò circa ea verba: cum nondum nati essent, aut quidquam boni, vel mali egissent, dictum est: Jacob dilexi, Esau autem odio habui, sciendum est, si sensum litteralem, & proximum eorum verborum attendas, non de electione, aut reprobatione intelligenda esse; sed tantum de temporali felicitate, in qua Jacob prælatus est, Regno in eum, eiùsq; posteritatem translato, ac Esau, & Idumæis adempto, ad quos alioquin jure Primogenitorum spectabat. Sic enim apud Malachiam cap. 1. (ex quo Paulus hanc sententiam accepit) legere est: *Dilexi Jacob, Esau autem odio habui, & posui montes ejus in solitudinem, & hereditatem ejus in dracones deferti*. Et ipse Paulus loco citato: *Non ex operibus, sed ex vocante dictum est: quia major serviet minori*; totum ergo odium fuit, quod major serviret, & in catenis Babylonis hæreret, minore regnante, & libertati restituto. Est verò idiotismus, & phrasis Hebraica, quæ Hebræi, cum comparativis careant, dicunt, odio haberi, *qui minùs diliguntur*; & non esse, qui sunt quidem, sed infra alium; quod mille exemplis ostendi ex Sacris Litteris posset. Unum tantum, alterumve dabimus: Gen. 29. in textu Hebraico dicitur: *Videns autem Dominus, quod odio haberetur Lia*; hoc est, quod minùs, quàm Rachel diligeretur. Et Luc. 14. *Si quis non odit Patrem suum, & Matrem suam, non potest meus esse Discipulus*, hoc est, nisi quis minùs Patrem, & Matrem, quàm me dilexerit. Et Matth. 5. *Audistis, quia dictum est, diliges proximum tuum, & odio habebis inimicum tuum*, id est, minùs inimicum, quàm amicum diliges. Et Joan. 13. *Qui odit Animam suam in hoc mundo, in vitam æternam custodit eam*

eam; hoc est, qui minùs vitam temporalem, quàm spiritualem diligit. Et 1. ad Corinth. 3. *Neg, qui plantat, neg, qui rigat, est ali-
quid, sed qui dat incrementum*; hoc est, qui plantat, qui rigat,
nihil serè agit, si cum Deo componas incrementum dante. Nihil
ergo aliud est *odium*, quàm *minor dilectio*, alioquin si de vero odio,
& reprobatione intelligas, sequetur: Jacobum, omnesque ex eo
genitos inter electos (nam non de sola persona, sed toto genere, ac
posteritate Propheta, & Apostolus loquuntur) Esau verò, omnes-
que Idumæos inter Reprobos esse, quod falsissimum est, cùm Esau,
& Jobum (qui ex Esau familia fuit) aliosque multos Idumæorum,
constet testimoniis Patrum, ipsaque Scripturâ ad vitam æternam
pervenisse. Sed Paulus ex sensu litterali ad mysticum, & allegori-
cum transit; hoc est, ex terrena felicitate, quæ non ex meritis, sed
ex Dei proposito Jacobo potiùs, quàm Esau collata est, ad mirabi-
lem vocationem assurgit, quâ Gentiles ad Christianam fidem præ-
Judæis electi sunt. Sicut enim Jacobus nullo suo merito regno poti-
tus est, ita Gentilis nullo merito suo ad fidem vocatus est, utrumque
sine merito; utrumque non volentis, non currentis, non operantis,
sed misereantis Dei fuit, id dogma catholicum est, quodque citra hæ-
resim negari non potest, gratiam videlicet primam, seu primam
vocationem, nullis meritis dari, alioquin non gratia, sed debitum
esset. Et hanc esse Apostoli mentem, constat tum ex ipso contextu,
tum etiam ex Augustino lib. 1. ad Simplicianum quæst. 2. ubi sic lo-
quitur: *Et primò intentionem Apostoli, quæ per totam Epistolam vi-
get, tenebo, quam consulam; hæc autem est, ut de operum merito
nemo gloriatur, de quibus audebant Israelitæ gloriari, quod data sibi
legi ser vissent, & ex hoc Evangelicam gratiam tanquàm debitam me-
ritis percepisse; unde volebant eandem gratiam dari Gentilibus, tan-
quàm indignis, nisi Judaica Sacramenta perciperent, non enim intel-
ligeant, quia hoc ipso, quod gratia est, operibus non debetur, alio-
quin gratia jam non esset gratia. Et ideo multis locis gratia præponitur
operibus, non ut opera extinguat, sed ut ostendat, non esse opera præ-
cedentia gratiam, sed consequentia, ut scilicet non se quis arbitretur
percepisse gratiam, quia bene operatus est; sed bene operari non posse,
nisi per gratiam; nec enim ut serveat, calefacit ignis, sed quia ser-
vet, nec ideo bene currit rota, ut rotunda sit, sed quia est rotunda;
sic etiam nemo bene operatur, ut accipiat gratiam; sed quia accepit.*
Hactenus Augustinus, ex cujus verbis intelligis, nihil Apostoli ver-
ba

ba nostræ sententiæ, & hæcenus dictis ob stare, cū nihil aliud Apostolus velit, quàm primam vocationem non operibus deberi, sed Dei Misericordiæ, quod omnes Catholici fateri debent. Quid si omnino velis, Esau vero, formalique odio habitum, ac reprobatum esse; sanè nulla hujus odii, & reprobationis alia causa esse potuit, quàm peccatum, & voluntas delinquentis, non verò voluntas omnia diligentis Dei. Audi non me, sed ipsum Augustinum, sic enim in expositione quarumdam propositionum ex Epistola ad Romanos num. 60. scribit: *Quod autem Jacob dilexi, Esau autem odio habui, nonnullos movet, ut putent, Apostolum Paulum abstulisse arbitrium, quo promeremur Deum bono pietatis, vel malo impietatis offendimus. Sed respondemus, præscientiâ Dei factum esse, quâ novit, etiam de nondamnatis, qualis quisq; futurus sit.* Et lib. 1. ad Simplician. quæst. 2. *Non igitur odit Deus Esau hominem, sed odio Deus Esau peccatorem. . . . Odit enim Deus in homine impietatem, & in aliis, eam punit per damnationem, in aliis adinuit per justificationem, quemadmodum ipse judicat esse faciendum, judiciis illis inscrutabilibus. Et quod ex numero impiorum, quos non justificat, facit vasa in contumeliam, non in eis odit, quod facit, quippe in quantum impii, sunt execrabiles; in quantum autem vasa sunt, ad aliquem usum faciunt, ut per eorum ordinatas penas, vasa, que sunt in honorem, proficiant. Non itaq; odit Deus, nec in quantum homines sunt, nec in quantum vasa sunt; id est; non quod in eis facit creando, nec quod in eis facit ordinando. . . . Sicut enim Judex in homine odit furtum, sed non odit, quod datur ad metallum, illud enim fur, hoc Judex facit; ita Deus. Et iterum: Noluisset ergo Esau, & non cucurrit. Sed etsi voluisset, & cucurrisset, Dei adjutorio pervenisset; qui etiam velle, & currere vocando præstaret, nisi vocatione contempta reprobus fieret.* Vides hîc iterum apertè fateri Augustinum, non ideo reprobatum esse Esau, quod Deus non vocaverit, aut quod velle, & currere (quod ad gratiam efficacem pertinet) præstare noluerit; sed quod Esau vocantem contempserit. Causa ergo, ob quam Judæos (de quibus in persona Esau loquitur Paulus) aliosque reprobos Deus odio habet, non est Dei, sed hominis voluntas, hoc est, peccatum; nam si non peccarent, nihil esset, teste Augustino, quo possent odio haberi. Et planè nihil ex parte Dei ad convertendum Judæos defuisse, clarissimum est Scripturas legenti: *Quid debui, inquit, facere vineæ meæ, & non feci? Isa. 5. . . . Et: quoties*

volui congregare filios tuos, & noluisti? Matth. 23. Voluit ergo Deus, sed noluit Judæus; quid ergo conqueri potest, si volente Deo, noluit ipse? Audi eleganter Gregorium. Hom. 10. in Evang. Sed in omnibus signis, quæ vel nascente Domino, vel moriente eo monstrata sunt, considerandum vobis est, quanta fuerit in quorundam Judæorum corde duritia, qui hunc nec per Prophetia donum, nec per miracula agnoverunt. Omnia quippe elementa Auctorem suum venisse testata sunt. Deum enim hunc esse, cæli agnoverunt, quia Stellæ protinus miserunt. Mare cognovit, quia sub plantis ejus calcabile se præbuit. Terra cognovit, quia eo moriente contremuit. Sol cognovit, quia lucis suæ radios abscondit. Saxa, & parietes agnoverunt, quia tempore mortis scissa sunt. Infernus agnovit, quia hos, quos tenebat, mortuos reddidit. Et tamen hunc, quem omnia insensibilia elementa Dominum sensorunt, adhuc infidelium Judæorum corda Deum esse minimè cognoscunt, & duriora saxis, scindi ad penitentiam nolunt. S. Leo, quoque Serm. 8. de Passione Domini: Traxisti enim Domine omnia ad te, & cum expandisses tota die manus tuas ad populum non credentem, & contradicentem tibi, confutens Majestatis tuæ sensum totus Mundus accepit. Traxisti Domine ad te, cum in execrationem Judaici sceleris unam protulerunt omnia elementa sententiam. Cum obscuratis luminaribus Cæli, & converso in noctem die, terra quoque motibus quateretur insolitis, universaque creatura impiorum se usui denegaret. Traxisti Domine omnia ad te, quoniam scisso Templi velo Sancta Sanctorum ab indignis Pontificibus receperunt, ut figura in veritatem, Prophetia in manifestationem, & Lex in Evangelium verteretur. S. Agustinus quoque in ea verba: Quoties volui congregare filios tuos: sicut gallina congregat pullos suos sub alas, optimè advertit, non quemcumque amorem, & providentiam Dei erga Judæos; sed maximam, ac præcipuam ostendi: Mirus, inquit, est amor omnibus ferè avibus ad conservandos, & protegendos pullos suos, sed præcipuè gallinis, quæ pullos colligunt sub alas, hoc est, summo cum desiderio, & sollicitudine eos fovent. Si ergo Deus tot miraculis, tot prodigiis, tot beneficiis egit, ut Judæi converterentur, qualia, & quanta nullibi, & nunquam facta sunt; quis dicat, aut omnino, aut non seridè, nec efficaciter voluisse? Quid si & seridè, & efficaciter voluit, nec tamen conversi sunt, ergo illorum culpa, non Dei fuit; nec conqueri possunt, se ideo periisse, quia ipsos Deus odio habuit: sed ideo Deum ipsos odio habuisse, quia perire voluerunt.

runt. Et planè non gratis Judæos, sed maximâ eorûm culpâ reje-
ctos esse, Apostolus eodem ipso loco, qui nobis obiicitur, clarissi-
mè docuit. Nam cap. 10. 23. ita loquitur: *Ignorantes enim Dei*
justitiam, & suam querentes statuere, Justitia Dei non sunt subiecti.
Et vers. 22. *Expandi manum meam ad populum non credentem, &*
contradicientem mihi. Et cap. 11. vers. 20. *bene propter infidelita-*
tem suam fracti sunt. Et vers. 20. *Nunc autem misericordiam con-*
secuti estis propter eorum incredulitatem. Et cap. 10. vers. 12. *Non*
enim est distinctio Judæi, & Græci, num idem Dominus omnium. Si
ergo apud Deum nulla est distinctio Judæi, & Græci, sequitur,
Deum quantum ex se est, æqualiter in Judæum, & Græcum pro-
pensum, affectumque fuisse. Si ideo fracti sunt rami, quia de ope-
ribus Legis præsumentes noluerunt Evangelio subdi, si Deo ad cre-
dendum invitante, & ideo *tota die manum suam ad eos extendente,*
ac auxilium porrigente noluerunt credere; non accusare Judæi alium,
quàm se ipsos possunt: sicut non posset, qui in flumen lapsus amico
inclamante, & manum non cursim, sed constanter, totaque die
porrigente, mallet mergi, quàm juvari. Tales Judæi erant. Ipsi
odio, invidia, ambitione, velut torrente rapiebantur. Deus testis
Isaia, & Paulo, *manum tota die extendebat,* ne absorberentur;
absorberi tamen, quàm levare maluerunt; quem incusabis? Opi-
tulari, an absorberi volentem? Quodd si porro quæras: cur juvari, cur
credere noluerint? Respondet Augustinus tract. 53. in Joan: *Quare*
credere non potuerint, si à me quæres, citò respondeo: quia noluerunt.
Agit quippe gratia in voluntatem humanam non more fulminis,
resistentia quæque frangentis; sed more Solis, lucem suam, nisi ad-
mittas, aliò, citraque strepitum transferentis.

Pergit Apostolus: Moyse enim dicit: *Miserebor, cui misersor,*
non ergo est volentis, neque currentis, sed miserentis Dei. Obiicie-
bant Judæi, æquum non esse, ut Gentiles, qui nihil boni, multum-
que mali operati fuerant, Justificationem, æternamque vitam con-
sequerentur. Quibus respondet Apostolus: mirari eos non debere,
cùm hæc natura sit gratiæ, ut gratis detur, citraque meritum; alio-
quín si merentibus, & ex debito daretur, jam non gratiam, sed de-
bitum, nec donum, sed stipendium fore, quale mercenariis datur.
Justificatione ergo (de qua, ut postea dicetur, præcipuè, & ex
professo Apostolus agit) primamque vocationem ad Fidem, *non vo-*
lentis, non currentis, non merentis, sed miserentis Dei esse, quæ om-

nia certissima sunt, nec ab alio, quàm hæretico negari possunt. Cæterùm cum contra Calvinī, & Lutheri errores indubitatum sit, duō ad fidem, aliosque actus supernaturales requiri; *gratiam* videlicet Dei, & *consensum* hominis, sicque utriusque voluntatem, explicandum superest, cur Apostolus dicat, non esse *volentis, neque currentis*? Quomodo enim non est currentis, cum juxta celebre illud Augustini dictum: *Qui creavit te sine te, non salvabit te sine te*? Et ad Simplicianum lib. 1. quæst. 2. *Ut velimus, & suum esse voluit, & nostrum, suum vocando, nostrum sequendo*. Ut enim in terris, ita multoque magis in cælis æterna lege sancitum est, beneficium non conferri invito. *L. invito ff. de R. l.* Si ergo Deus nullum; nisi volentem salvat, nullumque nisi currentem coronat, quomodo verum erit, non esse volentis, neque currentis? Verissima tamen Apostoli sententia est. *Nam primò* quia, ut suprà notavimus, cum Hebræi comparativis careant, dicunt, illud non esse, aut nihil esse, quod minus alio est; qua ratione alibi dixit Apostolus: *neque qui plantat, neque qui rigat, est aliquid*; non quod revera, qui plantat, aut nihil sit, aut nihil agat; sed quod minimum sit, quod agit, si cum eo componas, quod agit Deus, cum plantatis, & rigatis incrementum donat; neque tamen maximum illud, quod facit Deus, sequeretur; nisi parum illud præcederet, quod facit homo. Quanquam, & hoc ipsum parum quod facit homo, sit quoque factum, & opus Dei, nam *sine me nihil potestis facere*, inquit Christus Joan. 15. Ubi Augustinus: *Sive ergo parum, sive multum, sine illo fieri non potest, sine quod nihil fieri potest*. Et in Psalmo 102. *Vocat undique Deus ad penitentiam: vocat beneficits creaturæ; vocat per Lectorem, vocat per tractatorem, vocat per intimam cogitationem, vocat per flagellum correctionis, vocat per misericordiam consolationis*. Merito ergo dicit Apostolus, non esse volentis hominis, sed miserentis Dei; quia tam parum est, quod facit homo, tam multum, quod facit Deus, ut ad hoc multum illud parum velut lumen cicindelæ ad lucem Solis penitus evanescat. Sic quod ægrotus sanetur, dicimus, non esse ipsius ægroti, sed Medici; quanquam enim nihil possit medicina, nisi ægrotus accipiat; accipere tamen tam exiguum est, ut tota gratia sanctatis, merito ad solum Medicum pertineat, qui morbum cognovit, qui causam invenit, qui remedia paravit, qui potionem miscuit, quique pharmacum ita morbo, & genio laborantis aptavit, ut posset, & vellet sumere, nec nauseam sentiret. Quia ergo ratione tu dicis, non esse volentis, nec

optan-

optantis ægroti, sed curantis Medici, ut sanetur; eâdem Apostolus dicit non esse *currentis, nec volentis hominis, sed misereutis Dei*, ut peccator salvetur: agit ægrotus, agit peccator; sed nihil est, quod agunt, si cum Medico, & Deo comparentur. *Secundò* dicitur Justificatio, & salus hominis non volentis, neque currentis esse; non quod homo non sit, qui velit & currat, sed quia ipsum velle, ipsumque currere Dei munus est; nec enim vellet, nisi Deo voluntatem parante; nec curreret, nisi Deo otiosum, & cunctantem trahente. Cum ergo Dei gratia sit, quæ hominis conatum prævenit, excitat, adiuvat, comitatur, & sequitur; cum voluntas hominis nec inchoare opus, nec proficere, nec finire possit; cumque nihil penitus boni, conducentis-que æternæ saluti habeat, quod à gratia, hoc est, à Deo misereute non acceperit; meritò dicit Apostolus: *non esse currentis, neque volentis*; quia licet velit, & currat, non suis tamen viribus, sed gratiæ facit. Sicut si debitori nihil habenti mille aureos amicus donet æri alieno diluendo; meritò dixeris, quod debitum solvat, non esse volentis, neque solventis debitoris, sed misereutis, & donantis amici. Cum ergo tria ad opus aliquod faciendum pertineant, principium videlicet, medium, & finis; & nihil istorum homo velit, aut faciat, nisi gratia moliente, meritò nihil homini, sed omnia gratiæ tribuuntur. Tantoque magis, quia solis naturæ viribus nec se homo ad gratiam disponere, nec aliud præstare potest, cujus causâ Deus dare illi gratiam dicatur, de quo vide *S. Thomam 1. 2. quæst. 109. art. 6. Bellarminum de Grat., & libero arbitrio lib. 6. cap. 5.* Sed audi Augustinum lib. 1. ad Simplicianum quæst. 2. *Præcipitur, ut rectè vivamus; sed quis potest rectè vivere, & bene operari; nisi justificatus ex fide? præcipitur, ut credamus, sed quis potest credere, nisi aliqua vocatione, hoc est, aliqua rerum testificatione tangatur? qui habet in potestate tali visu attingi mentem suam, quor ejus voluntas moveatur ad fidem? Quis autem animo amplectitur aliquid, quod eum non delectat? At quis habet potestatem, ut vel occurrat, quod eum delectare possit; vel delectet, cum occurrerit? Cum ergo nos ea delectant, quibus proficimus ad Deum, infunditur hoc, & præbetur gratiâ Dei, non nutu nostro, aut industria, aut operum meritis comparatum, quia ut sit nutus voluntatis, ut sit industria studii, ut sint opera charitatis ferventis; ille tribuit; ille largitur Igitur non volentis, neque currentis, sed misereutis est Dei; quandoquidem nec velle, nec currere, nisi eo moveute, atque excitante poterimus.*

Et S. Bernard. lib. de grat. & liber. arbitr. *Conatus nostri & cassi sunt, si non adjuventur, & nulli sunt, si non excitentur. Tertio denique, ac præsertim verissimum est, non volentis, non currentis, sed miserationis Dei esse; Quia licet in negotio æternæ salutis voluntas humana suffragium præstet, partesque suas agat; totum tamen meritum, totumque operis pretium à sola gratia, non voluntate hominis est. Quod enim opus sit supernaturale, quod Deo placitum, quod peccatum deleat, quod animam iustificet, quodque meritum sit æterni præmii, illique consequendo prosit, id totum gratiæ debetur. Ut enim Rege ancillam ducente, filius ex nuptiis natus, hæres quidem Regni est, sed paterno, non materno jure: Ita voluntate Deo per fidem, & gratiam nupta, quidquid bonorum operum ex hoc connubio nascitur, cælum quidem meretur, sed Dei solius beneficio, nulloque merito voluntatis, nihil enim juris ancillæ ad Regnum. Quod etiam hoc ipso capite 11. exemplo infictionis illustrare iis verbis Apostolus voluit: *Cum enim esses oleaster, insertus es in bonam olivam. Quemadmodum enim si oleastro, alterive sterili trunco furculum punicæ, cedrivæ arboris immittas; flores quidem, & poma cedri, aut punicæ erunt juxta illud Poëta:**

Miraturq; novas frondes, & non sua poma;

Sed totum id à furculo, non trunco proveniet. Ita prorsus de operibus hominis sentiendum est: Si enim bona sunt, & præmio digna, non radici, sed inserenti debent, hoc est, non sibi, sed Deo, nec trunco, sed gratiæ; quod duobus verbis eleganter Bernardus expressit Serm. 6. in Cantica: *Proinde meritum meum, miseratio Domini.* Sanctus quoque Augustinus libro de Gratia, & libero Arbitrio cap. 6. *Bona sua coronat Deus, non merita tua; nam si merita tua sunt, mala sunt; quæ verò mala sunt, non coronat Deus; quod si bona sunt, Dei dona sunt.* Et cap. 6. *Quid est hoc, quod cum Apostolus Dei gratiam commendans dixisset: non ex operibus, ne forte quis extollatur; cur hoc dixeris, rationem reddens: ipse enim, inquit, figmentum sumus; creati in Christo JESU in operibus bonis. Quomodo ergo non ex operibus, ne quis extollatur? Sed audi, & intellige. Non ex operibus dictum tanquam tuis, ex te ipso tibi existentibus, sed tanquam suis, in quibus te Deus finxit, idest formavit, & creavit.* Et observa illam Apostoli vocem: *creati*; Creatio enim ex nihilo est; sicut ergo creavit ex nihilo, ita redemit, & salvavit ex nihilo, hoc est, nullo merito præcedente.

Addit

Addit Apostolus: *Dicit enim Scriptura Pharaoni: in hoc ipsum excitavi te, ut ostendam in te virtutem meam, ergo cuius vult miseretur, & quem vult indurat.* Hic videtur Apostolus duo docere sententiæ nostræ adversa. Primò, Deum aliorum quidem miseri, alios verò indurare, hoc est, non miseri, ut semper exponit Augustinus; non ergo Deus omnium misereretur, sed aliquorum tantum. Deinde quòd unius misereatur, alterius verò non misereatur, non peccatis Paulus adscribit, non humano arbitrio, sed meræ, unicæque Dei voluntati: *Cujus, inquit, vult miseretur, & quem vult indurat.* Hæc ferè præcipua, & maxima difficultas est, quæ, ut penitus, solideque evolvetur, altius, & à suis principiis petenda solutio est.

Observandum ergo, totum scopum Epistolæ ad Romanos esse, ut ostendat Apostolus justificationem, remissionem peccatorum, & jus ad cælestem hereditatem non ex Circumcisione, non ex ceremoniis, non ex operibus Legis esse, in quibus Judæi suam spem collocabant; sed ex fide in Christum, quod cum in præcedentibus capitulis præsertim tertio, & quarto Paulus susè, lateque probasset; tandem cap. 9. 10. & 11. probat, ideo Gentiles ad hanc justificationem veniam peccatorum, adoptionem, æternamque hereditatem pervenisse, quia in Christum crediderunt: Judæos verò repulso esse, quia licet per innumera miracula, ab ipsoque Messia inter ipsos nato, educato, mortuoque efficacissimè vocati, fidem amplecti renuissent, idque partim falsà, ac præposterà Legis Mosaicæ æmulatione; partim contemptu ipsius Christi, cujus paupertatem, & humilitatem aspernabantur; partim quoque odio sanctissimæ ipsius Legis, quæ flagitia sua redargui videbant. Quòd verò Deus primò Judæos in Populum, filiosque suos, ac hæredes cælestium bonorum elegerit, rejectis Gentilibus; deinde Gentes assumpserit, Judæosque repulerit; ac tandem sub Mundi finem etiam Judæi ad Christi fidem perventuri sint, docet Apostolus, id non ex bonis Gentilium operibus (qui fortè peiores Judæis erant) sed ex mera Dei voluntate, & inscrutabili providentia fluxisse, qui justificationem, & Adoptionem voluit potius ex fide in Christum, quam ex carnali Abrahæ propagatione, & Lege Mosaica pendere: Mille enim aliique modi Deo supererant, quibus homines justificaret; quòd verò non aliter justificari voluerit, quam ex fide in Christum, id dicit Apostolus ex sola Dei voluntate, occultisque judiciis provenisse. Non ergo hic disputat Apostolus, cur uni major, minorve gratia tribuatur? cur unus ad fidem, non alius per-

perveniat? cur unus ad Electos, alter ad Reprobos pertineat? Nihil, inquam, istorum propositum Apostolo fuit; sed tantum, cur Deus voluerit potius per fidem in Christum, quam per opera Legis, in quibus Judæi tantoperè gloriabantur, justificari? Hunc esse Apostoli unicum scopum, patet caput tertium, quartum, & undecimum legenti. Si ergo ex Apostolo quæras: cur Gentiles, qui verum Deum ignorabant, non verò Judæi, quorum tota lex nihil aliud resonabat quam Deum, cur, inquam, illi non isti justificationem adepti sint? duas assignat Apostolus causas. *Primam*, & universalem Dei voluntatem, propositum, & electionem: *ut secundam electionem propositum Dei maneret* cap. 9. v. 11. *Electio autem consecuta est*, cap. 11. v. 7. hoc est, quòd Gentile, potius fideles, quam Judæi infideles ad veniam peccatorum, & adoptionem filiorum pervenerint, causa fuit Dei propositum volentis hominem non per Legem Mosaicam, eiusque opera externa, sed per fidem in Christum justificari. *Secunda*, & particularis causa, quam Apostolus expendit, illa est: quòd Gentiles in Christum crediderint, Judæi verò credere noluerint: *Gentes, quæ non sectabantur iustitiam, apprehenderunt iustitiam; iustitiam verò, quæ ex fide est. Israel verò sectando legem iustitia, in legem iustitia non pervenit: quare? quia non ex fide, sed quasi ex operibus; offenderunt enim in lapidem offensionis* cap. 9. v. 30. & iterum: *Ignorantes enim iustitiam Dei, & suam quærentes statuere, iustitia Dei non sunt subiecti; finis enim Legis Christus ad iustitiam omni credenti*, cap. 10. v. 3. Et iterum: *propter incredulitatem fracti sunt, tu autem fide stas* cap. 11. v. 20. Ubi vides, totam causam reprobationis Judæorum ex eorum infidelitate, non ex Dei arbitrio provenire, qui mallet eos credere, & salvari. Si enim iterum ex Apostolo quæras: an ergo non velit Deus Judæos quoque ad fidem, æternamque salutem pervenire? imò, inquit, Apostolus, & quàm maximè: *Non enim est distinctio Judæi, & Græci, nam idem Dominus omnium, dives in omnes, qui invocant eum*. cap. 10. v. 12. quasi dicat: sicut non minùs est Dominus Judæi, & Græci, ita non minùs Judæi curam, & providentiam habet; nec curam quamcumque, sed curam *divitem*, hoc est, copiosam, & affluentem. Cùm enim verum Deum agnoscant, & adorent; tantum invocent, & eis non deerit. Quid verò minùs peti potest ab ægroto, ut curetur, quàm ut invocet Medicum? & quid minùs à Mendico, ut ditetur, quàm ut petat à Principe? Et infra *Ad Israel autem dicit: tota die expandi manus meas ad populum non*

credentem , & contradicentem mihi . cap. 10. v. 21. Quis non dicat , donare serib , & efficaciter velle , qui tota die , imò qui triginta tres totos annos nihil aliud egit , quàm ut manum ad dandum paratam , & porrectam haberet , rogaretque , ut vellent accipere ? Si ergo non acceperunt , nulla culpa fuit volentis dare , sed nolentis datum accipere . Et rursus : sed & illi si non permanserint in incredulitate , inferentur . cap. 11. v. 23. paratus ergo Deus est , misereri , & inferre , modò velint ; nec ut velint , gratia eis deest ; cùm enim cupiat Deus , ut inferantur , cupit quoque , ut velint , cùm non aliter , quàm volendo inferi possint ; nec enim necessitate inferuntur , ut plantæ , sed inferuntur voluntate , ut homines . Et paulò post : conclusit enim Deus omnia in incredulitate , ut omnium misereatur , hoc est , omnes cùm Judæi , tùm Gentiles sunt peccatores , & indigent gratiâ Dei ; sicut ergo nullus omnino est , qui non sit miser ; ita nullus omnino est , cujus non misereatur . Non enim dicit Apostolus : ut aliquorum , sed ut omnium misereatur . Nullum ergo ut à miseria , sic à misericordia excludit . Cujus ergo non miseretur Deus , si miseretur etiam Judæi , hoc est , omnium perfidissimi , durissimi que . Et denique Christus ipse : Quoties volui congregare filios tuos , sicut gallina congregat pullos suos sub alas , & nolulistis . Matth. 23. quibus verbis non quemcumque amorem , & providentiam Dei erga Judæos , sed maximam , & præcipuam ostendit : nam ut Augustinus hîc notat : mirus est amor omnibus ferè avibus ad conservandos , & protegendos pullos suos , sed præcipuè gallinis , qua illos colligunt sub alas , hoc est summo cum desiderio , & solitudine fovent .

His prænotatis de mente , & scopo Apostoli , verba ipsa expendamus .

Cujus , inquit , *vult miseretur* , hoc est , pro sua voluntate , nulloque operum respectu Christianis potiùs , quàm Judæis Justiciam , adoptionem , æternamque vitam largitur . Quodd enim credentes in Christum potiùs , quàm non credentes justificentur ; id non ex natura , pretioque intrinseco fidei est , sed ex Dei merissima voluntate , qui gratiam justificantem , & cœlestem gloriam veteri æquè , ac novo Testamento , ac mille aliis mediis sibi notis adstringere poterat . Si ergo quæras , cur potiùs Christianum , quàm Judæum adoptaverit , respondet Apostolus : quia voluit . Nihil hac opera , nihil merita , nihil humana voluntas facit . Volebat Judæus salvari , sed nolebat in Christum credere : volebat Cœlum tanquam Abrahæ promissum ;

sed volebat Legis Mosaicæ merito, non dono Evangelii. *Currebat*, hoc est, per ritus, per ceremonias, per vaticinia Prophetarum, per figuras, totamque Mosaicæ Legis, pompam velut quodam cursu ad Messiam suam ferebatur; nec tamen pervenit, quia credere recusabat. Gentilis ex adverso, non lege, non Templo, non Sacerdotio, non Oraculis, non cognitione veri Dei adiutus, otio, somnoque vixit in profundissima nocte marcebat, & tamen quia credidit, iustificatus, adoptatus, redemptus, electus fuit. Merito ergo iterum, iterumque inculcat Apostolus, *non volentis, non currentis, non operantis, sed misereantis Dei esse*. Et huc duorum geminorum Jacobi, & Esau, Pharaonis, & figuli ab Apostolo tam epixè commendata exempla faciunt. Nec tamen conqueri Judæus potest, nam ipse quoque Misericordiam, & Adoptionem consequetur, si modò credat; ut verò credat, nihil non agit Deus, nihil non egit, ut suprà expendimus: *sed & illi, si non permanserint in incredulitate, inferentur*, inquit, Apostolus ad Rom. 11. Velint ergo, & credant; credant, & inferentur, Deo semper parato, imò urgente.

Sequitur: *Et quem vult, indurat*, hoc est, *non misereatur*, ut semper explicat Augustinus *Epist. 105. Tract. 53. in Joan. Lib. 1. ad Simplicianum q. 2.* & alibi sæpe. At videtur sibi Apostolus, aliisque Scripturis contradicere. Hic enim dicit: Deum aliquos obdurare, hoc est, aliquorum non misereri; cùm cap. 11. v. 37. scribat: *Deum omnium misereri*. Et Sap. 11. *Misereris enim omnium, quia omnia potes*. Et Joan. 1. *illuminat omnem hominem venientem in hunc Mundum*, hoc est, sicut nullus est hominum, qui vivat, & non veniat in Mundum; ita nullus est, quem non illuminet, & illuminando misereatur. Quomodo ergo aliquorum non misereatur, si misereatur omnium? Sed facilis est ex dictis responsio. *Misereatur enim Deus omnium, & non omnium misereatur*. Misereatur omnium, qui fide viva in Christum credunt, quales Gentiles erant ad fidem conversi: & non misereatur omnium, eorum videlicet, qui credere nolunt, quales erant Judæi. Cur verò credentium potius, quam non credentium, cùm, & illorum, & illorum misereri posset, si velit? id enim verò ad voluntatem illam, occultamque propositum pertinet, quod inaccessible esse Apostolus profiteretur, quodque venerari nos potius, quam scrutari oportet. Sufficiat ex Sacris Litteris didicisse, quod jam suprà, & evidentissimè ostendimus; etiam Judæis gratiam efficacissimam, & abundantissimam da-

xi, quâ credant, sicque ad vasa misericordiæ pertineant, si velint, nam sinolint, non tam quærere debent, cur Deus infidelium non misereatur, quàm potius, cur ipsi esse infideles, nec misericordiam consequi velint? Sicut si paratus ego sim debita tua, quibus ad carceres rapiendus es, auro solvere, nec ipse acceptare aurum velis, sed argentum poscas; non tam quærendum est, cur auro magis, quàm argento solutionem offeram, quàm potius, cur ipse auro redimi nolis? velle enim hoc, vel illo modo solvere, arbitrii mei, & charitatis est; nolle verò oblatam solutionem accipere, voluntatis, & contumaciæ tuæ, tua interest solvi, non verò modum solvendi præscribere: Sic Judæi redimi quidem volebant, sed per legem, non per Evangelium, non per fidem in Christum, cujus humilitatem, paupertatem, & Crucem superbi aspernabantur; At Deus non aliter eos redimere, quàm per hanc ipsam Fidem, & Crucem statuerat. Quem ergo accusabis? nolentem hoc pretio solvere, aut nolentem hoc pretium accipere? Et huc optimè faciunt illæ Christi sententiæ: *tolle quod tuum est, & vade; an non licet mihi facere, quod volo? an oculus tuus nequam est, quia ego bonus sum?* Matth. 20. Et iterum: *Confiteor tibi Pater Domine Celi, & Terræ, quia abscondisti hæc à prudentibus, & sapientibus, & revelasti ea parvulis; ita Pater, quia sic fuit placitum ante te.* Luc. 10.

Sed expendendum adhuc superest, quid sibi illa vox velit: *obdurat*, quod diligentius omnino explicandum à nobis est.

Sciendum ergo, quod à nullo Catholicorum negari potest; Deum nullius peccati, multoque minùs obdurationis, quæ omnium est maximum, autorem esse: *Nolite*, inquit, *obdurare corda vestra*. Non ergo facit, quod vetat, alioquin seridè, efficaciterque repugnantia vellet; esse videlicet, & non esse peccatum: non esse, quia prohibet, esse quia facit. Et: *Ne dicas ipse me implanavit* Eccl. 15. At quæ major implanatio, quàm urgere aliquem, ut agat, quod prohibes? *Deus neminem tentat*, Jacob. 1. quantò minùs impellit? pejus enim est facere, quàm suadere. *Nolo mortem peccatoris*: Ezech. 13. At quæ major mors, quàm peccati? Rogamus quotidie, *ne nos inducat in tentationem*: At vanè, nulloq; fructu, si Deus inevitabilis proposito, & voluit ab æterno, & agit, ut peccem. Cùm enim Deus omnia non manu, ut homines, sed voluntate operetur; si causat pectum volendo causat, peccatum, ergo non repugnet divinx voluntati, sed conveniret; non ergo peccatum esset, sicut enim non est curvum, quod respondet li-

næ rectæ, nec dissonum, quod convenit regulis Musicæ; ita non potest malum, nec peccatum esse, quod divinæ voluntati; hoc est, quod primæ regulæ bonitatis, & honestatis respondet; si ergo furer volente Deo (ut olim Egyptiis Judæi) non jam crimen, sed meritum erit; tam ergo non facit Deus peccatum, quàm ars non facit errorem; nam si error est, non juxta, sed contra artem est. Quæ omnia tam clara sunt, ut nec ipsos Gentiles, hoc est, cæcos laterent. Sic enim Lucianus in Jove: *Si Parca omnium rerum est causa; ergo si quis patrem occiderit, Parca in culpa est. Si Minos recte velit uti iudicio, multo æquius fatum pro Sisypho, & Tantalo puniet; quid enim illi iniuste egerunt, quando Diis obtemperarunt?* Deus prohibet parricidium; & tamen movet, & cogit ad parricidium, inquit, Calvinus. Quod si ita est, sequitur, ¶ peccatum non esse peccatum. Sicut enim peccatum artis nihil aliud est, quàm defectus contra regulas artis; ita peccatum moris nihil aliud est, quàm error, & defectus contra voluntatem divinam, hoc est, contra primam, supremamque regulam honestatis. Si ergo Deus, & non vult peccatum, quia prohibet, & vult peccatum, quia impellit, imò, ut Calvinus ait, ad peccatum cogit; sequitur, & peccatum fore, quia repugnat Deo prohibenti, & non fore, quia obsequitur Deo cogenti. Imò potius non peccare, quàm peccare dicendus erit, quia sicut Deus magis, & efficacius vult, quod ipse facit, & alios cogit, ut faciant, quàm non vult, quæ tantùm prohibet fieri (prohibere enim est voluntas tantùm signi, facere, voluntas operis) sicque non peccatum, sed prudentia, & obsequium erit; plus enim obedire teneor Deo cogenti (cùm id vitare non possim) quàm Deo vetanti. Quod si obedis, ergo non peccas, nec penam mereris, quis enim nisi de Tyranno audit, servum punivisse, quia volenti, & urgenti obtemperavit? Sed & hoc ipsum dogma totam Religionem, hoc est, fidem Scripturarum evertit: Si enim omnium mendaciorum causa, & author est Deus, ergo suspicari merito de illo possim, omnibus Prophetis, & Evangelistis, ut hominem ad sui cultum, & amorem provocaret, mendacia inspirasse; quid enim iustius, quàm omnium mendaciorum Authori fidem negare? Nihil ergo in Scripturis erit non mendacii suspectum. Deinde cùm peccatum sit infinita Dei injuria; imò tanta, ut si naturæ mortalis esset, eum dolore, ac morte conficeret, & ideo nullo bono creato compensari potest; quàm ergo non potest Deus sui injuriam, & destructionem velle; tam non potest velle, ac causa-

re peccatum. *Non potest*, inquit Paulus, *se ipsum negare*. 2. ad Timoth. 1. 3. At quo magis negare se possit, quàm id faciendo, quod illius Majestati, Bonitati, felicitati, dominioque infinitè repugnat, ut repugnat peccatum? Si ergo vellet peccatum, vellet se ultimum finem non esse, vellet sibi creaturam præponi, vellet se Deum non esse. Vide S. Thomam q. 79. a. 1. & 2. & de malo q. 3. Adde, quod observat S. Basiliius Homil. 2. in Hexamer. Nullum contrarium à dissimili, & contrario nasci. Quando enim aut ficus spinas, aut Laurus uvas, aut ignis aquam, aut ars errorem produxit? At nihil magis contrarium Deo, quàm peccatum, cùm hoc sit summum malum, illud sit summum bonum; majus ergo absurdum est, Deum authorem peccati facere, quàm ficum authorem spinæ, ignem authorem aquæ, aut solem authorem noctis. Planè cùm quidquid facit Deus, sit quædam participatio, & imitatio Dei, sicut umbra imitatio corporis, & parelium, ac radius quædam imitatio Solis; quæro, quid in Deo sit, quod imitari peccatum possit? Nam ut non potest nigrum esse imitatio alibi, nec turpe imitatio pulchri, aut curvum imitatio recti, ita nec culpa imitatio Dei. Nec juvat Calvinum, Deum, ut ipse comminiscitur, peccatum operari, sed sine honesto, misericordiæ videlicet in electos, justitiæ in reprobos ostendendæ? Nam *Primo*, cùm peccatum sit infinita Dei injuria, quippe infinitæ Majestati facta, nullum finis, nullumque bonum creatum est, quo compensari possit, sicut non potest infinitum debitum, finito pretio, & ideo tam impensè monuit Apostolus, 3. ad Rom. 3. *non esse faciendam mala, ut eveniant bona*; alioquin, & adulteria, & perjuria licebunt boni alicujus, aut Reipublicæ causâ. *Deinde* quid indignius Deo, quàm sibi gloriam per flagitia parare; quasi aut tam impotens sit, ut non possit, aut tam malignus, ut non velit, nisi per dedecora, & infamia clarescere, ut olim Erasistratus, & Catalina incenso Templo, everlaque Patriâ. *Rursus* quæ clementia, & misericordia dici potest, spoliare, ut alios vestias, vulnerare, ut alios sanes? *Si malevola est benevolentia, quod fieri non potest, potest, & ille, qui veraciter, sincereque, misereatur, cupere esse miseros, ut misereatur*, inquit, Augustinus lib. 2. Confess. cap. 2. Latronum ergo, & Tyrannorum, non Dei sunt hæc beneficia, quæ fingit Calvinus. *Adde*, quamvis daretur per impossibile, Deum omnino peccatum velle; sufficeret, id ab eo permitti, nec opus esset positivo influxu; sicut enim, ut vitrum in terram cadat, casuque elidatur, utque accipiter, aut canis prædam

involet, sufficit, venatorem permittere, nulloque alio impulsu opus est; ita ut in peccatum cadat homo, utque in voluptates illicitas ruat, sufficit permittere Deum; cum tam primum sit homini peccare, quam vitro cadere, quamque falconi, aut canini in prædam rapi. Cur ergo Deus agendo, & causando se omnium malorum, scelerumque complicem faciat, tanto sanctitatis suæ damno, & dedecore, cum possit, si peccatum velit, id totum, & innoxie permittendo obtinere? Non ergo causat Deus peccatum, sed permittit; hoc enim iuste facere potest, illud nisi impie non potest. *Deniq.* non esse Deum causam obdurationis, aliorumque peccatorum, inductione omnium Causarum probatur: Nec enim potest Deus esse *Causa materialis* peccati, cum in eo nullum sit malum, alioquin non esset summum, & infinitum Bonum. Nec est *Forma peccati*, cum potius sit Forma totius innocentiae, & sanctitatis. Nec est *Finis peccati*, cum peccatum sit aversio à Deo ultimo omnium rerum fine. Nec est *Causa Principalis effectiva* peccati, cum peccatum sit defectus, & non esse; defectus vero reducitur semper in causam aliquam deficientem, & imperfectam; sicut inquit S. Thomas 1. p. q. 49. a. 1. *Defectus in motu corporis potest contingere, vel propter debilitatem virtutis motiva, ut in pueris; vel propter solam ineptitudinem instrumenti, & tibiæ, ut in claudis.* Nec etiam *Dens Causa per accidens* est peccati; quemadmodum ignis incendendo lignum, per accidens causa est, ut forma ligni corrumpatur; id enim dicitur per accidens fieri, quod necessarium consequitur ad actionem agentis; sicut corruptio ligni sequitur necessarium ad ejus inflammationem; at peccatum non necessarium sequitur ad influxum, & concursum Dei, cum hic sit indifferens, ut postea dicitur, nec tollat libertatem, sed relinquat locum eligendi oppositum, si homo velit, & gratia, quæ ad peccatum vitandum nunquam deest, utatur. Nec *deniq.* Deus est *Causa peccati indirecta* (sicut Gubernator somno indulgens, nec officii sui partes adimplens causa est, ut navis mergatur) quia, ut inquit S. Thomas 1. p. q. 49. a. 3. ad 3. *Deus non deficit ab agendo, quod est necessarium ad salutem.* Vide eundem Angelicum Doctorem 1. 2. q. 79. a. 1. Nullo ergo modo potest Deus dici causa peccati. Audi ipsum S. Doctorem loco citato a. 2. *Peccatum nominat ens, & actionem cum quodam defectu, sicut statua nominat lignum cum quadam figura, & claudicatio nominat motum cum quadam obliquitate: defectus autem ille sit ex causa creata, scilicet libero arbitrio, in quantum deficit ab ordine*

dine primi Agentis. Vnde defectus iste non reducitur in Deum sicut in causam; sed in liberum arbitrium, sicut defectus claudicationis reducitur in tibiam curvam, non autem in virtutem motivam, à qua tamen causatur, quidquid est motionis in claudicatione, & secundum hoc Deus est causa actus peccati, non tamen est causa peccati; quia non est causa huius, quod actus sit cum defectu.

Sed dices: Si ergo Deus peccatum non causat, cur dicitur obdurare? Respondeo, id duplici ex causa esse. Primum enim sciendum est, peccatum esse malum, imò omnium malorum maximum: Sicut verò nullum est dissonum, nisi in aliquo sono, nullum curvum, nisi in aliqua linea, nulla umbra, nisi cum aliquo corpore, nullusque morbus, nisi in aliquo membro; ita nullum est malum, est nullumque peccatum, nisi in aliquo, vel cum aliquo bono. Malum est homicidium, sed homicidium non esset, nisi viveres, nisi intelligeres, nisi vigiles, nisi movereris, nisi bonum aliquod appeteres, quæ omnia bona sunt; quis enim dicat, vivere, intelligere, moveri, bona non esse? si bona, ergo à Deo bonorum omnium principior, & exemplari; cum tam sit impossibile, bonum aliquod esse, non faciente Deo, quam impossibile est, vivum aliquem esse, non tribuente fonte; aut telam, non texente artifice. Dicitur ergo Deus obdurare, excacare, vasa in perditionem facere; quia facit, quidquid boni, & positivi in huiusmodi peccatis est, quamvis non faciat id, quod est malum, videlicet privationem boni, honestique. Tota enim natura, & malicia peccati in eo est, ut deficiat à norma rectæ rationis, legisque æternæ, hoc est, ut careat debita rectitudine. Est ergo peccatum defectus, & pertinet ad non esse, at non esse non potest in summum, plenumque esse tanquam in causam reduci, nec indiget Deo; sicut aliquid non vivere, non indiget animâ, & aliquid non esse pictum, non indiget pictore, ideoque optimè notat Augustinus Lib. 12. de Civit. cap. 7. Eorum, quæ deficiunt, & quæ non sunt, nullam causam effectivam. sed defectivam tantum querendam esse, qualis utique non est Deus. Nemo, inquit, querat causam male voluntatis; non enim est efficiens, sed deficiens, quia illa nec effectio est, sed defectio. Et Lib. 83. Quæstion. Deus non est auctor mali, quia non est causa tendendi ad non esse. Et S. Thom. lib. 3. contra Gentes cap. 4. a. 2. Defectus in effectu consequitur defectum in principiis actionis, sicut ex aliqua corruptione seminis, sequitur parens monstruosus, & ex curvitate cruris sequitur claudicatio: Et 1. p. q. 49. a. 1. ad 3. Nunquam sequitur

aut malum in effectu; nisi præcesserit aliquod malum in agente, vel materia. Cum ergo nullus in Deo sit defectus, frustra in illo quæritur causa, & origo peccati; sicut in flamma frustra quæritur origo frigoris, & in Cedro frustra quæritur origo vermis, & corruptionis. Tota ergo, & sola causa peccati voluntas creata est: in hac enim multiplex defectus reperitur. Defectus videlicet *Originis*; quia creatura est ex nihilo facta: defectus *Natura*, quia sicut Deus est pelagus *Entis*, hoc est, omnis Entis perfectiones complectitur, ita creatura est gutta Entis; hoc est finitæ, & limitatæ perfectionis, aded ut paucissimæ sint perfectiones, quas habet, innumeræ, quas non habet, & ideo non Ens potius, quàm Ens dicenda est: cum enim denominatio fiat à potiori, & forma prævalente, sicque Æthiops absolutè dicatur niger, licet candidis dentibus; sequitur, creaturam quoque non Entis potius, quàm Entis nomen mereri, quia nulla proportio est perfectionum, quas habet, ad illas, quas non habet. Est etiam in creatura defectus *Cognitionis*: Unde sequitur defectus amoris, & efficacis voluntatis, quæ origo est omnium peccatorum. *Denique*, ut alia quàm plurima omittam, est in voluntate defectus Virtutis ad prosequendum bonum arduum, vincendumque juxta normam rationis, impetum boni delectabilis concupiscentiam moventis. Cum ergo voluntas creata, hominis præsertim, tot titulis deficiat; quid mirum est, etiam in operando (nam operatio sequitur esse) semper ad defectum, & malum tendere, nisi per gratiam adjuvetur? Ex quibus tandem conficitur, Deum, licet ad omnem entitatem peccati concurrat, nulla tamen ratione causam peccati dici posse: *tum* quia causa mali semper est deficiens, quod Deo non convenit, *tum* quia *esse* non potest dici causa non *esse*, sicut scriptio non potest esse causa non scripti, & albedo non potest esse causa non albi: *tum* quia malum non continetur in Deo, nec *formaliter*, nec *eminenter*, nec *exemplariter*; quomodo ergo causa, in qua nulla ratione effectus continetur? *tum* quia non potest esse effectus, qui non pendet à causâ, quique causâ non eget; at peccatum, cum sit *non esse*, non potest pendere à Deo, sicut error non pendet ab arte, cum possit esse sine arte, & non lucidum, seu obscurum non pendet à Sole, cum possit esse sine Sole: *tum* quia, quando ad aliquod opus duæ causæ concurrunt, quarum una, non altera deficiens est; defectus operis soli causæ deficienti adscribitur; ut claudicatio non animæ, sed tibie curvæ; incertitudo conclusionis ex duabus præ-

præmissis, quarum una est evidens, alia inevidens, seu probabilis; præmissæ probabili non evidenti; sonus dissonus non periculisimo Musico, sed cytharæ fractæ, aut discordantibus nervis: *tum* quia peccatum est recessus à lege; at Deus concurrendo ad entitatem omnis peccati, non recedit à lege, sed potius legem, & ordinem primi Entis, primæque Causæ, & universalis Gubernatoris implet; cujus officium est, in omne bonum influere, alioquin daretur aliquod bonum, quod non esset à primo Bono; & aliquod Ens, quod non esset à primo Ente. Indè peccaret Deus peccato omnium maximo, nisi ita concurreret, quia contra officium, legesque primi Entis, & omnium Creatoris ageret, sicque non esset Deus, quod omnium malorum pessimum est. *Tum* quia, ut loquitur S. Thomas 1. 2. q. 79. a. 1. ad 3. *Effectus causæ mediæ procedens ab ea, secundum quod subditur ordini Causæ primæ, reducitur etiam in Causam primam. Sed se procedat à causâ mediâ, secundum quod exit ordinem causæ primæ, non reducitur in Causam primam: sicut si Minister faciat aliquid contra mandatum Domini, hoc non reducitur in Dominum sicut in causam. Et similiter peccatum, quod liberum arbitrium committit contra præceptum Dei, non reducitur in Deum sicut in causam.* *Tum* denique, quia Deus concurrit ad omnes hominum actiones concursu generali, & indifferenti (quod omnes Catholici admittunt, quocumque tandem modo concursum illum indifferentem exponant) relicta videlicet humanæ voluntati libertate, hoc, illudve agendi: Ut enim Deus uno, eodemque nutu voluntatis suæ (quem Theologi actionem virtualiter transeuntem vocant) omnia quamvis diversissima creavit; ita vno, eodemque voluntatis suæ nutu ad omnes, & diversissimas hominis actiones concurrit: *Omnia portans Verbo virtutis suæ Verbo*, inquam, *non verbis*, uno, non pluribus, sed vno omnia complectente. Effectus verò, quod sit talis in specie, non tribuitur causæ universali, & indifferenti (cùm hujus influxu etiam oppositum fieri potuisset) sed causæ particulari, & specificæ, quod exemplo Solis clarissimum est: Is enim in omnes flores, fructusque arborum calore influit, unde cessante influxu, ut hujus contingit, nulli erunt flores, nullique fructus: Quia tamen influxus Solis universalis est, & ad omnes producendos fructus indifferens (nam idem æstatis calor, qui cum spica granum, & cum vite uvas produxit, cum Lauro baccas, cum quercu glandes, & cum malo pomum produxisset) ideo fructus non Soli, sed plantæ tribuitur, hoc est,

M

non

non ideo est pomum, quia à Sole, sed quia à malo; nec proles ex homine nata filia Solis, sed hominis dicitur, nam quantum ex parte Solis erat, poterat Aquila, aut Cygnus nasci. Multò minùs monstra Soli tribuuntur, cum hujus influxus sit ad perfecta, nisi defectus impediat causæ secundæ. Idem de influxu Dei dicas: Audi Angelicum Doctorem 1. 2. q. 80. a. 1. ad 3. *Deus est univèrsale principium omnis interioris motûs humani. Sed quod determinetur ad malum voluntas humana, hoc directè quidem est ex voluntate humana, & à Diabolo per modum persuadentis, vel appetibilia proponentis.* Et lib. 3. contra Gentiles cap. 66. a. 5. *Secunda agentia sunt quasi particulariter, & determinantes actionem primi Agentis.* Vide quæstionem tertiam de malo a. 2. *Nec obstat, deformitatem actûs ab ejus entitate inseparabilem esse; nec enim ideo sequitur, Deum, si ad unum, etiam ad aliud concurrere; nam in actu quoque visionis una eademque res est, esse actum vitalem, & esse imaginem objecti, & tamen quod sit vitalis, non ab objecto, sed potentia, & quod sit imago, non à potentia, sed objecto habet: Ita in actu homicidii, quidquid boni, & entis est, à Deo est fonte omnis boni; quidquid mali, & deformis, ab hominis voluntate fonte omnis mali.* Idem de *obduratione* dicas, cujus causâ totam hanc disputationem texuimus. Et hæc ratio est, cur in Sacris Litteris, eadem obduratio, jam Deo, jam homini tribuatur, utriusque enim est diversa ratio. Nunc audi Augustinum de Genesi ad litteram cap. 5. *Non dicimus, Deus fecisse tenebras, quoniam speciem ipsam Deus fecit, non privationes, quæ ad nihilum pertinent, quas tamen ab eo ordinatas intelligimus, cum dicitur: & divisit Deus inter lucem, & tenebras; ne vel ipse privationes non haberent ordinem suum, Deo cuncta regente atq; administrante: sicut in cantando interpositiones silentiorum certis, & moderatis intervallis, quamvis vocum privationes sint, bene tamen ordinantur ab iis, qui cantare sciunt, & suavitati univèrsa cantilena aliquid conferant. Et umbræ in picturis eminentiora quæq; distinguunt, ac non specie, sed ordine placent. Nam & vitiorum nostrorum non est Author Deus, sed tamen ordinator est, cum eo loco peccatores constituit, & ea perpeti cogit, quæ merentur. Ad hoc valet, quod oves ponuntur ad dexteram, bœdæ autem ad sinistram. Quædam ergo facit Deus, & ordinat, peccatores autem in quantum peccatores sunt, non facit, sed ordinat tantum. Ipso ergo faciente, pulchra sunt singula, & ipso ordinante, pulchra sunt omnia.* Addi potest, & alia horologii gnomici simili-

similitudo: In hoc enim duo ad umbram concurrunt, Sol, & ferrum; & licet sine Sole umbra non esset, ea tamen, cum privatio lucis sit; non à Sole, sed à ferro, aliove corpore opaco est. Id tantum à Sole habet, ut per certa intervalla, ordinatimque procedat, ac Solis cursum ostendat: Ita obduratio, aliudve peccatum sine Deo non esset, nec tamen à Deo est, sed à libero, ferreoque arbitrio: id solum à Deo habet, ut ad bonum ordinetur, sicque etiam invito peccatore cursum Solis ostendat; hoc est, divinæ Sapientiæ, Providentiæ, Bonitatis, ac Justitiæ testimonium præbeat. Ergo quot umbræ, tot testimonia Solis, & quot peccata, tot argumenta Dei.

Alia quoque ratione hæc *obduratio*, simileque loquendi modus, quibus Scripturæ uti solent, explicari possunt. Si videlicet dicas, nihil in Sacris Litteris frequentius esse, quam ut de Deo, eiusque operibus humano modo fermocinentur; Sicut enim non intelligeret Gallus Arabicè, aut Persicè loquentem, ita nec homo intelligit Deum, nisi humanè loquentem. Nec mirum est, Deum, qui, ut ab hominibus amaretur, humanam naturam induit, voluisse etiam, ut ab hominibus intelligeretur, humanam linguam imitari; & ideo videmus mille locis, Deo in Scripturis manus, pedes, cor, dolorem, iram, pœnitentiam, aliosque humanos affectus tribui; non quod ista revera in Deo sint, sed quod istorum effectus: Facit enim Deus Omnipotentiâ, Amore, Justitiâ, Misericordiâ, Patientiâ, quod homines manu, corde, ira, pœnitentiâ, & somno solent. Hæc ergo ratione dicitur Deus *obdurare*, *excacare*, non quod revera id faciat, & velit; aut quod ejus beneficia, & influxus eo spectent, cum potius ex natura sua, Dei que clementia, ac intentione ad solvendam cæcitatem, & obdurationem dirigantur (quid enim ad molliendum cor Pharaonis, ad eliminandas tenebras Judæorum aptius, potentiusque facere Deus potuit, quam quod fecit?) Sed quod ex Dei longanimitate, & clementia non alius sequatur effectus, quam major cæcitas, majorque obduratio. Sic dicimus, Magistrum pœnis, & flagellis nihil aliud agere, quam ut contumacem Discipulum magis, magisque obduret: Dominum beneficiis, & indulgentiâ servos indomitos, & insolentes reddere; non quod hoc velint, sed quod non alius effectus sequatur, quam si id vellent, dataque operâ molirentur. Eadem ratione, qui manu crystallum tenet, illudque cadere, elidique permittit, dicitur fregisse, cum tamen id solum permiserit, & casus, ac damnum vitri non positivè ab homine permittente, sed

à fragilitate cadentis vitri proveniat, cadit enim, & frangitur, quia vitrum est: Sic qui laxatis vinculis Leonem permittit in hominem ruere, dicitur hominem occidisse, non quia positivè occidit, sed quia permisit, effectu non minùs ex hac permissione, quàm ex positivo influxu sequente: Ita Deus dicitur humano sensu obdurare, quia ita ipso permittente non minùs obduratio in voluntate humana sequitur, quàm in aqua sequatur frigus, igne ac calore subducto; tam enim pronum est homini durari, & cæcari, quàm innatum est aquis, cessante igne frigere, aut terræ obscurari cadente Sole: illo tamen discrimine, quodd, ut suprà vidimus, Deus nunquam occidit homini, nunquam desinit misereri, nisi planè repulsus: Si enim quæras, cur permittat? Respondetur, id partim ex judiciis occultissimis quidem, sed non injustis provenire; partim ex impedimentis, quæ voluntas Deo vocanti opponit; nec enim deserit, nisi deserentem; quod de ipso Pharaone omnium obduratorum Principe Augustinus testatur; sic enim in lib. 84. quæst. loquitur apud Bedam in cap. 9. ad Roman. fol. 225. *Si expurgaveris vetus fermentum, & non adhuc parvulus in Christo in lacte potandus sis, & perveneris ad virum perfectum, de quo dicitur: Sapientiam loquimur inter perfectos; tunc demum, rectè, & non præposterè audies, si qua sunt de Animarum occultissimis meritis, & de gratia, vel iustitia secreta Omnipotentis Dei. Nam de Pharaone facile respondetur, prioribus meritis, quibus afflicxit in Regno suo peregrinos, dignum effectum, cui obduraretur eor, ut nec manifestissimis signis iubentis Dei crederet. Ex eadem ergo massa, id est, peccatorum; & vasa misericordia protulit, quibus subveniret, cum eum deprecarentur, & vasa ira, quorum supplicio illos erudiret, id est, Pharaonem, & populum ejus: quia quamvis essent utriq; peccatores, & propterea ad unam massam pertinerent, aliter tamen tractandi erant, qui uni Deo ingemuerant, ut eis subveniret, & aliter illi, quorum injustis operibus ingemuerant. Pertulit ergo in multa patientia vasa ira, & eo ipso, quo ait, in multa patientia; satis significavit, priora eorum peccata, in quibus eos pertulit, & opportunè tunc vindicavit, quando de illorum vindicta subveniendum erat his, qui liberabantur, & ut notas faceret divitias gloriæ suæ in vasa Misericordia. Nunquid enim latebat Pharaonem, quantum bonum consecuta fuerant illæ terræ per adventum Josephi? Illius ergo rei gesta cognitio, ejus vocatio fuit, ut Populum Israël misericorditer tractans, non esset ingratus. Quod autem huic vocationi obtempera-*

perare noluit, & exercuit crudelitatem in eos, quibus humanitas, & misericordia debebatur, meruit penam, ut induraretur illi cor, & tantam cecitatem mentis pateretur. Hæc autem vocatio, quam sive in singulis hominibus, sive in populis, atq; in ipso Genere humano per temporum opportunitates operatur, altæ, & profundæ ordinationis est, & comprehendi non potest, nisi fortè ab iis, qui diligunt Deum ex toto corde. Tanta enim charitate funduti possunt immo fortasse cum Sanctis comprehendere longitudinem, latitudinem, altitudinem, & profundum. Illud tamen constantissimæ fide retinendum, neq; quidquam Deum injustè facere, neq; ullam esse naturam, quæ non Deo debeat id, quod est. Ex quibus Augustini verbis clarum est, obdurationem, & cecitatem, si propriè loquamur, non ex Dei voluntate, sed hominis culpa, liberoque arbitrio provenire. Quod etiam nec minùs luculenter Scriptura ipsa testatur, quæ optima sui interpret est: Nam Sap. 2. *Excacavit, inquit, eos malitia eorum.* Et Job. 24. *Ipsi fuerunt rebelles lumini, qui dicunt Deo: recede à nobis.* Et Joan. 1. *In Mundum venit, & sui enim non receperunt.* Et Joan. 5. *Non vultis venire ad me, ut vitam habeatis.* Et Joan. 3. *Lux venit in Mundum, & dilexerunt homines magis tenebras, quàm lucem, erant enim mala opera eorum.* Ubi cernis causam obdurationis, & execrationis non in divina, sed humana voluntate esse. Quod adhuc multoq; manifestius ex iis ipsis locis constat, qui nobis opponuntur: ubi enim Isaïæ 6. dicitur: *Excaca cor populi huius, ut videntes non videant, & audientes non intelligant, ne fortè convertantur, & sanem eos.* Salvator ipse hunc Isaïæ locum Matth. 13. ita exponit: *Et adimpletur in eis prophetia Isaïæ Prophetæ: Audietis, & non intelligetis, incrassatum est enim cor populi huius, & oculos suos clausuerunt, ne quando videant oculis, & auribus audiant, & corde intelligant, & convertantur, & sanem eos.* Et Act. ultimo: *Bene Spiritus Sanctus locutus est per Isaïam Prophetam: aure audietis, & non intelligetis; & oculos suos compresserunt, ne fortè videant, & convertantur.* Ubi iterum advertis, totam causam execrationis in solos Judæos referri. Sic etiam ubi Exodi 7. habetur: *Ego obdurabo, cor Pharaonis, id in textu Hebraico sepius Pharaoni, eiusque malitiæ, perverseque voluntati adscribitur: nam eodem cap. 7. vers. 12. Et roboravit, inquit, se cor Pharaonis, & non audiuit.* Et vers. 22. & 23. *Roboravit se cor Pharaonis, & non audiuit, & non posuit cor suum ad hoc.* Et cap. 8. vers. 15. *Et aggravavit cor suum, & non audi-*

*audivit. Et vers. 32. Et aggravavit Pharaon cor suum etiam vice hac. Et cap. 9. vers. 7. Et aggravavit se cor Pharaon, & non dimisit: Et vers. 22. Et non posuit cor suum ad Verbum Domini. Et cap. 10. vers. 35. Et vidit Pharaon, quod cessasset pluvia, & addidit ad peccandum, & non aggravavit cor suum: Et vers. 27. Et dixit Pharaon: peccavi hac vice: Dominus justus, & ego, & populus meus impii. Et cap. 14. vers. 5. Et vertit se cor Pharaon, & servorum eius. Quamvis ergo improprio, humanoque more loquendo, & ex causis supralibatis, dicatur Deus, cor Pharaonis obdurasse, quia obdurari permisit; vera tamen, & propria hujus obdurationis causa ipsius Pharaonis malitia, & avaritia fuit, nolentis populum dimittere, cujus operas, & servitia sibi, regnoque utilissima, & quaesitiosa censebat: si ergo, quando dicit Scriptura: *Manus Domini fecit hac omnia*; non intelligis propriam manum, ne Deum facias corporeum; & cum iterum dicit: *tactus dolore cordis intrinsecus, pœnitet me fecisse hominem*; non intelligis propriam pœnitentiam, propriumque dolorem, ne Deum facias mutabilem, & corruptibilem; cur eam quando dicitur, obdurasse cor Pharaonis non intelligas in propriam, & metaphoricam causam obdurationis, ne Deum facias impium, & seductorem? Id enim multò pejus est, quàm facere corporeum, & mortalem. Obdurat ergo Deus, obdurat peccator; sed peccator faciendo, Deus non impediendo. Sed audiamus disertissimum de hac re Augustini testimonium, sic enim *Traët. 53. in Joan.* Ratiocinatur: *Excacavit oculos eorum, & induravit cor eorum. Hic dicitur nobis: si non potuerunt credere, quod peccatum est hominis non facientis, quod non potest facere? . . . Audisti Fratres mei propositam questionem, nempe quàm profunda sit, cernitis; sed respondemus, ut possumus. Quare non poterant credere, si à me queratur, citò respondeo, quia volebant; malum quippe eorum voluntatem praevidit Deus, & per Prophetam praeiunxit illi, cui abscondi futura non possunt. Sed aliam causam, inquis, dicit Propheta, quia induravit cor eorum. Etiam hoc eorum voluntatem meruisse respondeo; sic enim excacat, sic obdurat Deus, deserendo, & non adiuvando, quod occulto iudicio facere potest, iniquo non potest. Quid ergo dicemus? nunquid iniquitas est apud Deum? absit: si ergo absit, si ve quando adjuvat, misericorditer facit, si ve quando non adjuvat, iuste facit, quia omnia non temeritate, sed iudicio facit. Porro si iudicia Sanctorum iusta sunt, quantò magis Sanctificantis, & iustificantis Dei iusta ergo sunt,**

sunt, sed occulta. Ideo cum quæstiones huiusmodi in medium venerint, quare alius sic, alius autem sic, non nobis iudicium de iudicio tanti iudicis usurpemus; sed contremiscentes exclamemus: O altitudo divinarum Sapientie, & Scientiæ Dei, quàm inscrutabilia sunt iudicia ejus, & investigabiles viæ ejus! Unde dictum est in Psalmo: iudicia tua abyssus multa. Non ergo mei Fratres ad hanc penetrandam altitudinem, ad hanc abyssum discutiendum, ad inscrutabilia perscrutanda expectatio vestrae caritatis impingat. Agnosco modulum meum; altius est hoc incrementis meis, & fortius viribus meis, puto, quia & vestris. Ipse enim Dominus JESUS suis illis magnis, & præcipuè electis Discipulis dicebat: multa habeo vobis dicere, sed non potestis portare modò. Ambulandum est, proficiendum est, crescendum est, ut sint corda nostra capacia earum rerum, quas capere modò non possumus. Quòd si nos ultimus dies proficientes invenerit, ibi discemus, quòd hic non potuimus. Si quis autem istam quæstionem liquidius, & melius novit se posse, & confidit exponere, absit, ut non sim paratior discere, quàm docere, tantùm ne audeat quisquam liberum arbitrium sic defendere, ut nobis orationem, quàm dicimus: ne nos inferas in tentationem; conetur auferre: rursum ne quisquam neget voluntatis arbitrium, & audeat excusare peccatum. In utroq; ergo illius beneficia cognoscamus: nam agenda sunt gratiæ, quia data est potestas, ut filii Dei fiamus, & orandum, ne succumbat infirmitas. Sic ergo dictum est, non poterant credere, ubi intelligendum est, quòd nolbant, quemadmodùm dictum est de Domino Deo nostro: negare se ipsum non potest. De omnipotente dictum est, non potest. Sicut ergo, quòd Dominus negare se ipsum non potest, laus est voluntatis divini; ita quòd illi non poterant credere, culpa est voluntatis humanæ. Hinc & illi non poterant credere, non quia mutari in melius non possunt, sed quamdiu talia sapiunt, non possunt credere; hinc excacantur, & indurantur, quia negando divinum adiutorium, non adjuvantur. An fortè & hoc de supernæ medicinæ misericordia factum intelligendum est, ut quoniam superba, & perversa voluntatis erant, & suam iustitiam constituere volebant, ad hoc desererentur, ut excacarentur, ad hoc excacarentur, ut impleretur facies eorum ignominia, atq; ita humiliati quærerent gloriam Domini, & non suam. Hic planè Augustinus clarissimè simul, & elegantissimè mentem suam exposuit; nec credo, in omnibus Augustini operibus luculentius testimonium esse. Primò enim quæstionem proponit, qua ratione ad Deum referri causa indurationis

nis non debeat, cum de ipso Iſaias dixerit: *excæcavit oculos eorum, & induravit cor eorum*? *Secundò*, ad propositam quæſtionem reſpondet: duas hujus obdurationis assignari rationes poſſe, quæ tamen in unum reducantur: *primam*, & præcipuam, voluntatem Judæorum fuiſſe, quodd videlicet nollent credere, quodque meruerint, ut indurarentur, hoc eſt, ut à Deo deſererentur: meruerint, inquam, quia operibus Legis, & ſuperbiâ tumidi nollent fidei ſubjecti eſſe; nollent in Mediatorem, & Salvatorum credere. Quodd verò id nollent, imò non poſſent; id non ex gratiæ deſectù, divinaque voluntate (cum mutari utique in melius poſſent, quæ poteſtas à gratia erat) ſed ex eorum malicia proveniſſe, qui quamdiu talia ſuperent, in ſenſu composito, ut Theologi loquuntur, credere non poterant; ſicut quamdiu oculos aliquis claudit, non poteſt videre: quodd igitur non poſſent credere, culpæ ipſorum fuiſſe. *Tertiò*. Quantum verò ex parte Dei eſt; ideo illum dici obdurâſſe, quia obdurationem non impedivit; ideo verò non impediviſſe, *tùm* quia ſuperbia, & perverſitate ſua id merebantur: *tùm* ut implerentur facies eorum ignominiâ, & hac ſaltem ratione humiliati diſcerent, quod ſuperbi diſcere non poterant: *tùm* denique, quia hoc ad occulta, non tamen injuſta Dei judicia pertinet. *Quartò*: Non per Deum ſtare (qui eſt ſcopus Diſputationis noſtræ) ut etiam excæcati, obduratique ſalventur, *tùm*, quodd eorum obduratio, à peccatis, propriæque voluntate, non divina ſit, *tùm* quia etiam dum eos excæcari Deus permittit, gratiam tamen largitur, quâ poteſtatem habeant, in filios Dei evadendi, quæque mutare perverſam voluntatem in bonam poſſint. *Deniq;* docet Auguſtinus, duo in hac quæſtione Chriſtianis inconcuſſa tenenda eſſe: *primò*, nullam in Deo eſſe iniquitatem: *deinde*; nemini libertatem, & poteſtatem ad credendum, beneque vivendum deeſſe. Hæc ergo Auguſtini ſententia eſt, totam obdurationis cauſam in malitiam, & voluntatem humanam referentis, etiam ex illa parte, qua Deum permittentem, & non impedientem ſpectat, quod licet non omnes modò intelligant, intelligent tamen aliquando, velo mortalitatis ablato.

Sed audi Auguſtinum Serm. 88. de temp., vel potiùs, ut notant in ultima Auguſtini editione Patres Benediſtini Pariſienſes, Cæſarium Arelatenſem Auguſtino coævum, Fauſtique, ac Pelagianorum hoſtem accerim, qui multa de gratia, & libero arbitrio ex Sacris Scripturis, ſanctiſque Patribus contra eandem hæreſim colle-

git,

git, quæ postea Felix Papa per Epistolam suam confirmavit, & videre est apud Philippum Labbæum de Scriptor. Ecclesiast. Is ergo; seu Augustinus, seu Cæsarius, ita scribit. Rogo vos *Fratres charissimi*, ut primò hoc fideliter, & frimiter credat Dilectio vestra, quia nunquam prius Deus deserit hominem, nisi prius ab homine deseratur. Cum enim & semel, & secundo, & tertio unusquisque gravia peccata commiserit, expectat tamen illum Deus, ut convertatur, & vivat. Cum verò in peccatis suis ceperit permanere, & multitudine peccatorum nascitur desperatio, ex desperatione obduratio generatur. Dum homines negligentes imprimis despiciunt peccata sua, quia parva sunt, crescentibus minutis peccatis, addantur etiam crimina, & cumulum faciunt, & demergunt. Quod cum factum fuerit, impletur hoc, quod scriptum est: Peccator, cum venerit in profundum malorum, contemnit. Quia ideo Charitati Vestre insinuare volui, ut intelligatis, quia & obduratio non Dei potentia compellente dicitur, sed Dei remissione, vel indulgentiâ generatur, ac sic Pharaonem non divina potentia, sed divina patientia credenda est obdurasse, nam quoties eum Dei plaga percussit, afflictiùs penituit. At ubi ei remissio divina indulgentiam dedit, iterum se in superbiam elatus erexit. Hoc ergo definitissimè credite Fratres, & hoc intelligite, quia quoties Dominus dixit: Ego indurabo cor Pharaonis; non aliud intelligi voluit, nisi: ego, inquit, suspendo plagas meas, unde eum per indulgentiam meam contra me obdurari permitto. Sed fortè aliquis dicat: quare illum Deus parcendo indurari fecerit, & quare flagella removerit? hoc loco securus ego respondeo: ideo Deus toties flagella removet, quia Pharaon pro ingenti cumulo peccatorum suorum, non tanquam filius ad emendationem meruit corripiri, sed tanquam hostis permissus est indurari. De hac obduratione etiam Propheta ex persona populi ad Dominum clamat dicens: indurasti cor nostrum, ne timeremus te, quia rem multis præcedentibus sacrilegiis in Populo Judaorum impletam esse cognovimus. Nemo ergo cum Pagamis, aut Manichæis Dei justitiam reprehendere, aut culpæ præsumat, sed certissimè credat, quod Pharaonem non Dei violentia, sed propria iniquitas, & indomabilis superbia contra Dei præcepta fecerit obdurare. Quid est autem, quod dixit: ego indurabo cor ejus, nisi, cum absuerit gratia mea, obduret illum nequitia sua. Sicut enim quoties nimio frigore aqua costringitur, Solis calore superveniente resolvitur, & decedente eodem Sole iterum obduratur; ita nimirum peccatorum frigore refrigescit chari-

*tas multorum, & velut glacies obdurantur, & cum eis iterum calor divina Misericordiae supervenerit, resolvuntur. Quod etiam erga Pharaonem impletum est, à quo quoties flagella remota sunt, contra Deum se obduravit; quoties verò afflictus est, humiliter supplicavit. Quare autem Deus noster non omnes ita misericorditer flagellat, ut nullum contra se obdurari permittat? aut illorum iniquitati adscribendum est, aut ad inscrutabilia Dei judicia referendum. Quam rem etiam circa Vernaculos nostros exercere consuevimus, quos nimis delicatè, aut remissè nutrimus, vel quibus frequenter peccantibus indulgemus: cum enim peiores de ipsa remissione redduntur, solemus his exprobrantes dicere: ego te talem feci, ego tibi parcendo proteriviam tuam, negligentiamq; nutrivì. Et hæc non dicimus, quòd ex voluntate nostra in tantam sint superbiam devoluti, sed quia magis de bonitate, vel indulgentia nostra fuerint obdurati. Ita & Deus de Pharaone fecisse dignoscitur. Nos verò Fratres Charissimi, qui in veritate agnoscimus, quòd ex multitudine peccatorum desperatio nascitur, & ex desperatione obduratio generatur; quoties nobis aliqua peccata surreperint, sine ulla mora medicamentum elemosynæ, vel penitentia festinemus animarum nostrarum vulneribus providere. Utiliter enim malagma, vel sibilæ calidis adhuc vulneribus apponitur, & citò ad sanitatem vulnus reducitur, quòd putrescere longa abusione non finitur. Hactenus Augustinus, vel Cæsarius. Circa cujus verba aliqua observentur. *Primo*, perpetuam esse hujus Sancti Doctoris sententiam, quam in hoc etiam Sermone tantoperè auditoribus inculcat: Deum videlicet hominem non deserere, nisi prius ab homine deseratur per peccatum videlicet actuale: nam si de originali intelligatur, cum nemo hoc careat, frustra poneret Augustinus discrimen inter eos, qui Deum deserunt, & eos, qui non deserunt, cum nemo peccato originali careat. Ut taceam illum, qui solo originali tenetur, dici non posse, Deum deserere, cum ipse peccatum hoc non faciat, sed ab alio factum contrahat potiùs, quàm committat. Si ergo Deus neminem deserit, nisi desertus, quomodo in illo Prædestinationis decretorio momento, & in quo summa rerum incommutabiliter vertitur, tot hominum myriades deseruit, ab iis non desertus, hoc est, nullo eorum peccato, demeritoque præviso? Planè ut hæc omnium maximæ desertio, ita non potuit à Deo initium ducere, sed à prævisis hominum peccatis. Prius ergo quàm peccata hominum præviderentur, sicque quantum ex parte Dei fuit, nemo desertus, nemo exclusus,*

nemo reprobis; ergo nemo non electus. *Secundò*, Obdurationem peccatoris non à Dei voluntate, non à potentia, sed ab hominis malitia, ejusque peccatis ortum ducere, longa serie commissis, nullaque pœnitentiâ deletis; tunc enim permittente Deo, sed homine agente, & promerente obduratio nascitur. *Tertiò*. Deum quamvis desertum, nunquam tamen ita hominem licet obstinatissimum deserre; ut non ei gratiam tribuat, quâ & possit pœnitere, imò & quâ actu pœniteat, si velit, ut Pharaonis exemplo patuit, qui Deo flagellante jam in Moïsem exarsit, ei que mortem minatus est; jam pœnituit, suumque peccatum & agnovit, & palam confessus est: *Dominus*, inquit, *injustus est; ego autem, & populus meus impii*. Quem ergo peccatorem deserat Deus, si non deseruit Pharaonem? aut quis tam obduratus, qui non possit, quoad Pharaonem & potuit, & fecit?

Quartò denique si quis ad primum peccatum, aut cujuscumque hominis, aut Adami, aut etiam Angelorum deveniat, interrogetque, cur Deus hominem permiserit in primum peccatum illud delabi? Respondendum erit primò, inverecondam hanc quæstionem esse, cum Deus profiteatur, se illud velle ignorari, quæ ergo audacia est, scire velle, quæ Deus velit non sciri? perinde ac si tonsor aliquis, aut agas, non vocatus, non admissus, Regium thalamum irrumpat, velitque explorare, quid, & quare in arcano, & Senatu decretum? quid tonsori, & senatui? quid mancipio & thalamo? *Deinde* sciscitanti, cur ergo aut Angelus, aut homo primum peccatum admisit? respondendum est: quia voluit. Quod si porro insistas: cur voluerit? respondeo, stultam hanc esse quæstionem, nec responso dignam; cum enim prima, & sola peccandi causa sit creature voluntas, idem est, quærere causam, cur voluerit, quod quærere, cur prima causa non habeat aliam causam? hoc enim ipso, quod est prima, aliam non habet, & ideo nec alia quærenda est. Eodem modo, si quæras, cur Deus primum peccatum in Angelo, & Adamo permiserit? respondendum erit, quia Angelus oblata gratiâ uti noluit, obicemque posuit vocanti, & adiuvanti Deo. Quod si pergas sciscitari: cur Deus hoc impedimentum auferre noluerit, aliamque gratiam, quâ prævidebat, usurum, non in suppetias miserit? respondebitur, quia id ordo singulis creaturis præscriptus exegit; nam ut in naturalibus, ita in supernaturalibus rebus, omnibus quidem necessaria ad finem obtinendum media præbentur, non tamen eadem omnibus, sed aliis alia. Quod si rursus inquires: cur hunc potius, quam alium ordi-

nem, seriemque mediorum Deus homini, aut Angelo parare voluerit? respondeo, importunam hanc esse, absurdamque quæstionem: cum enim divina voluntas sit prima rerum omnium, & rectissima causa, nullam aliam, & priorem causam habet: idem ergo est, causam primæ Causæ inquirere, quàm petere, cur prima principia non per alia probentur, cur triangulus habeat tres angulos, aut cur circulus sit rotundus; si enim est prima causa, non habet aliam; si non habet aliam, non est quærenda.

Pergit Apostolus: *Dicit enim Scriptura Pharaoni. Quia in hoc ipsum excitavi te, ut ostendam in te virtutem meam.* Iam supra ostendimus, non ideo velle Deum peccata, ut ex illis aut Potentiæ, aut Misericordiæ ostendendæ occasionem capteret, cum infinita alia media non desint, hunc finem innocenter, nulloque hominum damno consequendi; majoris enim potentiæ est, facere, & conservare, quàm perdere, & demoliri, nec misericordia, sed crudelitas esset, miseros facere, ut possis misereri; id enim perinde fuerit, ac si Medicus aliquos vulneret, ut peritiam curandi aliis ostendat. Audi S. Augustinum in Psalm. 58. *Est quedam iniquitas, quam qui operatur, non potest fieri, ut ei misereatur Deus; ipsa est defensio peccatorum: Si enim quid mali fecerint, volunt Deo imputari. Nemo est, qui audeat dicere bonum est adulterium, bonum est furtum, sed quomodo ista defendunt. Si Deus nolisset, id non fecissem, quid vis faciam fato meo? ergo peccatum tuum defendis, ut Deum accuses? Ideo excusatur reus, ut culpetur ludex? Prorsus talem iniquitatem operantium non miseretur Deus.* Si ergo voluntatem Dei antecedentem consideres, ideo Deus Pharaonem creavit (idemque de omnibus peccatoribus dicas) ideo Regem fecit, ideo peccatorem sustinuit, ut Deo serviret, ut Cælo potiretur, ut peccata corrigeret, ac pœnitentiâ deleteret. Hoc, inquam, Deus voluit, hoc unicè intendit. Quod si peccator Dei patientiæ, & Misericordiæ non cedat, gratiasque oblatas iterum, iterumque respuat, tunc demum vult Deus voluntate consequente peccato tanquam veneno ad aliorum salutem, & correctionem, aliosque honestissimos fines uti, quales sunt: Potentiæ, Misericordiæ, Gloriæque suæ manifestatio; sicque instar periculosissimi Pictoris non auro tantum, minioque; verumetiam umbris, & atramento imaginem Bonitatis, & sapientiæ suæ pingere; nam ut in tabula, ita & in Mundo, non alia res magis picturam, & lumen, quàm umbra commendat. Non ergo vult Deus Pharaonem peccare, sed postquam

quàm peccare Pharaon statuit, vult peccato Pharaonis ad bonum uti; sicq; , ut toties inculcat Augustinus, Deus non est *Author*, sed *ordinator* peccati, prohibet enim fieri, sed facta in bonum vertit, more videlicet sapientissimi Medici non facientis quidem venena, sed facta in medicinas, & sanitatem aptantis. Quod ergo de cloacis Romanis Plinius notat lib. 36. cap. 8. *Eas fuisse operum omnium dictu maximum, suffossi montibus, atq; Urbepensili, subterq; navigata*; hoc de peccatoribus dicas, Deo non minorem in illis ordinandis, quàm in bonis quibuscumq; Providentiam suam testante; quantò enim magis malum à bono distat, tantò majoris potentiae tam remota, & pugnancia jungentis. Cloaca ergo Pharaon, cloaca Herodes, cloacæ omnes impii, sed non ideo istis turpior Mundus, sicut nec illis turpior Roma, Deo etiam turpia in miracula vertente.

Sed nemo Apostoli sententiam meliùs Apostolo ipso exponet. Dixerat in hoc capite: *Quia ad hoc excitavi te* (hoc est, ut Hebraicus, Chaldaicus, & Græcus textus habent: *sustinui, conservavi te*) *ut ostendam in te potentiam meam*; quod qua ratione sit intelligendum, idem Apostolus ad Rom. 2. jam suprà iis verbis clarissimè ostenderat: *An divitias Bonitatis ejus, & Patientia, & Longanimitatis ignoras? quoniam Benignitas Dei ad penitentiam te adducit; secundum autem duritiam tuam, & impenitens cor tuum thesaurizat tibi viam in die viæ: Quam sententiam textus Græcus majori cum emphasi expresse: ἐκ παρανοίας αἰετ; hoc est: ad penitentiam te agit, urget, impellit: in quæ verba Hieronymus: Sicut qui paulatim arcum intendit, tempus dat alteri, ut fugiat, quòd si fugere nolis, tantò fortius sagittæ emissæ configitur; Sic Deus, qui laneos habet pedes, sed ferreas manus, tarditatem supplicii gravitate compensat. Quod ergo Deus Pharaonem sustinuit, totq; prodigiis, & flagellis admonuit; id ad divitias Bonitatis, Patientia, & Longanimitatis ejus pertinuit, nec alio fine, quàm ut eum ad penitentiam adduceret, imò ut Græcus habet; urgeret, impelleret. Sed illo recusante, & secundum duritiam, & impenitens cor suum divinam iram provocante; successit voluntas consequens, quâ decrevit Deus malitiam Pharaonis ad majorem gloriam, potentiam, & justiciam suam ostendendam vertere, illâque uti ad populum suum in vera fide, ac Religione confirmandum. Duo ergo ad sustinendum, ferendumq; Pharaonem Deum permoveverunt, Benignitas, & Justitia; Benignitas, ut converteretur,*

tur; Justitia, ut puniretur; sed ut prius Benignitas, quàm Justitia, (sicut, & in quolibet non pessimo Principe prior pacis, quàm belli voluntas) noluit enim Justitiam, & Potentiam suam in illo experiri, nisi postquàm toties, & tamdiu Benignitatem frustratus est. Vbi etiam observa, ex hoc ipso loco ad *Roman. 2.* clarè ostendi, Deum non esse causam *obdurationis*, Dei enim patientia peccatorem ad *pœnitentiam* adducit, ut hîc Apostolus docet, Obduratio verò non adducit ad pœnitentiam, sed potius abducit; non ergo Deus causa obdurationis, quam potius expellit. Simile est illud *Isajæ: expectat Dominus, ut misereatur vestri*; expectat, inquit, non ut puniat, & perdat, sed ut misereatur, & parcat.

Denique: *An non habet*, inquit Apostolus, *figulus potestatem, ex eadem massa aliud quidem vas in honorem, aliud in contumeliam faciendi?* Aliud hoc argumentum est: quo Beatus Apostolus sententiam suam confirmat: Opponentibus enim Judæis, & causam flagitantibus, cur Deus Gentiles in populum suum elegisset? respondet, nullum quæstioni, nullum querelæ locum esse: tam enim Judæos, quàm Gentiles peccatores, & utrumque populum sine omnibus operibus bonis, & cum multis operibus malis fuisse; cum ergo uterque nihil haberet, quod gratiâ dignum esset; eadem ratione Deum vnum præ alio adoptasse, ac Legis Evangelicæ Sectatores Judæis prætulisse, quâ figulus ex eadem massa aliud vas in honorem, aliud in contumeliam facit: Id enim tam injustum non esse, quàm non est injustum, si cum duo tibi centum talenta debeant, alteri debitum remittas, ab alio exigas; nam quodd exigas, justitia est, quodd remittas, gratia, quam rationem perpetuò Augustinus urget. Sic etiam, si è duobus fratribus æquè sordido, ac plebeio sanguine natis, unum Princeps in filium, & hæredem adoptet, alium conditioni suæ relinquat, nec relictus habet, quod conqueratur; nec electus, quo gloriatur; hic enim accepit, quod non merebatur, ille non accepit, quod non debebatur. Idem de Judæo, & Gentili dicas, Uterque ad eandem massam pertinebat, quia uterque peccator, uterque adoptione indignus; quodd verò Gentilis præ Judæo assumptus; id merè gratiæ, & voluntatis fuit, tantoque minor Judæo dolendi causa, quodd, & ipse pertinere ad Electos possit, si velit, & credat; nam si nolit, se ipsum arguere, sibi que irasci, non Deo debet. Potest etiam hæc sententia hoc modo explicari. Si Deus permittat, alios in peccatis suis pessum ire, ut olim Pharaonem, alios verò non permittat, ut Nabucho-

dono-

donosorem Regem ; tam id Deo verti vitio non posse , quàm non potest figulo , aliud vas in honorem , aliud in contumeliam facienti : utitur enim Deus jure , ac potestate sua , cùm instar optimi Regis duobus æquè reis , æquè pœnam , ac supplicium meritis , uni clementissimè parcit , alterum justissimè punit , tantoque justius , quòd etiam isti veniam , ac gratiam obtulerat , volebatque indulgere , nisi maluisset perire . Cæterùm iam suprà ostendimus , Deum voluntate antecedente , & quantum ex se est , neminem facere vas in contumeliam , sed solum voluntate consequente , destinando videlicet ad pœnam , quos prævídít malo pertinaciter , & usque ad finem infæsurus . Duo ergo ad faciendum vas in contumeliam concurrunt , peccator , & Deus : peccator delinquendo , Deus plectendo ; cùm verò plectit , potentia , & justitiæ est ; cùm non plectit patientiæ , & misericordiæ . Semper ergo verum est , quod dicit Apostolus : in potestate figuli esse , aliud vas in honorem , aliud in contumeliam facere ; hoc est , in potestate Dei esse , aut parcere , aut punire , utcumque voluerit .

Sed ut totam hanc , longamque Disputationem , quâ sententiam Apostoli exposuimus , in compendium colligamus , retexere omnia lubet , & sub unum aspectum ponere . Conqueruntur Judæi , adoptionem , & hæreditatem cœlestium bonorum Abraham , ejusque posteris promissam ad Gentiles velut externos , nihilque meritis deferri , nec æquum putant , majorem fidei Christianæ (quâ Gentiles præferbantur) quàm Legis Mosaicæ tot sæculorum possessione insignis rationem haberi . Respondet Apostolus verum quidem esse , inscrutabili Dei judicio fidem Christianam Mosaicæ prælatam , & non huic , sed illi veniam peccatorum , gratiam justificantem , adoptionemque adstrictam esse , idque sola Dei voluntate , nulloque vel ad opera Legis Mosaicæ , quibus tantoperè Judæi fidebant , vel ad demerita , & peccata Gentilium respectu . Sed id nec mirum , nec novum , nec iniquum videri Judæis debere : An enim Jacobus , licèt secundo loco genitus , non ante ortum , sicque nullo operum merito , solaque Dei electione prælatus in Regno fratri majiori fuerit ? cur ergo Deus non possit Christianam legem præferre Mosaicæ ? An figulus non habeat potestatem ex eadem massa vas aliud in honorem , aliud in contumeliam fingendi ? Cur ergo non habeat potestatem Deus , ex eadem peccatorum , nihilque merentium massa Christianos potius , quàm Judæos adoptandi ? Maximè cùm , & istos adoptare paratus sit , modò Christum acceptent , ejusque se legi subdant ; quid enim iusti-

justius peti posse, quàm ut figulo lutum obediat? An non Nabuchodonosor, & Pharaonis Regum meminere? quorum, cum uterq; peccator esset, sicque privari Regno, perdiq; meruisset, uni tamen, licet immerito, benignissimè Deus pepercerit, alterum quia poenâ dignum justissimè punierit? Si ergo nulla iniquitas, imò maxima æquitas Principis, duobus æqualiter supplicium meritis, ita poenam moderari, ut clementia rigori mixta uni indulgeat, alterum pleat multò minùs aspergi Deo invidiæ, & injustitiæ qualemcumque notam posse, si cum Judæi, & Gentiles æquè indigoi essent (imò ob ingratitudinem Judæi magis) cumque nec operibus Mosai- cæ Legis, nec Fidei Christianæ adoptio, & Regnum deberentur, voluerit tamen fidem in Christum medium ad Regnum, & adoptionem consequendam potiùs esse, quàm Mosaicam Legem, quòd si rationem quærant, cur antiquis illis, cur Templo, cur Sacrificijs, Evangelium, & Crucem Deus prætulerit; id arcanum supra hominis modulum, & captum esse, & ideo non quæstionem, sed fidem, & obsequium mereri; tam enim non esse hominis, de Arcanis Dei, quàm non esse servi de arcanis Principis judicare. Hactenus Apostoli Sententia.

Ex quibus tandem facillè ad *objectionem* initio factam *respondere* est. Opponebatur enim: Deum cujus vult, misereri, & quos vult indurare, aliosque facere vasa Misericordiæ, alios vasa contumeliæ; non ergo omnium, sed aliquorum tantum misereri. *Responder* enim, ea verba Apostoli non de gratia Vocationis intelligi, quæ omnibus datur, sed de gratia adoptionis, ipsaque æterna gloria, quam cum posset Deus, tam Judæis, quàm Christianis dare; noluit dare Judæis, quamdiu tales essent, sed Christianis tantum Evangelicam Legem observantibus. Quod si velis omnino etiam de gratiis actualibus ad evitanda peccata, Legemque implendam intelligi; dicendum est, Deum aliorum quidem misereri; alios verò ut obdurentur, permittere, sed tamen nec ipsos obduratos profus deferere, quando etiam, dum obdurari permittit, potestatem largitur, quâ in meliùs mutantur, quæ potestas non aliunde, quàm à gratia profisciscitur. Nam, ut ait S. Augustinus Lib. 1. Retract. cap. 22: *In potestate quippe hominis est, mutare in meliùs voluntatem, sed hæc potestas nulla est, nisi à Deo detur, de qua dictum est: dedit eis potestatem filios Dei fieri.* Et Lib. 1. de Sermonibus Domini. cap. 15: *Nulla est anima, quamvis perversa, in cujus conscientia non loquatur Deus, & in Psalm.*

6. post medium, de peccatoribus obduratis loquens: *Dedit Deus eos in reprobum sensum, nam ea est cacitas mentis, in eam quisquis datus fuerit, ab interiore Dei luce secluditur, non tamen punitus, dum in hac vita est.* Idemque docet *Tract. 53. cap. 12:* in *Joan.* ubi de obduratis Judæis agit, quem locum jam supra, fuscusque recitavimus. Semper ergo verum est, Deum etiam dum punit, Justitiam Clementiâ miscere, nec unquam peccatorem ita deferere, ut non juvet, sicq; etiam deferendo non deferere, & non miserendo misereri: eo ferè modo, quo in motibus violentis, & aliunde impressis videmus ita corpus aliqd ferri, ut nō cesset in contrariam partem niti: Sol enim aliq; Planetæ quamvis motu primi Mobilis in occasum rapiantur, non tamen cessant motu singulis proprio in ortum volvi, & ignis, quamvis impetu deorsum actus, sursum tamen etiam dum cadit, eluctatur, quæ in fulmine causa est obliqui motus. Eadem Deo natura est: sicut enim ignis etiam cadendo ascendit, & stellæ etiam occidendo oriuntur, ita Deus etiam non miserendo miseretur, etiam puniendo, & vindicando parcit, cū hoc ei naturale, illud violentum sit. Neque mirum ita cum peccatoribus & in Mundo agere Deum, quando etiam cum damnatis, & in inferno id agit, ubi citra condignum, hoc est, non absq; misericordia Justitiam exercet; quid ergo mirum est, nunquam Dei Misericordiam peccatoribus deesse, quando ne damnatis nunquam deest? Quo fit ut etiam ipsa obduratio, quantum ex parte Dei est Misericordia dici possit; nam ut optimè, acuteque notat Bernardus Serm. contra ingratos: *Ingratis Misericordiæ res est, in hac parte subtrahere Misericordiam, ne culpa ex beneficiis crescat, juxta illud Propheta: Misereamur inapio, & non discet justitiam.*

XXI. *Opponitur octaud.* Deus specialem, multoque majorem Electorum, quàm Reproborum curam habet: nam de Electis dicitur: *propter electos breviabuntur dies illi: nemo rapiet eas ex manu mea: crediderunt quosquot præordinati erant in vitam æternam &c.* atqui hæc major Dei cura non aliunde provenire potest, quàm quia Deus aliquos vult, aliquos non vult ad gloriam pertinere. Sic etiam quod aliis detur gratia perseverandi, aliis non detur, nulla causa esse potest, quàm quia alios Deus elegit, alios non elegit.

Respondet. Primò: Quamvis adhæc, istiq; similia responderi nihil posset, non ideo tamen neganda essent, quæ de voluntate salvandi

omnes toties, & tam difertis verbis Scripturæ testantur; tùm quia cùm verum sit unum, & falsa vero opposita sint infinita, oporteret eum, qui falsa refellit, infinitarum rerum scientiam habere, quod homini est impossibile; tùm etiam quia omni rationi adversatur, at quis deferat certa, & clara propter rationes incertas, & obscuras; perinde ac si aliquis dari tempus neget, quia nescit quid sit tempus, aut neget, lucere stellas, quia lucis, & stellarum naturas ignorat. Ita velle Deum omnes salvos fieri, certum ex Scripturis, clarumque est: Quibus verò modis, quibusve gratiis hanc voluntatem suam in Electos, ita Reprobos exequatur, id omnino incertum, obscurumque est, quæ ergo ratio permittit, ut propter hoc incertum neges illud certum, propter hoc obscurum neges illud clarum. Quæ doctrina, licet in omnibus locum habeat, inultò tamen maximè in causâ Prædestinationis, & Gratiæ, quam & omnes Scripturæ, & omnes Patres fatentur inscrutabilem; quid ergo scrutari, & investigare volunt, quæ ipsi consentiunt, scrutari nos, & in vestigare non posse? aut cur rationes eorum petunt, quæ omnem rationem longissimè superant? Cessent ergo interrogare, de quibus respondere non licet.

Si tamen scire omnino aliquid velint, cùm dicunt Deum majorem Prædestinatorum, quàm non Prædestinatorum curam habere, quæro, quid per majorem hanc curam intelligant? merum, internumque Dei affectum? At quis sunt ipsi, ut de occultis, intimisque Dei affectibus judicare audeant? *Quis enim novit sensum Domini, aut quis Consiliarius ejus fuit?* Latro est, non amicus, qui scrinium Principis sine clave, & permissu irrumpit. An per majorem hanc curam intelligunt majores, fortioresque gratias Prædestinatis, quàm Reprobis dari? At hoc aut falsum, aut planè incertissimum est. Nam de Angelis & Magister Sententiarum Lib. 3. & S. Thom. 1. p. q. 62. a. 6. eleganter docent, eos ita fuisse in gratia conditos, ut Luciferò inultò majores gratiæ datæ fuerint, quàm Angelis Sanctis, & fidelibus, sed naturæ, & ordinis inferioris. De hominibus id ipsum, & Sacræ Paginæ, & experientia testantur: comparat enim aliquis gratias ex vna parte Zachæo, ex altera Judæ datas, videbitque longè plures, & majores fuisse, quibus hic reprobis ad pœnitentiam vocatus est: Zachæum enim semel tantùm Christus invisit, cùm eoque pransus est, & tamen solo aspectu, & colloquio in alium mutavit. At Judam, & Amicum, & Apostolum, & Thaumaturgum, & Convivam, & testem omnium miraculorum, actionumque suarum ha-

buit

buit, quarum vel una etiam durissimis cordibus in amorem rapiendis sufficere poterat. Illum beneficiis, illum minis, illum osculis, illum tot annorum convictu, velut perpetua obsidione pulsavit, nec tamen vicit; negari ergo non potest, plura huic reprobo auxilia, quam prædestinato Zachæo impensa esse. Id ipsum observat S. Augustin. ad Simplician. Lib. 1. q. 2. *Nathanael credidit ad unam sententiam, quam à Christo audivit. Miraculo facto in Cana Galilææ crediderunt in eum Discipuli ejus. Multos loquendo invitavit ad fidem. Multi nec suscitatis mortuis crediderunt. De Cruce, & morte ejus contristati Discipuli titubaverunt, & tamen Latro tunc credidit, cum eum non præstantiorem videret, sed consortio Crucis æqualem. Multi ex eorum numero, à quibus crucifixus erat, qui videntes eum miracula facientem contempserunt, Discipulis ejus prædicantibus crediderunt.* Idem Augustin. lib. de Prædest. & Grat. cap. 15. & lib. 12. de Civit. cap. 6. docet, duobus æqualibus auxiliis à Deo datis, consentire unum, dissentire alium, nullo gratiæ, sed arbitrii tantum discrimine. Quæ duo loca paragrapho sequenti recitabimus. Idemque docet S. Thomas 3. p. q. 69. a. 8. ad 2. & cap. 8. ad Roman. Lect. 3. ubi: *Hæc vocatio est efficax in Prædestinatis, quia huiusmodi vocationi assentiunt.* Idemque ex Sacris Litteris constat: Negari enim non potest, plures Judæis, quam Sydoniis, & Sodomitis gentilibus gratias provenisse. Luc. 10. Matth. 13. & tamen magis Judæi, quam Gentiles peccarunt, magisque puniendi prædicuntur. Sicut ergo non ideo unus magis peccat, quam alter, quia unus minorem gratiam habet, quam alter; ita non ideo unus peccat, alter non peccat, quia unus minorem, alter majorem gratiam habet. Et planè ipsa divinæ Bonitatis ratio exigit, ut in dandis majoribus, aut minoribus gratiis major, minorve necessitas, & infirmitas peccatoris attende-
rentur; ideo enim plura remedia Judæi reprobo adhibita, quam Petro electo, quia illi gravior morbus, & ideo pluribus remediis curandus, juxta illud Christi: *Non est opus benevalentibus Medico, sed male habentibus:* & ovis perdita studiosius quæsitæ, & in filium errantem indulgentior, & liberalior pater, quam in semper obsequentem. Si ergo reprobis, aut æqualis, aut etiam major gratia, quam prædestinatis datur, non potest ex hoc capite, quantumque pertinet ad voluntatem antecedentem salvandi omnes, major Dei in secundos, quam in primos cura inferri. Si verdè de gratia illa agatur, quam *congruam, & efficacem*, seu potius *efficitricem* appellant; aut *primam*,

aut *intermediam*, aut *finalem*, hoc est, perseverantiæ intelligis? *Non primam*, aut *intermediam*; constat enim hujusmodi gratias *congruas*, tam *primas*, quam *intermedias*, sæpissimè, maximoq; numero etiam reprobis dari, quoties videlicet actu credunt, honesteque operantur, & aliquas tentationes vincunt (quis enim tam reprobis, ut succumbat omnibus?) Non ergo hoc *Electorum*; *Reproborumque* discrimen. Nec etiam ad gratiam *finalis perseverantiæ* recurri potest; quamvis enim hæc propria *Electorum* sit; non tamen idèd solùm aliis datur, aliis non datur, quia Deus alios elegit, alios reprobavit, sed quia alii bonis operibus, ac præsertim assidua prece eam à Deo impetrarunt; alii verò peccatis se indignos illà reddiderunt; poterant & ipsi impetrare, si gratiis à Deo acceptis bene usi essent, assidueque perseverandi donum emagistassent, ut videre est apud S. Doctorem 1. 2. q. 114. a. 9. ad 1. ac etiam 1. 2. q. 110. & S. Augustinum Lib. de Perseverant. à cap. 2. & cap. 22. ubi hæc habet notatu dignissima: *De ipso cursu vestro bono, rectoq; condiscite, vos ad prædeterminationem diviniæ gratiæ pertinere: Vos ipsam obediendi perseverantiam à Patre Luminum, à quo omne datum optimum, & omne donum perfectum, semper debetis & quotidianis orationibus poscere, atq; hæc faciendo considerare, non vos esse à prædeterminatione populi ejus alienos, qui etiam hoc, ut faciatis, ipse largitur.* Non ergo vel ex gratiis naturâ suâ robustioribus, vel ex gratiis congruis tam primis, quam mediis, ac etiam finalibus colligi potest, Deum alios voluntate antecedente ad vitam elegisse, alios exclusisse; cùm hujusmodi gratiæ, ut ostensum est, aut defacto dentur reprobis, aut impetrari etiam ab istis possint, sicque quod iis careant, non minor Dei cura est, sed major illorum socordia. Alioquin qua veritate posset Christus Matth. 8. v. 12. ubi de Regno cælesti agit, vocare Reprobos *Filios Regni*, si ab æterno exclusit, si nunquam filii, nunquam hæredes, numquam jus ad Regnum habuere? Nam si Deus, aliquos ab æterno elegit, alios non elegit, idque arbitrio, & sponte sua; *Electi* tantùm filii Regni, non verò *Reprobi* dici possent, cùm isti nec jure suo, nec voluntate, & proposito Dei vnquam ad Regnum destinati fuerint; sicut nec filius, hæresque Regni Gallici dici aliquis posset, qui nec sanguine, nec adoptione, nec electione, nec alio titulo ad Regnum pertineret. Si reprobi filii Regni sunt, ergo aliquando ad Regnum destinati. Neque obtrudas voluntatem, vel potius velleitatem Dei inefficacem; quis enim unquam tam alienè à communi sensu locutus est,

ut Regni hæredem appellaret, quem Rex aliquis nec efficaciter adoptare, nec efficaciter in Regnum admittere voluisset? Quæ responsio quam ipsi Evangelio consentanea sit prudentum arbitrio relinquimus: Verba Evangelii sunt Matth. 8. *Multi ab oriente, & occidente venient, & recumbent cum Abraham, & Isaac, & Jacob in Regno Cælorum, filii autem Regni eiicientur in tenebras exteriores.* Eodem modo 1. ad Ephes. S. Paulus omnes Christianos Ephesios, & consequenter etiam Reprobos, qui inter illos versabantur, *prædestinatos, & electos vocat*, non ergo semper non electi, semper non inscripti.

An ergo, *dices*, non habet Deus majorem Prædestinatorum, quàm non Prædestinatorum curam? At ego vicissim quæro: an non major sit bonitas, omnes, quàm paucos ad Cælum eligere? Et si major bonitas; cur neganda maximo Bono? aut cur id magis Deo negatur, quàm quoddam *Solem suum oriri faciat super bonos, & malos, quodque pluvis super iustos & iniustos?* Si ergo Deus & bonis, & malis, & prædestinatis, & reprobis ea parat, & præbet, quæ ad vitam temporalem pertinent, ob quam tamen creati non sunt; quantum magis ea paravit, & præbuit, quæ ad vitam æternam pertinent, ad quam & creati, & redempti sunt? Neque enim ad vitam æternam tanquam ultimum finem creasset, nisi vitam quoque æternam illis voluisset: Sicut enim, qui militem ad pugnandum, & vincendum conducit, quid aliud efficaciter vult, nisi pugnare, & vincere militem? Et qui conducit Nautam ad navigandum, quid aliud efficaciter propositum sibi habet, quàm ut naviget, & ad portum aliquando perveniat? Si ergo (quod nemo Catholicus negare possit) & prædestinati, & reprobi ideo conditi à Deo, ideo redempti sunt, ut æternam vitam potiantur, sequitur, voluisse efficaciter, quantumque ex se est, utrosque salvari. Absolutè tamen dicendum est, majorem Deum Prædestinatorum, quàm reproborum curam gerere, eosque longè teneriis, ardentiusque amare, tum quia Prædestinatis, si non semper aut plures, aut majores, eas tamen gratias confert, quibus prævidet assensuros, quæque omnibus spectatis ad consequendum ultimum finem aptiores dici possunt: tum quia prædestinatos prævidet, spe, amore, observantiâ Mandatorum, & finali perseverantiâ sibi inseparabiliter, æternumque conjunctos fore. Sed, ut suprà notavi, hæc ad arcana Dei, & scrinium pertinent, hoc est, ad illa, quæ teste Apostolico: *Non licet homini loqui.*

Ad illa, quæ opponerentur, videlicet: *propter Electos breviantur*

buntur dies illi Matth. 24. Resp. Meritò dici : *propter Electos brev* viatos esse dies illos ; quia re ipsa omnia salutis tam intrinseca, quam extrinseca media ex voluntate illa proveniunt, quam habuit Deus salvandi omnes ; sed quia soli Electi iis mediis bene utuntur, Reprobis verò nihil profunt, optimo jure Electorum tantum, non Reproborum fit mentio. Planè nemo negaverit, brevitatem persecutionis aptissimum medium perseverandi non solum Electis, verum etiam Reprobis esse ; imò quantò isti sunt imbecilliores, tantò magis iis consultum brevitatem tentationis, sed quia, ut dixi, prædestinati tantum hac Dei suavissimâ Providentiâ usi sunt, iisque solum profuit, ideo de Prædestinatis tantum, non de Reprobis dicitur : *propter eos brevior dies persecutionis esse*. Qua ratione jam supra quoque notavimus, alicubi dicere Scripturas, pro aliquibus tantum Christi sanguinem sparsum esse, quia licet omnibus effusus, non tamen omnibus profuit.

Ad illud Joan. 13. *Ego scio, quos elegi* ; Resp. Voluntate consequente, quæ prævisam culpam supponit, non omnes electos esse, ut supra explicatum est.

Ad sententiam Actorum 13. *Crediderunt, quotquot præordinati erant ad vitam æternam*. Non ergo omnes præordinati, sed aliqui tantum. Resp. verissimè id dici ; non enim omnes voluntate consequenti præordinati, electique ad vitam æternam sunt, sed ii tantum, qui mediis à Deo præscriptis usuri erant. Sic ad Ephes. 1. omnes Ephesios (inter quos multi utique reprobi) *prædestinatos*, & electos vocat, voluntate utique antecedente, quantumque erat ex parte, & intentione Dei, naturaque ipsius fidei, & gratiæ, quæ quoddam semen est æternæ gloriæ ; ut taceam, in Græco, & originali textu non haberi *πρæορισμένοι* præordinati : nec etiam *προκαταρτισμένοι* prædestinati : sed *ταξινοημένοι* hoc est, ordinati, bene affecti, amantes, cupidique æternæ vitæ. Alioquin dicendum esset, omnes, quotquot Antiochiæ crediderant, præordinatos ad vitam æternam fuisse, quotquot verò tunc non crediderant, damnatos esse, quorum utrumque absurdissimum, & incredibile est.

Ad Philipp. 4. *Apocalyp. 20. & 22. & Daniel. 12.* aliqui tantum non omnes scripti dicuntur in *Libro Vitæ* : Sicut ergo non omnes scripti in libro Vitæ ; ita non omnes voluit Deus salvari. Resp. Imò de Reprobis etiam dicitur, *Libro Vitæ* inscriptos esse : *Qui peccaverit mihi, delebo eum de libro meo* : Exodi 32. *Auferet Deus partem*

eius de Libro Vita. Apoc. 22. Si ergo etiam Reprobi in Librum Vitæ scribuntur, sequitur, etiam Reprobis Deum salutem voluisse; quia enim ratione in Librum Vitæ scripsisset, quos nolisset ad vitam pertinere?

Non omnes, sed aliqui tantum, hoc est, prædestinati dicuntur *Filio à Patre dati.* Joan. 6. & 16. Et: Non posse *rapi de manu Filii.* Joan. 10. *Omnia fieri propter Electos* 2. ad Timoth. 2. 10. Resp. Hæc quoque certissima esse, citraque dubium, nec pugnare cum voluntate omnes salvandi: quanquam enim Deus, quantum ex se est, & voluntate antecedenti per certa, & destinata media voluerit, & paraverit omnibus vitam æternam; quia tamen prævidit, non omnes, sed aliquos tantum iis; benè usuros, ideo istis tantum re ipsa vitam æternam dare proposuit; de istis ergo intelligenda sunt omnia, quæ citatis locis habentur.

At inquires, si Deus Reprobos æquè, ac Prædestinatos salvari vult; sequitur, quantum ex parte Dei est, non fuisse Prædestinatos majori, magisque speciali beneficio affectos, Beneficium enim ex voluntate, & affectu beneficientis æstimatur; at ut tu dicis, non magis in Electos, quam Reprobos, quantum ex parte sua erat, Deus propensus affectusque fuit; non ergo Electis magis beneficus, quam Reprobis. Resp. & quæro, quid nomine *specialis beneficii* intelligas? Illud, quod tibi tantum, non alteri datur? at hoc sordidissimi, & lividissimi animi est, nolle videlicet pro speciali beneficio habere, nisi alteri negatum; sicque magnitudinem gratiæ non ex pretio, & merito sui, sed ex damno alterius metiri. Quod me creavit, quod me redemit, quod me Cælo adscipserit, nolo inter singularia beneficia censerì, nisi alios deserat, alios damnet. Planè non amantium, non Electorum, sed invidorum vota sunt ista. Imò, inquit, Augustinus lib. 1. de Civit. Dei cap. 28. *Optandum tibi potius est, ut salvandorum amplior sit numerus, quam ut inter paucos emineas.* Amantibus enim tantò grandius, tantoque optatius beneficium, quantum pluribus datum. Cum enim bonum alterius in Electis, & amantibus gaudium excitet, sequitur, tantò majus illorum gaudium fore, quantum major numerus Beatorum. Quod ergo voluerit Deus omnes salvos esse, id ad speciale Electorum beneficium spectat; quantum enim magis Deum amant, tantò magis & de numero Candidatorum gaudent, & infinitam Dei Bonitatem laudibus attollunt. Deum ergo omnes, quantum ex se est, amplexum esse, omnes salvos voluisse,

non

non detrimenta, sed fomenta amoris, gaudii, & gloriæ in Electis sunt, sicque ad augendum, non minuendum beneficium pertinent. Sive ergo beneficium Dei, & antecedentem voluntatem *absolutè* consideres, ut Electis propriam: sive *comparativè*, ut omnibus etiam Reprobris communem, sequitur, semper maximum, & specialissimum Dei donum, ac beneficium esse. Dende si Deus tibi soli bene vellet, nullâ hominum aliorum curâ, teque solum in filium, & hæredem adoptâisset, aliis omnibus Regno exclusis; an, inquam, non tibi speciale hoc beneficium videretur? Atqui amor, quo te Deus prosequitur, talis est, tamque ardens, & in tua commoda intentus, ac si solus amareris, nec alium præter te haberet Deus curandum, amandumque; quid ergo refert plures amari, quando ita amaris, ac si tu solus, nemo alius esset. *Sic intendit Dominus singulis, ac si vacaret à cunctis: & sic si simul intendit omnibus, ac si vacet à singulis;* inquit, Gregorius lib. 25. Moral. cap. 13. Quod si tamen omnino velis, non aliud esse magnum, ac speciale beneficium, quàm quod aliis negatur; cogita, quàm multis, infinitisque creaturarum negatum sibi, quod tibi concessum: Poterat enim Deus infinitos alios homines, & creare, & hæredes Cœli facere, nec tamen voluit; tibi ergo tributum, quod infinitis aliis negatum; idque nullo tuo jure, nulloque merito, sed sola Dei Bonitate. Ergo negari non potest, etiam ex hac parte, factaque cum aliis, qui neglecti sunt, comparatione, voluntatem te salvandi maximum, ac speciali Dei beneficium esse, quippe te innumeris aliis prælato.

XXII. *Opponitur Nonò:* Cum tam multi hominum alii pereant, aliis salventur; quæro, unde tantum Reproborum, Electorumque discrimen? ex parte Dei, an hominum? Non Dei; is enim omnibus æqualiter salutem voluit. Ex parte hominis? ergo homo est, qui in causa salutis se ipsum *discernit* contra illud Apostoli: *Quis autem te discernit?* 1. ad Corinth. 4. sicut enim, quod ex una arbore pomum, ex altera ficus nascatur, non potest hæc diversitas fructuum Soli adscribi, (quippe æquali ratione in omnes plantas agenti) sed plantarum diversitati, aliter, aliterque gignentium; ita in causa salutis non poterat illa Deo adscribi, Deo, ut dicimus, in omnes æquali.

Resp. Duplicem discretionem statui posse; aliam, quæ fiat viribus naturæ, aliam, quæ viribus gratiæ. Primam non secundam damnat Apostolus. Cum enim e.g. fidelis ab infideli per fidem *discer-*

discernatur; fides verò voluntatem hominis, & gratiam requirat; sequitur, discretionem fidelis ab infideli necessario, & à voluntate hominis, & à gratia Dei pendere? non ergo Apostolus omnem hominis voluntatem excludit, sed illam tantum quæ gratiâ careat, suisque viribus pugnet. Verba Apostoli sunt. *Nec unus infletur adversus alterum; quid enim habes, quod non accepisti? Si autem accepisti, quid gloriaris, quasi non acceperis?* Vides, non aliam hîc ab Apostolo discretionem improbari, quàm illam, quæ suis, non divinis viribus fiat. Sicque hanc Apostoli sententiam ipse Augustinus exposuit Lib. de Spirit. & Litt. cap. 24. *Consentire vocationi divinæ, vel ab ea dissentire propriæ voluntatis est, quæ res non solum non infirmat, quod dictum est: quid habes, quod non accepisti? Verum etiam confirmat: accipere enim, & habere anima non potest, nisi consentiendo, ac per hoc, quod habet, & accipit, Dei est; accipere autem, & habere, utique, accipientis, & habentis est.* Et in Psalm: 58. & 85. præclare, eleganterque: *Deus meus misericordia mea. O uomen, sub quo nemini desperandum est! Deus meus, inquit, Misericordia mea. Quid est Misericordia mea? Si dicas, salus mea; intelligo, quia dat salutem. Si dicas, refugium meum; intelligo, quia confugis ad eum. Si dicas, fortitudo mea; intelligo, quia dat tibi fortitudinem. Misericordia mea quid est? totum quidquid sum, de Misericordia tua est. Sed promerui te, invocando te. Ut essem, quid feci? ut essem, qui te invocarem, quid egi? si enim egi aliquid, ut essem, jam eram, antequàm essem. Porro si omnino nihil eram, antequàm essem, nihil à te promerui, ut essem. Fecisti, ut essem, & tu non fecisti, ut bonus essem? Dedisti mihi, ut sim, & potuit mihi alius dare, ut bonus sim? Si tu dedisti mihi, ut sim, & alius mihi dedit, ut bonus sim; melior ille, qui mihi dedit, ut bonus sim, quàm ille, qui dedit mihi, ut sim. Porro quia nemo te in Misericordia largior, à quo accepi, ut essem, accepi ab illo, ut bonus essem: Deus meus Misericordia mea! arguens enim superbiam Apostolus non ait, non habes; sed ait: quid enim habes, quod non accepisti? Non arguit, quia dicebas, te habere; sed arguit, quia ex te esse volebas, quod habebas. Imò & habere te agnosce, & ex te nihil habere, ut nec superbus sis, nec ingratus. Quamvis ergo fidelis ab infideli propria voluntate discernatur, quia tamen hanc ipsam voluntatem non à se, sed à Deo habet; ideo gloriari non potest, quasi non acceperit, quod solum Apostolus prohibet. Et lucere, & calefacere ferrum candens quis nescit? quia tamen id facit non suâ sed aliena dote; ideo non*

ferro, sed igni laus tota tribuitur; ita laus tota operis non voluntatis, sed gratiæ est, quia ut voluntas bene operetur, non à se, sed à gratia habet. Quid si tamen omnino velis, nihil humanam voluntatem ad discretionem Reprobi, Electisque conferre, id quoque verum erit; quidquid enim in opere aliquo est, quod ad ordinem supernaturalem pertinet, quodque æternam vitam meretur, id totum, uniceque à gratia est, nihil præter naturalia conferente voluntate: naturalia verò (qualia sunt, esse actum liberum, esse vitalem) tam nullam ad æternam vitam obtinendam proportionem habent, quàm nullam habent ad Regnum promerendum, terram colere, aut hortum rigare. Et hac ratione verum est, quamvis inter duos æquali gratiâ instructos unus velit, alius nolit; eum, qui vult, non voluntate sua, sed gratiâ discerni, quia voluntas ut voluntas nihil habet dignum vitæ æternæ, at nihil non est causa discernendi.

XXIII. *Opponitur Decimò*. Si vult Deus omnes homines salvos fieri, cur ergo tot parvuli tam infidelium, quàm fidelium parentum sine culpa pereunt?

Resp. Aliud est perire, aliud beatum non esse: parvuli, qui sine Baptismo decedunt, beati quidem non sunt, nec tamen pereunt; & licet culpâ propriâ careant, non tamen carent alienâ, & paternâ: quamvis enim damnari nemo possit paternâ culpâ, potest tamen paternâ culpâ iis bonis privari, quæ liberaliter à Principe accepturus erat, patre innoxio, nec in principem delinquente, ut quotidiana exempla ostendunt. Adamo ergo peccante non is solùm, sed tota ejus posteritas iustissimè Dei donis, gratiâ videlicet, & gloriâ, aliisque dotibus innocentie privata est, non tamen æternis suppliciis addicta: & ideo de non baptizatis dicitur quidem Joan. 3. *Nisi quis renatus fuerit ex aqua, & Spiritu sancto, non potest intrare in Regnum Cælorum* non dicit Christus: æternis ignibus punietur, sed non intrabit in Regnum Cælorum; hoc est: non torquetur quidem ut rebellis, sed tamen non erit hæres, quia filius Rebellis. Audi Augustinum: Is enim licet ardore disputandi contra Pelagianos severius aliquando de parvulis fenserit, ubi tamen mitius pronuntiat. Nam Lib. 3. de libero Arbitrio. cap. 23. ita loquitur: *Dicunt aliqui: qualis in futuro iudicio locus parvulo deputabitur, cui nec inter iustos locus est, quoniam nihil recti fecit; nec inter malos, quoniam non peccavit? Respondio, superfluum quæri de meritis ejus, qui nihil meruit: non enim timendum est, ne non potuerit esse sententia media inter præmium, & supplicium, cum sit vita media inter*

pcc-

peccatum, & rectè factum. Vides sententiam mediam ab Augustino parvulis non baptizatis inter supplicium, meritumque constitui. Neque hanc sententiam unquam Augustinus retractavit, cum tamen Lib. 1. *Retrahat*, & præsertim *Epist.* 26. *diligenter* hos libros, & hanc parvulorum causam expendat. Et lib. 5. in Julianum cap. 8. *Non dico, parvulos sine Christi Baptismo morientes tantâ penâ plerendos esse, ut eis non nasci potius expediret. Planè si crederet Augustinus, æterno igne torqueri, certissimum foret, consultius eis non nasci, quàm æternum cruciari futurum fuisse, juxta illud Christi: Melius fuisset, si nunquam natus esset homo ille.* Et infra: *Quis dubitaverit, parvulos non baptizatos in damnatione omnium levissima futuros, quæ, qualis, & quanta erit, quamvis desuare non possim, non tamen audeo dicere, quod eis, ut nulli essent, quàm ut ibi essent, potius expediret.* Et cap. 93. *Enchiridii* docet: parvulos ob peccatum originale penâ omnium mitissimâ puniri: at pœna ignis perpetua dici non potest omnium mitissima, cum infinito quasi excessu omnium peccatorum venialium, & totius Purgatorii pœnas longissimè superet; quâ ergo omnium mitissima? Sanctus quoque Nazianzenus *Serm.* in Sacram Lavacrum: *Parvuli, inquit, nec cælesti gloria, nec suppliciiis à justo Judice afficiuntur, utpote qui licet Baptismo consignati non fuerint; improbitate tamen careant.* In quæ verba Nicetas antiquus Nazianzeni Commentator hæc habet: *Ex verbis Nazianzeni manifestum est, hujusmodi infantes nullis pœnis torqueri.* Gregorius quoque Nyssenus Magni Basilii Frater orat. de Infantibus: *Immatura mors insantium demonstrat, neq; in doloribus, & mæstitia futuros eos, qui sic vivere desierunt.* S. Ambrosius lib. 2. de Abraham cap. 11. *Nisi quis renatus fueris ex aqua, & Spiritu Sancto, non intrabis in Regnum Celorum: utiq; nullum excipit, non infantem, non aliqua præventum necessitate: habeant illi apertam pœnarum immunitatem, nescio, an habeant Regni honorem.*

Sed omnium luculentissimè S. Thomas fidelissimus Augustini Discipulus, & cui in hac causa parvulorum uno agmine Theologi omnes suffragantur. Is enim de Malo quæst. 5. art. 2. ita loquitur: *Pœna proportionatur culpa, & ideo peccato actuali mortali, in quo invenitur aversio ab incommutabili Bono, & conversio ad bonum commutabile, debetur & pœna damni, scilicet carentia Visionis divinæ, respondens aversioni, & pœna sensus respondens conversioni. Sed in peccato originali non est conversio ad creaturam, sed sola aversio à Deo.*

vel aliquid aversioni respondens, scilicet, destitutio Anima à justitia originali; & ideo peccato originali non debetur pœna sensûs, sed solum pœna damni, scilicet carentia visionis divinæ. Rursus pœna sensûs nunquam debetur habituali dispositioni; non enim aliquis punitur ex hoc, quod est habilis ad furandum, sed ex hoc, quod actu furatur. Sed habituali privationi absq; omni actu debetur aliquod damnum, puta, quia non habet scientiam litterarum, ex hoc ipso indignus est promotione ad Episcopalem dignitatem. In peccato autem originali invenitur quadam concupiscentia per modum habitualis dispositionis, quæ parvulum facit habitum ad concupiscendum, adultum autem actu concupiscentem; & ideo parvulo defuncto cum originali non debetur pœna sensûs, sed solum pœna damni, quia scilicet non est idoneus ad visionem divinam propter privationem originalis justitiæ. Et art. 3. Post mortem in anima non mutatur dispositio voluntatis, neq; in bonum, neq; in malum. Unde cum pueri ante usum rationis non habent actum inordinatum voluntatis, neq; etiam post mortem habebunt. Non est autem absq; inordinatione voluntatis, quod aliquis doleat, se non habere, quod nunquam potuit adipisci; sicut inordinatum esset, si aliquis ræflicus doleat de hoc, quod non esset Regnum adeptus. Quia ergo pueri post mortem sciunt, se nunquam potuisse illam gloriam celestem adipisci, ex ejus carentia non dolebunt. Animæ ergo puerorum naturali quidem cognitione non carent, qualis debetur animæ separata secundum suam naturam, sed carent supernaturali cognitione, quæ hic in nobis per fidem præntatur, eò quod nec hic fidem habuerunt in actu, nec Sacramentum Fidei susceperunt. Pertinet autem ad naturalem cognitionem, quod anima sciat, se propter beatitudinem creatam, & quod beatitudo consistat in adeptione perfecti boni: Sed quod illud bonum perfectum, ad quod homo factus est, sit illa gloria, quam Sancti possident, est supra cognitionem naturalem, juxta illud Apostoli: Nec oculus vidit, nec auris audivit, nec in cor hominis ascendit, quæ præparavit Deus diligentibus se, nobis autem revelavit Deus per Spiritum suum, quæ revelatio ad fidem pertinet: & propter hoc, quia animæ parvulorum se privari tali bono non cognoscunt, ideo non dolent; sed hoc, quod per naturam habent, absq; dolore possident. Et in lib. 2. Sentent. distinct. 33. quæst. 1. Acerbitas pœna sensibilis delectationi culpæ respondet. Apoc. 18. Quantum in delictis fuit, tantum datur illi tormentum, & luctum. Sed in peccato originali non est aliqua delectatio, sicut nec operatio, delectatio enim operationem consequitur,

tur, ut ex 10. Ethicor: patet; ergo peccato originali non debetur pœna sensibilis. Et infra: pœna debet esse proportionata culpæ, ut dicitur Esaiæ 27: defectus autem, qui per originem traducitur, rationem culpæ habens, non est per subtractionem, vel corruptionem alicujus boni, quod naturam humanam consequitur ex principiis suis: sed per subtractionem vel corruptionem alicujus, quod natura superadditum erat: nec ista culpa ad hunc hominem pertinet, nisi secundum quod talem naturam habet, & ideo nulla alia pœna sibi debetur, nisi privatio illius finis, ad quem donum subtractum ordinabat, hoc est autem divina visio; & ideo carentia hujus visionis est propria, & sola pœna originalis peccati post mortem, unde sicut culpa non fuit per operationem eius, ita nec pœna per passionem ipsius esse debet. In aliis autem perfectionibus, & bonitatibus, quæ naturam humanam consequuntur ex suis principiis, nullum detrimentum sustinebunt pro peccato originali damnati. Et art. 2. Recta ratio non patitur, ut aliquis perturbetur de eo, quod in ipso non fuit, ut vitaretur, propter quod Seneca probat, quod perturbatio in sapientem non cadit: sed in pueris est recta ratio, nullo actuali peccato obliquata; ergo non turbabuntur de hoc, quod talem pœnam sustinent, quam vitare nullo modo potuerunt. Et infra: Sciendum, quod ex hoc, quod caret aliquis eo, quod suam proportionem excedit, non affligitur, si sit recta rationis; sicut nullus sapiens affligitur, quod non potest volare sicut avis, vel quia non est Rex, vel Imperator, cum sibi non sit debitum, affligeretur autem, si privaretur eo, ad quod habendum aliquo modo aptitudinem habuit. Dico ergo, quod omnis homo usum liberi arbitrii habens proportionatus est ad vitam æternam consequendam, quia potest se ad gratiam præparare, per quam vitam æternam merebitur, & ideo si ab hoc deficiat, maximus dolor erit eis, quia amittunt illud, quod suum esse possibile fuit: Pueri autem nunquam fuerunt proportionati ad hoc, quod vitam æternam haberent, quia nec eis debebatur ex principiis natura, cum omnem facultatem natura excedat; nec actus proprios habere potuerunt, quibus tantum bonum consequerentur, & ideo nihil omnino dolebunt de carentia visionis divinæ, imò magis gaudebunt de hoc, quod participabunt multum de divina Bonitate, & Perfectionibus naturalibus. Et ad 5. Quamvis pueri non baptizati sine separati à Deo, quantum ad illam conjunctionem, quæ est per gloriam, non tamen ab eo penitus sunt separati; imò illi coniunguntur per participationem naturalium bonorum, & ita etiam de ipso gaudere poterunt naturali cognitione, & dilectione.

Hæc-

Hactenus Divus Thomas, cujus rationibus addi etiam illa potest, videlicet, peccatum originale nullam reprehensionem mereri; quis enim audivit unquam, propter originalem culpam reprehensum aliquem ab Ecclesia, aut Patribus esse? Planè quæ in liberam hominis potestatem non cadunt, quæque vitari non possunt, extra omnem reprehensionem sunt, nam ut eleganter scribit Augustinus Libro de duabus Animabus cap. 11. *Non hic scrutandi mihi libri erant, unde discerem, neminem vituperatione, suppliciove dignum, qui id non faciat, quod facere non potest. Nomen ista cantant in montibus Pastores, in theatris Poetae, & indocti in Circulis, & docti in Bibliothecis, & Magistri in Scholis, & Antistites in Sacris locis, & in Orbe terrarum Genus humanum?* Si ergo propter culpam originalem, quam vitare non potuit, nemo potest vituperari, quantum minus torqueri? Planè longè atrociùs flammæ dolent, præsertim diuturnæ, quam verba; quis ergo tam absurdè sentiat, ut dicat, posse torqueri parvulos, qui non possunt reprehendi? posse puniri flammis, qui non possunt verbis? Ex quibus omnibus faciliè intelligas, magnum parvulorum, & adultorum discrimen esse: Si enim Deus parvulos ad gloriam non elegit, non ideo sequitur, eos damnari; at id sequitur in adultis, in quibus, rem ipsam si consideres, unum idemque est, non eligi, quod damnari, cum medium non detur. Ubi etiam observa, nulla re magis Augustini animum (ut ipse proficetur, præsertim *epistola 28. ad Hieronymum*) agitatam, tortumque fuisse, quam hac de parvulorum pœnis quæstione; unde ut se hoc nodo explicaret, in alias, aliasque sententias flexit. Aliquando enim docuit: animas non creari à Deo, sed per traducem ab Adamo proficisci. *Epist. 28. aliquando: Deum in aeterna vita, inq. secreto iudiciorum suorum aliquid bonæ compensationis parvulis reservare, quoniam quæquam [nihil boni fecerint, tamen nec peccaverint aliquid.* Lib. 3. de Libero arbitrio. *Quam sententiam suam licet in epistola 28. ad Hieronymum retractet, non tamen ut erroneam, & falsam, sed tantum ut minus firmam, validamq.* Aliquando totam pœnam parvulorum sine Baptismo morientium dixit, ab aliquibus non in anima statui, quam concedebant ad videndum Deum admitti, sed in corpore, quod negabant resurrecturum; quam tamen sententiam fatetur Augustinus, vel sola novitate sibi displicere *Epist. 28. aliquando æternis ignibus cruciari dixit. Lib. de Fide ad Petrum cap. 27. aliquando pœnâ omnium mitissimâ.* Enchirid. 93. aliquando, se prorsus animi pendere

ostend-

ostendit , & quid statueret , planè ignari . *Lib. 5. in Julian. cap. 8. Et Epist. 28. ad Hieronym. Ubi : Cum ad pœnas ventum est parvulorum , magnismihî crede , angustîis arctor , nec quidquid respondendum penitus invenio Quamvis autem desiderem , rogem , votis ardentibus exoptem , & expectem , ut per te mihi Dominus hujus rei auferat ignorantiâ , tamen si minimè merueropatentiam mihi pœnam à Domino Deo nostro .* Denique in hac quæstione id evenit Augustino , ' quod Venatoribus solet , ut videlicet odore , ac desiderio prædæ , quam insequuntur , nec capiunt , toties mutant locum , quoties spem invenienti . At ego id quoque ad arcana Dei pertinere censuerim . Constat , sine Baptismo ad vitam æternam , hoc est visionem beatificam non perventuros , id enim Evangelium expressit . Constat , sensibilibus pœnæ immunes fore , id enim ratio , omniumque Theologorum auctoritas convincit , reliqua latente , & ideo semper id tenendum , quod magis divinæ Bonitati congruat juxta illud Sap. 1. *Sensite de Domino in bonitate .* Si enim ipse Deus *superexaltat misericordiam judicio* , quântè magis id faciant homines , qui misericordiâ indigent ? & si clementia prima virtus in Principe est , quântè magis erit prima in omnium Principum Principe ? Planè de Deo pessimè merentur , quicumque formidabilem magis , quàm amabilem faciunt , sicque ex aureo in ferreum mutant , talemque aliis fingunt , qualem nollent sibi esse : si enim experiri clementem ipsi cupiunt , quare aliis inclementem , & inexorabilem faciunt ? Imitantur ergo Poëtam , qui aliquem è suis Diis ita descripsit :

*. . . . Vultus est illi Jovis ,
Sed fulminantis : magna pars Regni trucid
Est ipse Dominus , cujus aspectum times ,
Quidquid timetur*

Ita Poëta Plutonem pinxit : at non ita Theologi Deum , quem definiunt *Summum Bonum* ; non summum terrorem esse : nam esse terrori , etiam Africæ Monstris , & Basiliscis convenit ; non ergo est proprietas Dei : non quòd negemus , timendum esse Deum ; sed quòd dicamus , oportere rationibus timendi prævalere rationes amandi .

Ergo , ut dicebamus Deus parvulos Cælo exclusit ob peccatum , non proprium , sed paternum : Non ideo tamen naturalibus bonis exiit , sicque si non fecit beatos , quia perduellium parentum filios ,
& cul-

& culpâ originali asperfos; at nec fecit iniferos, quippe cæterâ innocentēs.

Deinde in hac parvulorum causâ considerandum est, licet Deus ad cœlestem gloriam non eos admiserit; alio tamen, multoq̃ue majori beneficio affecisse, quod illi ipsi longè cœlo prætulissent, & nos quoq̃ue, si electio daretur, multò majoris pretii, quàm Cœlum duceremus. Id verò beneficium fuit, quodd fato præmaturo abreptos innocentia suæ personalis securos reddidit, & quàm plurimis peccatis cùm venialibus, tùm mortalibus, ac præsentissimis, infinitisq̃ue peccandi periculis subduxit, quibus procedentibus annis certissimè implicandi erant, addicendiq̃ue perpetuis gehennæ incendiis, juxta illud Sap. 4. *Raptus est, ne malitia mutaret intellectum ejus*; quod præsertim de filiis infidelium verissimum est. Hoc verò innocentia personalis donum, & immunitatis à peccato tantum est, ut ipsi parvuli millies Cœlo carere malint, quàm vel uno peccato involvi, nullusq̃ue Christianorum est, cujus non idem votum esse debeat. Quid ergo conqueri de Deo possunt, aut quid ipsis mali fecit, si non quidem Cœlo, sed alio beneficio donavit, quod multò præstantius Cœlo est, quodq̃ue & ipsi, & omnes sapientes, si potestas eligendi daretur, longè Cœlo præferrent? Quodd si Deus id egit, quod & ipsi, & nemo alius non optaret, ergo nulla dolendi, nulla conquerendi, sed magna laudandi, grateq̃ue agendi causa est.



§. II.

Dari omnibus hominibus ad aeternam vitam consequendam, non tantum necessarias, & qualescumque, sed copiosissimas, & abundantes gratias, quibus si velint, facile, commodeque obtinere illam possint.

S V M M A R I A.

- I. *Ex voluntate efficaci salvandi omnes, optimè inferri voluntatem omnibus quorū, quantum ex parte Dei est, efficaces, & copiosissimas gratias offerri.*
- II. *Possē causam aliquam & dici, & esse efficacem, quamvis effectus non sequatur, idq; exemplis Luciferi, & Adami ostenditur.*
- III. *Efficaces ex natura sua, & copiosas gratias dari ex Sacris Literis, & qua ratione iugum Christi leve, & suave dicatur, ostenditur.*
- IV. *Sæpe reprobis, & renuentibus aequales, aut etiam majores gratias dari, quàm electis, & consentientibus. Neq; tantum externas, verum etiam, multoq; magis internas. Ubi Augustini, & Thomæ testimonia expenduntur.*
- V. *Idemq; probatur ex effusissima etiam in bruta, aliasq; creaturas insensibiles Dei Bonitate, & Providentia.*
- VI. *Et in ipsum hominis corpus.*
- VII. *Et quia homo Dei opus est.*
- VIII. *Idemq; ex corporis humani structura.*
- IX. *Ac præsertim hominis Redemptione.*
- X. *Ipsaq; experientiâ.*
- XI. *Neq; id tantum de fidelibus, verum etiam infidelibus credendum esse, quod variis, multisq; rationibus probatur, præsertim verò testimonio Augustini, eiusq; præstantium Discipulorum.*

- XII. *Nihil ob stare doctrinam S. Thomæ de infidelitate purè negativa.*
 XIII. *Si homini auxilia gratiæ deessent, transgressionem mandatorum ex sententia Augustini nequaquam transgressoribus imputatum iri.*
 XIV. *Nullis quantumvis obduratissimis peccatoribus abundantissimas gratias deesse.*
 XV. *Quo sensu Augustinus dicat, gratiam non omnibus dari.*
 XVI. *Causa Parvulorum suæ Baptismo decedentium non obesse ostenditur.*
 XVII. *Exponitur Augustinus.*
 XVIII. *Falsam esse eorum opinionem, qui contendunt gratiam omnibus quidem præparari, non tamen omnibus dari.*
 XIX. *Exponitur Apostoli sententia ad Roman. 10. quomodo credens, quomodo audient sine prædicante &c.*
 XX. *Nemini quamvis perditissimo custodiam Angelicam subtrahi, ubi de peccatorum mensura, deq; prava consuetudine, modisq; eam expugnandi.*
 XXI. *Nemini orandi, petendiq; gratiam deesse. Ubi de gradibus orationis, deq; auxilio remoto.*

I. **I**D quidem ex iis, quæ superiori Paragrapho disputavimus, facile coniici potest: Si enim Deus, quantum ex se est, vult omnes efficaciter, impenseque salvari; sequitur, non minus efficaciter, impenseque media, & gratias homini dari, quibus hunc finem obtinere possit; voluntati enim finis respondet voluntas, & cura mediorum.

II. Sed hic iterum in memoriâ revocandum, quod jam supra probavimus, posse causam aliquam esse, diciq; efficacem, quamvis effectus non sequatur, si videlicet cessatio, & suspensio effectus non ex defectus virtutis in causa, sed aliunde proveniat: illa enim dicitur causa efficax, quæ omnem, & necessariam virtutem ad ponendum effectum habet: nemo enim negaverit, Solem causam efficacem illuminationis esse, quia nihil ei ad illuminandum & aërem, & terram deest, ipsoque facto omnia illuminat, nisi nubem, aut velum, aliudve impedimentum opponas, quale opponunt, qui lucenti, & mille radiis ad illuminandum conanti oculos studiosè claudunt; tunc enim cessabit quidem illuminatio, non tamen Solis, sed Solem impediens culpâ. Aliud ergo est causa efficax, aliud effectrix; ista, quam effectus con-

sequi-

sequitur; illa quæ omnem necessariam virtutem ad consequendum effectum habet, nisi aliunde impediatur. Idem de gratia dicas. Alia effeatrix est; quæ voluntatem expugnat; alia efficax, quæ virtutem expugnandi habet, quæque ipso facto voluntates omnium expugnat, quotquot impedimentum nullum ponunt; unde quoddam vna, eademque gratia alium fleat, alium non fleat; non gratiæ, sed voluntatis culpa est: Sciendum enim, hanc esse libertatis creaturæ naturam, ut quancumque etiam efficacissimam gratiam possit eludere, cassamque reddere; quod si potest, quid mirum est, si aliquando agat? sicut enim nulla gratia est, quæ tollat libertatem; ita nulla est, quæ tollat potentiam resistendi; quid ergo novi, absurdique, imò quid non rationi, & experientiæ consentaneum, resistere aliquando illam, quæ semper potest resistere, juxta illud Act. 7. *Uos semper Spiritui Sancto resistitis?* Non quoddam major sit in voluntate virtus resistendi, quam in Deo potentia superandi, sed quoddam Deus nolit potentiam, sed gratiam uti, hoc est, non cogere liberam, sed invitare, ac more nobilis, castique Amatoris petere consensum, non rapere. Et verò hæc creaturæ voluntatis etiam potentissimis gratiis resistendi facultas, nullibi clarius quam in Lucifero, & Adamo apparuit: Nam ex una parte nihil in iis erat, quo possent ad malum inclinari: non appetitus cum ratione certamen, non indigentia alieni, & extranei boni, non perversi, & inoliti mores, non ignorantia, non cupiditas, non difficultas honesti, non aliquid eorum, quæ homines ad peccandum illicitiunt. Ex adverso, nihil eorum aberat, quo possent facillimè in officio contineri, & ad bonum, ac virtutem complectendam propè compelli; summa tranquillitas animæ, perfectissima Dei cognitio, & par cognitioni amor, summa quoque & facilitas, & suavitas operandi honesta, spes certa futurorum, segura, & plena possessio præsentium, ac denique omnia, quæ optare aliquis ad sanctitatem, & felicitatem posset. Et tamen inter tot præsidia virtutum, quis unquam credidisset, cadere illos, quam stare maluisse? cujus si causam postules, dari alia non potest, quam voluntatis humanæ libertas, quæ præsentibus, & honestis, incerta, & flagitiosa præposuit, nec validissimis gratiis, quibus ad bonum rapietur, vinci se passa est. Ita Angelicus de peccato Luciferi 1. p. q. 63. a. 7. *Peccatum Angeli processit non ex aliqua pronitate, sed ex solo libero arbitrio.* Et ad 3. cum sibi objecisset: *quantò magis aliquid inclinatur in aliud, tantò minùs potest ab illo discere; sed Angelus quantò est Superior, tantò magis inclinatur in Deum, ergo*

- XII. *Nihil obflare doctrinam S. Thomæ de infidelitatis purè negativa.*
 XIII. *Si homini auxilia gratiæ deessent, transgressionem mandatorum ex sententia Augustini nequaquam transgressoribus imputatum iri.*
 XIV. *Nullis quantumvis obduratissimis peccatoribus abundantissimas gratias deesse.*
 XV. *Quo sensu Augustinus dicat, gratiam non omnibus dari.*
 XVI. *Causa Parvulorum sine Baptismo decedentium non obesse ostenditur.*
 XVII. *Exponitur Augustinus.*
 XVIII. *Falsam esse eorum opinionem, qui contendunt gratiam omnibus quidem præparari, non tamen omnibus dari.*
 XIX. *Exponitur Apostoli sententia ad Roman. 10. quomodo credens, quomodo audient sine prædicante &c.*
 XX. *Nemini quamvis perditissimo custodiam Anglicam subtrahi, ubi de peccatorum mensura, deq; prava consuetudine, modisq; eam expugnandi.*
 XXI. *Nemini orandi, petendiq; gratiam deesse. Ubi de gradibus Orationis, deq; auxilio remoto.*

I. **I**D quidem ex iis, quæ superiori Paragrapho disputavimus, facile coniici potest: Si enim Deus, quantum ex se est, vult omnes efficaciter, impenseque salvari; sequitur, non minus efficaciter, impenseque mediâ, & gratias homini dari, quibus hunc finem obtinere possit; voluntati enim finis respondet voluntas, & cura mediorum.

II. Sed hic iterum in memoriam revocandum, quod jam supra probavimus, posse causam aliquam esse, diciq; efficacem, quamvis effectus non sequatur, si videlicet cessatio, & suspensio effectus non ex defectus virtutis in causa, sed aliunde proveniat: illa enim dicitur causa efficax, quæ omnem, & necessariam virtutē ad ponendum effectum habet: nemo enim negaverit, Solem causam efficacem illuminationis esse, quia nihil ei ad illuminandum & aërem, & terram deest, ipsoque facto omnia illuminat, nisi nubem, aut velum, aliudve impedimentum opponas, quale opponunt, qui lucenti, & mille radiis ad illuminandum conanti oculos studiosè claudunt; tunc enim cessabit quidem illuminatio, non tamen Solis, sed Solem impredientis culpâ. Aliud ergo est causa efficax, aliud effectrix; ista, quam effectus consequi-

sequitur; illa quæ omnem necessariam virtutem ad consequendum effectum habet, nisi aliunde impediatur. Idem de gratia dicas. Alia effectrix est; quæ voluntatem expugnat; alia efficax, quæ virtutem expugnandi habet, quæque ipso facto voluntates omnium expugnat, quotquot impedimentum nullum ponunt; unde quoddam vna, eademque gratia alium flectat, alium non flectat; non gratiæ, sed voluntatis culpa est: Sciendum enim, hanc esse libertatis creatæ naturam, ut quamcumque etiam efficacissimam gratiam possit eludere, cassamque reddere; quod si potest, quid mirum est, si aliquando agat? sicut enim nulla gratia est, quæ tollat libertatem; ita nulla est, quæ tollat potentiâ resistendi; quid ergo novi, absurdique, imò quid non rationi, & experientiæ consentaneum, resistere aliquando illam, quæ semper potest resistere, juxta illud Act. 7. *Uos semper Spiritui Sancto resistitis?* Non quoddam major sit in voluntate virtus resistendi, quàm in Deo potentia superandi, sed quoddam Deus nolit potentiâ, sed gratiâ uti, hoc est, non cogere liberam, sed invitare, ac more nobilis, castique Amatoris petere consensum, non rapere. Et verò hæc creatæ voluntatis etiam potentissimis gratiis resistendi facultas, nullibi clariùs quàm in Lucifero, & Adamo apparuit: Nam ex una parte nihil in iis erat, quo possent ad malum inclinari: non appetitûs cum ratione certamen, non indigentia alieni, & extranei boni, non perversi, & inoliti mores, non ignorantia, non cupiditas, non difficultas honesti, non aliquid eorum, quæ homines ad peccandum illiciunt. Ex adverso, nihil eorum aberat, quo possent facillimè in officio contineri, & ad bonum, ac virtutem complectendam propè compelli; summa tranquillitas animæ, perfectissima Dei cognitio, & par cognitioni amor, summa quoque & facilitas, & suavitas operandi honesta, spes certa futurorum, secunda, & plena possessio præsentium, ac denique omnia, quæ optare aliquis ad sanctitatem, & felicitatem posset. Et tamen inter tot præsidia virtutum, quis unquam credidisset, cadere illos, quàm stare maluisse? cujus si causam postules, dari alia non potest, quàm voluntatis humanæ libertas, quæ præsentibus, & honestis, incerta, & flagitiosa præposuit, nec validissimis gratiis, quibus ad bonum rapiebatur, vinci se passa est. Ita Angelicus de peccato Luciferi 1. p. q. 63. a. 7. *Peccatum Angeli processit non ex aliqua pronitate, sed ex solo libero arbitrio.* Et ad 3. cum sibi objecisset: *quantò magis aliquid inclinatur in aliud, tantò minus potest ab illo discere; sed Angelus quantò est Superior, tantò magis inclinatur in Deum, ergo*

minus potest à Deo peccando deficere: respondet: *Quòd quantacumq; inclinatio ad bonum in supremo Angelo, tamen ei necessitatem non inducebat, unde potuit per liberum arbitrium eam non sequi.* Sententia ergo S. Doctoris est, quantacumq;ue inclinationem ad bonum quæ necessitatem non infert (& consequenter quantacumq;ue gratiam, cujus tota efficacia in eo est, ut instar validissimi ponderis & intellectum, & voluntatem ad cognoscendum, prosequendumq;ue bonum inclinet) & posse à libera voluntate vinci, & de facto in supremo Angelorum, primoq;ue homine victam esse quorum uterq;ue deliquit, deflexitq;ue à bono, non aliquo gratiæ defectu, sed voluntatis arbitrio. Certè de Adamo S. Augustinus Lib. de Corrupt. & grat. cap. 11. hæc habet: *Quid ergo, Adam non habuit Dei gratiam? imò verò habuit magnam, sed disparem: ille in bonis erat, quæ bonitate sui Creatoris acceperat, & in quibus nullum prorsus patiebatur malum, nullaq; tali rixa à se ipso adversus se ipsum tentatus, atq; turbatus, in illo beatitudinis loco, suâ secum pace fruebatur.* Ergo nec Lucifero, nec Adamo, nec aliis multis magna gratia defuit; sed defuit magna, & bona voluntas. Hanc verò magnam, validissimamq;ue gratiam, quam etiam cadentibus, & respuentibus dari diximus, appellat Augustinus *sufficientissimam facultatem*: sic enim Lib. 3. de Libero arbitrio cap. 16. loquitur: *Ex eo igitur, quod non accepit, nemo reus est. Ex eo verò, quod non facit, quod debet, justè reus est; debet autem, si accepit voluntatem liberam, & sufficientissimam facultatem.* Hanc ergo, ut loquitur Augustinus, sufficientissimam, & validissimam gratiam, non quomodocumq;ue, nec parva manu, sed abundantissimè hominibus dari ex Sacris Litteris manifestè probatur. Nam:

Jacobi 1. c. 4. *Qui dat omnibus affluenter, & nemini impropèrat.* Nota illa verba *omnibus, & affluenter: omnibus*, ut nullum excludat: *affluenter*, ut copiam ostendat. Et ideo Gen. 17. Deo nomen Saddai tribuitur, quod mammeum, oberrimum, & instar Cornucopiæ abundantissimum significat, ut meritò dixerit Augustinus: *Erubescat humana pigritia; plus enim paratus est Deus dare, quàm homo accipere.* Et Thomas Angelicus in hæc verba: *Deus dat liberaliter, quia non vendit, sicut multi: dat generaliter, quia non uni, sed omnibus: dat abundanter non parè: dat curialiter, & officiosè, quia non impropèrat.* Planè cum Deus sit summum bonum, tam naturale, & ingenuum est illi copiosè dare, quàm ingenuum est mari, copiosè, & non guttatim effluere.

1. ad Timoth. 6. *Sperate in Deo vivo, qui præstat nobis omnia abundè ad fruendum, quæ verba, licèt videantur de bonis temporalibus accipienda, multò tamen magis de spiritualibus intelligenda sunt, quæ sunt finis temporalium, & quibus multò perfectiùs anima Deo assimilatur, & conjungitur.*

Ad Titum cap. 3. *Secundùm misericordiam suam salvos nos fecit per lavacrum regenerationis, & renovationis Spiritus Sancti, quem effudit in nos abundè per JESUM Christum.*

Et ad Roman. 10. *Idem est Dominus omnium, dives in omnes, qui invocant illum.*

Et ad Ephes. 2. *Deus autem, qui dives est in misericordia, propter nimiam charitatem suam, quâ dilexit nos, convulsavit nos in Christo, ut ostendat abundantes divitias gratiæ suæ. Hic iterum audis divitias misericordiæ, abundantiam gratiæ, excessum charitatis &c. Non quòd in Deum cadere excessus aliquis possit; quid enim excedat infinitum? sed quia & merita, & vota, & expectationem hominum amando excessit; nemo enim, quæ Deus præstitit, ausus esset optare.*

Et ad Rom. 8. v. 32. *Qui etiam proprio filio suo non pepercit, sed pro nobis omnibus tradidit illum; quomodo non etiam cum illo omnia nobis donavit?* Si omnia donavit, ergo non parcè. Et si donavit illis, pro quibus Filium dedit; ergo non prædestinatis, non paucis, sed omnibus, quid enim potuit negare, quibus Filium dedit? Planè sicut omnia, quæ hominibus donat Deus, sunt incomparabiliter minora Filio; ita absurdissimum est dicere Deum, qui dedit hominibus; quod incomparabiliter majus, noluisse dare, quod incomparabiliter est minus; hoc est omnia ad salutem consequendam necessaria, & opportuna.

Et Deuter. 10. *Cùm Moses ea verba præmisisset: Si tamen audieris vocem Domini Dei tui, & custodieris præcepta ejus, quæ in lege hac conscripta sunt, ut revertaris ad Dominum Deum tuum in toto corde tuo, & in tota anima tua; mox addit: Mandatum hoc, quod præcipio tibi, non supra te est, nec procul positum, sed juxta te est, sermo valde in ore tuo, & in corde tuo, ut facias illud. Quæ verba applicans S. Paulus legi Evangelicæ, ac præsertim præcepto Fdei amplectendæ, quod tamen ex natura sua difficillimum est (cùm res actû, cognituque difficillimas complectatur) ita ad Rom. 10. concludit: *Hoc est verbum fidei, quod**

quod prædicamus. Ecce & Moyses, & Apostolus ad omnes Hebræos, Romanosque loquebantur, hoc est, ad omnes illos, qui ad Legis Mosaicæ, & Evangelicæ observantiam invitabantur, inter quos multi utique peccatores, reprobi que; & tamen eas gratias, & auxilia omnibus promittunt, quibus non utcumque, sed tam facile, commodeque legem observarent, quam facile ea videmus, & tangimus, quæ nobis vicina, & ante oculos posita sunt. Quod etiam faciunt illa Christi verba, omnes iustos & iniustos ad subeundam Legem Evangelicam invitantis Matth. 11. *Tollite iugum meum super vos; iugum enim meum suave, & onus meum leve est*. Ubi nota, cum omnes homines ad iugum Evangelicum ferendum ea ratione invitentur, quodd sit *leve*, & *suave*; sequi, id intelligendum esse, non solum de iugo Evangelico secundum se, & ex natura sua; (sic enim durum potius & grave est) verum etiam secundum vires ferentium, quas à gratia Dei acceperunt; alioquin frustranea esset, & vana invitatio; licet frustra paralyticum ad ambulandum provocares; quamvis enim ambulatio secundum se sit homini naturalis, & ideo non facilis tantum, verum etiam jucunda; homini tamen paralyti adstricto impossibilis est & ideo frustra suadetur. Eodemque sensu dixit Joannes Epist. 1. *Scimus, quia mandata ejus gravia non sunt*. Circa quas Scripturæ sententias observandum est, legem, ac mandata Evangelicæ, & *iugum*; hoc est, onerosa, & *levia* appellari; onerosa, si eorum naturam, viresque hominis morbidas attendas: levia verò, & suavia, si gratiam spectes, quæ omnibus, qui ad fidem invitantur, à Deo offertur: non quod gratia onus, & difficultatem Evangelicæ Legis tollat, sed quodd vires tribuat, eam difficultatem vincendi; nam & rota non tollit, aut minuit pondus rhedæ, imò multò augeat, & tamen novo hoc onere facit eam velocius agi, quodd si rotam currui adimas, pondus quidem minues, sed immobilē reddes: idem de velo navium de alis, pennisque avium dicas, de quibus more suo eleganter Augustinus Serm. 24. de Verb. Apost. *Habent & aves pennarum suarum sarcinas, portant illas, & portantur. Tu si misericordiam velis præbere avi, præsertim astate & dicas; miseram istam aviculam onerant pennæ, & detrahbas unus, hæc in terra remanebit, cui subvenire voluisti. Portu ergo pennas pacis, alas accipe charitatis; hæc est sarcina, sic implebitur lex Christi*. Duplici ergo ratione mandata Dei, & gravia, & levia dicuntur. *Levia*, vel quia ob magnitudinem, excessumque amoris, & gratiæ tota planè difficultas extinguitur, juxta illud Angelici

Doct̃oris Opusc. de diligendo Deo : *Anima, qua amat, operatur magna, & reputat parva: operatur multa, & reputat pauca: operatur diu, & reputat breve.* Et illud Bernardi : *Labor meus vix est unius horæ, & si plus est, non sentio præ amore.* Et ideo eleganter S. Gregorius amore vocat machinam cordis (*machina cordis vis est amoris*) sicut enim parvis machinis ingentia onera nullo ferè labore levantur (quales erant Archimedis, unâ, leviq̃ue trochleâ integras Romanorum triremes in altum rapientes, & quibus totum se globum terrestrem moturum centro spondebat, si locus standi daretur) ita nullum cor tam vitiis grave, quodd tolli in Cælum nequeat, amore moliente, ut in Magdalena, ipsoq̃ue Augustino patuit, cuius sunt illæ voces lib. confess. 9. cap. 1. *Quid suavè mihi subito factum est, carere suavitatibus nugarum, & quas amittere metus fuerat, jam dimittere gaudium erat: & ubi erat, & de quo imo, alioq̃ secreto evocatum est in momento liberum arbitrium meum, quo subderem cervicem legi jugo tuo, & humeros levi sarcina tua Christi* **JESU** adiutor meus, & Redemptor meus. Sed hæc gratia omnem penitus difficultatem bene operandi extinguens singularis, & paucorum est. Alio modo magis obvio, & quotidiano dicitur jugum Evangelicum leve, quia licet gratia onus, & difficultatem operandi non tollat, facit tamen eam superare. Ex adverso lex Evangelica gravis dicitur, tùm ob datam rationem, quia videlicet ejus difficultatem gratia non penitus delet, sed vincit, juxta illud Christi Domini : *Regnum Cælorum vim patitur, & violenti rapiunt illud*: tùm etiam, ac præsertim in sensu composito, hoc est, quandiu amorem creaturæ retines, nec ei expellendo gratiâ uti statuis, tam diu lex Evangelica non solum difficilis, verùm etiam impossibilis observatu est: At si gratiâ uti velis, ut facile posses, Evangelium observabis, evadetq̃ue onus leve, quod priùs gravissimum videbatur. Res exemplo declaratur. Fac ægrotum aliquem esse, qui vehementi feбри laborans ardentissimam sitim patiat̃ur; facile tamen sanari possit, si videlicet Medici tantùm opem, manumq̃ue imploret, ac paucissimas sanguinis uncias, quo aliàs & noxiè abundat, è venis mittat. In hac, inquam, hypothesi, ægroto & difficillimum, & facillimum est, ardentissimam sitim vincere, potuq̃ue omni abstinere: difficillimum quidem, quamdiu febris urit, quæ desiderium bibendi accendit, facillimum verb, quia nihil facilius, quàm sanitatem consequi implorato tantùm Medico, emissâq̃ue exiguâ parte superflui sanguinis; sic enīq̃ obte

te,

te, extinctæque feбри, sitis, ardorque immoderatus bibendi sponte sua cedit. Idem de peccatore dicas non corpore, sed animâ laborante: febris illi vitium est; sitis, amor illicitis fruendi: durum est avaro, alienis abstinere; durum impudico sine thalamo vivere; verum quamdiu impudicus, & avarus est; sed facili remedium, ut desinat esse, oratio videlicet, & largitio superfluum in pauperes (ut alibi fusiùs ostendam) quis ista non possit? aut quod facilius obtinendæ sanitatis remedium, quàm tantum rogare Medicum, ut velit sanare? quod nisi facias, quis veniam socordix dabit? Si ergo dicas avaro, ne amet pecuniam; aut impudico, ne amet voluptatem; respondebunt, se id non posse: sed si dicas: ut à Deo petant, ne ista ament; quis eorum respondere audebit, se ne petere quidem posse? Audi Augustinum lib. de perfect. Iussit, ante medium: *Non est grave, quod diligendo fit; nam perfecta charitas facit præcepti sarcinam levem, nec solum non prementem onere ponderum, verum etiam sublevantem vice penarum.* Anima ergo, quæ illa gravia sentit, oret gemitu voluntatis, ut impetret donum facilitatis. Ergo quod grave est violentiæ morbi, leve est facilitate remedii. Quæ omnia eò spectant, ut ostendam omnibus, qui ad Legem Evangelicam invitantur, reprobis videlicet, electisque gratiam non qualemcumque, sed talem offerri, quæ lex Evangelica suavis, facilisque observatu fiat, quod nisi esset, gratia vix dici posset, cum difficultas diuturna opus, cui annexa est, moraliter impossibile reddat; Nemo enim diu facit, quod ægrè ac difficulter facit. Ex allatis ergo Scripturæ verbis manifestum est, Deum non tantum serio omnium salutem velle, verum etiam ad hanc consequendam non avarè, non parcè, sed effusissimè quantum est de se omnia media suppeditare, quæ non modò sufficiant, imò abundant. Agit videlicet Deus more splendidissimi alicujus, nobilisque parentis, qui filium Regni hæredem persequitur, & in longinqua profecturum non necessariis tantum sumptibus instruit, qui videlicet ad vitam ægrè sustentandam, iterque pedibus metiendum sufficiant, sed etiam iis adornat, qui ad facile, commodè, jucundèque viam superandam, fallendosque itineris labores conferre possint; hinc rhedæ, hinc famuli, hinc supellex & viaticum patre, filioque dignum. Ita cum hominibus Deus, quippe filiis, Regni que hæredibus. Videant ergo, quàm benè de divina bonitate, ac magnificentia sentiant illi, quicumque gratias reprobis, hoc est, plebisque hominum datas, tam ex natura sua tenues,

imbel-

imbelleſque faciunt , ut cum iis nemo ad ſalutem pervenerit , nemo perveniat , nemo perventurus ſit .

Qua in re obſervandum eſt , non omnem à nobis gratiam ſufficientem excludi , quod Janſenius docuit , quodque Summi Pontifices damnârunt , ſed ſolùm eam gratiam ſufficientem non admitti , quæ ex natura ſua talis eſt , quæque numquam effectum ſuum completum aſſequitur . Eam vero gratiam ſufficientem agnoſci , & doceri , quæ ſubindè implètur , ſubindè repugnante libero arbitrio non implètur , effectûque ſuo culpâ voluntatis caret , quamque S. Auguſtinus clariffimè , & frequentiffimè docuit , ut ex laudatis ſuprà ejus textibus patet , & quam tota Societas Jeſu amplectitur , graviſſimique alij doctores .

Qui igitur gratiam ſufficientem ſtatuunt , quæ nunquam effectum ſuum completum aſſequitur , talem mihi videntur ſtatuerè gratiam , quæ non eſt gratia , hoc eſt , de qua nemo ſperare æternam felicitatem ſuam poſſit ; quis enim ſperet , ſe cum ea gratia æternam ſalutem obtenturum , cum quâ nemo obtinuit , nemo obtenturus eſt ? aut quis morbo ſuo pharmacum optet , de quo conſtet , nullum unquam ſanatum eſſe , nullum ſanatum iri , imo quot quot acceperunt , morti ceſſiſſe ? Hæc eſt ergo nimia illa charitas , quâ dilexit nos , hæc copioſa redemptio , hæc ſuperabundans gratia , hæc divitiæ miſericordiæ toties in Scripturis decantatæ , toties promiſſæ ? dare videlicet auxilia tam ex natura ſua parca , tamque invalida , ut ab Orbe condito , ſpatioque ſex mille annorum inter tot hominum myriades non unus repertus ſit ; cui illa ad æternam vitam profuerint , nec deinceps ad mundi finem profutura ſint , quæque nemo petere , nemo optare poſſit ad æternam vitam conſequendam , quippe cùm acceperit , certiffimè periturus ? Vt ſilentio præteream , quod illi dicunt , hujusmodi ſufficientes gratias potentiam quidem agendi dare , ſed nunquam actum . Quis enim inter tot millia cauſarum , vel unicam cauſæ ſpeciem ſeu naturalem ſeu artiſticialem vidit , aut ſaltem narratam ab alijs audivit , cujus nullum unquam individuum in opus , ac finem ſpeciei , naturæque ſuæ congruum prodierit ? aliquem ignem , qui nunquam arſerit ? aliquam aquam , quæ nunquam madefecerit ? aliquam ſtellam , quæ nunquam luxerit , aliquod ſpeculum , quod nunquam Imaginem obiecti retulerit ? Planè tam nova hæc ſunt , tam inaudita ; ut nec dici debeant , cùm careant ratione , nec credi poſſint , cùm careant exemplo . Imò ſi aliquid in rerum natura eſſet , de quo dici tam inſolita ,

R

& pro-

& prodigiosa deberent, dici tamen de gratia non possent, quam talem esse oportet, ut. maximi beneficii rationem habeat; at beneficium non est, quod nemo optare, nemo petere, & à quo nemo sperare æternam salutem potest; quis enim speret nunquam facta, nunquam futura? Planè tale beneficium est, gratiam homini dare, quâ nemo unquam operatus est; quale est remedium dare, quo nullus ægrotus sanatus est, scutum dare, quo nullus aduersus hostem defensus est; cibum dare, quo nemo refectus est. Sed reliqua videamus.

Hæc ipsa, & effusissima Dei in homines bonitas non necessaria tantum, sed copiosa tribuentis ex aliis etiam Scripturæ, Patrumque testimoniiis ostendi potest, docentium: sæpe reprobis æqualia, aut etiam majora, quàm electis auxilia conferri; sicque quoddam illi damnentur, non defectui gratiæ, sed eorum malæ voluntati, & socordiæ adscribi. Id ex celebri illa Christi sententia manifestè patet, Judæis impœnitentiam exprobrantis Matth. 11. *Tunc cepit exprobrare Civitatibus, in quibus facta sunt quàm plurima virtutes, quod non egissent pœnitentiam: Væ tibi Bethsaida, væ tibi Corozaim, quia si in Tyro, & Sidone facta fuissent, quæ facta sunt in vobis, olim incilicio, & cinere egissent pœnitentiam; verumtamen dico vobis, Tyro, & Sidoni remissius erit in die iudicii, quàm vobis. Et tu Capharnaum usq; in infernum descendes; quia si in Sodomis facta fuissent virtutes, quæ facta sunt in te, fortè mansissent usq; in hanc diem; verumtamen dico vobis, quia terra Sodomorum remissius erit in die iudicii, quàm tibi.* Hic (si modò veritatem fateri ingenuè velis, removeasque alienas illas, tortasque interpretationes, quibus nihil tam clarè dicitur, quod obumbrari non possit) hic, inquam, apertissimè docet Christus, cum iisdem gratiis, quæ Judæis impœnitentibus datæ sunt, Tyrios, & Sidonios pœnitentiam facturos; sicque cum una, eademque gratia alium pœnitere, non pœnitere alium.

Neque cum Janzenio dicas, Christum loqui de parî gratia externa, non verò de parî interna: Id quippe absurdissimum est: Christus enim de illa gratia loquitur, cum qua fieri pœnitentia potest; at non potest cum sola externa; sicut non potest cum sola luce externa oculus videre, si careat interna facultate videndi: unde quàm non potest cæco imputari, quoddam magis impingat, cadatque, quàm ille, qui sanis oculis est; quia licet utriusque Sol luceat, unus tamen interna videndi facultate caret, alter non caret: ita non posset Judæis impœnitentia præ Sidoniis exprobrari, si utriusque æqualiter quidem Christi-

flus

stus prædicaret, æqualiter miracula ederet, sed non utriusque gratiam internam æqualiter daret, sine qua tam nihil prædicatio, & miracula profunt, quàm nihil surdo prodest optima, & dulcissima cantilena. Responderent ergo Christo Judæi: quid furdus fabulam canis? prius furditatem tolle, ut sublaturus es Sidonius, & tunc æquè, ac Sidonii prædicantem audiemus; nam si illis furditatem tollis, nobis non tollis, hoc est; si illis internam gratiam præbes, nobis non præbes, mirum non est, si nos non audimus, & audiunt illi? si nos non poenitemus, & poenitent illi. Deinde cùm dicit Janfenius: gratiam internam majorem Sidoniis, quàm Judæis à Deo paratam esse, licet auxilia externa paria essent; cùm, inquam, hoc dicit Janfenius, divinatorem potius, quàm Theologum agit: Interna enim, & occulta sciri nili per externa non possunt; alioquin si externa removeas, tam sciri nequit, quid Deus intra Judæorum, & Sidoniorum conscientias egerit, essetve acturus, quàm sciri non potest, quid in corpore humano agat anima, nisi vultu, colore, aliove signo prodente. A nobis, ergo, qui per externa tantùm de internis arbitramur, ita sentiendum est, ut credamus, illis plures, majoresque gratias internas datas esse, qui plures, & majores externas accepere, nam externa ad interna tanquam finem diriguntur. Sicut ergo, qui videt quàm plurimos remos adnotandæ Classi, aut quàm plurimas machinas expugnandæ Urbi à Principe parari, nullus dubitat, quamvis non videat, parem quoque Remigum, militumque numerum conductum iri, sine quibus nihil machinæ, remique proficerent; ita dicendum de Deo, cujus externa vocatio nulla esset, nisi jungeretur internæ, & ideo idem foret, non vocare, quàm sic vocare, nam ut optime notavit etiam Juris Consultus: *Nihil, & inutile paria esse dicuntur*. L. quoties ff. de Satisf. cogat. Observet Janfenius opera naturæ & gratiæ, videbitque externis organis, & instrumentis (nisi contrarium per accidens, extraque ordinem contingat) internas quoque vires, & potentias sociari. Plantæ non solum radices habent, sed etiam vim internam, & nutritivam, quæ alimentum trahant: avibus & alæ, & vis volandi: animalibus & oculus externus, & in speculo sensus videndi. At lapides, aliaque inanimata, sicut vitam non habent, ita nec organa, & instrumenta vivendi. Idem de gratia dicendum, nunquam videlicet gratiam, & vocationem externam sine interna esse. Quod tantò certius est, si & ordinem naturæ, & Officium Angeli tutelaribus attendas: Ordinem qui-

dem naturæ, quia cùm objecta externa sensum, sensus phantasiam; phantasia intellectum, intellectus voluntatem quodam nexu, ac serie causandi naturaliter moveant, fieri non potest, ut ex iis, quæ foris audiuntur, & spectantur, non proportionatæ, paræque illis externis in intellectu, & voluntate, ipsæque conscientia, cogitationes, cognitiones, trepidationes, aliiq̃ue motus, & affectus animi existant, quos nemo non experitur, quoties prodigiosi aliquid videt, auditq̃ue: Officium verò Angeli Tutelaris quod attinet, quis ausit negare, etiamsi ponas Judæorum tam stupidos, & saxeos fuisse animos, ut Christo cùm verbis, tum prodigiis divinitatem suam asserente nihil moverentur; quis, inquam, negare ausit, non id Custodem Angelum egisse, ut internis, piisq̃ue cogitationibus, illustrationibus, inspirationibus, ac præsertim flagello timoris illorum conscientias agitare, urgeretq̃ue ad credendum iis, quæ foris, tantaq̃ue coruscatione veritatis agebantur. Quòd si Christus de vocatione externa verissimè dixit Joan. 4. *Nisi ego venissem, & signa in eis fecissem, quæ nemo alius fecit, peccatum non haberent*: quantò magis, veriusq̃ue dicendum erit de vocatione interna, eos qui istà caruissent, non peccaturos; cùm, ut dixi, multò hæc magis ad credendum, quàm illa necessaria sit; sicut ad scribendum magis necessaria manus, quàm penna, & ideo magis etiam excusandus, qui non scribit, si careat manu, quàm si careat pennà, nam hujus defectus suppleri potest, illius non potest. Deniq̃ue nescio, an dici aliquid possit à Dei genio, ac dignitate magis alienum, quàm eum imitatione vanitatis humanæ pompam sui amoris foris tantùm expromere, ac instar Romani illius Cæsaris pictis tantùm convivii invitatos frustrari; cùm potius experiamur, in omnibus operibus suis plura, & majora intus condere, quàm in superficie forisq̃ue exponat. Compara, quæ in plantis, quæ in brutis, quæ in hominibus, quæ in Cælis, quæque in Sacramentis videntur, cum iis, quæ non videntur, & intelliges, verissimè à Propheta dictum: *quia Deus absconditus es*, hoc est, minimè ostentationis, pompæque amicum, ac instar Solis pretiosa quæque in fundo, occultoq̃ue elaborantis. Quantò ergo potiori jure id quoque de operibus gratiæ dicendum erit, quæ rationem beneficii, & hominis utilitatem pro fine habent; Deum videlicet vocando, dicendo, miracula patrando, non tantùm foris, verùm etiam, multoq̃ue magis inspirando, illustrando, excitandoq̃ue intus, & in anima operari; nam sine interna hac vocatione tam externa illa nihil

nihil prodesset, quàm evertendis mœnibus nihil machinæ bellicæ profunt, foris quidem, & aspectu terribiles, sed intus vacuæ. Potest quidem Deus dare, aut negare gratiam, cùm nemini debeat, sed si dat, dubium nullum est, talem dare, quæ juvare hominem possit, & quâ nisi utatur, exprobratione, pœnæque se dignum reddat; at talis non est sola gratia, & vocatio externa: nam ut frustra ligatum ad fugiendum invitas, viamque monstres, quâ exeat, & non exeuntem injustissimè accusas, nisi aut ipse solvas, aut saltem instrumenta solvendi offeras; ita frustra ad pœnitendum miraculis, & prædicatione Judæos Christus vocabat, frustra præ Sidoniis arguebat, si nihil in eorum cordibus per internam gratiam agebatur, quo solverentur. Aut ergo injusta exprobratio Judæorum præ Sidoniis fuit, aut si justa, non minùs per internam vocationem Judæi, quàm Sidonii ad exeundum, & pœnitendum adjuti, quod etiam eleganter S. Prosper magnus, & fidelissimus Augustini Discipulus iis verbis expressit lib. 2. de Vocat. Gent. cap. 26. *Gratia Dei in omnibus justificationibus principaliter præeminet, suadendo exhortationibus, terrendo periculis, incitando miraculis, dando intellectum, inspirando consilium, corq; ipsum illuminando, & fidei affectionibus imbuendo: quæ opitulatione per innumeros modos sive occultos, sive manifestos omnibus adhibetur: & quòd à multis refutatur, ipsorum est nequitia, quòd autem à multis recipitur, & gratia est divina, & voluntatis humana.* Ubi vides S. Prosperum de gratia internæ vocationis apertissimè loqui.

Dicunt alii, ideo Judæos præ Sidoniis objurgatos esse, quia pares Sidoniis quoad *gratiam sufficientem* erant, quâ poterant pœnitere; licèt impares essent quoad *gratiam efficacem*, & ad actum prædeterminantem, quæ solis Sidoniis destinabatur. Sed planè si affectus, & præventio absit, nemo non videt, quàm parùm hæc responsio ad rem præsentem faciat: Gratia enim sufficiens ad pœnitendum, quam illi statuunt, talis intrinsecè, & ex natura sua est, ut tantùm detur *ad posse*, non verò *ad agere*, & ideo, quàm actus secundus creatus necessariò, & essentialiter à causa prima, hoc est, à Deo pendet; tam necessariò præter gratiam sufficientem, quæ dat posse, requiritur gratia alia intrinsecè efficax, quæ det agere, sine qua, ut ipsi, ajunt, tam nequit actus secundus, & operatio esse, quàm nequit aliquid esse non dependens, non proveniens à Deo; & idè ab Orbo condito repertus est nemo, qui cum hac sola gratia sufficienti, quam illi

illi docent, adu, vereque pœnituerit. Quæ si ita sunt, sequitur, non posse Judæos præ Sidoniis objurgatione dignos constitui. Nam primò nemo paria ab ijs exigit, quibus paria non dedit; at Judæis, & Sidoniis paria non dantur; istis enim gratia sufficiens, & efficax datur, illis sufficiens tantum; quid ergo mirum est, minùs reddidisse, qui minùs acceperant, minùs vicisse minùs armatos? minùs navigasse, minùs vento adjutos? Si Princeps aliquis duos habeat belli Duces, quorum utrumque in bellum, & hostem mittat; sed primum manipulo tantum; alterum Phalange instructum: primus verò hostem non aggrediatur, ut poterat; alter aggrediatur, & fundat: primus quidem nec laudem nec præmium merebitur, imò potiùs pœnam, quia non fecit, quod poterat (suppono enim aggredi potuisse) Sed non propterea poteris exprobrare, quòd in tanta virium disparitate non æquè, ac secundus pugnauit, & vicit; nam ut quis *absolutè* arguatur, sufficit non fecisse, quod poterat: ut verò quis arguatur *comparatiuè* ad alium, necessaria est paritas virium, comparatio enim est æqualium, non inæqualium. Idem de Judæis, & Sidoniis dicas: isti Phalangem, illi manipulum acceperant, hoc est; Judæi gratiam sufficientem tantum (cujus ad efficacem minor proportio, quàm manipuli ad Phalangem est) Sidonii & sufficientem, & efficacem; quid ergo mirum est, tam disparem effectum secutum esse ex tam dispari causa? Quæ incommoda locum non habent in ea gratia sufficiente, quàm prædicamus: ea enim, cum ex natura sua, & copiosa & efficax sit, hoc est, virtutem producendi effectum de se habeat; nec ad posse tantum agere, verum etiam ad agendum tribuatur, & cum illa ipso facto quàm plurimi agant, egerintque; si contingat te non agere; non gratiæ defectus erit, sed voluntatis tuæ vitium. Nec refert, Deum prævidisse, cum illa te non acturum; prævisio enim nihil mutat naturam rei, causæque prævisæ: nec etiam tenebatur Deus, non dare eam gratiam, quàm prævidebat, te non usurum; sicut nec ideo tenebatur abstinere creando Soli, ac luci, quibus tamen quàm plurimos prævideat ad perniciem, & flagitia usuros. Accedit, moraliter saltem impossibile esse (ut nihil dicam de impossibilitate physica) cum sola gratia illa sufficienti pœnitere, quàm impugnamus: illud enim moraliter impossibile dicimus, quod tam difficile homini est, ut nunquam, aut rarissimè ab eo fiat: at cum gratia sufficiente, qualem illi statuunt, non tantum rarissimè, sed nunquam omnino factum, nec futurum est, ut quis pœniteat: at quod

quod moraliter est impossibile, quomodo exprobrari, imputarique Judæis, quomodo tam gravi pœna, quàm est æterna, puniri potuit? id planè perinde est, ac si aliquem tota die ludere aleâ jubeas, nec sub pœna capitis alium numerum, quàm senarium jacere, quod phylicè quidem possibile est (alioquin ne semel quidem eveniret) at moraliter impossibile. Quantò ergo minùs dicendum, præcipere Deum Judæis, ut cum sola sufficiens illa gratia pœniteant, æternùm perituri, nisi faciant; cùm tamen id eo genere impotentiae moralis impossibile sit, quâ major dari non potest, hoc est tale, ut nunquam, & à nullo homine, vel factum, vel futurum sit.

Hanc ipsam de auxiliis æqualibus sententiam, quibus alii cooperantur, alii verò non cooperantur, tradit quoque S. Augustinus de Civitate Dei *Lib. 12. cap. 6.* ubi quærit, cur pulchra mulieris facie duobus oblata æqualiter corpore, æqualiter animo, æqualiter tentatione perversa affectis, unus amor succumbat, alter obstat, maneatque pudicus; quærit, inquam, quæ ratio sit in causa tam pari tam disparis voluntatis? concluditque: non id dispari animo, dispari corporis temperamento, dispari tentationi (cùm omnia paria supponantur) sed dispari tantùm voluntati, pro suo arbitrio malum pro bono eligentis tribuendum. Quæ Augustini sententia, tam siue anxia disquisitio vanissima erit, nisi paritatem quoque auxiliorum ponas, alioquin facillimè responderi possit, ideo stetisse unum alio cadente, non quòd impares animo aut corpore, aut tentatione, sed quòd impares viribus essent, hoc est, unus minori, alter majori gratiâ fulciretur: cur ergo tam anxie, & per partes imparitatem quærit Augustinus, cùm illa in promptu sit? Si enim cessaret admiratio, & difficultas Augustini, posita aliqua corporis, animi, aut tentationis disparitate; quantò magis cessare debet posita inæqualitate gratiæ? Aut ergo Augustinus omnia etiam ex parte gratiæ æqualia supponit, aut si non supponit, vana est illius inquisitio, vana ratiocinatio. Sed ejus verba audiamus: *Si enim aliqui duo æqualiter affecti animo, & corpore videant unius corporis pulchritudinem, quâ vis à unus eorum ad illicitè perfruendum moveatur, alter in voluntate pudica stabilis perseveret, quid putamus esse causæ, ut in illo fiat, in illo non fiat voluntas mala: Neg. enim pulchritudo illa corporis, nam eam non fecit in ambobus: quandoquidem amborum non dispariliter occurrat aspectibus: an caro intuentis in causa est? cur non & illius? an verò animus? cur non utriusque? Ambos enim & animo, & corpore æqualiter affectos fuisse*

fuisse prædiximus . An dicendum est, alterum eorum occulta maligni spiritûs suggestionem tentatum, quasi non eidem suggestioni, & qualicumq; suasioni propria voluntate consenserit? Hanc igitur consensionem, hanc malam, quam malè suadenti adhibuit voluntatem, qua in eo res fecerit, quarimus . Nam ut hoc quoq; impedimentum ab ipsa questione tollatur, si eadem tentatione ambo tententur, & unus ei cedat, atq; consentiat: alter idem qui fuerat, perseveret: quid aliud apparet, nisi unum voluisse, alterum noluisse à castitate deficere? Idem Augustinus Lib. de Prædest. & Grat. cap. 15. quærens, quid causæ fuerit, ut Nabuchodonosor, non Pharaon Rex punientem Deum agnovit, respondet: id non ad Dei præscientiam referendum esse, non ad disparem causam, non ad conditionem, & dignitatem inæqualem, non ad defectum externæ, aut internæ vocationis, sed ad solum merumque arbitrium; quamvis enim deseruerit Deus Pharaonem, id iusto iudicio factum, Deo quidem permittente, ut pro sua libertate caderet, non ideo tamen ne caderet, gratiam, & auxilium subtrahente . Verba Augustini sunt. *An fortè si pè de Deo; sicut expedit, sentiamus; etiam Pharaoni datum misericordiam reperimus?* Patientia enim Dei valere ei debuit ad salutem, quâ differens iustum, meritumq; supplicium, miraculorum verbera densabat, Nunquid non potuit sicut flagellis cedens expulsi populum, ita miraculis credens Deum tanta virtutis agnoscere? Si dicitur, Pharaonem non potuisse mutari, quia eum præsciverat Deus non esse mutandum: respondetur: Dei præscientiam non cogere hominem, ut talis sit, qualem præscivit Deus, sed præscire talem futurum, qualis futurus est, quamvis enim non sic fecerit Deus . Existere nihilominus fortasse aliquem reor, qui dicat, minus idoneam ad salutem viam, si nulla intrinsecus vocatione pulsatus, tamen quispiam flagelletur . Unde Nabuchodonosor ergo pœnitentiam merui fructuosam: nonne post innumeras impietates flagellatus pœnituit, & Regnum, quod perdidit, rursum accepit? Pharaon autem ipsis flagellis est durior effectus, & periit. Hic mihi rationem reddat, qui divinum consilium nimium altum sapienti corde dijudicat; cur medicamentum unius Medici manu confectum, aliis ad interitum, alii valuerit ad salutem? Nisi quia Christi bonus odor, alii est odor vitæ in vitam, aliis odor mortis in mortem . Quantum ad naturam, ambo homines erant: quantum ad dignitatem, ambo Reges: quantum ad causam, ambo captivum Populum Dei possidebant: quantum ad pœnam, ambo flagellis clementer admoniti . Quid ergo

ergo fines eorum fecit esse diversos, nisi quod unus manum Dei sentiens; recordatione propria iniquitatis ingemuit: alter libero contra Dei misericordissimam veritatem pugnavit arbitrio? Ubi observa, ex ipso Sacro textu manifestum esse, Deum non solum externis prodigiis; verum etiam internis inspirationibus Pharaonis animum pulsasse: Cum enim Moses, & Aaron primo ingressu Dei mandatum exposuissent, & ille superbe, impieque respondisset: quis est Dominus, ne audiam vocem ejus, & dimittam Israël? Nescio Dominum, & Israël non dimittam. Postea tamen flagellis, & prodigiis fractus, & Deum agnovit, & peccatum suum confessus est: Misit, inquit, Pharaos, & vocavit Moysen, & Aaron dicens: peccavi etiam nunc: Dominus justus est, ego & populus meus impii. Hæc verò agnitio Dei sine gratia interna fieri non potuit, & ideo optime argumentatur Augustinus: nunquid non potuit sicut flagellis cedens expulit Populum; ita miraculis credens, Deum tantæ virtutis agnoscere?

Hanc quoque æqualitatem auxiliorum agnovit S. Thomas in cap. 8. ad Rom. Lect. 3. ubi: *Hæc vocatio est efficax in predestinatis, quia hujusmodi vocationi assentiunt. Disparitas ergo non semper ex gratia, sed ex voluntate est; quod etiam Dominicus Soto insignis S. Thomæ Discipulus his verbis explicavit Lib. de Natur. & Grat. cap. 15. In adultis reddenda est proxima causa, cur cum duos æquè sit Deus paratissimus convertere, presentissimâq; utrumq; misericordiâ adspiret, hunc trahat, illum non trahat, quæ revera reddi non potest, nisi quòd alter præbeat assensum, & cooperetur, alter verò minime. Vides hic à Soto supponi, Deum ex parte sua æquè ad utroq; convertendos paratissimum esse, quod dici non potest, nisi utrique parem gratiam adspiret. Quòd verò non uterq; trahatur, id esse, non quòd Deus non æqualiter juvet, sed quòd homo non æqualiter velit. Idemq; S. Doctor 3. p. q. 69. a. 8. ad 2. In baptizatis quòd major, vel minor gratia appareat, potest dupliciter contingere: uno modo, quia unus in Baptismo percipit minorem gratiam, quàm alius propter devotionem majorem. Alio modo, quia etiamsi æqualem gratiam percipiant; non æqualiter eâ utuntur, sed unus studiosius in ea proficit, alius per negligentiam gratiæ Dei deest. Ubi nota, D. Doctorem non loqui tantum de gratia habituali, verum etiam de actuali, quæ per Sacramenta non minus, ac habitualis æqualiter dispositis, æqualiter confertur, ut idem docet q. 62. a. 2. Deinde illa verba: non æqualiter eâ utuntur, sed alius gratiæ Dei deest, significant gratiam actualem, quæ sola dat.*

usum, & actualem influxum; & ideo ei soli dicimur *deesse*, sicut qui Soli oculos claudit, ne videat, non dicitur *deesse* oculo, aut facultati visivæ, quæ dat potentiam videndi; sed dicitur *deesse* Soli, ac luci, quibus ad actualem visionem excitatur.

Imò idem Angelicus clarissimè tradit, non solum æquali, verum etiam majori gratiâ internâ à Deo instructum vocationi subinde non respondere, ac consensum negare: Docet enim 1. p. q. 62. a. 6. & q. 63. a. 7. Angelos gratiam, quâ converterentur ad Deum, consecutos esse juxta mensuram perfectionum naturalium, sicque Luciferi quippe omnium perfectissimo maximam quoque ante alios gratiam contigisse. Verba S. Doctoris sunt: *Dicendum quod secundum gradum naturalium Angelis data sint dona gratiarum, & perfectio beatitudinis, ut puta si edificator lapides polit ad construendam domum, ex hoc ipso, quod aliquos pulchrius, & decentius aptat, videtur eos ad honoratiorem partem domus ordinare: Sic igitur videtur, quod Deus Angelos, quos altioris naturæ fecit, ad maiora gratiarum dona, & ampliorem beatitudinem ordinaverit. Et idem apparet ex parte ipsius Angeli: Non enim Angelus est compositus ex diversis naturis, ut inclinatio unius naturæ impetum alterius impediatur, aut retardetur, sicut in homine accidit. Quando autem non est aliquid, quod retardet, aut impediatur, natura in id secundum totam suam virtutem movetur; & ideo rationabile est, quod Angeli, qui meliorem naturam habuerunt, & fortius, & efficacius ad Deum sint conversi, quia secundum intensiorem conversionis in Deum datur major gratia, & gloria. Unde videtur, quod Angeli, qui habuerunt meliora naturalia, habuerunt plus de gratia, & gloria. . . . Fuit autem Demonum peccatum superbia, cujus motivum est excellentia, quæ fuit major in superioribus Angelis, & ideo dicit Gregorius, quod ille, qui peccavit, fuit superior inter omnes, dum enim cunctis agminibus Angelorum prelatum eorum claritatem transcendere, ex eorum comparatione elatior fuit. Et hoc videtur probabilius; quia peccatum Angeli non processit ex aliqua pronitate, sed ex solo libero arbitrio, unde magis videtur consideranda esse ratio, quæ sumitur à motivo excellentiæ ad peccandum. Eademque opinio est Magistri Sententiarum in 3. Distinct. 2. ubi: Angeli, qui naturâ magis subtiles, & sapientiâ amplius perspicaces creati sunt, hi etiam majoribus gratiæ muneribus præditi sunt. Et nota verba Angelici Doctoris, non solum de gratia habituali, verum etiam actuali intelligenda esse: Dicit enim: Angelos, qui meliorem*

liorem naturam habuerunt, fortius, & efficacius ad Deum conversos esse; ac hæc fortior & efficacior conversio opus est gratiæ actualis, ut taceam, gratias actuales proprietates esse habituales, & ideo majori habituali majores quoque actuales debentur, nisi obicem ponas; at Lucifer ante peccatum nullum obicem posuit, unde sequitur, si majorem habitualement habuit, majorem quoque actualement habuisse.

Idem S. Thomas 1. 2. q. 106. a. 2. ad 2. cum præmisset: *etiam littera Evangelii occideret, nisi adesset interius gratia fidei sanans, adiungit: Si quis post acceptam gratiam novi Testamenti peccaverit, majori pœnâ dignus est tanquam majoribus beneficiis ingratus, & auxilio sibi dato non utens. Nec tamen propter hoc dicitur, quod Lex nova iram operatur, quia quantum est de se, sufficiens auxilium dat ad non peccandum.* Si, ut ait S. Doctor, peccans post acceptam gratiam novi Testamenti majori pœnâ dignus est; tanquam majoribus beneficiis ingratus, sequitur, multos cum majori gratia tam interna, quam externa (nam sola externa beneficium dici non potest, cum juxta S. Doctorem *ad litteram occidentem* pertineat) in novo Testamento gravius peccare, quam peccaverint alij cum minori gratia in Testamento antiquo; sicque cum majori gratia peccare aliquos, cum tamen alij cum minori, aut non peccent, aut saltem non tam graviter peccent.

Id etiam videtur apertissimè Christus insinuasse, cum Matth. 12. dixit: *Viri Ninivita surgent in judicio cum generatione ista, & condemnabunt eam, quia penitentiam egerunt in predicatione Jonæ: & ecce plus quam Jonas hic. Regina Austri surget cum generatione ista, & condemnabit eam, quia venit de finibus terre audire sapientiam Salamonis, & ecce plus quam Salamon hic.* Hic docet Christus, Judæos majoribus beneficiis, & gratius donatos, quam Ninivitas, Austrique Reginam fuisse, & tamen Judæos non credidisse, cum Ninivitis, & Regina Jonæ, ac Salamonem crediderint tantò Christo minoribus, & ideo Judæos à Ninivitis condemnatum iri. Neque hic iterum opponas, hæc Christi verba de gratia externa, non interna intelligenda esse, nam ut jam dicta omittam, Christus loquitur de majore beneficio Judæis quam Ninivitis præstito, & de quo præ Ninivitis ad credendum, & pœnitendum moveri debuerant; at gratia externa, nisi internæ respondeat, majus beneficium dici non potest, nec ad magis credendum, ac pœnitendum sufficit, cum, ut suprà ex S. Thoma notavimus, gratia externa sine interna ad litteram occidentem pertineat.

neat. Planè desiperet Medicus, qui crederet, se majus beneficium vulnerato præstitisse; quod non validiori ad sanitatem, sed pulchriori ad speciem, aut majori emplastro plagas obduxisset. Ipse quoq; Seraphicus Doctor de hac ipsa æqualitate gratiarum ita loquitur Distinct. 16. p. 2. a. 2. q. 1. *Ex æquali gratia aliquando magis fervens elicitur motus, aliquando minus, secundum cooperationem liberi arbitrii.* Nec verò mirari oportet, cum fortiori, aut æquali gratia alium dissentire, alio consensum dante: cùm enim nulla gratia tam valida sit, cui dissentire non possis; quid mirum est, aliquando dissentiri, hoc est aliquando fieri, quod semper fieri potest? Imò potius mirandum esset, si quod fieri potest, fieret nunquam. Sed jam alia videamus.

V. Hac ipsa effusissima in homines bonitas ex iis etiam arguitur, quæ in bruta animantia, omnesque etiam insensibiles creaturas videmus à Deo quotidie conferri: Quod enim brutum tam vile, cui non omnia ad vitam necessaria, imò etiam commoda pro singulorum natura non copiosè suppetant? Arbori datæ radices, quibus alimentum rapiat, fibræ, quibus transmittat, folia, quibus protegatur, flores, quibus ornetur, pluvix, rores, lucis, umbræque vicissitudo, quibus nunc frigore, nunc calore, iustâ, æqualique temperie foveatur. Quid dicam, singulas ferè stellas singulis arboribus propitias? aliæ siquidem crescente, aliæ cadente Lunâ proficiunt: aliæ Martem, aliæ Venerem, aliæ Cancrum, aliæ Taurum amant; Vites, & oleæ Virgiliarum exortu concipiunt, Solstitio florent. Quid ventos maturandis fructibus paratos? aliæ enim Aquilonibus, aliæ Favoniis germinant. Quid nives tegendis, fovendisque seminibus lanæ instar hyeme injectas? Quod si arborum aliqua ultra solita, & communia naturæ beneficia, peculiaribus prædiis indigeant, quando ista defuere? Sic vitibus, quia Sole, & aprico gaudent, ne calore nimio læderentur, dati adversus æstum largissimi pampini. Tritico, ne à vermibus, qui à terra proveniunt, infestaretur, dati longiores calami, quibus in altum, terræque procul injuriam fugerent. Rosæ spinis armatæ, ne passim, impuneque carpantur. Lillia, quæ flore prægrandi, multoque onusta, crassioribus caulibus, thyrsisque imposita, ne oneri cedant. Terra quia naturæ siccæ, solidæque; tot fontibus, tot fluviis, pluviisque rigata: & ne displiceat nuditate, aut homini vilescat, quippe infimum elementum, tot florum illecebris vestita, tot preciosis metallis, & gemmis impleta, quodque mirissimum est, tam gravis, ingensque moles, cui sustinendæ non Alpes,

non

non Apennini, non omnium columnarum fulcimenta, licèt ære, aut adamante compacta sufficiant; ita vno puncto, seu centro libratur; ut licèt in medio aëre suspensa, licèt tot hominum, pecudum, ædificiorum, Urbium, Montiumque oneribus prægravata in nullam partem inclinet, sed immota, inconcussa perduret; cumque levissimam pilam ne uno quidem momento aër sustineat, sustinet tamen jam sexies mille annis Orbem Terrarum semper pendulum, nunquam caducum, succollante Dei Providentiâ. Denique nihil non copiosè, & affatim in fines ususque suos instructum. Eadem in corpus humanum naturæ benignitas, quod tot membris, tot fibris, tot nervis, tot visceribus, tot humoribus, tot venis distinxit, ut ei non solum ad necessaria, sed etiam ad jucundè, commodoque operandum nihil penitus desit. Dati oculi, ne impingeret; pedes, ne caderet, manus, ne torperet, os, dentes, stomachus, ne inediâ consumeretur: comæ ad ornatum, genæ & facies ad venustatem, vox, quæ non tantum animi arcana transfunderet, verum etiam audientes cantu mulceret. Taceo mille alia divinæ Providentiæ in animantes miracula, in quibus nihil desideres, quod deceat, quod conducatur, quod prosit, quodque immensam Creatoris beneficentiam non mille argumentis prodatur. Quis ergo, nisi planè desipiat, suspicari possit, in omnes creaturas tam copiosum, tam splendidum, in solos homines tam parcum, modicumque fuisse, ut eis, quæ ad animæ salutem necessaria sunt, aut subtrahat, aut tam inclementer, avareque suppeditet, ut difficilimè, ægerrimeque consequi eam possint. Magis ergo bruta animantia, imò creaturas inanimates diligat, quàm animas immortales, sui que imagine impressas, & cœlesti Regni hæredes? Magis plantis providebit, quàm filiis? magis curabit, quæ in obsequium, & famulatum hominis condita sunt, quàm hominem ipsum creaturarum omnium finem, mundi que Principem? Planè id nihil aliud foret, quàm nobilissimam Dei perfectionem, quæ amor est, penitus deformare, & inordinatissimam reddere, quippe qui minimis rebus maximam curam, in maximis verò minimam impendat, sicque contra leges justæ charitatis vilissimam impensè diligat, pretiosissima verò, qualia animæ sunt, aut omnino negligat, aut cordi non habeat puerorum videlicet amores imitatus, qui rerum ignari, potum præ auro, vitrum præ margaritis eligunt, chariusque habent. Cumque, ut dixi, homo sit sublunarium creaturarum finis, creaturæ verò sint media in commodum, obsequiumque hominis creata,

ut

ut eum videlicet aut vestiant, aut pascant, aut oblectent, aut medeantur, aut hospitio recipiant, si Deus, inquam, minùs homini, quàm aliis creaturis provideat, planè inconsultissimum facies, quippe qui media fini præponat, perindeque agat, ac si opulentissimus Princeps splendidissimam Filio domum adornet, familiam pretiosa veste, penuriam electissimis cibus, Aulas supellectile Regia instruat, Filio interim Regni hærede, omniumque Domino gelu algente, seminudo, & vix famem tolerante. Quæ si tam absurda sunt, ut in nullum hominem cadant, quantò minùs cadent in Deum? aut ergo Deus talis non est, qualem nobis & Scripturæ, & ratio depingunt; aut si talis est, non minùs in homines, quàm in alia benignus, quæ homini serviunt.

VI. Huc etiam spectant, quæ Deus corpori, vitæque temporali degendæ tam largè, affluenterque providit, ut omnem planè admirationem vincant, & ex iis faciliè colligas, quid de anima sentiendum sit, tantò corpore præstantiori, quantò Rex suo palatio, artifex suis instrumentis præstantior est. Ergo corpori vestiendo, ornandoque quot in avibus plumæ, in piscibus purpuræ, in pecudibus pelles, in vermibus serica, in mari uniones, in montibus metalla, gemmæque parata? Quotque flores, herbæque in remedia morborum? quot liquores siti, quot escæ fami delendæ per Elementa dispersæ? quid de illis dicam, quæ tanto numero, tanta varietate, non ad necessitatem, sed ad delicias homini data? quot colores oblectandis oculis, quot soni demulcendis auribus? quot artes fallendo temporari inventæ? Et hæc omnia aded in univèrsùm genus humanum effusa, ut nullam toto orbe nationem reperiās tam barbaram, tam incultam, tam à vera Religione alienam, cui non remedia, non vestes, non cibi, non tecta, non omnia denique fovendo corpori necessaria natura impensè providerit. Audi Senecam in hoc ipsum argumentum ita differentem lib. 4. de Beneficiis: *Tot arbuscula non uno modo frugifera: tot varietates ciborum per totum annum digestæ: iam animalia omnis generis, alia in sicco, solidoque, alia in humido nascentia, alia per sublimè demissa, ut omnis rerum natura pars tributum aliquod nobis conferret. Unde istum, quem trahis spiritum? unde istum, per quem actus vitæ tue disponis, atque ordinas lucem? unde sanguinem, cuius cursu vitalis calor continetur? unde istud palatum tuum saporibus exquisitis lacessentia? Neque enim necessitatibus tantummodo nostris provisum est, utque in delicias amamur.* Si ergo quæ ad conservandum, recreandum-

dumque corpus necessaria sunt, desiderari Deus à nullo mortalium voluit; quantò minùs id de Animabus voluisse dicendus erit? Quid enim aliud est corpus, quàm Animæ instrumentum? Si ergo adorando instrumento tantà curà laboratum est, quantò magis laboratum fuerit, ne quid deesset artificii? alioquin quid pingendæ imagini prosint exquisitissimi colores, cæco, & manco Piclore? aut conficiendo bello acutissimi, & limatissimi gladii, laguente, invalidoque milite? Cùm ergo Deus animas hominum æternæ felicitati condiderit, in eumque finem corpori velut Instrumento adstrinxerit, planè studium instrumento impensum manifestissimo argumento est, multò magis curatum esse, ne quid ad hunc finem obtinendum artificii, hoc est, animæ deesset.

VII. Accedit, nihil causis maximè intellectualibus tam naturale, insitumque esse, quàm ut opera, quæ ab ipsis procedunt, commendatissima habeant, tantoque magis, quantò illa nobiliora sunt, pretiique majoris. Si quis peregrinum florem in horto domestico manu sua consevit, aut vivacissimis coloribus, summaque arte imaginem adumbravit, aut ingenti studio poemata confecit, quàm anxie, quantaque curà laborat, ne pereant, ne grandine, ne pulvere, alioque casu corrumpantur? Ita Cæsar Commentarios, quos nocturnis horis elucubravit, ne Naufragus quidem, ac hoste persequente dimisit. Ita Parrhasius domo incendio conflagrante, nihil aliud, quàm Adonidem suum servari optabat. Ita res quoque sensu carentes, arbores exempli causâ, poma à se producta & sinu ferunt, & succo alunt, & foliis, tunicisque corticum vestiunt, & non priùs dimittunt, carpique patiuntur, quàm jam matura, suisque numeris absoluta. Quid ergo de Deo dicemus, inter cujus opera nihil pulchrius, nihilque præstantius animâ humanâ, & immortalî, in qua divinitatis imago velut in tersissima crystallo non sculpta, non picta, non opere plumario intexta, sed naturaliter ingenita efflorescit; hoc, inquam, tam regium opus, nulloque pretio æstimabile, Deus non cordi habeat, impeniseque custodiat?

VIII. Sed præsertim hæc ratio convincit, quòd in hominis structura, non peritissimi tantùm Conditoris & Artificis, verum etiam amantissimi Patris officium, ac partes sustineat Deus: cùm enim carnalis pater modicam tantùm sanguinis sui portionem corpori formando præstet, circa animam verò nihil penitus agat, solus est Deus, qui paterni sanguinis indigestam massam elaborat, distinguit, & in

tot

tot organa, perfectumque corpus componit, idque multò nobiliori ratione, quàm Sculptor ex rudi marmore statuam, aut Pictor in nuda, rarsaque tabula pulcherimam Helenam singat. Quantò ergo iustiori titulo statuarium, & Pictorem dicimus, non qui laxum, & tabulam dedit, sed qui eam sculpsit, pinxitque; ita longè magis pater vocandus est, qui corpus humanum tam stupendo opere ex paucis humani sanguinis guttis confecit, quàm qui guttas ipsas suggessit. Animam verò quod attinet, præcipuam videlicet hominis partem, ea solius Dei opus, & specimen est, ut proinde sive corpus, sive Animam species; nemo ita hominis pater, ut Deus est. Cum ergo tantam videamus esse hominum in suas proles charitatem, tamque iis alendis, educandis, custodiendis, augendisque sollicitudinem, tantam quoque in eos clementiam, si erratorum pœnituerint, sinumque paternum repetierint; quis hæc ipsa non multò magis in Deo agnoscat omnium Patrum maximo, & præstantissimo; Ille, qui amorem filiorum omnium hominum, imò omnium Leonum, Tigridumque animis impressit, ille, inquam, filios suos non amavit? aut si amavit, non ferè, non officiosè, non efficaciter; sed vel simulatè, vel perfunctoriè tantum? Sicque in illo amoris affectu, quo nullus innocentior, nullus iustior, vinci se ab hominibus, imò à brutis, & serpentibus feret? Planè tam hæc sunt Deo indigna, ut ne cogitari de illo quidem sine scelere possint. Ergo si Deus omnium Pater, imò si magis Pater, quàm reliqui hominum; sequitur, ut omnes ferè, officiosè, & efficaciter diligat: & si diligit, ut omnibus affatim, copiosèque provideat; nec enim pater esse potest, nisi vehementer diligat, nec vehementer diligere, nisi vehementer quoque provideat, & curet. Aut ergo pater non est, aut si est, non utcumque, non perfunctoriè, sed flagrantissimè amat.

IX. Sed nihil æquè hunc Dei in homines beneficentissimum amorem, ut opus Redemptionis ostendit: Si enim amantis est, amato uniri, eique similem fieri, quæ major unio, non dico reperiri; sed vel cogitari illà potuit, quæ cum divina, humanaque natura intercessit, quæque in Sacra Eucharistia singulis Fidelium offertur? adè ut caro, sanguis, & Divinitas Redemptoris, carni, sanguini, naturæque hominis fidelis verè misceatur: atque ut hanc ipsam Unionem Deus operi manciparet, quot miraculis, quot prodigiis actum? Deinde: quæ major similitudo effingi potuit, quàm ut Deus deposita, aut potiùs velatà Majestate, non solum naturam, verùm etiam mi-

ferias

serias, inopiam, labores, lacrimas, ipsamque hominis mortalitatem indueret? Planè tanta hæc fuit, tamque prodigiosa similitudo, ut neque re ipsa parem unquam habuerit, nec etiam omnibus Poëtarum mendacii fingi par aliqua potuerit: nam quodd Achilles, & Hercules Amicarum gratiâ positis armis togam, & colum, ornatumque muliebrem induisse fingantur, quid rogo id est, si cum Mysterio Incarnationis componas? Quantò enim major inter Deum, & hominem, inter naturam, & tunicam distantia, tantò major quoque magisque stupenda Dei cum homine conjunctio: quid Achilles, & Hercules ad Deum? quid palla muliebris auro, gemmisque intexta ad ipsam, veramque hominis naturam? Quid aliquorum dierum scena, & ludus (nec enim Achilles, & Hercules semper sæminam egerunt) ad perpetuam, & hypostaticam Unionem? quanquam nec mirum est, plùs fecisse Deum, quàm Poëtæ fabulari potuerint; cùm istorum fingendi facultas finita sit, infinita verò potentia, & dilectio Dei. Quem ergo majorem amorem, & similitudinem cum amato illà velis, quam nec fingendo, nec mentiendo quidem assequi ullus hominum potuit? Rursus si certissimum amoris argumentum est pati, quis magis, aut plura passus est, quàm Deus pro homine? poterat enim vel uno suspirio, unàque lacrimà, imò vel unico verbo homines redimere, sed ut amorem, & misericordiam suam testaretur, neque magnitudine scelerum spem veniæ deponerent, voluit ea ferre, quæ omnem necessitatem, omnemque modum, & exemplum superarent: voluit, inquam, mari, quod potuit guttâ; voluit non sufficere charitati, quod sufficiebat Redemptioni; voluit totus in nostros usus expendi. Utque B. Thomas Villanovanus eleganter exclamat: *Dilexisti me Domine supra modum, dilexisti me sine modo. Et qui omnia in numero, pondere, & mensura fecisti, in me diligendo omnem modum, pondus, & mensuram excessisti.* Et tamen post tot amoris argumenta, & pignora, quæris adhuc anxius, & disputas, ac velut de re incerta, & nuper ex Indiis audita, frigide interrogas, an verum sit, Deum amare? perinde ac si quis algens, geluque confectus, post quàm diu igni assedit, & calore refectus est, circumstantes per otium interroget: an verum sit, quod Aristoteles, & Philosophi passim testantur, ignem calidum esse? quid ex Philosophis, & Theologis quæris? te ipsum, & beneficia toties, ac tanti pretii accepta, ac sanguinem pro te venis omnibus sparsum interro-

ga, & ista quovis Philosopho, & Theologo melius, certiusque testimonium amoris in homines dabunt. Quid enim est serid, & effidini amare, si illud non fuit? aut quæ tu dabis veri amoris paria exempla? Planè aut nemo unquam serid amavit, aut amavit Deus. Postquam verò, ut amorem suum hominibus probaret, etiam in eorum pretium Unigenitum dedit; optimè insert Apostolus: *Quomodo non cum illo omnia nobis donavit?* Quasi dicat, quid negabit Deus petenti, postquam etiam non petenti Unigenitum sponte donavit? qui plantam integram dedit, negabit pomum? qui thesaurum profudit, circa micam rixabitur? Et planè quid sunt omnia bona, & beneficia creata, si cum Dei Filio comparentur, quàm micæ, & guttæ? ergo guttam non dabit, qui dedit mare? hoc est, non dabit gratiam, qui dedit Filium? Planè aut ratio, & Apostolus fallunt; aut Deus donato Filio negare nihil amplius potest.

X. Et denique id ipsum experienciâ constat: Quis enim gratias, & adminicula numeret quibus Ecclesia abundat, Christianis partim sanctificandis, partim expiandis, partim in accepta gratia conservandis, sicque ad æternam vitam promovendis. Quot Sacramenta? quot libri, quot Tempia, quot exempla, quot Sacrificia, quot conciones, quot catecheses, quot Sacerdotes, quot Missionarii, quot Indulgentiæ, quot Collegia utriusque sexûs vel tuendæ, vel recuperandæ innocentie? quot Religiosorum cohortes juvandis peccatoribus promptæ? Denique mille modi, mille artes repertæ, quibus & sanis, & infirmis, & morientibus subveniretur, tantâ copiâ, tantâ varietate, tantaque illecebrâ, & condimento pietatis, ut serè mirum sit, inter tot præsidia, & blandimenta virtutum perire aliquem posse; *Heu quot sunt ad salutem viæ*, exclamat Chrysostomus; & Augustinus in Psalm. 102. *vocat undiq, ad correctionem, vocat undiq, ad penitentiam, vocat beneficiis, vocat per Lectorem, vocat per tractatorem, vocat per intimam cogitationem, vocat per flagellum correptionis, vocat per misericordiam consolationis*. Et Propheta legis Evangelicæ felicitatem depingens Isa. 35. *scissæ sunt, inquit, in deserto aqua, & torrentes in solitudine; & quæ erat arida, erit in stagnum, & sitiens in fontes aquarum: in cubilibus, in quibus prius dracones habitabant, prietur viror calami, & junci: & erit ibi semita, & via, & via sancta vocabitur, & hac eris vobis directâ via, ita ut stulti non errant per eam*. Planè si vel centesimam eorum partem Christiani faciant, ne pereant, quæ faciunt, ut pereant; nemo illorum beatus non esset, ut meri-

merito scripserit eloquentissimus Salvianus lib. 3. ad Eccl. *O Caccitas, ô infamia! quanto studio infelicissimi hominum id efficitur, ut miserimi in aternitate sitis, quod minore cura, minore ambitu id vobis prestare potuistis, ut semper beati esse possitis.* Quod si Christianorum aliquem etiam perditissimum interrogas, an expertus ipse non fuerit mille Dei beneficia, mille gratias, mille internas, externasque inspirationes, occasiones poenitendi? fatebitur. Si porro urgeas: an ingenuè, bonaque fide dicere possit, Deum sibi defuisse, seque iustam de illo conquerendi causam habere? negabit: idem secundus, idem tertius, idem quartus, idem alii, omnesque respondebunt. Si ergo nemo in Cœlo, nemo in terra, nemo in inferno repertus, qui causam suæ damnationis adscripserit Deo, qui gratiam accusaverit; cur ergo nos quoque non omnium testimonio, non experimentis, non oculis, & conscientię proprię credimus, sed vanis cavillationibus circa fontes Nili rixamur, nodumque in scirpo querimus, hoc est, ea insequimur, quę inveniri non possunt, ea omittimus, quę in oculis, & manibus sunt? Constat, Deum posse; constat, Deum velle; constat, Deum dare; constat, Deum usque ad sanguinem, & mortem tibi sanando laborasse; constat, te sanitatem, ac remedia nolle; & adhuc causam tuę perditionis queris, gratiamque incusas? quasi omnibus contentionibus nostris fieri possit, ut vera non sit illa Prophetę sententia: *Perditio tua ex te Israël, ex me tantum auxilium inum.* Duo sunt ergo hominis fines: perire, & salvari, hoc debemus Deo, illud nobis.

XI. Quę omnia licet in Christianis maximè appareant, in ceteris quoque mortalium quamvis infidelibus, & barbaris suo modo intelligenda sunt: Si enim Milvi, Ciconiæ, hirundines Ægyptum, & plagas suas, viasque nörunt, quibus mari transmisso hyeme protequantur; si apes suos flores, Aquilę suum Solem, magnes suam Stellam, Cervi, Graculi, Merulę, Ursi dictamnum, laurum, Mandragoras, herbasque alias medicas, quarum gustatu sanentur: si omnia flumina suum mare, omnia Elementa suum centrum agnoscunt, quod nemine docente rapiuntur, & in quo denique quiescunt, quis credat, tot hominum myriadas esse, qui Deum, finemque suum, & media ad illum perveniendi nesciant; sicque brutis, & saxis stupidiore, quod nullum istorum latet, ipsi tanto numero, tantoque tempore ignorent? Si nulla Natio tam remota, tam barbara, cui non Sol, non Stellę, pluvię, non omnia ad vitam corporis necessaria suppe-

tant, quis credat necessaria ad vitam animæ defutura? Si omnibus iis Angelus tutelaribus datus, quis credat, hunc cessaturum ea suggerere, sine quibus salvi esse non possint? Si pro illis quoque & passus, & mortuus est Christus, qui credat, non iis & illa omnia daturum, sine quibus frustra sanguinem, & vitam dedisset? Nemo tam imperitus, qui visa pulcherrima domo, non continuè intelligat, fuisse aliquem Architectum, qui struxit. Nemo, qui procul audito dulcissimo, & ordinatissimo cantu, ac voce, & fidibus mixto, non cogitet, esse aliquem Musicum, vocis, sonique authorem, visoque corpore, quod moveatur, quod loquitur, persuasum non habeat, illud vivere, animoque constare, quamvis nec vitam, nec animum, nec Musicum, nec Architectum videat. Ita omnino sentiendum est, nullum in Europa, nullum in Asia, nullum in Africa, Americaque hominem esse, qui viso pulcherrimo hoc Mundi opere, non quodam naturali instinctu ad Opificem cognoscendum, amandum, colendumque moveatur? Aut si fingas, contra quàm in brutis experimur, tantum hominis naturam, & rationem non posse; quis dubitet, Angelum singulis datum, ipsumque Conditorum, ut in aliis rebus, ita in hac quoque tam necessaria defectum naturæ suppleturum? Audi Augustinum in Psalm. 77. *Corpus tuum videtur, anima tua non videtur: unde scis quia vivit, cujus animam non vides? unde scis, inquam? respondebis; quia loquitur, quia ambulat, quia operatur. Stulte ex operibus corporis agnoscis animam viventem; & ex operibus creatura non potes agnoscere Creatorem?* Rursus: Sicut ex illo principio omnibus naturaliter impressio: *vitam conservandam esse*, nemo non intelligit, esse comedendum, esse bibendum, manum opponendam, & perpendendam esse, ferro capiti imminente, idque citra discursum, nulloque Magistro: ita ex illa, primaque regula omnium honestarum actionum, quamquam natura nullum non docuit, videlicet: *quod tibi non vis fieri, alteri ne feceris*, nemo non agnoscit parentes, & Magistratus observandos; homicidia sine justa causa, forta, adulteria vitanda; quæ si contra naturæ, ac rationis imperium fiant, etiam nullo teste, nulloque vindice, mox apud Barbaros quoque conscientie flagella, timores, oculique carnifices; *nullum enim scelus, licet illud fortuna exornet, munusculis suis impunitum est, quoniam sceleris in scelere supplicium est*, inquit, Seneca Epist. 98. Denique, sicut inter tot hominum millia nemo fuit, qui totam vitam dormiendo egerit, nunquam experrectus; ita multoque minus repertus aliquis, qui

qui Deum, & ad salutem necessaria semper ignoraverit; hoc enim est animæ ignorantia, quod corpori somnus, nec hic esse perpetuus, nec illa potest.

Id ipsum ex Sacris Litteris ostendi potest: nam ad Rom. 1. ita de Gentilibus loquitur Apostolus: *Quod enim notum est Dei, manifestum est in illis, Deus enim illis manifestavit; invisibilia enim ipsius à creatura Mundi per ea, quæ facta sunt, conspiciuntur; sempiterna quoque eius virtus, & Divinitas, ita ut sint inexcusabiles, quia cum cognovissent Deum, non sicut Deum glorificaverunt, aut gratias egerunt.* In quæ verba Doctor Angelicus: *Considerandum est, inquit, quod Deus homini dupliciter aliquid manifestat: uno modo infundendo lumen interius, per quod homo cognoscit: altero modo proponendo sapientiæ suæ signa externa, videlicet sensibiles creaturas: sic ergo Deus homini manifestatur.* Et Sap. 13. *A magnitudine speciei, & creaturæ, cognoscibiliter poterat Creator earum videri.* In quæ verba S. Agustinus lib. 10. Confess. *Percussisti cor meum verbo tuo, & amavi te: Sed & Cælum, & Terra, & omnia quæ in eis sunt undique mihi dicunt, ut te amen, nec cessant dicere omnibus ut sint inexcusabiles.* Et Serm. 143. de Temp. *Revelatur ira Dei super omnem impietatem. Quid est super omnem? non solum super Judæos qui Dei Legem acceperunt; verum etiam super impietatem Gentium, quoniam quod notum est Dei, manifestum est illis. Unde manifestum? adhuc audi: Deus illis manifestavit. Si quæris, quomodo manifestavit, quibus legem non dedit? audi quomodo: invisibilia enim eius à constitutione Mundi per ea, quæ facta sunt, intellectu conspiciuntur. Quare ergo inexcusabiles? quia cognoscentes Deum, non sicut Deum glorificaverunt. Non dicit, nescientes Deum, sed cognoscentes. Unde cognoscentes? ex his, quæ fecit. Interroga pulchritudinem terræ, interroga pulchritudinem Maris, interroga pulchritudinem dilatati, & diffusi aeris; interroga pulchritudinem cæli; interroga ordinem Siderum; interroga Solem; interroga Lunam; interroga ista, respondent tibi omnia: ecce pulchra sumus: pulchritudo eorum, confessio eorum est. Ista pulchra mutabilia quis fecit, nisi incommutabilis pulcher in se ipso? Et S. Prosper lib. 2. de Vocat. Gent. cap. 1. *Quod est testimonium, quod semper Domino deservivit, & nunquam de eius bonitate, ac potestate contituit, nisi totius mundi inenarrabilis pulchritudo, & inenarrabilium beneficiorum eius dives, & ordinata largitio? per quam humanis cordibus quadam æterna Legis tabula præbebantur, ut in paginis Elo-**

mentorum, & voluminibus temporum communis, & publica divina institutionis doctrina legeretur. Cælum ergo, Mare, Terra, & omnia, quæ in eis sunt, protestabantur gloriam Dei, & prædicatione perpetua maiestatem sui loquebantur Autoris. Et S. Hieronymus Epist. 3. ad Nepotianum: Totius Mundi una vox est, Deus est. Philo Judæus lib. 4. de Monarch. Si quis in civitatem veniat legibus optimis consuetam, quid aliud suspicabitur, nisi regi ab optimis Magistratibus? Quamobrem qui in magnam introierit civitatem, Mundum videlicet, ibique contemplatus fuerit aëris temperiem, annuarum tempestatum conversiones, Solem, Lunam, Stellus, diem noctisque moderatrices, & cæterorum errantium, fixorumque siderum, & Cæli totius in orbem agitationem, & choroas; nonne verisimiliter, aut potius necessarius de Patre, & Conditor, nec non Rectore cogitabit? S. Damascenus Lib. 7. Orthodoxæ Fidei cap. 1. Notitia Dei omnibus à natura est insita, neque id aliquis ratione utens ignorare potest. Et Tertullian. in Apologet. cap. 17. Summa est delicti nolentium agnoscere, quem ignorare non possunt. Ipsi Gentiles id ipsum fassi sunt, nam ut quàm plurimos alios præteream, Trismegistus in Pimandro cap. 5. Cum statuum absque fabro, & Pictore fieri nullus asserere audeat, mirram hujus Mundi constitutionem sine Conditoris consilio, putabimus? Tullius lib. 1. de Legib. Nulla Gens est tam immansueta, quæ non, etiamsi ignoret, quidem Deum habere deceat, tamen habendum sciat. Sicut ergo nulla Natio est tam barbara, tamque ab humanis moribus aliena, cui Deus sui notitiam, tanquam primam regulam, primumque principium omnis moralis, & honestæ actionis, seu naturæ, seu gratiæ instinctu non indiderit; ita quoque nulla est, quæ illius colendum, & invocandum esse ignoret; id enim, ex primo naturaliter sequitur; sicut qui novit, hunc patrem suum esse, mox intelligit, amandum, & honore prosequendum esse. Et ideo bene observat Tertullianus, hominibus in naufragio, aliove periculo constitutis, sponte quadam naturæ, nihilque cogitantibus has preces excidere: Adsit mihi Deus! O Deum immortalem! Deus videt. Quis enim, inquit, Tertullianus, ejusmodi eruptiones animæ non putaverit doctrinam esse naturæ? & unde hæc didicit Anima? certè non à Philosophis, non à litteris, non à Scripturis, non à disciplina; hæc enim pronuntiat, nondum Scholis formata, simplex, radis, impolita, de compito, de textino. Ergo didicit Magistra naturæ, & animæ discipula. Tertullian. lib. de Testimon. Animæ. At invocatio Dei

est præcipuum, certissimumque medium, reliquas omnes gratias ab eo consequendi, juxta illud Apostoli: *Dives in omnes, qui invocant illum* ad Rom. 10. Et celebre illud Augustini: *Semel accipe, & intellige: non traberis? ora, ut traharis*. Patet ergo, nullum esse Mortalium, cui Deus non solum qualemcumque gratiam, verum etiam media, clavemque dederit, majorem semper, majoremque obtinendi; quis verò causari inopiam possit, si clavem ad thesaurum accepit? *Neg. dicar*, loca, quæ suprà ex Sacris Litteris attulimus, non de omnibus omnino fidelibus, sed de Philosophis, & præcipuis eorum Magistris esse intelligenda, qui studio, solertiâ, discursuque humano ad Dei cognitionem pervenerunt. Nam *primò* obstant Sancti Patres, & quos laudavimus, & quos deinceps laudaturi sumus, qui non de aliquibus, & Philosophis tantum, sed omnibus omnino loquuntur. *Deinde* obstat quoque huic exceptioni ratio Scripturæ; hæc enim docet, Deum invisibilem per creaturas visibiles cognitum esse: Sicut ergo non Philosophi tantum, sed indoctissimi quisque visis statuâ, imagine, domo, navique plenis velis undas sulcante, tantum intelligit, esse aliquem sculptorem, qui sculpsit, pictorem, qui pinxit, Architectum, qui struxit, rectoremque, qui navim gubernat; ita non Philosophi tantum, sed quicumque mortalium vilo pulcherrimo hoc, maximoque Mundi opere, ignorare non potest, esse aliquem, qui fecit, & hunc Deum esse; neque enim aliud Dei nomine, quam Mundi Conditorum, & Gubernatorem intelligimus: nam quiddam aliqui negaverint, id tam non obstat notissimæ huic veritati, quam non obstat candidissimo lilio, ab aliquibus, qui regio morbo laborant, non candidum videri; sicut enim id vitium oculi est, alieno colore infecti; ita illud est vitium animi, Deum testem, vindicemque scelerum metuentis, & ideo negantis; unde optimè dixit Augustinus in Joan. Tract. 106. *Exceptis paucis, in quibus natura nimium depravata est, universum genus humanum Deum Mundi hujus facietur Auctorem*.

Rursus quæro ex te: cur Deus non Philosophis tantum, verum etiam cuilibet mortalium facultates videndi, loquendi, ambulandi primasque illas notiones, & regulas agendorum imprefferit, videlicet: *quod sibi quis fieri non velit, non esse aliis faciendum; parentes esse colendos &c.* cur, inquam, hæc omnibus, & non Philosophis tantum? respondebis: quia sine istis vita mortalis degi non potest: atqui multò minùs degi potest sine notitia Dei vita immortalis, ad quam

quam non Philosophi tantum, sed omnes omnino homines conditi sunt: quomodo enim amabunt, & colent ignotum? & nisi ament, & colant, quomodo post hanc vitam obtinebunt? *Quod siingas*, aliquem esse tam rudem, cui ne ad hanc quidem tam obviam veritatem ingenium sufficiat, quid aliud sequetur, quam Deum, qui omnes ad se cognoscendum, amandumque creavit, aliunde, ut in similibus solet, defectum naturæ suppleturum? Sic Globis cœlestibus, quia motu proprio carent, datæ Assistrices Intelligentiæ, à quibus diu, noſtūq: volverentur: Sic Lunâ propriæ lucis experte, imperatum Solis, ut radiis suis vacuum impleret: sic nocti, quia obscuræ, datæ mille faces, & stellæ, quibus umbram temperarent: sic brutis, quia mente, ac ratione carent, proviſum à natura, ut aliæ squammis, aliæ testis, aliæ lanis, aliæ plumis vestirentur: aliæ contra insidias, aut cursu, aut cornu, aut dolo, aut unguibus, aut dentibus, aut spiculis armatæ: Balenæ, quia visu imbecilli, ne ad scopulum impingeret, additus custos, qui duceret: coturnicibus, quia mole corporis graves, & hostium incurſibus impares, paratus auster, qui transſretantes levaret, additæque volucrum cohortes, quæ comitarentur, & prædones arcerent: sic Ægypto, quia pluvias non habet, sereno semper Cœlo, & nubibus vacuo, subventum inundationibus Nili singulis æſtatibus, mira que ratione, nec hæcenus comperta in terram excurrentis. Quid ergo mirum est, si dicamus Deum id cum hominibus facere, quod cum brutis, & inanimatis facit? An illi minor de hominibus cura, quàm de ſervitiis hominum? aut maior corporum, quàm animarum providentia? Refert quidem Molina, sibi à multis narratum, Brasiliæ incolas priusquàm à Lusitanis docerentur, nullum Deum cognoviſſe: Sed aliud est, Deum ignorare; aliud invincibiliter, citraque culpam ignorare, at ita Barbaros ignorare, quis Molinæ narravit? *Deinde* cum Deus nulli creaturæ vires, & facultates negaverit, quibus finem proprium consequeretur, ut ſuprà ostendimus, quis credat, id ſoli homini negaſſe omnium ſublunarium-creaturarum nobiliſſimæ? At demus, ita ignorasse; id quoque magna beneficii, & gratiæ pars fuit: Cum enim peccatum ſit eſſentialiter offenſio, & iniuria Dei, ſublata Dei cognitione, neceſſariò ſequitur, nec iniuriam, nec peccatum, nec æternam pœnam eſſe. Ergo cum hac ignorantia impeccabiles redderentur, alioquin certiffimò peccaturi, ſi agnoſcerent, ſequitur, hoc ipſum beneficium eſſe juxta illud Apoſtoli: *Melius enim erat illis non*

cogno-

cognoscere viam iustitiæ, quàm post agnitionem retrorsum converteri ab eo, quod illis traditum est sancto mandato. 2. Pet. 2. Ergo sive Barbari agnoscant, sicque invocare illum, & salutem consequi possint: sive penitus ignorent, & ideo nec possint peccare; semper verum erit, ne illis quidem misericordiam deesse.

Sed ne videamur hæc nostra sponte, & iudicio comminisci, audiantur Augustini, ejusque nobilium Discipulorum sententiæ.

Sanctus ergo Augustinus Lib. 2. de Sermonibus Domini. cap. 17. *Nulla anima est, quamvis perversa, quæ tamen ullo modo ratiocinari potest, in cuius corde non loquatur Deus.* Et in Psalm. 6. *Dedit eos Deus in reprobum sensum; nam ea est cecitas mentis; in eam quisquis datus fuerit, ab interiori Dei luce secluditur, sed non penitus, dum in hac vita est.* Et in Psalm. 18. *Cum autem Verbum etiam caro factum est, & habitavit in nobis, mortalitatem nostram suscipiens, non permisit, ullum mortalium excusare se de umbra mortis; & ipsam etiam penetravit Verbi calor.* Et in Psalm. 91. *Non cessat Sathanas suadere malum, sed nec Deus cessat admoovere bonum. Sathanas autem non cogit invitum: in tua potestate est, consentire, aut non consentire.* S. Prosper Lib. 2. de Vocat. Gent. cap. 17. & 29. *In extremis mundi partibus sunt aliquæ Nationes, quibus nondum gratia Salvatoris illuxit, quibus tamen illa mensura generalis auxilii, quæ desuper omnibus semper hominibus est præbita, non negatur, ... Ut neque ulli perentium excusatio suppetat de abnegato lumine veritatis.* Et cap. 14. *Neque ob hoc inexcusabiles sunt aliæ Nationes, quæ alienatæ à conversatione Israël, spem non habentes, & sine Deo in hoc mundo sub ignorantia tenebris perierunt, quia hæc abundantia gratiæ, quæ nunc universum mundum rigat, pari autem largitate non fluxit: addibita enim semper est universis hominibus quadam supernæ mensuræ doctrina, quæ etsi purioris, occultiorisque gratiæ fuit, sufficit tamen sicut Dominus iudicavit quibusdam ad remedium, omnibus ad testimonium.* Et cap. 31. *Elaboratum est, quantum Dominus adiuvit, ut non solum in novissimis diebus, verum etiam in cunctis retro sæculis probaretur, gratiam Dei omnibus hominibus adfuisse; quoniam sive manifestè, sive occultè, ipse est, ut Apostolus ait, Salvator omnium hominum, maxime fidelium.* Et Lib. 1. de Vocat. Gent. cap. 25. *Sive igitur novissima contemplemur sæcula, seu prima, seu media, rationabiliter creditur, omnes homines salvos fieri Deum velle, semperque voluisse: & hoc non aliunde monstratur, quam de iis beneficiis, eaque providentiæ*

Dei, quam universis Nationibus communiter, atq; indifferenter impendit; fuerunt enim, ac sunt ejusmodi dona ita generalia, ut per ipsorum testimonia ad quærendum verum Deum possent homines adjuvari. Et cap. 23. de Infantibus loquens: Non irreligiosè, arbitror, creditur, quòd isti paucorum dierum homines ad illam pertineant gratia partem quæ semper universis est impensa Nationibus, quâ utiq; si bene uterentur, eorum parentes, etiam ipsi per eosdem juvantur.

Paulus Orosius, qui Hieronymo, & Augustino viventibus Librum Apologeticum scripsit de Arbitrii libertate, ipsiq; Augustino inter carissimos fuit, pag. 453. disertissimè suam, quam utiq; ab Augustino didicit sententiam, his verbis exponit: *Mea semper hac est fidelis, & indubitata sententia: Deus adiutorium suum, non solum in corpore suo, quod est Ecclesia, cui specialiter ob credentium fidem dona largitur, verum etiam universis in hoc mundo Gentibus propter longanimitatem sui, æternamq; clementiam subministrare, non ut tu asseris cum Discipulo tuo Cælestio, in solo naturali bono, & in libero arbitrio generaliter universis unam gratiam contributam, sed speciatim quotidie per tempora, per dies, per momenta, per atomos, & cunctis, & singulis ministrare: ex quo evidentissimè declaratum est, nemini hominum deesse adiutorium Dei, præsertim cum & seductor affligat, & insit infirmitas.*

S. Fulgentius Epist. 7. ad Venantium cap. 8. *Nec in aliquo vulnere, nec in aliquo tempore celestis potest deficere medicina.*

S. Anselmus in cap. 1. ad Rom. Dominus illis manifestavit, id est, non solum naturalis ratio profuit, sed Deus quotidie adiuvat, ne sola natura sufficere videretur.

S. Thomas epist. ad Hebræos cap. 12. Lect. 3. *Deus vult omnes homines salvos fieri, & ideo gratia nulli deest, sed omnibus, quantum in se est, se communicat.* Et in cap. 6. Joan. Cor humanum ex se ad inferiora tendens, non potest sursum elevari, nisi tractum, si verò non elevatur, non est defectus ex parte trahentis, qui quantum est in se, nulli deficit, sed est propter impedimentum ejus, qui non trahitur; Deus enim omnibus ad trahendum manum porrigit, quantum in se, & quod plus est, non solum attrahit manum recipientis, sed etiam aversos ad se convertit. Ex quo ergo Deus paratus est dare omnibus gratiam, & ad se attrahere; non imputatur ei, si aliquis non accipiat, sed ei, qui non accipit. Et q. 14. de Veritat. a. 11. ad 1. *Si aliquis nutritus in silvis, vel inter bruta animalia ductum rationis sequeretur in appeti-*

tu boni , & fuga mali , certiffimè est tenendum , quòd ei Deus , vel per internam inspirationem revelaret ea , qua sunt ad credendum necessaria , vel aliquem fidei prædicatorem ad eum dirigeret . sicut misit Petrum ad Cornelium . Et ad 2. ibidem ; Quamvis non sit in potestate nostra , cognoscere ea , qua sunt fidei ex nobis ipsis ; tamen si nos fecerimus , quod in nobis est , ut scilicet ductum naturalis rationis sequamur , Deus non deficiet nobis ab eo , quod nobis est necessarium . Idemque repetit Lect. 3. cap. 10. ad Romanos , additque ; Sed tamen hoc ipsum quod aliqui faciunt , quod in se est , convertendo se scilicet ad Deum , ex Deo est , movente corda ipsorum ad bonum . Ubi supponit S. Doctor , hanc gratiam faciendi , quod in se est , omnibus dari .

XII. *Opponitur primò . Docet S. Thomas , aliique Theologi , dari infideles aliquos , qui laborant infidelitate purè negativa , hoc est inculpabili , & invincibili ; non ergo omnibus ad eam infidelitatem vincendam datur gratia .*

Resp. Aliquos Fidei articulos invincibiliter ignorari posse , quales sunt de Eucharistia , Necessitate Baptismi &c. sed omnes prorsus ignorari , ac præsertim illum de existentia , cultuque alicujus Dei , planè negamus ; cùm sine hac cognitione nihil homini superfit , quo finem suum , ad quem conditus est , valeat adipisci . Sive ergo id nature , sive gratiæ instinctu homines agnoscant , semper agnoscunt . & licet modò nos lateat , quibus modis , quibusque secretis spiraculis Deus etiam Barbaris lucem , & gratiam suam infundat , certum est , infundere , cùm illi nec bonitas desit , ut velit , nec Omnipotentia , ut possit . Sicut ergo nullus terræ sinus impervius Soli , quòd calorem suum non mittat , & metalla , gemmasque producat ; ita nullus sinus conscientiae impervius Deo , quem gratià , & radio veritatis non impleat : modus quidem , & ratio non patet , sed aliquando patebit , tunc videlicet , cùm , ut docet Apostolus , Dominus illuminabit abscondita tenebrarum , & manifestabit consilia cordium 1. ad Corinth. 4. Et ipse Christus Matth. 8. Dico autem vobis , quòd multi ab oriente , & occidente venient , & recumbent cum Abraham , & Isaac , & Jacob in Regno Colorum . Nec Elias credere poterat , toto Israele in Idololatriam prolapsa , septem millia virorum fuisse , qui genua Baal non curvaverant : Nec Jonas persuasum habebat , in maxima illa civitate centum viginta millia hominum degere , qui nesciebant , quid inter dextram & sinistram esset ; & tamen utrumque verum fuit . Ita S. Justinus Martyr cap. 28. Apologia Socratem Philo-

sophum non tantum saluum, verumetiam Martyrem esse docet, quod unicuique Deum professus morte ab Atheniensibus punitus fuerit. *Et Orat. ad Antoniu. Imperat.* insigniores Philosophos, & quotquot de Gentilibus cum ratione vixerunt, Christianos appellat. Idem de Platone, Seneca, Trismegisto, alii dicunt. Sic quoque Melchisedechum, Jobum, Ieremum, aliosque Gentilium salutem obtinuisse ex Scripturis colligitur. Sanctus quoque Dionysius *cap. 3. de celesti Hierarchia* refert, multos Gentilium Angelorum ministerio, qui eis ad salutem necessaria revelaverint, salvatos esse. Referunt quoque Paulus *Diaconus Lib. 23.* Sigebertus, & Genebrardus in *Chronico ad Annum 796.* sub Constantino Sexto, & Irene Imperatoribus, cadaver Platonis cum aurea lamina ad collum, & hac inscriptione repertum esse: *Christus ex Virgine nascetur, & ego in illum credo: & tu Sol sub Constantino, & Irene Imperatoribus iterum me videbis.* alia ergo sunt hominum, alia Dei judicia, qui ubique terrarum, & apud omnes Nationes aliquos habet, qui eum agnoscunt, & colunt, eiusque gratia, & beneficiis fruuntur, juxta illud *Apoc. 7.* *Vidi turbam magnam, quam dinumerare nemo poterat, ex omnibus gentibus, & tribubus, & linguis stantes ante thronum.* Nulla ergo gens, nullus populus, imò nulla hominum tribus, ex qua non colonie, & delectus in Cælum ducantur. Planè præter omnium opinionem ob præcedentia aliqua bona opera quamplurimos vitam æternam consequi, dubium non est, quamvis adeò occultis modis, secretisque rationibus, ut humanum animum fugiant, cujus vel unicum specimen ex lib. *Divin. Insinuat. cap. 30.* in Vita S. Gertrudis, & apud Blossium in *Monili Spirituali cap. 1.* videre est, ubi: *cùm S. Virgo Gertrudis audisset in Concione, neminem posse salutem consequi, nisi saltem tantillum veræ charitatis habeat, ut ex amore Dei peniteat, abstineatque à peccatis: & ipsa apud se cogitaret, plurimos migrare ex hac vita, qui videntur penitere magis timore gehennæ, quàm Dei amore; Dominus sic respondit: Quando video illos agonizantes, qui mei nunquam dulciter recedati fuerunt, vel aliquid meritorij operis peregerunt, in ipso mortis confinio exhibeo eis me tam pium, amabilem, & benignum, ut ipsi ex intimis cordis medullis doleant, quod nunquam me offenderint, ac per talem penitentiam apti redduntur ad salutem consequendam, & perire non possunt.* Dices: illa notitia, quæ Barbari cognoscunt, Deum esse; vel est naturalis, vel est supernaturalis? non naturalis, quia hæc non sufficit ad inchoandam salutem,

cùm *sine fide impossibile sit Deo placere*. Non supernaturalis; quia Deum esse cognosci naturaliter potest. Resp. eam quidem cognitionem naturalem esse, cùm, ut observat S. Thomas 1. p. q. 2. a. 2. ad 1. sit magis præambulum ad fidem, quàm ipsa fides; *fides enim præsupponit cognitionem naturalem, sicut gratia naturam*: sed quia huiusmodi notitia præsertim apud Barbaros, & rudes est nimis vaga, confusa, & universalis; propterea à Deo suppletur defectum naturæ, ea per gratiæ inspirationem magis completur ad ipsum Creatorem, velut rerum humunarum principium, & bonorum, malorumque remuneratorem cognoscendum, invocandum, colendum, timendumque. Et hæc est illa fides inchoata, sine qua nemo placere Deo potest, & quâ si bene aliquis utatur, ad completam quoque, & Christianam fidem perventurus est.

XIII. *Opponitur secundo*: S. Augustinus sæpiùs docere videtur, homini gratiæ auxilia deesse, quibus legem & mandata observet, nec ideo tamen culpæ immunem esse, quia volens, libensque in huiusmodi se necessitatem coniecit, indignumque gratiâ reddidit; sicut homicidium ebrio imputatur, quia liberum in suo causa, idemque Sanctus Thomas 3. *contra Gentes* cap. 160. n. 3. & S. Bonaventura in 2. *Distinct.* 28. a. 1. q. 2. docere videntur.

Resp. *primò*: Nihil hoc cum sententia nostra pugnare: Esto enim aliquo casu gratiâ careas, quia sponte impedimentum posuisti, v. g. tam longâ, & obstinatâ inebriandi consuetudine te ipsum obligasti, ut usu in naturam verso citra gratiæ prodigium (quod Deus exhibere non tenetur) explicari, & evolvi non possis, sicque moralem quandam peccandi necessitatem incidisti; at poteras non incidere, si videlicet iis gratiis usus esses, quas toties, tamque copiosè à Deo acceperas; non ergo Deus tibi, sed tu Deo, & gratiæ defuisti; nec magis conqueri de illius bonitate, & clementia potes, quàm conqueri de amico possit, qui isto rogante, ac prohibente se ipsum in mare præcipitem dedit, merisusque est. Talis aliquando Augustinus fuit, qui *Lib. 8. Confess. cap. 5.* de se ipso hæc habet: *Suspirabam ligatus non ferro alieno, sed meâ ferreâ voluntate. Velle meum tenebat inimicus, & inde mihi catenam fecerat, & constrinxerat me. Quippe ex voluntate perversa facta est libido: & dum servitur libidini facta est consuetudo: & dum consuetudini non resistitur facta est necessitas.* Cæterùm necessitas ista, cùm sit consequens, hoc est, voluntaria, & Deo, ac gratiâ repugnante contracta, nec libertati quic-

quicquam, nec ipsi divinæ Bonitati obstat, quam tuemur.

Resp. secundo. Verius tamen est, nullum esse, dum vivit tam perditum, tam peccatis assuetum, cui Deus gratiam respiscendi, abstinendi quæ peccatis non donet; sic quæ nullum esse, qui vel physica, vel morali necessitate, quam consuetudo inducit, ad peccandum urgeatur. Id imprimis probant sententiæ Patrum, quos supra laudavimus; probant etiam omnes illæ Scripturæ, quæ perditissimos, & durissimos peccatores ad pœnitentiam vocari, expectari quæ à Deo testantur; possunt tergo, nam si non possent, frustra vocarentur, sicut frustra vinci, claudi, fracti quæ ad currendum vocantur: *Nolo, inquit, mortem peccatoris, sed ut convertatur, & vivat.* De omnibus etiam pessimis, & obstinatissimis loquitur, qualis Idololatræ Judæi erant; quantò enim peiores, tantò magis medico, & remediis egent, at si non daret gratiam, quæ converti possint, non eorum conversionem, sed majorem damnationem vellet, sic quæ clementius faceret, eos post peccatum morte, & inferno confestim puniendo, quàm illos expectando: nam expectare ad pœnitentiam, nec tamen vires pœnitendi, abstinendi quæ peccatis dare, quid aliud est, quàm non ad veniam, sed ad majorem damnationem pœnas quæ differre? Non ergo ad vitam, sed ad mortem expectat; nec istud clementia, sed severitas est. Relegantur Pharaonis, Nabuchodonosoris, ipsorum quæ Judæorum vulgatissima exempla; si enim istis quippe omnium pessimis, & obstinatissimis dare vires, & gratiæ, ut pœniterent, quibus non dabitur? & si istis subventum, quis sperare non possit? nec enim credibile est, gratiam, quæ magis improbis, magis quæ indignis negata non est, minùs improbis, minùs quæ indignis negatum iri? Neque ulla consuetudo opponi potest; fac enim illam in naturam, & necessitatem conversam esse; at etiam ista vinci tempore, & solerti potest, ut in Leonibus, Tigribus, Ursis, ipsi quæ serpentibus videre est, quæ constat, domari. *Deinde* nulla consuetudo est, quæ gratiæ non cedat; at huic comparandæ nunquam media peccatoribus desunt, oratio videlicet cum propria, tum aliena, ut suo loco dicetur: si jejunia peterentur; opponeres imbecillitatem: si vigilie, diceres, vires non esse; si peregrinatio, & solitudines; negares vacare: si corporis afflictationes; morbum obtenderes: si largitiones in pauperes; domesticos sumptus: at quæ imbecillitas, quis morbus, quæ fragilitas naturæ, quæ paupertas, aliæ quæ causæ obstat possunt; ne petas à Deo? ne cum Augustino millies di-

cas: *Jubes Domine continentiam; da quod jubes, & jube, quod vis: jubes temperantiam, jubes mansuetudinem, jubes pietatem; da quod jubes, & jube quod vis.* Nullus ergo peccator tam deploratus, tam durus, cui negatum sit, *facere quod possit, & petere quod non possit*, alioquin pejor erit peccatorum, quam damnatorum conditio: isti enim, si non possunt pœnitere, ac nec possunt novis peccatis damnationem, pœnalsq; augere, peccatores verd, ut tu dicis, & pœnitere non possunt, quia ob admissum peccatum gratiâ privantur, & possunt novis peccatis gravio rem damnationem mereri; pejûs ergo cum istis, quàm cum damnatis agitur. Verum quidem est, commissio semel peccato dignum esse peccatorem, qui omnibus Dei auxiliis, ac beneficiis privetur; nam & jure humano sancitum est, posse ob ingratitudinem omnem donationem revocari: at nos non quærimus, quid peccator mereatur, aut quid facere Deus possit; sed quid Deus faciat, quidq; promiserit se facturum? promisit verd peccatoribus omnibus, nullo excepto, quamdiu viverent, veniam, si pœniterent, omnesq; ad pœnitendum invitat; supponit ergo, id posse; nam si non possent, perinde id foret, ac homines invitare ad volandum, & volaturis præmium spondere, nec tamen alas dare; non hæc promissio, sed illusio esset, qualis in summam Veritatem, & Majestatem non cadit. Quando ergo Patres in aliquibus Peccatorum necessitatem peccandi agnoscunt; vel nomine necessitatis magnam difficultatem intelligunt, ut observat S. Anselmus Lib. de Concord. q. 3. cap. 10. *Sapissimè, inquit, solemus asserere, impossibile nobis esse, quod sine difficultate perficere non valemus.* Et S. Thomas 3. p. q. 86. a. 1. ad 2. explicans Augustinum: *Dicitur, non posse sanari, qui non potest facile sanari.* Idq; in Sacris Litteris frequentissimum est Hierem. 13. v. 23. Matth. 10. v. 25. ad Hebræos 6. v. 4. Vel intelligendi sunt Patres de necessitate non absoluta, sed hypothetica, & condicionali: si enim mediis, quæ Deus præscripsit vincendis tentationibus uti nolis; non orare, non Sacramentis uti, non Verbum Dei audire, non occasionibus abstinere; quis neget, te necessariò peccaturum? at necessitas ista, cum libera sit, & vinci possit à peccato, non excusat. Eodem modo respondendum testimoniis Augustini, quæ Jansenius agglomerat Lib. 3. de Grat. Christi. Utaceam, Augustinum contra Pelagium loqui de necessitate Naturæ, quatenus gratiâ caret; sic enim fatemur, necessariò peccaturum, sed negamus, gratiam abesse saltem incomple-

tam

tam, & remotam, quâ maiorem, & proximam consequi possit. Audi ipsum Augustinum tam malè à Janzenio intellectum: is enim præter toties citata lib. de Grat. & Libero Arbitrio cap. 16. ita loquitur: *Certum est, nos mandata servare, si volumus; sed quia præparatur voluntas à Domino, ab illo petendum est, ut tantum velimus, quantum sufficit, ut volendo faciamus.*

XIV. *Opponitur tertio.* Sunt multi peccatores, qui nullo pudore, nullo metu, nulloque conscientie fræno in peccata ruunt, de quibus Job. 15. *Bibunt sicut aquam iniquitatem.* Et Prov. 2. *Latan- tur, cum male fecerint, & exultant in rebus pessimis;* ergo isti saltem videntur, nullâ gratiâ juvari, coerceri quæ à voluntate peccandis, quod præsertim in iis peccatis verû est, quæ subito motu iræ, aut amoris fiunt, in quibus vix conscientie, nedum gratiæ locus esse videtur.

Resp. Primò. Si loquamur de iustis, certum est, quoties urget præceptum, aut tentatio illud violandi, auxilium quoque sufficiens dari ad peccatum vitandum; ita enim ex Innocentii X. contra Janzenium Decreto, Synodoque Tridentina Sess. 6. cap. 11. constat, juxta celebrem illam S. Leonis sententiam: *Singulariter admonemur, ut dona gratiæ non negligenter habeamus; iustis enim nobis instat præcepto, qui præcurrit auxilio.* Eleganterque expressit S. Augustinus lib. de Natur. & Grat. cap. 26. *Medicus, inquit, cum sanaverit hominem; iam de cætero sustentandum elementis, & alimentis corporalibus, ut eadem sanitas apto subsidio convalescat, atque persistat, Deo dimittit. Ipse autem Deus, cum ad perfectam sanitatem, hoc est, ad perfectum vitam, iustitiamque, perduxerit, non deserit, si non deseratur, ut pidi semper, iusteq, vivatur: Sicut enim oculus corporis etiam plenissime sanus, nisi candore lucis adiutus, non potest cernere; sic etiam homo etiam perfectissime iustificatus, nisi externa luce divinitus adjuvetur, rectè non potest vivere; sanat ergo Deus, non solum ut deleat, quod peccavimus; sed ut præstet etiam, ne peccemus.* Unde cum Patres aliquando dicunt, peccantibus Dei gratiam absuisse, intelligendi sunt de gratia illa specialissima, & effectrice, cum qua nemo peccat, quæque per Antonomasiâ, & excellentiam gratia vocatur. Cæterum, ut bene notat Bellarminus: ad vitandum peccatum non requiritur semper superna inspiratio, sed sufficit, vel occasionem removeri, vel objectum aliud offerri, quo voluntas distrahatur, vel terrorem incuti, vel reprimi phantasiam, ut bonum delectabile minus vivaciter, languideque, & velut fracto cuspide, obiciat. Et hoc saltem

saltem illis verbis Apostoli probatur 1. ad Corinth. 10. *Fidelis Deus, qui non permittet vos tentari super id, quod potestis.* In quæ verba eleganter S. Ephrem Tract. de Patientia: *Si homines suis iumentis non plius oneris imponunt quàm ferre queant, multò minùs plius tentationum imponet Deus hominibus, quàm ferre possint.* Rursum si figulus vasa sua igne excoquit eò usq̃, dum ritè coquantur, nec rursus ulterius ea finit in igne, ne adurantur, fiantq̃ inutilia; multò magis idem facit Deus, ut igne tentationum eò usq̃, nos coquat, dum perficiat, ulterius verò tentatione aduri, & consumi non sinet. Et observa, Paulum universim ad Corinthios scripsisse, quorum plurimi peccatores, & reprobì erant, omnes ad quam sortem pertinerent, ignari. Sicut ergo nullum peccatum est, non contra rationem; ita nullum non contra conscientiam, quæ nihil aliud est, quàm ratio practica diclans in particulari, quid non liceat, liceatq̃ue. Et quemadmodum omne peccatum est contra conscientiam, & tamen aliqui, magniq̃ue peccatores vix eà percelluntur, non quòd non pulset, & moneat, sed quia confestim animum ad alia, & placencia convertunt; eà ferè ratione, quâ manus per ingentem flammam celerrimè ducta nihil adurit, non ignis, aut caloris defectu, sed quia pertransit: idem de gratia dicendum est. Quod etiam in Concilio Provinciali Senonensi Anno 1528. Decreto 15. istis verbis explicatum est: *Negz tamen tanta gratia necessitas libero præiudicat arbitrio, cum illa semper sit in promptu, nec momentum quidem prætereat, in quo Deus non slet ad ostium, & pulset, cui si quis aperuit januam, intrabit ad illum.* Ubi pro singulis momentis, quibus gratia in promptu esse dicitur, intelligendum est illud tempus, quo, & quoties præceptum, aut tentatio urget, ut suprà iisdem ferè verbis Orosius fidelissimus Augustini Discipulus exposuit. Et planè Concilii Senonensis magna autoritas est; non solum quia Provincialis, & ex flore collecti Ecclesiæ Gallicanæ, quam in rebus ad fidem pertinentibus, & præsertim in Augustini doctrina versatissimam semper fuisse regari non potest; verumetiam, ac præcipuè, quia cum Episcopis ex officio pastoralis incumbat, fideles sibi commissos docere, & in Christi nomine congregatis specialis Dei assistentia promissa sit, iis decernentibus longè major autoritas est, majorq̃ue fides adhibenda, quàm cuilibet cætui privatorum, licèt alioquin præcellentium Theologorum.

Resp. Secundo. Sed quidquid de hac quæstione sit, an videlicet; quoties præceptum urget, etiam improbißimis peccatoribus gratia

detur, nostri instituti haud est, id indubitanter asserere, sed solum dicimus, nullum hominem esse, cui dum vivit, & ut loquitur Augustinus, *per mensuras temporum, per intervalla locorum*, non quam plurima gratiæ auxilia dentur, quibus & maiorem, completamque gratiam, & ipsam quoque vitam æternam consequi possit; id enim sufficit ad Dei Bonitatem planè ostendendam in omnes effusam, nihil interim contendendo, quando, quoties, quantoque numero ea auxilia præstentur: sicut enim aliud est, solem omnibus lucere, aliud semper lucere: ita aliud est, Deum omnibus gratiam dare, aliud semper dare; istud dubium, illud compertum, & à nobis hæcenus probatum est. Et hac ratione negari non potest, etiam in obstinatissimis peccatoribus conscientiæ voces, metusque nunquam extingui, juxta illud Isaïæ 57. *Impius quasi mare fervens, quod quiescere non potest*. Et Job. 9. *Quis resistit ei, & pacem habuit?* Et cap. 15. *Sonitus terroris in auribus eorum, & cum pax sit, semper insidias suspicantur*. Et de obduratissimis Egyptiis Sap. 17. *Sive Spiritus sibilans, aut circum densos ramos avium sonitus suavis, aut concentus aque euntis, aut sonus valide præcipitatarum petrarum, aut lascivientium animalium cursus, aut percussa de concavitate montium Echo, dissolvebat illos*. Quod etiam Gentiles ipsi agnoverunt, quorum omnium una vox fuit: *Nihil mihi minus esse, quam animam hominis conscium: peiorem & maximam peccantium penam, peccasse: maximum sceleris in scelere supplicium esse*. Quis unquam pejor, impurior, magisque flagitiis assuetus Tiberio, & Nerone? & tamen de utriusque narrat Tacitus Annalium lib. 7. *Tiberium non fortuna, non solitudines protegebant, quin tormenta pectoris, suasque ipse penas fateretur*. Et de Nerone: *Reliquo noctis modo per silentium defixus, sapiens proore exurgens, & mentis inops lucem operiebatur tanquam exitium allaturam*. Si ergo ne istis quidem defuit Deus, quàm per conscientiam moneret, cui rogo defuturus est? aut quos Tiberio, & Nerone peiores, magisque procuæ gratiæ reperies? Ergo quæ de conscientia opponebantur, sententiæ nostræ suffragantur potius, quam noceant, cum constet, nullos esse peccatores tam improbos, quibus à peccato coercendis Deus conscientiam velut domestico tortore non utatur, torquere verò, ut vel abstineant, vel emendent. Semper ergo verum est, quod scribit Augustinus suprà laudatus lib. 2. de Serm. Dom. in Monte: *Nullam esse animam quamvis perversam, qua tamen ullo modo ratiocinari possit, in cujus conscientia non loquatur Deus*.

XV. *Opponitur quartò.* S. Augustinus sæpe docet, gratiam non omnibus dari, ac præsertim Serm. 11. de Verb. Apost. ubi: *Communis*, inquit, *est omnibus natura, non gratia.*

Resp. Jam suprà notatum esse, S. Augustinum plerumque de illa gratia loqui, quæ per antonomasiam *gratia* vocatur, hoc est de specialissima illa, & effectrice, quæ cur non omnibus detur, duplex causa est; & indignitas creaturæ impedimentum ponentis, & arcana Dei voluntas, ut citato loco eleganter observat Augustinus circa finem: *Sed movet me, inquis, quod ille perit, ille baptizatur, movet tanquam hominem. Si verum vis audire, & me movet, quia homo sum. Sed si tu homo, & ego homo, ambo audiamus dicentem Apostolum: à homo, tu quis es, qui respondeas Deo? si posset loqui pecus, & dicere Deo, quare istum hominem fecisti, & me pecudem? nonne justè succenseres, & diceres: O pecus, tu quis es, qui respondeas Deo? & tu homo es, sed ad Deum pecus es.* Loquitur etiam Augustinus de gratia immediata, & proxima, non verò remota: sicut enim certum est, non omnes esse Christianos; ita certum est, non omnes gratiam immediatam, & proximam habere, quâ sint Christiani; habent tamen gratiam illam remotam, mediatam, & incompletam, quâ si uterentur, Christiani fierent, ut suprà ex S. Augustino, & Thoma ostensum est. Imò hanc gratiam universalem, & remotam nemini à Deo negari, in illo ipso Sermone docet Augustinus, qui nobis opponitur, sic enim scribit: *Adoremus eum Fratres, & prosterナムur ei, & ploremus ante Dominum, qui fecit nos, non enim fecit, & deserit; non enim curavit facere, & non curat custodire. Ploremus ante Dominum, qui nos fecit, quia non ploravimus, quando nos fecit, & tamen fecit. Qui ergo fecit, antequàm rogaretur, deserit, càm rogatur? utiq; exaudis, quos fecit, utiq; non potest non curare, quos fecit.* Vides ex sententia S. Augustini neminem à Deo deferi, quem fecit: sicut ergo nullus homo est, quem non fecit; ita nullus est, quem deferat, nullus, quem non custodit; à quo autem magis custodiat, quàm à gehenna? aut per quid aliud custodiat, quàm per gratiam?

XVI. *Opponitur quintò.* Exemplum parvulorum sine Baptismo decedentium, quibus constat, gratiam non dari, quâ salvari possint.

Resp. Quæro ab iis, qui hæc opponunt, si concederemus, imò etiam probaremus efficaciter, parvulis sufficientem gratiam à Deo dari, applicarique; an non continuò acquiescerent, crederentque, nihil ampliùs in causa parvulorum exigi à Deo posse, multoq; mi-

nus illius misericordiæ litem moveri? at nos dicimus exhiberi parvulis si non gratiam sufficientem, quâ vitam æternam consequi possint, exhiberi tamen beneficium longè præstantius, quodque infinitis partibus ipsam gratiam sufficientem antecellat: eo enim beneficio prius è medio tolluntur, quàm peccatis se obstringant; & non damnantur, & innocentiam personalem, quæ scilicet peccatis actualibus opponitur illibatam conservant, & in eum statum bonorum naturalium transferuntur, quem paragrapho primo ex Angelico Doctore descripsimus. Ergo ut jam latè suprâ ostensum, certum est, etiam in parvulos maximam Dei misericordiam elucere, quamvis enim Dei visione, æternæque gloriæ priventur, at præservantur, ne peccent, hoc est, ne Deum ipsi offendant, ne jacturam innocentiae faciant, ne perpetuis ignibus crucientur, quæ omnia & maxima beneficia esse, & cœlesti gloriæ certa ratione præferri, & consequenter ad Christi merita, & Redemptionem pertinere, jam suprâ ostendimus. Quod si dicas, S. Augustinum, quoties causa parvulorum contra Pelagianos ageretur, nunquam hoc modo philosophatum esse, sed semper ad secretam, & inscrutabilem Dei voluntatem confugisse: respondeo, jure merito id ab Augustino factum: cum enim vellet Pelagius gratiam, & salutem æternam iis dari, qui viribus naturæ, & arbitrii eam vellent, non dari, qui nollent: Augustinus exemplo parvulorum id efficaciter refellit; parvuli enim arbitrio uti non possunt, cur ergo Baptismum non accipiunt, nisi quia noluit Deus? & hoc ad occulta ejus judicia pertinet, sufficitque refutando Pelagio. Alia verò, quæ dici de hac causa parvulorum possunt, nec ad institutum Augustini pertinebant, nec voluit ipse aliis libertatem adimere, ea omnia dicendi, quæ deinceps opportuna viderentur: quamvis enim nemo melius de gratia, & contra Pelagium Augustino scripserit, non scripsit tamen omnia, quippe haud necessaria, Calvino necdum exorto, & hominis arbitrium, Dei que bonitatem impugnante: aliis nunc armis opus est, alio hoste, belloque instantibus: & ipse Augustinus non contraria quidem iis, quæ scripsit, sed alia diceret, si ut olim cum Pelagio, ita modo cum Calvino, & Jansenio signa conferret: quid ergo mali est, si modò id facimus, quod faceret Augustinus, imò quod fecit, quando non contra Pelagium, & pro Gratia, sed contra Manichæos, & pro libertate pugnaverat?

XVII. *Opponitur sextò.* Docebant Pelagiani, Deum velle omnes omnino, nulloque excepto salvos fieri, ideo verò non omnes salvos esse,

esse, quia non omnes volunt: ideo non omnes ad agnitionem veritatis venire, quia nolunt petere, cum Deus velit dare; nolunt quærere, cum Deus velit ostendere, nolunt pulsare, cum Deus velit aperire. Quibus Augustinus Lib. 4. contra Julianum cap. 8. respondet primò: ea verba vult omnes salvos fieri, explicanda esse hoc modo: vult multos salvos fieri: Deinde, falsum esse. ideo non omnes salvari, quia nolunt, cum de parvulis, qui sine Baptismo decedunt id dici non possit. Falsum quoque esse, vitam æternam dari iis, qui petunt, qui pulsant, qui quærunt; cum parvuli Baptismo tincti nec petant, nec pulsant, nec quærant, & tamen æternam vitam consequantur. Ergo ex sententia Augustini falsum est, omnibus gratiam dari, & qui gratiã carent, ideo carere, quia nolunt accipere, Deoque dare volenti resistunt.

Resp. Sententiam illam Apostoli quod attinet, quã ratione, & quàm universaliter intelligenda sit, jam suprà ex Augustino, ejusque Discipulis ostensum est: ubi etiam advertimus, aliter illam, aliterque ab Augustino expositam fuisse, utcumque opportuniùs videbatur Pelagianis confutandis; patiantur ergo, qui hæc opponunt, suorum verborum Augustinum interpretem esse. Tam multos quoque æternum perire, quia ipsi volunt, Deo licet ne pereant omnia moliente, jam quoque ex eodem Augustino, ejusque præcipuis Discipulis probatum est, quorum sunt frequentissimæ voces: *Misericordia ejus prævenit nos, sed vocationi dissentire propriæ voluntatis est. Hoc tibi imputatur ad culpam, quòd sanare volentem contemnis: ad Cenam Evangelicam omnes vocati sunt, sed qui venire noluerunt, tribuere sibi debent, quoniam ut venirent, in eorum potestate erat &c.* Hæc, inquam, apud Augustinum, ejusque Discipulos Prosperum, Fulgentium, Orosium, Anselmum, Thomam frequentissima sunt, ut de illorum mente dubitare non liceat; ideo videlicet reprobos perire, quia sic volunt, Deo salutem omnium volente, & ideo gratiam omnibus dante. Neque Augustinus loco citato contrarium docet: Negat enim id solum, quod Pelagiani asserbant; asserbant verò hominem viribus naturæ, propriæque voluntatis petere, pulsare, quærere, velle, & sic à Deo & gratiam, & gloriam obtinere, quod meritò Augustinus reiicit, refutatque exemplo Infantum, qui nec velle, nec petere, nec pulsare possunt, imò potiùs Baptismo repugnant, & tamen accipiunt, & salvantur. Hanc esse verissimam Augustini mentem patet ex ejus verbis, quæ loco citato præmiserat, videlicet: *Calumnia-*

luminariis, me dicere; nihil studii expectari ab humana voluntate debere contra illud Evangelicum, quo ait Dominus: *petite, & accipietis, quærite, & invenietis, pulsate, & aperietur vobis.* Ibi enim vos, ut video, ponere jam cepistis merita gratiam præcedentia, quod est petere, quærere, pulsare, ut his meritis debita illa reddatur, ac sic gratia inaniter nuncupetur, tanquam gratia nulla præcesserit, & contigerit, ut beatificum bonum peteretur à Deo. Vides, quid dixerit Pelagius, & consequenter quid refutaverit Augustinus. Pelagius dixerat, ideo hominem salvari, aut non salvari; quia in ejus potestate, liberoque arbitrio est, velle, aut nolle; orare, vel non orare; pulsare, vel non pulsare &c. & ideo iis gratiam dari, qui volendo meruerunt, non dari, qui nolendo demeruerunt; quæ planè falsissima sunt, & merito ab Augustino, omnibusque Catholicis damnata; nemini enim priùs merenti gratia datur, cùm ipsa sit principium meriti, & quamplurimis non merentibus data sit, ut in Paulo, Magdalena, Gentilibus, aliisque patuit. Ergo, ut semel omnia dicamus; sciendum est, in hac Prædestinationis, & gratiæ causa, neminem cum Augustini sententia pugnare, nisi eum solum, qui ita defendit gratiam, ut neget liberum arbitrium, ita defendit arbitrium, ut neget gratiam, reliqua, quæcumque saluâ libertate, & gratia, Deique in omnes misericordiâ dicuntur, Augustino paria sunt. Ita Augustinus, ipse proficitur Tract. 53. in cap. 12. Joan. ubi: *Si quis autem istam quæstionem liquidius, & melius novit, se posse, & confidit exponere, absit, ut non sibi paratior discere, quàm docere; tantum ne audeat quisquam liberum arbitrium sic defendere, ut nobis orationem conetur auferre: rursus ne quisquam neget voluntatis arbitrium, ut audeat excusare peccatum, sed audiamus Dominum & præcipientem, quid facere debeamus, & adiuvantem, ut implere possimus.* Mirum ergo fuerit, aliquos inveniri, qui plura opinionibus suis tribui velint, quàm Augustinus voluerit sibi. Notanda quoque ad eruendam veram Augustini sententiam Sanctorum Bonaventuræ, & Thomæ præclara verba. Nam ille in Breviloq. p. 3. cap. 5. *Non debetur parvulis pena sensus: Hoc credendum est, sensisse S. Augustinum, licet verba ipsius exterius propter detestationem erroris Pelagianorum aliter sentire videantur, ut eos reduceret ad medium, abundantius declinavit ad extremum, plus dicens, & minus volens intelligi.* Et S. Thomas q. 5. de malo a. 2. ad 1. *Sancti tali modo loquendi usi sunt; ut detestabilem redderent errorem Pelagianorum, qui asserabant, in*
par-

parvulis nullum peccatum esse . Et in cap. 1. Joan. lect. 7. *Antiqui Doctores, & Sancti emergentes errores circa fidem ita persecuti sunt, ut interdum viderentur in errores labi contrarios; sicut Augustinus contra Manichæos, qui destruebant libertatem arbitrii, taliter disputat, quodd in hæresim Pelagii videatur incidisse.*

XVIII. *Opponitur Septimò.* Quando Sancti Augustinus, Thomas, alique Patrum docent, omnibus hominibus gratiam dari, intelligendum id esse, non quodd re ipsa omnibus detur, sed quodd omnibus præparata sit: pro omnibus, inquiunt, instituit Sacramenta, pro omnibus passus est, sed non omnibus gratiam Sacramentorum, & Passionis suæ applicat; sicut Medicus, qui Apothecam aperiat omni remediorum genere instructam; dicitur omnium salutem vel-
le, quamvis ea remedia non omnibus adhibeat.

Resp. Ita quidem aliqui philosophantur, sed pace illorum dixerim, tam procul à Scripturarum, Patrumque sententia, ut nihil magis. Verba S. Augustini, ejusque Discipulorum Prosperi, Orosii Fulgentii, Thomæ sunt ista: *Deum neminem deserere, quem fecit: nullam esse animam tam perversam, in cuius corde non loquatur Deus: nulli hominum negatum esse, querere utiliter, quod inutiliter ignorat: non permisisse Deum, ut ullus Mortalium excusare se possit de umbra mortis: nulli pereuntium excusationem superesse de abnegato lumine veritatis: in extremis Mundi partibus illis Nationibus, quibus nondum illuxit gratia Salvatoris, illam mensuram generalis auxilii, quæ omnibus hominibus est præstita non esse negatam: universis, atq; innumeris modis velle Deum, ut omnes homines salvi fiant, sed qui salvantur, Dei auxilio dirigi, qui non veniunt, suâ pertinaciâ reluctari: cunctis retro sæculis gratiam Dei sive occultè, sive manifestè omnibus adfuisse: Deum non solum in corpora suo, quod est Ecclesia, verumetiam universis in hoc Mundo gentibus adiutorium gratiæ suæ quotidie, per dies, per momenta, & cunctis, & singulis ministrare: evidentissimum esse, nemini hominum deesse adiutorium Dei: gratiam nulli deesse, sed omnibus communicari: Deum quantum in se est, omnibus ad trahendum manum porrigere: si homines non trahuntur, non esse defectum ex parte trahentis Dei, qui quantum in se est, nulli deficit, sed impedimentum ex parte illius esse, qui non trahitur. Hæc sunt Patrum sententiæ, & verba, quæ an intelligi possint de gratia, quæ actu ipso non tribuitur, tam clarum est, ut nec à me, nec ab aliis dici aliquid clariùs possit, & qui aliter interpretantur, planè oleum,*

& operam perdunt. Paria sunt illa Scripturæ: *Deus omnium miseretur, quia est Dominus omnium: omnes peccatores ad nuptias vocat: dives in omnes illuminat omnem hominem venientem in hunc mundum*. Nec verò, ut aliqui comminiscuntur, hæc ultima verba: *illuminat omnem hominem*, intelligi possunt, aut de lumine *cognitionis naturalis*, cum Joannes de illo lumine loquatur, quod Christus sua Incarnatione nobis meruit, quale non est lumen naturale: nec etiam intelligi possunt de aliquibus tantum, sive, ut loquuntur, de generibus singulorum; ea enim verba: *omnem hominem venientem in hunc Mundum*, ostendunt, nullum penitus excludi: Nec etiam dici potest, Deum præparare quidem omnibus lucem gratiæ, sed non omnibus dare; aliud enim est lumen præparare, aliud illuminare; non verò dicit Joannes: *Qui præparat lumen omnibus venientibus in hunc Mundum*: in quæ verba planè ad rem nostram Angelicus Doctor: *Verbum illuminat omnem hominem venientem in hunc mundum, quantum de se est, quia ex parte sua nulli deest; imò vult omnes salvos fieri, & ad agnitionem veritatis venire, quod si aliqui non illuminantur, ex parte hominis est avertentis se à lumine illuminante*. Quid clariùs dici possit? Quod si aliquando negat S. Thomas, quibusdam auxilium gratiæ necessarium dari, ut videre est 2. 2. *quæst. 2. art. 5. ad 1.* intelligendus est, ut supra ostendimus, vel quid subinde, non verò semper, totoque vitæ tempore negetur: vel de auxilio gratiæ proximo ad aliquid faciendum, non verò de remoto, & incompleto, quo si utaris, reliqua etiam necessaria adjunguntur, ut idem Angelicus à nobis citatus docet de Cornelio Centurione, & de Barbaro in filvis educato. Rursus illa Scripturæ verba, quæ toties de peccatoribus etiam obduratissimis repetuntur, videlicet: *Deum stare ad ostium, pulsare, intraturum, si quis aperiat; vocare, tota die manus extendere ad populum contradicentem, & resistentem*, hæc, inquam, omnia clarissimè ostendunt actum, curamque ipsam Dei circa peccatores laborantis. Audi Scripturam ipsam, & judica: Paralip. 2. cap. 36. *Mittebat autem Dominus Deus ad illos per manum Nuntiorum suorum de nocte consurgens, & quotidie commonens, eo quod parceret populo: at illi subsannabant Nuntios Dei, & parvi pendebant sermones ejus, illudebantq; Prophetis, donec ascenderet furor Domini in Populum, & esset nulla curatio*. Nec obstat huic Patrum, & Scripturarum sententiæ similitudo illa Medici, omnibus remedia præparantis, sed non omnibus applicantis: Id enim po-

tius

tius ad rem nostram facit : Si enim Medicus remedia sua manu , & arte confecta , ita custodiat , seri s̄que claudat , ut nemo accipere possit , nisi eo dante , ipse verò firmissimum propositum habeat dandi aliquibus tantum , non verò omnibus , nemo dixerit , Medicum re ipsa , serioque omnibus remedia parasse , quæ applicari non possint , nisi illo volente , & dante , ipso verò non velit omnibus dare . Idem de Deo dicas : Cum enim nemo salvus esse possit , nemo gratiam accipere , nisi eo volente , ac dante ; ipse verò noluerit omnibus dare ; imò ut tu dicis , voluntate efficaci , æternâ , insuperabili , omnemque culpam etiam prævisam antecedente , aliquos excluderit ; qua ratione dici potest , iis quos sic exclusit , serid , verèque vitam æternam , & gratiam præparasse ?

XIX. *Opponitur Octavo . S. Paulus ad Rom. 10. hæc habet : Omnis quicumq; invocaverit nomen Domini , salvus erit : quomodo autem invocabunt , in quem non crediderunt ? aut quomodo credent ei , quem non audierunt ? quomodo autem audient sine prædicante ?* Quibus verbis insinuat Apostolus , salvari neminem posse , nisi qui credat , neminem credere , nisi qui Evangelium audiat ; atqui certum est , quàmplurimas Nationes fuisse , quibus Evangelium annuntiaturum diu non fuit , & nondum est : illi ergo gratiâ caruerunt , quæ salvarentur ; nam si credere , & salvari poterant citra prædicationem , ergo falsa est Apostoli ratiocinatio .

Resp. Apostolum loqui de fide explicita in Christum , quàm certum est , ordinario modo , nisi prædicatione Evangelii haberi non posse . Cæterum sine hac fide explicita in Christum , quàmplurimos ante illius adventum per solam gratiam , quâ legem naturæ observabant , & si eam transgressi erant , de Deo omnium Creatore , & Providore offenso dolebant , salutem adeptos esse , dubium nullum est . Ita enim Apostolus testatur ad Hebr. 11. *Accedentem ad Deum oportet credere , quia est , & quia remunerator est .* Vides , nullam fieri Incarnationis mentionem , solamque ad æternam vitam cognitionem existentis , & providentis Dei sufficere . Post promulgatum verò Evangelium , an fides explicita in Christum omninò necessaria sit , disputant Theologi ; si tamen admittamus necessariam esse , dicendum est cum Angelico Doctore , omnibus hominibus etiam incultissimis , ac planè barbaris auxilium gratiæ dari , quo legem naturalem observent , quâ observatâ , & nisi obicem ponant , Deum curaturum , ut eis quoque Evangelium innotescat , ut de Sibillis , Cornelio , Eunu-

cho Candacis Reginae, & Platone Philosopho constat. Verba Sancti Doctoris sunt ad Rom. 10. Lect. 3. Nunquid illi, ad quos fama prædicationis non pervenit, utpote si fuerint nutriti in silvis, excusationem habent de peccato infidelitatis? Ad hoc dicendum est, quod secundum sententiam Domini Joan. 17. illi qui loquentem Dominum per se, vel per ejus discipulos non audierunt, excusationem habent de peccato infidelitatis, non tamen justificantur ab aliis peccatis, qua vel nascendo contraxerunt, vel male vivendo addiderunt, & pro his meritis damnantur. Si qui tamen eorum fecissent, quod in se est, Dominus eis secundum suam Misericordiam providisset, mittendo eis prædicatorem Fidei, sicut Petrum Cornelio, & Paulum Macedonibus. Sed tamen hoc ipso, quod aliqui faciunt, quod in se est, convertendo se scilicet ad Deum, ex Deo est, movente cor da ipsorum ad Deum. Et 2. 2. quæst. 2. art. 7. ad 3. Multis Gentiliis facta fuit revelatio de Christo, ut patet per ea, quæ prædixerunt. Sibylla etiam prænuntiavit quadam de Christo, ut Augustinus dicit Lib. 13. contra Faustum cap. 15. Invenitur etiam in Historiis Romanorum, quod tempore Constantini Augusti, inventum fuit quoddam sepulchrum, in quo jacebat homo anrem laminam habens in pectore, in qua scriptum erat: Christus nascetur ex Virgine, & ego credo in eum. Si qui tamen salvati fuerunt, quibus revelatio non fuit facta, non fuerunt salvati absq; fide Mediatoris; quia etsi non habuerunt fidem explicitam, habuerunt tamen implicitam in divina Providentia, credentes, Deum esse liberatorem hominum secundum modos sibi placitos, & secundum quod aliquibus veritatem cognoscentibus Spiritus revelasset, secundum illud Job. 35. Qui docet nos super jumenta terræ.

XX. Opponitur Nono. Quibusdam obstinatissimis peccatoribus, & quorum sperari amplius correctio non potest, subducitur custodia Angelica juxta illud Isaia 5. Auferam sepem ejus, & erit in direptionem. Et Jerem. 51. Curavimus Babilonem, & non est curata, derelinquamus eam. Ubi Glossa: Sicut Medici sub magno Medico Angeli Dei sunt, volentes animas nostras à vitiis curare, quos ipsi repellimus, dum consiliis eorum non acquiescimus: qui videntes se perdere operam, ad invicem dicunt: relinquamus eam: adiutoria, & medicamenta adhibuimus, contumax est, non vult observare, quod dicimus, studium nostrum non sequitur effectus, abeamus unusquisq; in terram suam. Refertque Josephus Lib. 7. Belli Judaici cap. 12. Romanis Jerosolymam obsidentibus Templi ingentem portam sponte,

te, improvifoque patuisse, auditaſque è Sanctuario Tutelarium vocantes ſe invicem adhortantium: *Migremus hinc*. Et de Juliano Apoſtata narrat in ejus vita Ammianus Marcellinus, pridie certaminis, quo cœleſti manu interfectus eſt, noctu in regio tabernaculo vigilantibus, & incertam imminentis pugnae aleam volventibus, Genium tutelarem triſti vultu additiſſe, dixiſſeque: *Aliquoties tanquam repudiatuſ abſceſſi, & jam tecum diutius non habitabo*. Sublatâ verò cultodiâ Angelicâ conſequens eſt, gratiam quoque ſufficientem ceſſare, cùm juxta receptam S. Thomæ doctrinam: *Homo nihil operari poſſit circa ſuam ſalutem ſine auxilio divino, quod homini exhibetur mediante miniſterio Angelorum*. Quod etiam repetit 1. p. q. 113. a. 1. ad 3. Quod etiam facit S. Auguſtini, aliorumque Patrum ſententiæ docentium: Deum, qui omnia facit in numero, pondere, & meſura, ſingulis quoque peccatoribus certam meſuram, & temporum ſpatia præfixiſſe, quibus juvare illos, & ſuſtinere velit, eâ verò completâ ceſſare Dei gratiam, & miſericordiam, ac peccatores ſuis deſideriis relinqui, quæ omnium maxima caſtigatio eſt, juxta illud Prophetæ Amos 1. *Super tribus ſcclaribus Damafci, & ſuper quatuor non convertam eum: & ſuper tribus ſccleribus Tyri, & ſuper quatuor non convertam illum: ſuper tribus ſccleribus Edom, & ſuper quatuor non convertam illum*. Et Eccle. cap. 7. *Conſidera opera Dei, quod nemo poſſit corrigere, quem ille deſpexit*. Et Auguſtinus: *Illud ſentire nos convenit, unumquemq; à Dei patientia tamdiu ſuſtineri, quamdiu nondum ſuorum peccatorum terminum, finemq; complevit, quo conſumato, eum illico percuſi, nec ullam ei veniam reſervari*. Lib. de Vita Chriſtiana cap. 3. Et Lib. de Nat. & Grat. cap. 67. *Ille eſt peccati pœna juſtiſſima, ut qui rectum facere, cum poſſet, noluit, amittat poſſe, cùm velit*. Dantur ergo aliqui peccatores, quibus in pœnam præcedentium criminum, & Angelorum cuſtodia, & omne auxilium bene agendi, pœnitendique ſubtrahitur.

Reſp. Quamvis hæc omnia concederentur, nihil propterea contra ſententiam noſtram inferri poſſe, nam ut ſuprà quoque obſervatum eſt, non quærimus modò, an peccatoribus ſemper, & ubique gratia pœnitendi tribuatur, ſed tantùm illud contendimus, nullum etiam perditiffimum eſſe, cui opportunè, & per aliqua temporum intervalla, certaſque occaſiones non gratia copioſè tribuatur, quâ ſalvari poſſit, adeò, ut ſi non ſalventur, tota peccatoris culpa ſit, oblatas affatim gratias reſpuentis.

Ceterum præter hoc, ne illa quidem admittimus, quæ in objectione afferuntur: Negamus enim aliquem peccatorem esse tam magnum, qui dum vivit, ab Angelo suo Custode deferatur. Hæc Angelici Doctoris expressa sententia est, nam p. 1. q. 113. a. 6. *Custodia*, inquit, *Angeli est quadam executio divina Providentia circa homines facta*. Manifestum est autem, quod nec homo, nec res aliqua totaliter divina Providentia subtrahitur; in quantum enim aliquid participat de esse, in tantum subditur universali Providentia Entium. Sed in tantum Deus secundum ordinem suæ Providentia dicitur hominem derelinquere, in quantum permittit illum pati aliquem defectum, vel pœna, vel culpa. Similiter etiam dicendum est, quod Angelus Custos nunquam totaliter dimittit hominem, sed ad aliquid interdum eum dimittit, prout scilicet non impedit, quin subdatur alicui tribulationi, vel etiam quin cadat in peccatum secundum ordinem divinorum iudiciorum. Et secundum hoc Babilon, & Domus Israël ab Angelis derelicta dicuntur, quia Angeli earum Custodes non impediverunt, quin tribulationibus subderentur. Et a. 4. Homo in statu vitæ constitutus est quasi in quadam via, quæ debet tendere ad patriam: In qua quidem via multa pericula homini imminēt, tum ab interiori, tum ab exteriori juxta illud Psalmi: In via hæc, quæ ambulabam, constituerunt laqueum mihi: & ideo sicut hominibus per viam non tutam ambulantibus dantur custodes, ita & cuilibet homini, quamdiu viator est, Custos Angelus deputatur. Quando autem jam ad terminum via pervenerit; jam non habebit Angelum Custodem, sed habebit in Regno Angelum conregantem, in inferno demonem puni-
torem. Et ibidem ad 3. Sicut præsciti, & infideles, & etiam Anti-Christus non privantur interiori auxilio naturalis rationis; ita etiam non privantur exteriori auxilio totius naturæ humanæ divinitus concessio, scilicet custodiæ Angelorum; per quam etsi non juventur, quantum ad hoc, quod vitam æternam bonis operibus mereantur; juvantur tamen quantum ad hoc, quod ab aliquibus malis retrahuntur, quibus sibi ipsis, & aliis nocere possent. Nam & ipsi Demones arcentur per bonos Angelos, ne noceant, quantum volunt: & similiter Anti-Christus non tantum nocebit, quantum vellet. Vides ex mente Sancti Doctoris homini, quamdiu viator est, dum videlicet vivit, imò etiam ipsi Anti-Christo (quem verò Anti-Christo pejorem reperies?) nunquam Angelicam custodiam deesse, idque jure merito; Si enim, ut idem Angelicus observat art. 6. *Dæmones nos semper impugnant jux-*

ta illud Apostoli: *Adversarius vester diabolus tanquam leo rugiens circumit quarens, quem devoret; ergo multò magis boni Angeli semper nos custodiunt.* Accedit, Angelos ad custodiam hominibus dari, non quia iustis, non quia fidelibus (alioquin nulli peccatorum, nullique infidelium darentur) sed quia ad imaginem Dei factis, quia Viatoribus, & cœlesti patrocínio, ac tutelâ indigentibus ob imbecillitatem naturæ, insidiasque Dæmonum, & mille alia pericula, quæ viventibus occurrunt. Hæverò rationes in quolibet etiam obstinato peccatore locum habent, & ideo custodia Angelica ad communem Providentiam, & communia beneficia pertinet, quæ nulli hominum negantur, juxta illud Matthæi 5. *Qui Solem suum oriri facit super bonos, & malos, & pluit super iustos, & iniustos.* Quam rationem eleganter quoque insinuat Angelicus Doctor 1. p. q. 113. a. 1. ad 5. ubi: *Secundum rationem divine Providentiæ hoc in rebus omnibus invenitur, quòd mobilia, & variabilia per immobilia, & invariabilia moventur & regulantur, sicut corpora inferiora per superiora, & omnia corporalia per substantias spirituales, quæ sunt invariabilia secundum substantiam.* Sed & nos ipsi regulamur circa Conclusiones, in quibus possumus diversimodè opinari per principia, quæ invariabiliter tenemus. Manifestum est autem, quòd in rebus agendis cognitio, & affectus hominis multipliciter variari, & deficere possunt à bono, & ideo necessarium fuit, quòd hominibus Angeli ad custodiam deputarentur, per quos regularentur, & moverentur ad bonum. . . . Beneficia enim, quæ dantur homini divinitus, ex eo quod est Christianus, incipiunt à tempore Baptismi, sicut perceptio Eucharistiæ, & alia huiusmodi. Sed ea quæ providentur homini, in quantum habet naturam rationalem, tunc ei exhibentur, quando nascendo talem naturam accipit, & tale beneficium est custodia Angelorum. Ad illa verò, quæ de Angelis, qui Babilonem, Jerosolymam, & Julianum Imperatorem deseruerunt, jam respondit idem Angelicus, ut modò audivimus. Ubi observandum quoque est, illam ipsam comminationem deserendi novum Angeli tutelaris beneficium esse, quo peccatores tanto malo prænuntiato ad pœnitendum validissimè incitantur, nam ut bene scripsit Augustinus: *Non vult ferire, qui dicit cave.* Et Chrysostomus Hom. 1. de Pœnitent. *Cujus rei causa, quæ facturus es mala, prædicat? ut non faciat.* Nec verò admittendum est, quod Gonetus docuit, videlicet: Angelos quamvis in Infidelibus non excitent super naturales illustrationes juvantes ad opera conducentia ad salutem,

lutem, iurare tamen ad bona aliqua opera moralia, & pauciora committenda peccata, ut mitius in inferno puniantur: Si enim velit Gonet, sæpe peccatores Angelicis illustrationibus obicem ponere, ut effectum principale æternam videlicet gloriam non consequantur, id verissimum est, docetque S. Thomas paulò ante laudatus a. 4. ad 3. Si verò censeat, cessare Angelos ab illustrationibus salutis nostræ necessariis, falsissimum est: sic enim officio suo principali deessent, cum ideo dati sint, ut hominem à peccato custodiant, promoveantque ad gloriam æternam, juxta illud ad Hebræos 1. Omnes sunt administratores Spiritus propter eos, qui hereditatem capiunt salutis. Sicut ergo deesset officio Tutor, qui clientis sui agros, & facultates quidem curaret, sed graviter ægrotanti necessaria ad vitam tuendam, fugiendamque mortem non provideret; cum Tutor præcipuè detur non rebus, sed personæ; ita deesset Angelus tutelarioris præcipui officii sui partibus; si omitteret ea inspirare, quæ ad vitandam animæ mortem, hoc est, peccatum, obtinendamque vitam æternam necessaria sunt: quod si inspirat, nec clientes obediunt, istorum culpa, non Angeli defectus est. Quanquam nemo tam perversus, qui non in aliquibus saltem Angelo inspiranti obtemperet, qualia sunt, quæ minus passioni, & cupiditati repugnant; ut si homicidio impudicus abstineat, Sacrumque audiat, & ideo experimur, etiam projectissimos peccatores faciliùs Ecclesiæ præcepta, quàm Dei observare; nam qui odio, & adulterio abstinere non vult, abstinet tamen comedendis sabbatho carnibus, non quodd hoc melius, sed quod minus cupiditati adversum, observatuque facilius. Semper ergo Angelorum custodia etiam in maximis, & obstinatissimis peccatoribus proficua est, & ideo nunquam cessat. Vide Sanctum Doctorem questione citata a. 4. ad 3.

Id verò, quod de certa peccatorum mensura dicitur, explicatione opus habet. Si enim sensus sit, Deum, qui omnibus creaturarum, ac præsertim hominum actionibus certum numerum, tempusque præscripsit, decrevisse tanto, & non majori tempore peccatorem ad pœnitentiam expectare, quo elapso eum morte, aliove casu juxta communem cursum, nexumque causarum naturalium subitò percutiat, ut pœnitere amplius non possit; id verissimum est, & negari à nemine potest, & hoc duntaxat probant, quæ in contrarium adducuntur, idque sufficit planè ad peccatores quoscumque terrendos, cum quantò diutius peccato inhaerent, tantò viciniore termino sint,

sint, quem Deus aliis longiorem, aliis breviorē præfixit, omnibus incertū, & brevi finiendum: quī ergo non timeant, cū non ignorent, omne momentum posse ultimum, & decretorium esse? Ita Theodoretus super illa Danielis verba: *Appensus es in scatera*: ubi: *Docet per hæc verba Propheta, nihil esse, quod apud Deum non ponderetur, quin etiam divinam misericordiam, ac diutinam lenitatem mensurâ quadam, & pondere hominibus adhiberi. Quando ergo transgressus es, inquit, clementia suos, accipe divinam sententiam.* Et S. Augustinus Serm. 31. de Verb. Dom. *Eia arbor infructuosa, non jam irrideas, quia parcitur tibi, dilata est securis, noli esse secuta, veniet, & amputaberis.* Et S. Gregorius Lib. 25. Mor. cap. 3. *Subito tollitur, qui diu toleratur.* Si verò sensus objectionis sit, Deum aliquam, certamque mensuram peccatorum statuissē, quā impletâ etiam viventi, & ratione utenti omne auxilium, gratiamque etiam sufficientem subtrahat, quā pœnitere, & divina præcepta implere possit; hoc enim verò negamus, quippe contrarium tot illis Dei pollicitationibus, quibus omne genus peccatorum ad spem, & pœnitentiam hortatur, & veniam promittit, quamdiu vivit. Deinde quæro ex te quid intelligas nomine illius certæ mensuræ peccatis assignatæ? aut enim intelligis, aliqua esse peccata tam gravia, ut ijs admissis continuò peccator omni auxilio, & facultate pœnitendi spoliatur? at id falsissimum est; constat enim nullum esse peccatum tam grave cui Deus veniam non polliceatur, & consequenter gratiam pœnitendi; nam hoc negare idem esset, quod veniam negare, quæ sine pœnitentia haberi non potest: *si fuerint, inquit, peccata vestra ut coccinum, quasi nix dealbabitur, & si fuerint rubra sicut vermiculus; sicut lana alba erunt* Isaïæ 1. v. 18. Et quod majus peccatum odio Dei, Idololatriâ, ipsoque Deicidio? & tamen ut in Judeis patet, ista quoque misericordiam, & veniam adepta sunt. Aut intelligis, omnibus peccatoribus certum peccatorum numerum præscriptum esse, quo expleto, quamdiu vivant, nullum ampliùs veniæ locum dari? at quæ major series peccatorum excogitari potest, quàm quæ profertur, duratque usque ad mortem? & tamen tunc quoque sperandum est, ut in S. Latrone ostensum, de quo celebre illud Augustini: *Unus est, ne desperes, unicus est, ne præsumas.* Et illud non minùs celebre Chrysostomi (hominis alioquin austere sanctitatis) contra Novatianos: *Et si millies peccaveris, & penitentiam egeris, Ecclesiam ingredi.* Singulare quoque exemplum Manassis est, usque

usque in ultimam senectutem Deo rebellis, de cujus peccatis, & pœnitentia hæc leguntur Reg. 4. 21. & Paralip. 2. 33. *Duodecim annorum erat Manasses, cum regnare cepisset, & quinquaginta quinque annis regnavit in Jerusalem, fecitque malum in conspectu Domini juxta idola Gentium, & erexit aras Baal, & adoravit omnem Militiam Celi, & coluit eam, & extruxit aras in Domo Domini, & altaria universa militia Celi in duobus atriis Templi Domini, & traduxit filium suum per ignem, & ariolatus est, & observavit auguria, & fecit Pythones, & aruspices multiplicavit, ut irritaret Dominum. Posuit quoque Idolum luci in Templo Domini, & seduxit Israël, ut faceret malum super Gentes, quas contrivit Dominus, & fecit abominationes pessimas super omnia, quæ fecerunt Amorrei: insuper & sanguinem innoxium fudit multum nimis, donec impleret Jerusalem usque ad os Idcirco super induxit eis Dominus exercitum Regis Assyriorum, ceperuntque Manassen, qui postquam coangustatus est, oravit Dominum Deum suum, & egit pœnitentiam valde coram Deo, deprecatusque est eum, & obsecravit intentè, & exaudivit orationem ejus, reduxitque in Regnum suum.*

Ergo nullum peccatum est, aut gravitate tam magnum, aut tempore tam diuturnum, cui exemplo Manassis venia sperari non possit. *Vel denique* per mensuram illam peccatorum intelligis non omnes quidem, sed aliquos tantum peccatores esse, quibus certo numero expleto quamvis viventibus, & ratione præditis omnis ad conversionem gratia subtrahatur? Dico ratione præditis, nam si aut morbo, aliove, & improvise casu, videlicet vulnere, naufragio, præcipitio alicui Deo cursum naturæ non impediante, ita occupentur, ut mentem ad Deum, & quæ animam spectant, elevare non possint, certum est, istis quippe impotentibus nullam gratiam pœnitendi suppetere. Extra, inquam, hunc casum falsum est, alicui peccatorum viventi, suæque rationis compoti omnem gratiam subduci, quâ converti ad Deum possit: Id enim *repugnat* Scripturæ, omnes omnino peccatores, dum vivunt, ad pœnitentiam, & veniam invitantis, nullumque excludentis; at excluderet, si Deus auxilia necessaria negaret; paria enim sunt veniam negare, & negare auxilia, sine quibus obtineri venia non potest. *Repugnat* Augustino, cujus, ut supra vidimus, sententia est: *Nullam esse Animam tam perversam, modo ratiocinari possit, in cujus conscientia non loquatur Deus, nullumque esse tam reprobum, tam cecum, qui à Dei gratia, dum in hac*

vita

vita est, penitus excludatur. Repugnat experientiæ: quis enim peior, obduratior, veniâque indignior Anti-Christo, Pharaone, iisque impœnitentibus, de quibus Apostolus: Thesaurizant sibi iram in die iræ, at nemo istorum à Deo ita penitus desertus est, ut pœnitere non posset. De Anti-Christo jam audivimus ex S. Doctore, neque illi Angelicam custodiam defuturam, ergo neque sanctas illuminationes, ob quas potissimum Angeli destinantur, ut supra ostensum. De Pharaone constat, aliquando pœnituisse (licet postea reciderit) quod sine gratia fieri non potuit. Verba ipsius sunt Exodi 27. Peccavi etiam nunc, Dominus iustus, ego & populus meus impii. In quæ verba S. Augustinus lib. de Prædest. & Grat. cap. 14. De cujus Libri dubia auctoritate jam alibi dictum est: Si piè de Deo sentiamus, etiam Pharaoni non denegavit misericordiam suam; nunquid enim non potuit sicut flagellis cedens expulit populum, ita miraculis credens Deum tantæ virtutis agnoscere?

De obduratissimis verò, & impœnitentibus Judæis, de quibus Apostolus dixerat ad Rom. 2. *Secundum duritiam, & impenitens eor thesaurizas tibi iram in die iræ*, præmiserat paulò antè: *An divitias bonitatis ejus, & patientiæ, & longanimitatis contemnis, & ignoras, quoniam benignitas Dei ad pœnitentiam te adducit?* Et cap. 10. *Ad Israël autem dicit: tota die expandi manus meas ad populum non credentem, & contradicentem mihi.* Quibus ergo credendus est Deus gratiam & misericordiam negare, quam non Anti-Christo, non Pharaoni, non perfidissimis Judæis negat? Ut taceam, nullam rationem esse, ob quam hos fines divinæ Misericordiæ statuamus: Cur enim id Deus velit? ut peccatoris malitiam puniat? at satis punita est, si vel morte repentina percutiat, vel eo morbo tolli permittat, quo cogitare de pœnitentia non potest; vel etiam si gratias illas efficacissimas subducat, sine quibus prævidet, impœnitentem moriturum; his enim rationibus idem effectus sequetur, salva Dei bonitate, & toties facta promissione veniæ. *Neg. dicas, peccatum mortale hanc pœnam mereri, ut docet S. Thomas 3. contra Gentes cap. 162.* Jam enim supra respondimus, non hîc quæri, quid peccato debeatur, alioquin sequeretur de lege ordinaria, & plerumque hominem primo peccato commissò mox toto vitæ suæ tempore potentiâ resipiscendi, custodiâque Angelicâ privari, id enim peccato deberetur, ut loco citato observat S. Thomas. Non ergo quærendum à nobis est, quid Deus ex debito, sed quid ex abundan-

tia infinitæ Misericordiæ suæ & faciat, & facturum promiserit; promisit verò omnibus omnino, dum viverent, veniam admissorum, & ideo non aliquos tantum, non plerosque, sed omnes omnino ad pœnitentiam invitat; ergo dat etiam auxilium, quo possint pœnitere, alioquin ad impossibile invitaret, hoc est, ad volandum, non datis alis; ad transfretandum, non data navi; quæ omnia de Deo dici absurdissimum est.

Illud verò concedimus peccatoribus, qui consuetudinem peccati in naturam verterunt, difficillimum esse, ut convertantur: *definit enim esse remedio locus, ubi quæ fuerunt vitia, mores sunt, ait Philosophus Stoicus.* Et de hujusmodi dicitur Jeremiæ 13. *Si mutare potest Æthiops pellem suam, aut pardus varietates suas, & vos poteritis benefacere, cum didiceritis malè.* Et S. Augustinus lib. 10. Confess. cap. 8. *Dicunt mihi creatura omnes, ut amem te, nec cessant dicere omnibus, ut sint inexcusabiles; alius autem tu misereberis, alioquin cælum, & terra surdis loquuntur.* Tantoque magis grandescit difficultas, cum Deo causis secundis naturalem cursum permittente peccatoribus occasiones occurrunt, quæ alliciant: adulatores, maliq̃ue Consiliarii, qui seducant: fastidium rerum æternarum, contemptusq̃ue Sacerdotum utilia monentium: orandi desidia mente in res, causasq̃ue temporales penitus absorpta: rerum caducarum affluentia, quæ oblivionem æternorum pariat, & alia mille, quæ inveterati peccatoris conversionem planè arduam reddunt, non tamen impossibilem, sed nec difficillimam, si modò remedia usurpet à Deo copiosè oblata. Id Augustinus de se ipso testatur lib. 8. Confess. cap. 5. *Suspirabam ligatus non ferro alieno, sed mea ferrea voluntate: velle meum tenebat inimicus, & inde mihi catenam fecerat, & confrinxerat me; quippe ex voluntate perversa facta est libido, & dum servitur libidini, facta est consuetudo; & dum consuetudini non resistitur, facta est necessitas.* Sed paulò pòst lib. 9. Confess. cap. 1. *Mox idem Augustinus subjungit: Quàm suave mihi subito factum est, cavere suavitatibus vugarum, quas amittere mebus fuerat, & jam dimittere gaudium est: Eticiebas enim eas à me, & tu intrabas pro his omni voluptate dulcior.* Idemq̃ue Seneca ipse lib. 3. de Ira cap. 12. *Nihil tam est difficile, quod non humana mens vincat, & in familiaritatem perducas assidua Meditatio, nulliq̃ sunt tam feri, suisq̃ juris affectus, ut non disciplinâ perdomentur: quodcumq̃ sibi animus imperavit, obtinuit. Vino quidam;*

*dam; alii Venere, quidam omni humore interdixere corporibus. Dī-
dicerunt alii in funibus ambulare, immania onera ferre, mergi in
profundo, nec respirare. Sunt verò expugnandæ consuetudini hæc
præsertim remedia. Primò fervens, constansque imploratio divinæ
gratiæ; huic enim nihil est insuperabile; & oratio nunquam non
exauditur ob divinam promissionem, constatque experienciā, nullum
unquam à Deo petiisse, quæ ad salutem pertineant, nec impetrâsse, ut
proinde dubitare prudenter nemo possit, quod nulli, & nunquam à
Deo negatum est, id sibi negatum iri. Erubescat humana pigritia;
plūs vult Deus dare, quàm tu accipere: plūs vult ille misereri, quàm tu
à miseria liberari, inquit S. Augustinus de Verb. Dom. Serm. 31.
Et ibidem circa finem: Qui tam curvus est, ut terram intueatur,
terrena felicitate latetur, aliam cælestem non credat; quicumq̃,
inquam, tam curvus est, erigatur, & si per se ipsum non potest, invo-
cet Dominum: nunquid enim & mulier illa curva per se ipsam erecta
est? Væ illi, si manum ille non porrexisset. Alterum contra consue-
tudinem præsidium est fortis, frequensque resolutio, perversam con-
suetudinem superandi, ac contrariæ virtutis exercitium, quo paula-
tim, sensimque prima consuetudo languescit, ac tandem cedit.
Qua in re memoriâ dignum, quod in vita B. Bernardi legere est. Is
nobilem virum inciderat, aded impuris amoribus captum, ut fate-
retur, ne una quidem nocte carere iis posse. Cui Sanctus: quæso te,
inquit, in gratiam Dei vel triduo abstine, & ad me redi. Abstinit
rediiq̃, ad quem Bernardus: nunc, inquit, tantundem Virgini
præsta. Fecit: & Bernardus, semel adhuc, inquit, omnibus in Cælo
Sanctus inducias has posco: quod cum pactus Nobilis esset, ipsoque
usu didicisset, fieri posse, quod futurum prius desperaverat, ac simul
bonæ conscientiæ dulcedinem, pacemque expertus, & quantum ista
brevissimæ voluptati præstaret, ad Bernardum, regressus, sponte
sua plura promissit, præstititque, quàm alter exegerat: Nolo, inquit,
amplius diurnas cum Deo inducias, sed perpetuam pacem, stetitque
promissis; aded verum est, non in Reipublicæ tantum, verumetiam
in Animæ causis sæpe consultum esse: Arte rem moliri, vim procul
habere.*

*Deniq̃, optimè vincendæ consuetudini remedium est, mortis
non tanquam remotæ, sed tanquam imminētis (ut revera semper
est, aut esse potest) assidua Meditatio; Nemo enim est tamen insa-
nus, qui brevissimum gaudium longissimo dolori præferre velit, se*

modò persuasum habeat, brevissimum illud fore. In quam rem non injucundum auditu est Sacerdotis cujusdam rerum ad animas pertinentium callentissimi egregium stratagema, quo vitiis non minùs, quàm annis senem ad pœnitentiam, vitamque mutandam permovit. Is confessorus accessit, longamque peccatorum seriem, quibus incanuerat, exposuit. Sacerdos primò jejunium imposuit. Illo vertiginem causante, cilicium jussit: & cum alter intellexisset, quid rei cilicium esset, ideoque respueret; ergo, inquit, Sacerdos: certas quotidie preces è genu recitabis; at ille ne hoc quidem possum, quippe imbecilli, ac languente corpore. Flagello ergo te cædes: flagellum, reponit, mihi aliàs fatiscenti, & vix muscam toleranti? tum Sacerdos, ergo hoc saltem agito: toto proximo mense, cum te noctu ad lectum, & somnum paras, prolixam hanc, canamque barbam attentè, multumque spectâ, ac manibus versa, nihilque ampliùs. Senex primò ridere, tùm facere; ac repetito (quæ ipsa Sacerdotis intentio fuerat) barbæ aspectu, mortis vicinæ recordari; hinc timore, curaque futurorum angi, adeoque permoveri, ut lacrimis perfusus ad Sacerdotem rediret, tantoque pœnitendi ardore, castigandique corporis ageretur, ut fræno, quàm stimulo deinceps regi oportuerit. Ergo, ut dicebam, nulla est tam inolita, hærensque consuetudo, quæ vinci gratiâ, & studio non possit, & ideo nullius quoque salus desperanda est, modò medentem admittat, nam nisi admittat, non consuetudo, sed voluntas accusanda est.

Quæ verò ex Sacris Litteris, Sanctisque Patribus in contrarium opponebantur, facilè ex dictis solvi possunt: illa enim verba: *In interitu quoque, vestro ridebo: dorsum, & non faciem ostendam eis: nemo corrigi potest, quem Deus despexit*, hæc, inquam, & his similia significant tantum immobilem, & inflexibilem subinde Dei voluntatem circa pœnas temporales infligendas: significant etiam efficacissimas illas gratias subinde suspendi, peccatore impedimentum ponente, Deoque justissimè vindicante. Ea verò subtracâ gratiâ peccatum non necessariò quidem, sed certissimò sequitur. Et denique, ut ex Augustino vidimus, iis loquendi formulis significat Scriptura, subitò peccatorem, improvisoque percuti, ut pœnitendi, animumque ad Deum convertendi spatium non habeat; quid enim justius, quàm iis, qui toties tempore abusi sunt, tempus auferri?

XXI. *Opponitur Decimò.* Certissima est Augustini regula: *Nemini videlicet gratiam dari, nisi petenti.* Verba illius sunt Libro de Eccle-

Ecclesiast. Dogmat. Neminem credimus, nisi per gratiam salvari, nemini gratiam dari, nisi poscenti. Atqui multi sunt, qui gratiam ritè orandi non habent, præsertim infideles: Oportet enim orationem, ut à Deo impetret, quòd postulat, esse fidelem, permanentem, & fiducialem, seu spe munitam; at quàm multi non sic orant? Deus, inquit, Augustinus, dat omnibus affluenter, utq; his omnibus, qui sic petunt, & tantum petunt, quomodo, & quantum res tanta petenda est. Lib. de Nat. & Grat. cap. 17. Et lib. 1. quæst. 2. ad Simplicianum: Nonne aliquando ipsa oratio nostra sic tepida est, ut potius frigida, & penè nulla, imò interdum ita nulla, ut ne hoc in nobis cum dolore advertamus, quia sic hoc dolemus, jam oramus. Quid ergo aliud ostenditur nobis, nisi quia & petere, & querere, & pulsare ille concedit, qui, ut hoc faciamus, jubet.

Resp. Aliud est, peccatores non orare, aliud non habere gratiam, & facultatem, quâ orare possint, eaque auxilia impetrare, quæ iis necessaria sunt ad Legem divinam adimplendam: hoc postremum negamus, illud verò concedimus: aliud enim est carere gratia, aliud gratiâ uti nolle; sicut aliud est, carere Medico, à quo saneris, aliud sanare volentem nolle admittere: est enim gratia medicina voluntatis, quæ datur, ut sanetur, bonumque velit, sed non sanat invitam. Quòd ut rectè intelligas, observandum est, ad divina præcepta implenda, vincendaque tentationes duplici auxilio nobis opus esse, remoto videlicet, & proximo. Remotum est gratia orandi, petendi que à Deo vires necessarias. Proximum est, quo nobis vires tribuuntur, præceptum ipsum adimplendi. Remotum auxilium, seu gratia orandi omnibus, qui præcepto tenentur, loco, & tempore opportuno datur; habet enim se per modum primi principii prædici, quod alio principio non eget, sed est causa omnium aliarum actionum supernaturalium: Sicut enim Deus in ordine naturali hominem præ reliquis brutis animalibus investem, inermem, rerumque omnium inscium, rudemque fecit; nec ideo tamen deferuisse dici potest (ut Plinius Philosophus Lib. 7. in Proœmio imperitè conqueritur) sed potius omnium maximè curâsse, quia manum illi, & mentem dedit, quibus non unâ tantum, & extrinsecus acceptâ ratione, ut animantia, sed variis, & infinitis modis, nec tantum ad necessitatem, verumetiam ad commoditatem, & delicias, juxtaque temporum, locorum, conditionum, aliasque circumstantias, vestiri, armari, scientiis quoque, & artibus imbui posset; idque non natu-

ræ,

ræ, sed quod longè præstantius est, arbitrii, & industriæ suæ dono. Idem de ordine supernaturali dicas. Nascitur homo omnium, quæ ad vitam æternam pertinent, expers, & nudus; sed ut omnia, sine quibus nascitur, industriâ quoque suâ, & cum merito acquireret, data est ei, postquam ad usum rationis pervenit, gratia, & facultas orandi, quâ velut manu uteretur ad omnes reliquas gratias comparandas, sine quibus nec legem implere, nec vitam æternam consequi possit. Cæterùm hæc gratia, seu spiritus orandi, *gradus* quoque suos, & minorem, majoremque perfectionem habet: Nam quoad initia sua, primosque gradus, à Deo non petitur, sed sponte, gratisque datur (alioquin eundem in infinitum esset, & hoc ipso, quidd petis, jam gratiam petendi habes) non ergo petis, ut detur, sed datur, ut petas: sicut rota, non quia voluitur, rotunda est, sed quia rotunda est, ideo volvitur; sed quoad majorem intensionem, fervorem, & perseverantiam, etiam ipsa gratia orandi postulatur; sic enim cum Ecclesia precamur: *Actiones nostras quæsumus Domine aspirando præveni, & adjuvando proseguere, ut cuncta nostra oratio, & operatio à te semper incipiat, & per te cepta finiatur*. Et ideo tantopere è Sanctis Patribus orationes illæ jaculatoriæ commendantur; quippe ob brevitatem, & facillimæ, & ardentissimæ, & frequentissimæ esse possunt, suntque semina quædam omnium aliarum gratiarum, parva quidem mole, sed maxima virtute, ac fructu, de quibus hæc habet S. Augustinus Epist. 121. ad Probam cap. 9. *Dicuntur Fratres in Ægypto crebras quidem habere orationes, sed eas tamen brevissimas, & raptim quodammodo eiaculatas, ne illa vigilanter erecta, quæ oranti plurimum necessaria est, per productiores moras evanescat, atq; hebetetur intentio. Atq; per hoc etiam ipsi satis ostendunt, hanc intentionem, sicut non est obtundenda, si perdurare non potest; ita si perduraverit, non cito esse rumpendam; absit enim ab oratione multa locutio, sed non desit multa precatio, si servens perseverat intentio*. Tales orandi formulæ fuerunt illæ Davidis: *Peccavi Domino*: & Josue: *Sol contra Gabaon ne movearis*. Et Judithæ, cum ferrum in caput Holophernis vibraret: *Confirma me Domine Deus in hac hora*; Et Sufannæ jamjam obruendæ: *Deus aterne ecce morior, cum nihil horum fecerim*. Et Publicani: *Deus propitius esto mihi peccatori*. Et Latronis: *Memento mei Domine, cum veneris in Regnum tuum*. Imò Dominica oratio non solum brevissima ipsa est, verumetiam nihil est aliud, quàm contextus brevissimarum petitionum, quarum sin-

gulæ tribus, vel quatuor verbis absolvuntur. His ergo orandi principiis, quæ nemini desunt, & major, ac perseverantior orandi spiritus, & proximum auxilium Dei ad legem implendam obtineri possunt. Primis ergo illis precibus, quarum facultas Dei liberalissimo dono omnibus peccatoribus præstèd est, duo petimus: opportunum videlicet auxilium Dei, tùm ad omnem orationem sequentem (quam oportet humilem, fiducialem, ac perseverantem esse) tùm ad omnem operationem honestam, & salutarem, sed audiamus Augustinum id ipsum sæpius docentem. Nam Lib. de Grat. & libero Arbitrio cap. 16. *Jubet aliqua, qua non possumus, ut noverimus, quid ab illo petere debeamus: ipsa enim est fides, qua orando impetrat, quod lex imperat.* Et lib. 3. de Libero Arbitrio cap. 19. *Deo gratias agant, quòd aliquid sine difficultate faciunt, & ubi difficultatem aliquam sentiunt, fidelissimis, & perseverantissimis precibus, & Misericordia promptis operibus facilitatem à Domino impetrare persistant.* Dignum quoque memoratu est, quod S. Gelasius Epist. 5. ad omnes Episcopos in Piceno constitutos contra Pelagianos censet, ideo Luciferum, & Adamum cecidisse, quòd nimium viribus, & felicitate sua nixi oratione abstinerint. Verba S. Pontificis sunt: *Si in ipsis primis hominibus, dum sua nimium felicitate confidunt, & tantam Dei gratiam in vacuum recipientes non orando (quod utique nunquam fecisse referuntur) nec de receptis gratias referendo; nec ut eadem intemerata dararent, suppliciter implorando, incolumes consilare nequiverunt; quantò magis post prævaricationis ruinam absq; divino munere suis viribus vel agri stare non possunt, sine quo nec integri persistere valuerunt.* Et S. Thomas 1. part. quest. 94. art. 4. ad 5. *Neo valet instantia, quam quidam afferunt, quòd Adamo in tentatione non fuit subventum, ne deciperetur, licet tunc maxime indigeret; quia jam præcesserat peccatum in animo, & ad divinum auxilium recursus non habuit.* Vides, totam rationem, ob quam Adamus deceptus est, non aliam fuisse, quàm quòd orationem omiserit. Idemque de Petro dicendum est, toties lapsus imminenti, & orationis admonito, & tamen, ut caveret, & oraret, nunquam persuaso.

Hoc verò primum auxilium locis, & temporibus opportunis nunquam negari, patet imprimis ex iis, quæ toto hoc paragrapho diximus, ubi prolixè ostensum est, Deum, ut omnibus, & quantum ex se est, efficaciter vult salutem; ita ad illam obtinendam omnibus copiosissima media tribuere, quorum potissimum, & maxime necessaria-

cessarium est gratia orandi. Id ipsum ex Sacris Litteris constat, quæ toties omnes, nulloque excepto ad quærendum, pulsandum, petendum, vitamque mutandam invitant; quæ omnia supponunt, hæc fieri posse, & consequenter gratiam saltem remotam, hoc est, orandi, & petendi omnibus dari, alioquin frustra peccatores ad rem impossibilem invitarentur. Quod si tu ab ista universali, & in Sacris Litteris toties repetita regula aliquem excipias; oportebit hanc exceptionem probari, quod nunquam facturus es. Hæc ipsa est mens Augustini, qui mille locis de hominibus non imaginariis, non in cornibus Lunæ, aut terrestri Paradiso degentibus, sed de hominibus, quales in Mundo sunt, hoc est, peccato originali, multisque actualibus obstrictis, constantissimè docet, non peccaturos violatis divinis præceptis, nisi potestatem haberent illa observandi, & consequenter, nisi haberent gratiam saltem inchoatam, hoc est, orandi, sine qua in statu naturæ corruptæ nulla potestas est observandæ legis divinæ. Aut ergo ex mente Augustini nemini hæc gratia deest; aut si alicui deest erit aliquis sanæ mentis, qui furando, occidendo, adulterando, blasphemandoque nihil peccabit, quod absurdissimum est. Sicut ergo ex sententia Augustini nullo peccato, quamdiu ratio viget, amittitur libertas, & potestas adimplendi Legem divinam, vitandique peccati; ita nullo peccato omnis gratia sufficiens, & remota, hoc est gratia petendi amittitur, sine qua omnem quoque libertatem tolli necesse est. Sed audiamus Augustinum: sic enim in actis cum Felice Manichæo cap. 17. ait: *Qui servare legem non vult, in potestate ejus est, si velit: non enim dixit, non potuerunt, sed noluerunt. Hoc certè, quod nolunt servare legem, sua voluntate nolunt.* Et Tract. 53. in Joan. *Nec quisquam neget voluntatis arbitrium, & audeat excusare peccatum; audiamus Dominum & precipientem, & opitulantem, & jubentem, quid facere debeamus, & adjuvantem, ut implere possimus.* Vides, ex mente Augustini, negato arbitrio, negari quoque, excusarique peccatum. Et Lib. de Fide contra Manichæos, qui liber tamen probabilius Evodio Episcopo Vzalensi tribuitur: *Quis non clamet, stultum esse, præcepta dare ei, cui liberum non est quod præcipitur, facere, & iniquum esse, eum damnare, cui non fuit potestas iusta complere?* Atqui etiam peccatoribus dantur præcepta, & istis obligantur; at teste Augustino stultum id esset, si liberi non forent, & consequenter nisi gratiam haberent, quâ possent præceptis obtemperare. Et lib. 3. de Libero Arbitrio cap. 17. *Si laborio-*

Laboriosum est, omnia mandare memoriae, quæ à nobis tam multa de peccato, & voluntate libera dicta sunt, hoc brevissimum tene. Quæcumq; ista est causa voluntatis, si ei non potest resisti, sine peccato ei ceditur. Si autem potest, non ei cedatur, & non peccabitur. Hæc sanè Augustini testimonia nulla interpretatione opus habent, sed simplici lectione, ut cuilibet certissimum sit, Sanctum Doctorem generatim in omnibus, & singulis hominibus agnovisse possibilitatem ad implendum quælibet præcepta Dei per ipsius auxilium, & opitulationem ut nemo jure, vereque conqueri de præcepto aliquo possit velut observatu impossibili.

Neque dicas, Augustinum Lib. 1. Retract. cap. 15. hæc scribere: *Qui autem cogenti cupiditati bona voluntate resistere non potest, jam hoc ita peccatum est, ut sit etiam pena peccati.* Ergo ex mente S. Doctoris contingere potest, ut aliqui præditi bona voluntate careant auxilio sufficienti ad resistendum, siue non peccandum, quod alibi quoque, & sæpius repetit Augustinus.

Resp. Primò. Loqui Augustinum de auxilio proximo, & immediato præceptum implendi, non verò de auxilio remoto, hoc est, de gratia orandi, & impetrandi, quod nondum habes; de hoc enim semper locum habet universalissimum & vulgatissimum illud Augustini axioma: *Deus impossibilia non jubet, sed jubendo monet, & facere, quod possis, & petere, quod non possis.* Deinde nemo melius Augustinum interpretatus fuerit, quam ipse Augustinus, qui hanc quæstionem in terminis proponit, deciditque omnino ex nostra sententia. Cùm enim *Tract. 53. in cap. 12.* Joan. ea verba exponit: *Propterea non poterant credere, quia dicit Isaias: excæcavit oculos eorum; mox hanc quæstionem proponit: Si non poterant credere, quomodo ergo non credendo peccabant? aut quod peccatum est hominis non facientis, quod non potest facere?* Ad hanc quæstionem quid responderet Jansenius, nisi: ideo non poterant credere, quia ob peccata præcedentia saltem originale omni gratiâ, auxilioque carebant? quid facilius hoc responso, quid ad intelligendum planius? At non ita Augustinus: Primò enim causam, quod non possent credere, assignat eorum perverfam voluntatem; certissimum enim est, te non posse, quod non velis; & ideo quamdiu nolueris credere, tamdiu certum est, non posse te credere. Verba Augustini sunt: *Quare autem non poterant credere, si à me quaratur, cito respondeo, quia volebant; malam enim eorum voluntatem prævidens Deus per Prophetam prænuuntiavit: excæca-*

eorum populi hujus, ut videntes non videant. Secundò respondet Augustinus: ideo non potuisse credere, quia à Deo deserti, hoc est, adjuvi non sunt; ut verò defererentur, malam eorum voluntatem meruisse. Si verò ab Augustino quæras, quanam fuerit hæc mala eorum voluntas, ob quam deserti meruerunt? an peccatum originale? an peccata actualia præterita (quæ ut non fuerint juris nostri, & arbitrii amplius non est) quod Jansenius, aliiq̃ue putant? Non, inquit Augustinus: *Sed quia ita superbè sapiebant, ut crederent, se Dei adiutorio ad bene vivendum non indigere*; quamdiu ergo id pertinaciter sentiebant, tamdiu in *sensu composito* indignos se divinâ gratiâ reddebant, ponebantq̃ue obicem juvare volenti, obicem, inquam, non præteritum ob peccatum originale, aliaq̃ue actualia olim commissa; sed obicem præsentem, actuq̃ue influxum gratiæ impediētem. At carebant potentiâ, carebant gratiâ, hunc obicem amolienti? minimè, inquit, Augustinus; aderat eis potestas, aderat gratia, quâ obicem removerent, si uti vellent; sed uti volebant; & ideo tandem tota ratio, quòd non possent, erat, quòd non vellent. Verba Augustini sunt: *Dedit eis potestatem filios Dei fieri; ne omnino existimemus, in nostra potestate non esse, quòd credimus; agenda sunt ergo ei gratia, quia data est potestas, & orandum, ne succumbat infirmitas non poterant ergo credere, non quia mutari in melius homines non possunt, sed quamdiu talia sapiunt, non possunt credere*. Quando ergo scribit Augustinus, aliqua præcepta esse, quæ homo implere non possit, intelligendus est, ut se ipsum loco proximè allegato explicat, de impossibilitate in *sensu composito*, & ex ipsa prava voluntate hominis proveniente: avarus enim, quamdiu talis est, restituere aliena non potest, sed potest avarus non esse, obicemq̃ue amovere, quod ut faciat, semper illi potestas, & gratia remota præstò est; facultas videlicet orandi, petendiq̃ue à Deo. Idem de impudico, idem de iracundo, aliisq̃ue peccatoribus dicas. Deniq̃ue sciendum est, sæpe à Sanctis Patribus, ipsiq̃ue Sacris Scripturis ea dici impossibilia, quæ valde difficilia sunt, ut jam suprà ostendimus.

§. III.

*Dei gratiam etiam obstinatissimis peccatoribus non
deesse longa serie, multisque exemplis
ostenditur.*

UT hæcenus dicta, Dei que etiam in perditissimos peccatores effusissima Bonitas tantò clarior evadat, placuit, longè fortasse, sed non injucunda narratione id ipsum exemplis ostendere, ut ex iis, quæ Deus sceleratissimis præstitit, intelligas, quæ præstitit minùs sceleratis, minùsque indignis.

Anno Mundi 130. Cain fratrem suum Abelem innocentem, & per insidias obruncat. Fuit Cain primus, & exemplar omnium reproborum; sacrilegus videlicet, invidus, fratricida, atheus, impœnitens, & in peccatis suis longè obstinatissimus. Et tamen vide, quot modis ad pœnitentiam, & veniam vocatus? Deus ipse corporalem speciem indutus eum convenit, de occiso interrogat, crimen ante oculos ponit, pœnam infligit, & patris potiùs, quàm vindicis more custodiam, ne impunè occidatur, promittit, sicque novo hoc beneficio in spem, agendamque pœnitentiam erigit, denique sexcentis annis ad veniam expectat. Quo fine hæc omnia, nisi ut crimen agnosceret, & elueret? at noluit; ipsius ergo culpa, non Dei fuit.

Anno Mundi 1656. Totum genus humanum ob flagitia, & præsertim impudicitiam aquis deletum. Sed quot priùs beneficiis, ac prodigiis præmoniti peccatores, ut servarentur? missus Noë, qui centum priùs annis (imò quingentis, ut Chrysostomus notat *Homil. 21. & 22. in Genesim*) Mundi naufragium prædicaret, qui totidem annis Arcam ante oculos, & in conspectu omnium pararet. Animalia ingenti miraculo, & quod solum ad convincendos etiam obstinatissimos sufficeret, longo ordine, multisque mensibus toto Orbe collecta, & in navim progressa; denique aquarum imbres non uno impetu, sed paulatim, & 40. dierum spatio effusi, ut interim locus pœnitendi, vitamque mutandi daretur. Quot ergo ictus, quot fabri, malleique circa

Arcam resonabant, quot animantium, & volucrum species, quot nubes in aere, quot dies, & horæ volvebantur, tot nova pœnitendi argumenta. Quis hæc Dei misericordiam, & patientiam in peccatores non advertat? Audi Basilium Orat. 5. *Erat facile vel absq; ligno Noënum salvare, sed ipsum constituit primum, lentumq; arca adificatorem, ut vel ex visis concepta formidine intuentes ad pœnitentiam traherentur. Erat & hoc divinum in hominum gratiam commentum invitamento ad pœnitentiam.* Et S. Chrysostomum Homil. 1. de Pœnitent. *Cujus rei gratia ô Domine, qua facturus es mala, prædici? ut non facias.* Et re ipsa multos eorum, qui diluvio perierunt, ad frugem rediisse, oblatâque ad pœnitendum gratiâ usos esse, clarè insinuat S. Petrus 1. c. 3. ac Rupertus 6. in *Genesim*. Imò S. Hieronymus tradit neminem eorum, qui diluvio absorpti sunt, damnatum esse, probatq; ex littera Hebraica; exponens enim ea verba: *Non permanebit spiritus meus*, sic loquitur: *In Hebræo scriptum est: Non judicabit Spiritus meus homines istos in æternum, quoniam caro sunt. hoc est: quia fragilis est in homine conditio, non eos ad æternos servabo cruciatus; sed illis restituiam quod merentur. Ergo non severitatem, ut in nostris Codicibus legitur, sed indulgentiam Dei sonat, dum peccator hic pro suo scelere visitatur.* Quid dici possit de Deo clementius?

Hoc ipso tempore, post Diluvium videlicet, & vivente adhuc Noë, initium cepit Idololatria; aded nihil pœnis, & metu profectum, ut potius pejores evaderent homines, Deiq; cultum, & amorem penitus abiicerent, quod ante diluvium nunquam est factum. Auctor hujus impietatis Ninus fuisse dicitur, qui Babylone publico in Optimatum, Principumque Conventu Patri Belo Imperii Assyriorum Fundatori ingentem, & preciosi operis statuatam dedicavit, Sacerdotibus, Sacrificiis, Altaribus, ac jure Asyli addito; quâ pompâ, sacroque apparatu homines perstricti aliquid non tantum regii, verumetiam divini in hujusmodi statuis suspicati, eas instar Numinum primò admirari, deinde etiam colere, invocare, & pro Diis habere ceperunt. Prima ergo Idololatriæ causa fuit statuarum pompa, & privilegia illis, qui colerent, Principum voluntate concessa. Unde paulatim edè deventum, ut quidquid inter homines, aliâque creaturas etiam sensuum expertis, quacumque ratione aut bellica, aut morali virtute, aut potentiâ, aut etiam formâ corporis emineret; imò quidquid beneficum esset, pro Diis haberetur. Quam super-

stic-

Artiosam insaniam adjuvabant, & Dæmonum artes per simulachra loquentium, ac futura vaticinantium, & Magorum ludibria (nam ista cum Idololatria cepere) & Sacerdotum avaritia, qui quæstum, & auctoritatem ex Religione captabant, & Principum exempla imò iussa populos Deorum metu coercerentium, & denique ac præsertim corruptissimi hominum mores, quicùm nihil ampliùs, quàm corporea, & mortalia cogitarent, amarentque, nullos quoque alios Deos agnoscere poterant, quàm corporeos, & cupiditatibus, ac sceleribus suis simillimos: Quid enim avaro, & impudico gratius esset, quàm Deos habere non tantùm non vindices, verùm etiam impudicitiae, & avaritiæ suæ authores, fautoresque? Quantumque non solatii tantùm, verùm etiam gloriæ in adulteriis Jovem imitari? crevitque eorumque insania, furorque adorandi, ut omnem planè admirationem superet, quod ipse Seneca Lib. de Superstitione à S. Augustino allegatus Lib. 6. de Civit. Dei cap. 10. his verbis eleganter expressit: *Si cui intueri vacet, quæ faciunt, quæque patiuntur, inveniet tam indecora honestis, tam indigna liberis, tam dissimilia sanis, ut nemo fuerit dubitaturus furere eos, si cum paucioribus furerent, nunc similitatis patrocinium insanientium turba est. Huic tamen furori certum tempus est. Tolerabile est semel in anno insanire. Sed si in Capitolium pervenias, pudentibus publicatae dementiae: alius horas Jovi nuntiat; alius lixor est, alius unctor, qui vano motu brachiorum imitatur ungentem. Suiusque Junoni, ac Minervæ capillos disponant: sunt quæ speculum teneant; sunt, qui libellos offerant, & illos causam suam doceant. Sedent quædam in Capitolio, quæ se à Jove amari putant; nec Junonis quidem iracundissima respectu terrentur. Quid, quiddam Matrimonia Deorum iungimus, & ne pietas quidem, Fratrum scilicet, & sororum? Bellonius Marti collocamus, Vulcano Venerem, Neptuno Salarium; quasdam tamen calibes relinquimus &c.*

Nec incredibile alicui videatur, ad tantùm insaniae potuisse homines pervenire, ut non tantum felibus, & Draconibus, (quæ fuit Ægyptiorum Religio) verùm etiam ut mutis simulachris inesse aliquid Divinitatis crederent. Cùm enim hominem à bruto ratio distinguat, quid mirum est, non ut homines, sed ut bruta sensisse ratione per cupiditates oppressa? Furor ergo erat, quam Religionem vocabant, & furor tam publicus, lateque sparsus, ut ultra bis mille annos, hoc est, à dilavio usque ad Christi Nativitatem totum ferè orbem pervaserit, omnibus aut idola colentibus, aut cultum simulantibus, ne
popa-

popularem invidiam, odiumque inciderent. Tales Philosophi erant, inter quos Seneca Libro paulò antè laudato: *Hac omnia Sapiens servabit tanquam legibus iussa, non tanquam Diis grata; omnem ergo istam ignobilem turbam Deorum, quam longo aro longa superstitio invexit, sic adorabimus, ut meminerimus cultum eius magis ad morem hominum, quam ad rem pertinere.* In quæ verba S. Augustinus 6. de Civit. cap. 10. *Sed ista populi Romani Senator colebat, quod reprehendebat, agebat, quod arguebat, adorabat, quod inculpabat: quia videlicet magnum aliquid eum Philosophia docuerat; ne videlicet superstitiosus esset in Mundo, non quidem ageret Scenicum in theatro, sed imitaretur in Templo, eoque damnabilius, quòd illa, qua mendaciter agebat, sic ageret, ut eum populus veraciter agere existimaret.*

Nemo tamen persuasum habeat ingratis ipsi, & insaniissimis hominum divinam gratiam defuisse, quâ & occultis, & apertissimis modis ad verum Deum cognoscendum invitarentur, juxta celebrem illam Prosperi sententiam de Vocat. Gent. cap. 31. *Non solum in novissimis diebus, verumetiam in cunctis retro sæculis probatum est, gratiam Dei omnibus hominibus adfuisse, quoniam sive manifestè, sive occultè, ipse, ut Apostolus ait, Salvator omnium hominum est, maxime Fidelium.*

Quam sententiam Prosperi, ut intelligas, sciendum est vastas illas Monarchias, quæ maximam Orbis partem occupabant, idololatriæ coevas esse, quippe cum Imperio Assyriorum natas; nam ut Justinus observat Lib. 1. Histor. *Principio rerum Gentium, Nationumque imperium pendens Reges erat. Populus nullis legibus tenebatur, arbitria Principum pro legibus erant: fines Imperii tueri magis, quam proferre mos erat: intra suam cuiusque patriam Regna finiebantur. Primus omnium Ninus (Author Idololatriæ) Rex Assyriorum veterem morem novæ Imperii cupiditate mutavit. Hic primus intulit bella finitimis, & rudes adhuc ad resistendum populos, terminos usque Lybiæ perdomuit, domitis verò proximis cum accessione virinum fortior ad alios transfret, & proxima quaque victoria instrumentum sequentis esset, totius Orientis populos subegit.* Ut ergo Deus velut ex altissima specula omnibus facem veritatis efferet, quam nemo posset ignorare, sæpissimè, maximisque prodigiis, Regibus, & Imperatoribus Divinitatem suam ostendit. Id ne prolixior sim, de quatuor tantum Monarchiis palàm facere animus est.

Primò igitur Monarchiam Assyriorum omnium antiquissimam quod

quod attinet, per intervalla temporum missi à Deo sunt Daniel, Esdra, Jonas, Nahum, Jeremias, multiq̃ue ex Judaico populo, à quibus & oretenus, & per prodigia veritatem edocerentur, Deo etiam captivitate suorum utente, ut Babiloniis, & Ægyptiis innotesceret. Quæ causa fuit illius Angelorum certaminis, quod apud Danielem legimus, aliis populum retinere volentibus, ut Babilonios ad cultum veri Dei converterent, aliis verò missionem optantibus, ne malorum exemplo perverterentur. De Ægyptiis constat, à Mose, Josepho, Jeremia, Trismegisto, aliisque unius, veri que Dei notitiam accepisse. Ab Ægyptiis verò maximè propagata est, nam & plerique Sapientum profectioes in Ægyptum adornabant, quales inter alios fuisse Homerus, Pythagoras, Plato, Lycurgus, Solon, & omnes etiam Civitates, Provinciæque, quoties magni aliquid, arduique occurreret, illinc Oracula petebant. Et ipsi quoque Ægyptii colonias toto Orbe mittebant, quem postea morem Romani imitati sunt. Præsertim Dei notitiam propagavit celebris illa Sacrarum litterarum translatio à Ptolomæo Ægypti Rege procurata, totoque postea Orbe terrarum sparsa. Sanè Eusebius in Libris Præparationis multis argumentis ostendit, optima quæque, quæ Plato in suis Libris conscripsit, hausisse ex Sacris Litteris Veteris Testamenti. Hanc ipsam Dei cognitionem Sibyllæ toto Mundo dispersæ, earumque libri cantabant, quæ causa fuit, ut Christiani Sibyllinis Libris ad convincendos Gentiles maximè uterentur. Quam in rem optimè faciunt Clementis Alexandrini verba memoratu dignissima Lib. 1. Stromat. ubi: *Quomodo Deus Judæos salvos esse voluit dans eis Prophetas; ita etiam Græcorum spectatissimos, quod declaravit Paulus Apostolus dicens: Libros quoque Græcos sumite, agnoscite Sibyllam, quomodo unum Deum significet. Hydaspem sumite, & legitis, & invenietis Dei filium multo clarius, & apertius esse scriptum.* Justinus quoque Martyr Orat. ad Antoninum Pium: *Operâ autem, & instinctu malorum Daemonum mortis supplicium adversus Librorum Hydaspis, & Sibyllæ Lectores constitutum est, ut per timorem homines ab illis, quod minus scripta ea legentes rerum bonarum notitiam percipiant absterrentur: quod quidem efficere nequiverunt: Non enim absque timore tantum hujusmodi scripta legimus, verum etiam vobis ad inspiciendum offerimus, grata, acceptaque omnibus fore scientes.* Denique lumen ipsam rationis omnibus mortalium à natura impressum, & species ipsa Mundi, omniumque creaturarum hanc Dei co-

gnitionem nulli non inspirabat, *Ut enim si quis à longinquo citharam audiat ex multis, & diversis nervis compositam, & iis concentum, & harmoniam admiretur; plane intelliget, non à se ipsa citharam moveri, aut à pluribus pulsari, sed unum esse Musicum, qui unius cuiusq; nervi sonum ex arte ad concentum, & harmoniam misceat, etiam si illum coram non intueatur, ita quoq; ex consona ubiq; & concinna Mundi dispositione &c.* Verba sunt Achanasii Orat. contra Idola.

Quod si singularum Monarchiarum Principes consideres; comprehendes neque istis, quamvis alioquin perditissimis, Deum de-fuisse. Sennacheribum ausum Deo insultare, monuit prodigiosa illa strage centum octoginta quinque millium una nocte interfectorum: & quamvis nemo magis ipso Rege mortem meritis esset, ipsi in tanta suorum clade parsum, datumque tempus pœnitendi: Nabuchodonosor ex Daniele, Jeremia, tribus Adolescentibus in fornacem jactis, & incendio prodigiosè liberatis Deum intellexit. Idem de Balthasaro Nabuchodonosoris filio constat, qui cùm ex miraculo manûs in pariete scribentis, & ipsius Danielis interpretatione verum Deum agnovisset, ac insuper imminentem sibi proximè mortem, aded tamen sibi defuit, ut vel inertia, vel metu suorum, vel usu pri-slinæ vitæ abreptus, nec Deum, quem agnoverat, placandum cura-ret, nec consilium à Daniele, quem in Aula habebat, modumque quaereret, utramque mortem temporalem, æternamque vitandi. Quid ego Balthasar suæ perfidiæ, & ignaviæ obtendet? & potuit, & debuit; at noluit. De Sardanapalo ultimo Assyriorum Rege pau-lò infra dicemus, cùm de Ninivitis sermo erit.

Assyriorum Monarchiam Persicæ excepit. Primus illius Prin-ceps Cyrus fuit. Hic à populo Judaico Babylone captivo, ab Esdra, & præsertim vaticinio Isaiæ ducentis priùs annis de se edito Dei, ve-ræque Religionis notitiam habuit, imò missione captivis data, in-stauratoque Dei Templo, optimè de Judæorum Sacris meritis est. Idem dicas de Dario Medo Cyri avunculo, & Danieli amicissimo, de-que alio Dario Hydaspis filio, qui Judæis facultatem dedit perficiendi Templi, fuitque maritus Esther Reginae, à qua & Mardocheo Dei cultum edoctus est. Idem de Artaxerxe longimano filio Xerxis, cu-jus jussu Esdras, & Nehemias missi ad omisam Templi fabricam re-staurandam, & à quo tempore celebres illæ Danielis hebdomadæ se-ptuaginta principium ducunt. Ex quibus patet, non defuisse Mo-narchis Persarum opportunissima media, quibus Deum agnoscerent, colerentque.

Idem

Idem de Græcis Principibus sentiendum est: Nam de Alexandro Magno primo Imperii Græci fundatore hæc habet Josephus Lib. 12. cap. 8. *Alexander anno quarto in Phaniciam, Ægyptum, & Judæam venit, & solus ad Jaddum Pontificem accedens nomen illud Tetragrammaton Dei, quod Pontifex in lamina tiaræ affixa incisum gestabat, adoravit, & prius salutavit Pontificem. Syria Reges, & reliqui obstupuerunt. Solus Parmenio propius accedens: quid ita, cum ipse adoraretur ab omnibus, nunc adoraret Pontificem Judæorum? at ille, non hunc se adorasse respondit, sed Deo, cuius Pontifex esset, honorem exhibuisse: hunc enim, inquit, vidi hoc ipso habitu, cum adhuc essem in Macedonia, qui me deliberantem, quomodo Asiam possem subigere, hortatus est, sine mora traicere, nam suo ductu potiturum me Persarum Imperio. Hac locutus, & comiter complexus Pontificem deductis Sacerdotibus in urbem pervenit, & cum ascendisset in Templum, immolavit Deo ex Sacerdotis præscripto, ostensq; sibi Danielis Libro, in quo Græcum quendam Persas debellaturum significabat; hunc ipsum se esse interpretatus latus dimisit multitudinem. Et cum fecisset potestatem si qui vellent salvis suis ritibus sequi ejus militiam, multi in eam expeditionem dederunt nomina. Imò certum est, florente Græcia, Romanaque Monarchia Judæos & negotiorum, & commerciorum causâ toto Orbe, ut etiamnum videre est diffusos, suisque ritibus, cultuque veri Dei usos esse, quod & Josephus loco mox citato asseverat, ubi narrat, sub Alexandri signis Judæos militasse, suisque ritibus permisos esse. Idemque Nazianzenus asseverat Orat. 44. Et Philo Libro de Legatione ad Cajum testatur, Judæos Augusti temporibus Romæ trans Tiberim habitasse, permissoque jure majorum vivere. Sed præsertim ex Sacris Litteris id constat Act. 2. ubi recensentur veri Dei cultores, qui Religionis, agendique Paschatis causâ ex toto Orbe, omniq; Natione Jerosolymam convenerant. Verba Sacri textus sunt: *Erant autem in Jerusalem habitantes Judæi viri religiosi ex omni Natione, quæ sub cælo est, Parthi & Medi, & Elamitæ, & qui habitant Mesopotamiam, & Cappadociam, Pontum, & Asiam, Phrygiam, & Pamphiliam, Ægyptum, & partes Libyæ, & advenæ Romani, Cretes, & Arabes &c.* Herodotus quoque Halicarnassæus, qui 450. annis ante Christi Nativitatem floruit, apud Josephum Lib. 8. Antiquit. cap. 4. scribit, Æthiopas antiquitus circumcisionem cultumque veri Dei ab Ægyptiis didicisse, sic enim Judæos vocat, quod in Ægypto habitassent, Autor que est Strabo*

lib. 17. Eosdem Æthiopes unum coluisse Deum immortalem, quæ esset omnium rerum causa. Ex hoc ipso Æthiopum exemplo colligere est, quid de aliis Nationibus minùs barbaris, minùsque incultis sentiendum sit. Quo autem consilio voluit Deus fidelem populum omnibus Nationibus toto Orbe misceri, nisi ut testes unitus, veræque Divinitatis essent? Quod, ut suprà dictum est, maxime, pleneque obtentum, Sacris Litteris ex Hebraica lingua in Græcam translatis, omniq[ue] Græcia, Romanoque Imperio, quod totum Orbem terrarum amplectebatur, vulgatis.

Ipsum verò Romanum Imperium quod spectat, ex dictis jam patet, ante constitutam Monarchiam unius, verique Dei notitiam habuisse: Nam quæ suprà de Philosophis, Sibus, Judæis toto Orbe dispersis, Sacris Libris, ac præsertim cum Græcis commercio dicta sunt, ea maxime in Romanis locum habent, tantoque clariora evadunt, si modum consideres, quo Deus singulos Imperatores ad cognitionem veritatis invitavit: Nam de Octaviano Augusto primo Romanorum Imperatore eum Sibyllinorum Librorum studiosissimum fuisse testatur Suetonius in Octaviano cap. 31. *Postquam, inquit, Pontificatum maximum suscepit, quidquid Vaticiniorum Librorum Græci, Latiniq[ue] generis, nullis vel parùm idoneis auctoribus vulgæ ferebatur, suprà duo millia undiq[ue] cremavit, ac solos retinuit Sibyllinos, hos quoq[ue] delectu habito, condiditq[ue] duobus forulis auratis sub Pallatini Apollinis basi.* Idemq[ue] Author cap. 94. & Dio Lib. 37. de prodigio, quo Christi adventus prænuntiabatur, excitabaturque Augustus ad veritatem inquirendam, hæc habent: *Ante paucos menses, quàm nasceretur Octavius, prodigium Roma factum publicè, quo denuntiabatur, Regem populo Romano naturam parturire: & Senatus exterritus censuit, ne quis illo anno genitus educaretur.* Prodigium verò huiusmodi fuit: *In Capitolio nulla Statua de Cælo ta[men]ta, liquefactaq[ue] fluxerant, diei taq[ue] erant tum alia simulachra, tum Jovis columnæ insistentes.* Præterea imago Lupa cum Remo, ac Romulo consecrata ceciderat: litteræ etiam in columnis, in quibus leges scribebantur, confusa, atq[ue] obliterata erant. Nicephorus Lib. 1. cap. 17. Suidas verbo Augustus; Cedrenus in Compendio Histor. hæc addunt: *Cum Augustus Apollinis studiosissimus, ut qui crederetur Apolline genitus, quiq[ue] in cæna illa, quæ Dodecatheos vulgè dicebatur, pro Apolline ornatus solebat accumbere, cui & Templum in Palatio erexerat, eidem sacrificasset Hecatombem, hac tandem ab eo responsa elicit:*

*Me puer Hebræus Divos Deus ipsa gubernans
Cedere sede jubet, tristemq; redire sub Orcum.
Aris ergo de hinc tacitus abscedito nostris.*

Reversusq; inquit, Nicephorus Augustus Romanus, Aram in Capitolio erexit hac inscriptione notatam: Ara primogeniti Dei. Quibus consentanea sunt, quæ Cicero Lib. 2. Divin. scribit. Sed quod caput est; cur isto modo jam Oracula Delphis non eduntur? hoc loco, cum urgentur, evanuisse ajunt vetustate loci ejus, unde anhelitus ille terra fieret, quo Pythia mente incitata Oracula ederet. De vino, aut salsa-mento putes loqui, quæ evanescent vetustate. Plutarchus quoque, qui Trajani tempore in Principis Aula degebat, integrum Librum de silentio Oraculorum scripsit. Et Philo Judæus Lib. de Legat. ad Ca-jum testatur, fuisse Judæis Augustum, & jussisse, ut in Templo Hierosolymitano quotidianæ victimæ suis sumptibus Deo altissimo sacrificarentur.

De Tiberio, quæ Augusto successit, multò plura, & majora le-guntur. Tanta illi, & tam immania crudelitatis, ambitionis, & li-bidinum scelera, ut nec dici citra pudorem possit. Planè tam por-tentosa illius flagitia, tam diuturna fuere, præsertim ubi in Capreas Insulas toto septennio se abdidit, ut nullus æquè deferri à Deo mere-retur, & tamen tantum abfuit, desertum esse, ut maximis argumen-tis ad Dei cognitionem, & scelerum pœnitentiam vocaretur. Nam ut taceam, flagella conscientiae, quibus aded torquebatur, ut ad Se-natum hæc scriberet: *Quid scribam vobis Patres conscripti, aut quo-modo scribam? Dii me. Deaq; pejus perdunt, quàm perire quotidie sentio, si scio. Aded, inquit, Tacitus, facinora, atq; flagitia sua ipsi quoq; in supplicium verterant. Præter hæc, inquam, constat ex Pi-lati Epistolis, quas officio ad Principem dederat, & ex publicis Ta-bulis quibus singulorum annorum gesta commenda bantur, ei aded Christi Domini Divinitatem persuasam fuisse, ut de Christo inter Deos referendo ad Senatum deferret, ut Egesippus, & Eusebius te-stantur, ac præsertim Tertullianus in Apologet. cap. 7. ubi: *Vetus erat Decretum, ne quis Deus ab Imperatore consecraretur, nisi à Se-natu probatus. Facit & hoc ad causam nostram, quod apud vos de hu-mano arbitratu Divinitas pendet. Nisi homini Deus placuerit, Deus non erit; homo jam Deo propitius esse debet. Tiberius ergo, cujus tempore nomen Christianum in Mundum intravit, annuntiata sibi ex Syria Palaestina, qua illic veritatem istius Divinitatis revelarant, de-**

sulit ad Senatum, cum prærogativa suffragii sui. Senatus, quia ipse non probaverat, respuit. Cæsar in Sententia mansit, comminatus periculum accusatoribus Christianorum. Et cap. 21. ejusdem Apologetici profitetur, nihil ad Christianam Religionem amplectendam Tiberium, aliosque Cæsares moratum esse, quàm metum perdendi imperii. Postquam enim de Christi passione, Resurrectione, Ascensione, & Christianæ Religionis prædicatione sermonem instituisset, hæc addit: Ea omnia super Christo Pilatus, & ipse jam pro sua conscientia Christianus, Cæsari tunc Tiberio nuntiavit: sed & Cæsares credidissent in Christum, si & Christiani esse Cæsares potuissent.

Sed à condito Orbe vix pejorem aliquem, seu publicis seu privatis flagitiis Nerone reperias. Matrem, Fratrem, Uxorem, Præceptoremque Senecam parricidio sustulit, ut taceam tot alia Christianorum, in quos primam movit persecutionem, Ethnicorumque milia suppliciis affecta. Libidinis verò tam prodigiosæ, tam inverecundæ, ac publicæ, ut non dubitaret publico ritu, cultuque muliebri Pythagoræ amasio nubere. Taceo incendia, magiam, prædationes Templorum, & mille alia, quibus consecutus est, ut omnium sceleratorum, quotquot fuerunt, eruntque, Princeps dici mereretur. Et tamen ne huic quidem monstro Generis humani Dei benignitas defuit, qua sanari, mutarique in alium posset, si vellet: Nam primò missi ad illum sunt duo Principes Apostolorum, quorum opera, & præsertim Pauli Evangelium & in Aula, & in Senatu, & in Collegio Pontificum, & in Gynæceo, omni que Urbis Prætorio prædicatum est: *ita, inquit Paulus, ut vincula mea manifesta fierent in omni Prætorio, & in cæteris omnibus.* Multi quoque de Cæsaris domo, licet corruptissima, veritatem, & Evangelium amplexi sunt, inter quos teste Chrysostomo Neronis etiam Concubinæ, earumque pulcherrima, & Principi præcipua Poppæa Sabina (ut aliqui memorant) Quæ causa fuit, ut idem Chrysostomus recitat, Apostolum occidendi. Sed maximè Neronis animum perculit Simonis casus. Cum enim is in aula Cæsaris, quippe Magicis artibus additissimi, præcipuâ gratia floreret, jactassetque, se palàm in cælum auolaturum, idque molitus esset, Cæsare, Populoque Romano novum Icarum spectante, jamque in aëra levaretur, subitò Petri Apostoli precibus in terram dejectus est, collisusque, & ipsum Cæsarem sanguine aspersit. Audi Suetonium in Vita Neronis: *Icarus primo statim conatu juxta cubiculum ejus decidit, ipsumque cruore res-*
persit,

perfit . Eadem habent Dio Chrysostomus Orat. 21. Arnobius, Cyrillus, Epiphanius, Augustinus, aliique passim . Estque notatu dignum, quod Nicephorus Lib. 2. cap. 36. his verbis narrat: Ibi ex populo, qui antea Simonem divinos usurpantes honores laudibus celebraverant, subito ita prostratum videntes ingenti, claraq; voce: Unus est magnus Deus, acclamant, quem Petrus, & Paulus aperte, & clare predicant . Locus, in quem luctuosum hoc spectaculum incidit, ad hodiernam usq; diem Simonium vocatur . Nero autem certior, factus à Petro, & Paulo Simone peremptum esse, Petrum quidem pedibus sursum versum in crucem egit, Paulum verò gladio occidit . Ferunt autem Paulum Neroni antea testatum esse, se illi tertio à cade sua die vivum se representaturum . Quod ubi est factum, in consternationem illum conjecit . Et cum post mortem Paulus ita ut prädixerat, certò, & verè illi assistens liberè Christum verum esse Deum profiteretur, neq; veram salutem in alio, quàm JESU nomine esse ostendit . Ita Nicephorus, additque Baronius, hanc causam fuisse, ut Nero metu perculsus miciùs in Christianos ageret .

Patet ergo ex hæcenus dictis, etiam Romanis Imperatoribus multivariam provisum esse, ut salvarentur, idque longa deinceps Romanorum Principum serie ostendi posset, quibus & Martyrum sanguis, & invidia constantia, & prodigia sine numero edita, & Apologia, quas Christianæ Religionis muniendæ, & illustrandæ voce ac scriptis mirâ eloquentiâ vulgabant; hæc, inquam, nihil aliud profectò erant, quàm continuæ cœli voces, quibus ad veritatem cognoscendam invitabantur . Sed dulcedo illa omnium vitiorum, qua si Christiani essent, carere oportebat, effecit, ut etiam agnitæ veritati repugnarent, aut saltem ne agnoscere vellent, mallentque oculos luci claudere dormiendi cupidine, quàm aperire, & expergisci . Cæterum postquàm vidimus, Deum etiam Tiberio, ac Neroni pessimis omnium tam propitium fuisse, nihil opus est, alios Imperatores adiciere, quis enim suspicari possit, Deum alicui defuisse, qui non defuit Neroni? Nemo isto pejor, nemo indignior, nec tamen desertus; nullus ergo timendi, aut desperandi locus etiam Nerone adjuto . Sed postquàm de quatuor Monarchiis disputatum est, jam ad seriem annorum revertamur .

Anno Mundi 3215. Assyriis Sardanapalus ultimus antiquissimæ hujus Monarchiæ Rex imperavit omnium, quotquot unquam fuerunt, Principum longè corruptissimus . Quippe non idolorum tantum

tum cultui addictus, verumetiam aded in libidinem, & voluptates effusus, ut inter Scortorum greges muliebri habitu, muliebri gestu, vultuque fucus, & coloribus picto purpuram neret, & omnes fœminas mollitie, luxuque anteiret, epitaphio post se relicto, ut ait Aristoteles, *bove, non Rege digno*, videlicet: *Ede, bibe, lude, post mortem nulla voluptas*. Et tamen, quis crederet? ne hunc quidem, civemque Ninivitas exemplo Regis sui flagitiosissimos Dei clementia destituit. Primò enim missus ad eos Jonas (quod hæcenus nunquam factum, ut Propheta ad Gentiles mitteretur) qui eos metu imminentis ruinæ ad pœnitentiam provocaret. Secundò tanta tamque efficax gratia, & Regi, & civibus data, ut non solum ex animo pœniterent, verumetiam absolutissimum pœnitentiæ exemplar toti Mundo proponerent, dignumque, ut ab ipso Dei Filio ad imitandum omnibus commendaretur. Cæterum & Rege, & populo in antiquam licentiam, & flagitia ruentibus, non tamen cessavit Deus monere, missis Ninivem Nahum Propheta, & Tobia, quorum exemplo, & Verbis ad veri Dei cultum frugemque meliorem traherentur; sed cum nihil proficerent omnia, Sardanapalus occisus, imperium Assyriorum extinctum, Ninive subversa est. Si ergo Sardanapalus interrogaretur, quid aliud responsurus esset, quam quod in simili causa respondit Pharao: *Jussus est Dominus; ego autem, & populus meus impii*.

Anno mundi 3993. Ante Christi Nativitatem vigesimo nono regnare in Judæa Herodes cepit, quem alii Idumæum, alii Ascalonitam faciunt, cum utrumque fuerit. Nam ut ex Eusebio *Lib. 1. Histor. Ecclesiast. cap. 6*. Et Julio Africano apud eundem Eusebium constat, Avum habuit Herodem quempiam (S. Ambrosius in caput 3. Lucæ Jerodulum vocat) Ascalonitam servum delubri, quod Ascalone Apollini sacrum erat. Hujus filius Antipater fuit, qui admodum puer à latrunculis Idumæis abductus ex genitili profelythus factus est, sacrisque Judaicis imbutus: Sciendum enim est, Idumæos integro ferè seculo ante Regnum Herodis, cum à Joanne Hircano Judæorum Pontifice, ac Rege edomiti essent, abdicatione proprio Gentis Idumææ Deo (quem Cozem vocabant) Judaicos ritus, ac Religionem amplexos esse, ut narrat Josephus *Lib. 15. cap. 11*. Ergo Antipater ex servili modicaque fortuna variis artibus, ac præsertim militari in magnam potentiam evectus Herodi secundo genito Galilæam curandam dedit, quippe Hircano Judæorum Principe ignaviâ torpente.

penite . Herodes ergo purgata mox latronibus Provincia gratiam populi , ac præsertim à Romano Syriæ Præsidi iniit , à quo etiam Cæsariæ Præfecturam pecuniâ emit , retinuitque auctoritate , & Imperio Cassii , qui Julio Cæsare interfecto Ægyptum , & Palæstinam tenebat . Ac postea Romæ in Senatu Augusti , & Antonii favore Rex Judæorum declaratur , Antigono quodd à Parthis Regnum accepisset , inter hostes , & in ordinem redacto . Utque minori invidia rerum in Judæa potiretur , Mariamnem duxit , Assamonæorum , seu Machabæorum familia natam . Inde expugnatâ Herosolymâ , cæsoque Antonii jussu Antigono ultimo Judæorum Principe Regnum occupat , firmatque Stirpe Regia , totoque Senatu , quem magnum Sanædrin vocabant , mori coacto . Hic ergo Herodes ille est alienigena (quippe paterno genere Ascalonita , & Idumæus , materno Arabs) in quo juxta celebre Jacobi vaticinium jam instante Messia *Sceptrum Juda* , hoc est , potestas judicandi regendique Judaicum populum planè defecit . Hactenus enim quamvis aliquoties Judæi aut Persis , Græcisque , ac præsertim Assyriis tributarii egissent , aut etiam in captivitatem abducti essent , proprios tamen aut Reges , aut Duces habuere , à quibus regerentur , ut ex Historia Susannæ , ac Eldræ patet : ac præsertim ex Libro 4. Regum capite ultimo , unde constat , tempore Babilonicæ captivitatis Judæorum Regem fuisse Joachimum , eumque ab Evilmerodaco Regiis honoribus cultum : à captivitate verò mox Zorobabel Joachimi Nepos , aliique Duces usque ad Machabæos imperârunt . Et licet Machabæi Stirpe Levitica nati essent 1. Machab. cap. 2. Iisque ad Herodem usque , hoc est annis centum sexaginta quinque Judæi paruisent , semper tamen Sceptrum , & Ducatum penès Judam fuisse dici potuit ; *tam* quia nomine Judæ totus populus Judaicus , præsertim post Babilonicam captivitatem appellatus est ; pauci enim illi , qui ex aliis Tribubus redierunt , omnes in unam Tribum Judam cooptati insitique sunt , & ideo Malachiæ 3. vers. 4. & 1. Machabæor. 1. vers. 5. Judas pro omnibus Judæis accipitur , totam Palæstinam incolentibus : *tam* quia jus eligendi , habendique Regis à Deo Judaicæ Tribui , ac Stirpi Davidicæ attributum , confirmatumque à Populo post schisma decem Tribuum transferri non potuit , semperque penès Judaicam Tribum mansit , ad quam etiam Urbs , & Regia Metropolis Jerosolyma videlicet pertinebat . Tribus ergo Juda Machabæos Religione , ac virtute militari insignes sibi in Duces elegit , ut videre est Machabæor.

1. 19 & 14. Sicut ergo Imperium penès Romanos erat, quamvis non Romanum, sed Thracem, aut Hispanum Principem elegissent, & Regnum penès Polonos, quamvis Gallum, aut Transilvanum, non Polonum ad Regnum vocassent; ita de Tribu Juda sentiendum est; ut taceam Machabæos materno genere ex Tribu Juda oriundos fuisse, quæ sæpe cum Levitica Tribu conjugia miscebat, quod aliis Tribubus vetitum lege erat. Quodd verò Scaliger, paucique alii Criticorum velint, Herodem non alienigenam, sed verè Judæum fuisse, quodd videlicet Judaicam Religionem amplexus, sicque capax Imperii esset, vix refutationem meretur. Sicut enim Persa, aut Indus, qui Christianam fidem in Gallia, aut Hispania suscepit, non ideo desinit Persa, aut Indus esse, multoque minùs jura Gallorum, aut Hispanorum consequitur, cum Religio animum, non statum politicum, aut patriam mutet. Ita Herodes suscepta Judæorum Religione, non ideo Allophylus, & Ascalonita esse desinit, nec jure ad Regnum soli Tribui Judaicæ destinatum, sed bello, tyrannide, ac Romanorum potentiâ pervenit. Imò Profelytici ne in Synedrium quidem, hoc est, Senatum admittebantur, quantò minùs in Regnum, & ideo Patres omnes Herodem alienigenam fuisse tradiderunt; & quod præcipuum est, Josephus ipse rerum omnium, quæ tunc gerebantur, optimè conscius id ipsum disertissimè tradit *Lib. 14. Antiq. cap. 11. 27. 28. & lib. 1. de Bello Judaico cap. 5.*

Hic ergo Herodes Ascalonita meritò inter pessimos mortalium semper habitus est: Nam ut libidines, rapinas, perfidiam, Sacrilegia, tyrannidem, & alia taceam, crudelitatis inexplibilis, & immanissimæ fuit, ut optimè de illo dicas, quod olim de Tiberio, *Lutrum extitisse humano sanguine maceratum*. Totam Machabæorum Stirpem ferro delevit, cognatos, Uxorem, Socrum, Patruum, filiosque sustulit. Jam moriturus promiscuam nobilissimi cujusque cædem mandavit, ne lacrimæ suo funeri deessent. Denique nihil ei ad summam crudelitatem præter Deicidium abfuit; & Deicidium quoque voto commissum est, jugulatis quatuordecim infantum millibus. Meminerunt hujus cædis non tantùm Sacri Scriptores, verùm etiam Ethnici, inter quos Macrobius *lib. 2. Saturnal. cap. 4. Cum audisset Augustus, inter pueros, quos in Syria Herodes Rex Judæorum intra bimatum jussit interfici, filium quoque eius occisum esse, ait: melius esse Herodis porcum esse, quàm filium*. Et tamen hunc quoque sceleratissimum omnium, & cui nemo mortalium quidquam boni precatus esset,

effet, Deus quoque clementissimè vocavit tribus ex Æthiopia, Arabiaque missis ad eum Regibus, à quibus edoceretur adventum Messiae inditio novæ Stellæ, quæ illos tanto tempore, & per tot spatia terrarum prodigiosè duxerat.

Anno Domini 363. Valens fratris sui Valentiniani permissu Imperium Orientis adiit, suitque hujus Imperatoris memoria semper Ecclesiæ funesta ob hæresim Arianam toto orbe promotam, quæ nulla crudeliùs, majorique damno in Religionem grassata est. Episcopos in exilium pellere, Ecclesias incendere, legatos Orthodoxorum flammis absumere, omnia vastare, Valentis facinora, & Victoriae erant: idque tanto furore, & barbarie actum, ut ipsi gentiles, præsertim Themistius Philosophus monerent, damnarentque, Populus verò nihil frequentiùs, magisque clamaret, quàm *incendium, & rogam Valenti*, & eventus voto respondit. Is in Gothos exercitum ducens, Isacium Monachum obvium habuit, qui ut Theodoretus narrat lib. 4. cap. 30. libera voce Valentem increpans: *Quid, inquit, proficisceris Imperator, qui auxilio Dei contra quem bellum geris prorsus destitutus es? Desine tu bellum contra eum facere, & ipse bellum contra te commotum sedabis. Redde gregibus optimos pastores, & victoriam reportabis. Quodsi omnibus his neglectis, bellum suscipias, neque ipse reverteris, & exercitum amittes.* Imperatore velut fatuum aspernante, ac aliquantum progresso; iterum Isacius occurrere, eademque minari. Sed neque tunc auditus, alio itinere Valentem tertid aggreditur; quo primùm turbato, quod aliquid humano majus suspicaretur; deinde ira incenso, Isacius in vicinam foveam luto spinisque horridam mittitur. Sed inde ope Angeli expeditus, quartò Valenti se offert, vultuque flagrante, ac manu in frænum iniectâ eadem repetit: *Nec, inquit, reverteris, & exercitum, teque insuper perditum ibis.* Cui Cæsar: *Revertar, & te interficiam, falsaque prædictionis penas abs te repetam.* Et Isacius: *Eneca si quid falsi me dixisse deprehenderis.* Ita discessum, ac paulò post infelicitate cum Gothis pugnatum, Romano exercitu fuso, valente in fugam acto, ac postea in proxima domo, qua se abdiderat, flammis absumpto. Jam dicant mihi, qui de clementia Dei duriùs sentiunt, quàm oportet; quid, inquam, excusando Valenti superfluit; aut quid amplius exigere à Deo potuit, ne pessumiret? Monuit per Basilium Episcopum Cæsareensem, qui miracula verbis adiecit, ut efficacius moveret: monuit per Trajanum insignem bello ducem, cuius egre-

gia sunt illa ad Cæsarem verba: *Non ego Imperator victus sum, sed tu ipse prodidisti victoriam, qui contra Deum pugnare non desinis, itaq; ejus auxilium Barbaris concilias*. Monuit per Gratianum Augustum, qui repetitis nuntiis non cessabat rogare, non prius signa conferret, quàm secum copias junxisset. Monuit denique per Monachum compertæ, vulgatæque Sanctitatis, & ideo dignum, cui fides haberetur; Nec unâ tantum, sed multâ importunaque monitione, periit ergo valens, quia perire omnino voluit, Deo quamvis, ne periret, omnia inoliente, voluit ergo Deus, vocavit Deus, pulsavit Deus, opportunè, importunè institit Deus, sed noluit Valens. Idem de aliis peccatoribus dicas, quibus auxilia dantur non æquè omnibus nota, ut Valenti; at certè nunquam parca, & semper valida ..

Anno Domini 363. cecidit Julianus Imperator Apostata cœlesti manu, ut ab omnibus creditum est, interfectus. Nolo illius flagitia, Apostasiam videlicet, sacrilegia, tyrannidem, immanitatem, veneficia, aded ut evocandis manibus, futurisque cognoscendis puerorum, seminarumque cadaveribus (quorum viscera scrutabatur) ac sanguine caveas impleret. Hæc, inquam, quippe comperta silentio transmittam. Illud tantum commemorabo quantâ Deus benignitate, quantaque patientiâ laboraverit principi tam scelerato, suæque Divinitatis hosti ad mentem, ultimoque exitio revocando. Ut enim taceam Gregorii Nazianzeni, Basilii, aliorumque Sanctissimorum Episcoporum curas, & monita, ac præsertim manifestissima de Cælo prodigia, quibus continuo pulsabatur, Sacerdotibus videlicet ad præsentiam Christianorum subito collabentibus, statuis Cæsaris, quas in templum collocarat fulmine deletis, globis flammarum è terra prorumpentibus, cum templum Jerusalemis reparare moliretur, crucibus in victimarum extis sacrificanti positis, & trecentis aliis. Quis verò non stupeat Dei bonitatem, cum isti nil proficerent; voluisse illis ipsis incantationibus, auspiciis, malisque artibus, & sacrificiis, quibus Deum irritabat ad eum monendum, retinendumque uti, ne in exitium rueret? Audi quid de illo Chrysostomus, Ammianus, aliique scribant, cum ultimam ejus in Persas expeditionem narrant. Verba Chrysostomi sunt testis oculati oratione in Gentiles: *Quod autem Imperator fulmine (quo Daphniticum templum conflagraverat) percussus non fuerit, causam reperies ex eodem bonitatis, & benignitatis Dei fonte manantem. Neq; hoc solum, neq;*

primum virtutis sue signum Christus dedit, sed & alia item multa hoc ipso non inferiora, quæ in ipsis castris, tum quæ in urbibus evenerunt, hujusmodi fuere, ut vel sæviam animam flectere possent, nam quæ edebantur thuracula per sese talia erant, ut ad eorum, qui ea cererent emendationem aliud alio non egeret. Ammianus verò: Calendis Januarii ascendente eo gradale Genii templi & sacerdotum consortio quidam cæteris diuturnior, nullo pulsante, repente concidit, animamq; insperato casu efflavit. Et iterum: Iisdem diebus nuntiatum est Juliano per litteras Romæ super hoc bello libros Sibylla consultos, ut jusserrat, Imperatorem eo anno discedere à limitibus suis aperto prohibuisse responso. Et iterum: Quietâ nocte emensâ, manè jumentum quo veheretur ex usu poposcit, oblatuq; ei equus, Babylonius nomine, idem torminis conservatus, dum dolorum impatiens volvitur, auro, lapillisq; ornamenta distincta compressit. Et iterum lib. 24. Complures hostias Marti parabat ultori, & ex Tauris pulcherrimis decem ad hoc perductis nondum aris admoti voluntate sua novem procubuerunt tristissimi, decimus verò, qui defractis vinculis ægrè reducus est, maculatus ominosa signa monstravit; quibus visis exclamavit indignatus acriter Julianus, Jovemque testatus est, nulla se Marti jam sacra facturum. Et iterum: Cùm nihil humani proficerent sensus diu fluctuantes, & dubii, extructis aris, casisque hostiis consulta Numinum sciscitabamur; sed extis inspectis, nihil certi respondebatur. Ac tandem lib. 25. Ipse Julianus ad sollicitam, suspensamque quietem paulisper protractus, cùm somno, ut solebat, depulso ad æmulationem Cæsaris Julii obscuræ noctis altitudine sententiis cujusdam Philosophi teneretur, vidit Squallidius speciem illam Genii publici, quàm, cùm Imperium adiret, conspexerat in Galliis, velata cum cornucopia, per aula tristiùs discedentem. Relictoquo humistrato cubili, adulta jam nocte Numinibus per sacra depulsoria supplicans, flagrantissimam faciem cadenti similem aëris parte sulcata evanuisse existimavit, horroreque persusus est, quoddam apertè minax Martis apparuerit sidus. Confestim ergo ante lucis primitias Hetrusci Auruspices accersiti, consultique, quid astri species portenderet nova? Vitandum esse cautiùs responderunt, ne quid tunc tentaretur, orabantque saltem aliquot horis profecionem differri. Cùm ergo Julianus nec per Sanctos Episcopos, nec per miracula, nec per Dæmones quidem, & impiissima sacra monentem Deum audiret, justissimè tandem permissum est, ut accepto, nescio cujus

manu in pugna vulnerem vitam finiret. Audi Theodoretum Lib. 3. cap. 20. Ex improvise vulneratus Martem inculabat, quod auxilium minimè tulisset; Apollinem, quod falsa vaticinatus esset, Jovem fulminantem, quod in suum interfectorem fulmen non corrisisset. Ferunq̃ue porro simul ac plagam acceperat, manum protinus sanguine implevisse, illumq̃ue projecisse in aërem, ac dixisse: *Vicisti Gallileæ*. Nicephorus projecto in altum sanguine exclamasse his verbis dicit: *Saturare Nazarene*. Cui hanc Catastrophen rerumq̃ue seriem consideranti, non continuè in mentem veniat verissimè à Dionysio Areopagita dictum esse: *Deus etiam à se aversos, ac resistentes, amatoris sequitur, ac deprecatur ne pereant*.

Observandum hic est Auctorem morbo correptum extremam manum huic narrationi imponere haud potuisse.

§. I V.

Orationem etiam peccatoris, cùm illa petit, quæ ad vitam æternam consequendam necessaria sunt, semper exaudiri, sicq̃ue in peccatoris potestate esse, etiam gratiam illam efficacissimam, & triumphatricem orando impetrare.

S U M M A R I A.

- I. *Quid sit efficacia gratiæ triumphatricis, fusè, multisq̃ue ex Augustino testimoniis exponitur.*
- II. *Qua ratione voluntas humana præter objecti propositionem à Deo physice juvetur, ac etiam pramoveatur.*
- III. *Orationem efficacissimam, certissimamq̃ue medium esse, quo etiam peccatores gratiam illam specialem, ac triumphatricem assequi possint, ubi distinctio peccatoris ad bonum conantis, & non conantis.*

IV. Probatur ex Sacris Litteris, juxta Patrum expositionem.

V. Ac etiam ex ratione.

VI. Qua ratione sint intelligenda Scriptura, cum dicunt, non exandiri peccatores.

VT quæ dicturi sumus, intelligas, simulque liquidò constet, quid sit illa efficacia, & energia gratiæ triumphatricis, quæ difficultatem omnem expugnat, altius repetenda res est.

I. Sciendum igitur, naturæ humanæ innatum esse quoddam, intentumque, ac ferè perpetuum gaudendi desiderium: quod enim in appetitu sensitivo, brutiſque animantibus delectationem, hoc in homine, & appetitu rationali gaudium vocamus. Cujus quidem rei, ut notat Aristoteles, superfluum est, causas quærere, tum quia per se notæ sunt, tum quia primæ causæ frustra alia causa inquiritur: at talis est delectatio, & gaudium, nam si ex mercatore quæras, cur velit navigare? respondebit, ut Indias petere? ut aromata, & margaritas comparet: cur ista comparare? ut cariùs in Europa vendat: cur cariùs vendere? ut dives fiat: cur dives fieri? ut bene sibi sit: cur bene sibi esse? ut gaudeat, lætamque vitam agitet: cur lætari, & gaudere? hinc tacebit, putabitque, id stultè quæri, cum per se notum sit, nullamque aliam causam habere possit, quod omnium humanarum operationum est prima, & ultima causa; sicut enim nemo hominum est, qui non velit bene sibi esse; ita nemo, qui non velit gaudere, hoc enim ex illo sequitur. Volunt alii hoc delectationis, & gaudii perenne desiderium infirmitatem esse ex culpa originali natam, sicut infirmitas Leonis est, semper febris, siti que ardere. Alii ex densa quadam, tetraque fuligine cor humanum obsidente, quæ nisi dilatactione cordis ventiletur, evoletque, hominem suffocet; hanc verò dilatactionem gaudio fieri, ut experientia testatur, docetque eleganter S. Thomas 1. 2. q. 3. a. 1. Alii, quod voluntas non possit satis fortiter, intensesque velle, quantum videlicet ad operandum sufficiat, nisi movente aliquo delectabili; sicut nec oculus satis videre, nisi movente aliquo lucido; nec intellectus satis firmiter assentiri, nisi movente principio aliquo evidenti: hoc ergo esse bonum delectabile voluntati, quod venatico canis odorem feræ, quo solo inter tot alios aromatum, florumque odores ad insequendum, currendumque abripitur, cum id, quod agendum est, ceperit non latere, nisi etiam delectet, & ametur; non agitur

tur, non suscipitur, inquit, Augustinus Libro de Spiritu, & Littera cap. 3. Sed vera hujus rei causa est, quod hominis voluntas velle non possit, nisi aliquod bonum; consecutio verò boni causa est gaudii, ut videre est apud S. Thomam 1. 2. q. 31. a. 1. Sed cum omne bonum creatum nullo modo satiare, aut implere possit infinitum hominis desiderium; (omnia enim bona creata guttæ tantum sunt inmensi illius boni, cujus anima capax est; gutta verò magnam sitim non satiat, sed potius augeat) hinc est perpetuus ille gaudendi æstus, voluntate alia semper, & alia cupiente, & in orbem eunte, cum nec obtenta satient, & in novis meliora sperentur. Audi Augustinum Lib. 4. Confess. cap. 11. *Ecce illa discedunt, ut alia succedant, & omnibus suis partibus constat infima universitas Quidquid per carnem sentis, in parte est, & ignoras totum, cujus hæ partes sunt, & delectant te tamen: sed si ad totum comprehendendum esset idoneus sensus, vellet, ut transiret, quidquid in presenti existit, ut magis tibi omnia placerent; nam & quod loquimur, audis, & non vis utiq; stare syllabas, sed transvolare, ut alia veniant, & totum audias; plus enim delectant omnia, quam singula, si possunt sentiri omnia.* Vide etiam Anglicum Doctorem 1. 2. q. 32. a. 2. ubi ostendit, motum esse causam delectationis. Ex hac etiam gaudendi cupidine sequitur, ut cum voluntas habere vera bona non possit, quibus gaudeat, fallacia vel imaginando, vel sperando fingat, eo ferè modo, quo cum Imperatorem videre non licet, ejus tamen imagine, aut statuâ delectamur; & cum dormienti palatia, convivia, & læta occurrunt, si ex-pergiscaris, somnare iterum cupis, ac jucunda illa, quamvis ficta redire. Sic in theatris nemo ignorat, falsa esse, quæ luduntur, & tamen placent. Idem de bonis speratis; ista enim cum absentia sint, & incerta, multò majorem libertatem animo relinquunt, ea sibi persuadendi, fingendiq; quæ oblectent; & cum omnia simul, ac velut densato agmine speranti occurrant, multò sæpè, fortiusque animum movent, quam præsentia, & exhibita, quippe plerumque aut minuta, aut infra votum; ut reverà mortalem vitam æstimanti appareat, plus sperando futura, & falsa, quam præsentia, & vera possidendo homines lætari. Vide S. Thomam 1. 2. q. 32. a. 3.

Cæterum non tantum de corporalibus, verum etiam spiritalibus bonis gaudium esse, imò istud longè majus, & intensius nasci, dubium non est, idque experientiâ patet; quis enim non malit cæcus, quam brutum esse, hoc est oculo, quam intellectu carere? at

oculos corporeæ, intellectus spiritualis delectationis instrumentum, & minister est; quod verò plures corporeis delectentur, vitium est, non natura. Vide S. Augustinum *Lib. 14. de Civitate Dei cap. 14.* & S. Thomam 1. 2. q. 31. a. 5. ubi: *Si comparentur delectationes intelligibiles spiritualibus delectationibus sensibilibus corporalibus, secundum se, & simpliciter loquendo delectationes spirituales sunt majores. Et hoc apparet secundum tria, quæ requiruntur ad delectationem, scilicet bonum conjunctum; & id cui conjungitur, & ipsa conjunctio: Nam ipsum bonum spirituale est majus, quàm corporale bonum, & est magis dilectum, cuius signum est, quod homines etiam à maximis corporalibus voluptatibus abstinent, ut non perdant honorem, qui est bonum intelligibile. Similiter etiam ipsa pars intellectiva est multò nobilior, & magis cognoscitiva, quàm per sensitiva. Coniunctio etiam utriusq; est magis intima, magisq; perfecta, & magis firma. Intimior quidem, quia sensus sistit circa exteriora accidentia rei, intellectus verò penetrat usq; ad rei essentiam. Perfectior autem, quia coniunctioni sensibilis ad sensum adiungitur motus, qui est actus imperfectus; unde & delectationes sensibiles non sunt totæ simul, sed in eis aliquid pertransit, & aliquid expectatur consumandum, ut patet in delectatione ciborum, & sonorum: sed intelligibilia sunt absq; motu, unde delectationes tales sunt totæ simul. Est etiam firmior, quia delectabilia corporalia sunt corruptibilia, & citò deficiat, bona verò spiritualia sunt incorruptibilia, & ideo dicit Philosophus 10. Ethicorum cap. 7. & 8. quod maxima delectatio est secundum operationem sapientiæ. Cùm ergo tanta sit hominibus gaudendi cupido, ut malint non vivere, quàm vitam degere omnis proorsus delectationis expertem; sicque tota peccati illecebra sit dulcedo, & oblectatio peccandi: tota verò difficolas virtutis, quod non delectet; hinc est, ut juxta constantem, ac millies repetitam S. Augustini sententiam, tota gratiæ triumphatricis virtus, & efficacia in eo posita sit, ut ostendat, & delectet, sicque peccandi dulcedinem aliâ, majorique dulcedine vincat. Infinitus sum, si omnia ex Augustino producam; unum tantùm, alterumve sufficiat: Nam *Lib. 2. ad Bonifacium cap. 9.* Ipse est, inquit, cui fideliter, veraciterq; cantatur: *prævenisti eum in benedictionibus dulcedinis: & quid hic aptius intelligitur, quàm ipsa cupiditas boni? tunc enim bonum concupisci incipit, cùm dulcescere incipit. Ergo benedictio dulcedinis est gratia Dei, quâ fit in nobis, ut nos delectet, & cupiamus, hoc est, amemus, quod præcipit nobis, in*
*qua**

quia si nos non prævenit Deus, non solum non perficitur, sed nec inchoatur ex nobis. Et in illa Joan. 6. Erunt omnes docibiles Dei. Videte, quomodo trahat Pater, docendo delectat, non necessitatem imponendo: ecce quomodo trahit: erunt omnes docibiles Dei, trahere Dei est. Et Tract. 26. in Joan. Magna gratia commendatio, nemo venit ad Patrem, nisi tractus; quomodo ergo voluntate credo, si trahor? ego dico: parum est voluntate, etiam voluptate traheris: quid est trahi voluntate: delectare in Domino, & dabit tibi petitiones cordis tui, est quaedam voluptas cordis, cui panis dulcis est ille celestis. Porro si Poëta dicere licuit: trahit sua quemq; voluptas; non necessitas, sed voluptas; non obligatio sed delectatio; quanto fortius nos dicere debemus, trahi ad Christum, qui delectatur veritate, delectatur beatitudine, delectatur iustitiâ, delectatur sempiternâ vitâ? An verò habent corporis sensus voluptates suas, & animus deseritur à voluptatibus suis? Si animus non habet voluptates suas, unde dicitur: torrente voluptatis deliciarum tuarum potabis eos, quoniam apud te est fons vita? Da amantem, da desiderantem, da in ista solitudine peregrinantem, atq; sitientem, & fontem æterna patria suspirantem, da talem, & scit, quid dicam; si autem frigidum loquar, nescit, quid loquor. . . . Ista ergo revelatio, ipsa est attractio: ramum viridem ostendis ovi, & trahis illam, nunc pueri demonstrantur, & trahitur; & quod currit, amando trahitur, sine latione corporis trahitur, cordis vinculo trahitur. Si ergo ista, qua inter delicias, & voluptates terrenas revelantur amantibus, trahunt, quoniam verum est: trahit sua quemq; voluptas; non trahet revolutus Christus à Patre? Quid enim fortius desiderat anima, quam veritatem? Et Lib. 2. contra Faustum cap. 28. Si enim nihil delectares illicitum, nemo peccaret. Et Serm. 17. de Verb. Apost. cap. 3. elegantissimè hæc habet: Amanda est iustitia, & in hac iustitia amanda gradus sunt proficientium. Prius est, ut amor iustitiæ præponatur omnibus, quæ delectant. Quid est, quod dixi? ut inter omnia, quæ delectant, plus te delectet ipsa iustitia; non ut alia non delectent, sed prius ipsa delectet. Iustitia sic delectet, ut vincat etiam licitas delectationes. Constituamus ante oculos exemplum certaminis. Interrogo, utrum ames iustitiam? respondebis, amo; quod non responderes veraciter, nisi te aliquatenus delectares; non enim amatur, nisi quod delectat; delectare in Domino, Dominus autem iustitia est. Non enim tibi fingere debes Deum, quæ si idolum, quod vides. Invisibilibus similis est Deus, & ea, quæ in nobis

bis sunt meliora quæ sunt invisibilia . Melior est fides , quàm caro ; melior est fides , quàm aurum , quàm prædia , quàm familia , & ista omnia videntur , fides non videtur . Habes duos servos , unum deformem corpore , alium pulcherimum ; sed illum deformem fidelem , alterum infidelem . Dic mihi , quem plus diligas ? & video te amare invisibilia , quid enim , quando plus amas servum fidelem , licet corpore deformem , quàm pulchrum infidelem , an errasti , & sæda pulchris præposuisti ? utiq̃ , non , sed pulchriora sædis præposuisti . Interrogasti oculos carnis , & quid tibi renuntiaverunt ? ille pulcher est , ille fœdus : repulisti eorum testimonium , & præposuisti servum fidelem , & non servum pulchrum . Quid fide pulchrius ? quid infidelitate deformius ? ergo præ omnibus voluptatibus , hoc est , delectationibus etiam licitis amanda est iustitia . Ecce delectat te aurum tuum , oculos tuos delectat ; metallum enim est pulchrum , fulgentissimum , non nego : nam si pulchrum negavero , Creatori iniuriam facio . Venit ergo tentator , & dicit tibi : tollo tibi aurum , nisi dixeris falsum testimonium , si autem dixeris , addo tibi . Decertant in te duæ delectationes ; modo te interrogo , quid præponas , quid te plus delectet , aurum , an veritas , aurum , an verum testimonium ? Longum est , per singulos corporis sensus excurrere , sed quod de oculis dixi , hoc de cæteris intelligite , & præponite delectationi carnis delectationem mentis : Carnem , quippe vestram delectant illicitæ voluptates ; mentem vestram delectet invisibilis , pulchra , casta , sancta , canora , dulcis iustitia , ut non ad eam timore cogamini ; si enim ad eam timore cogimini , nondum delectat ; peccare non debes , non timore penæ , sed amore iustitiæ . Quando enim peccabatis , & delectabamini in peccatis vestris ; timor vos adducebat ad peccandum , an suavis peccati ? respondebitis suavis . Ergo ad peccatum suavis adducit , & ad iustitiam timor impinget ? probate vos , inspicite vos , tollat aurum , qui minatur , suavior est iustitia , lucidior est iustitia . . . Sic ergo , sic amanda est iustitia , quomodo amata est iniquitas ? absit , ut sic , sed & utinam vel sic . Ergo plus ? plus omnino . In iniquitate secutus es voluptatem , pro iustitia tolera dolorem , & hoc est plus . Parvum est , ut contemnas , quidquid te delectabat , contemne , quidquid terrebat , contemne carcerem , contemne vincula , contemne mortem , hæc vicisti , & iustitiam invenisti . In utroq̃ gradu amatores iustitiæ vos probate . Invenimus forsitan aliquos , qui præponant iustitiæ delectationem ; qui autem pro illa penas , dolores , mortemq̃ , contemnant , putas est aliquis in vobis ? omne gaudium existimate Fratres , cum in tentationes varias incideritis : quid

addi potest, ut opus perfectum habetur? amat, ardet, fervet, calcas omnia, quæ delectant, & transit: venit ad aspera, borrenda, triculenta, minacia; calcas, frangit, & transit: ô amare! ô ire! ô sibi perire! ô ad Deum pervenire! sic armandus est amator iustitia, sic armandus est amator invisibilis pulchritudinis. Sed prius Fratres mei plangite, quod eratis, ut, quod nondum estis, esse possitis, hoc enim, quod loquor, magnum est. Et unde nobis magnum, unde nobis? audite: omne datum optimum, & omne datum perfectum de sursum est, descendens à Patre luminum. Inde est, quod nondum habemus bonum non habetis? petite, & accipietis. Examine se ergo omnis homo, & quidquid in se boni invenerit, quod pertineat ad justificationem nostram, agat gratias illi, qui dedit, & ab illo petat, quod nondum dedit. Non enim tu in proficiendo proficis, & ille in deficiendo deficit; quantumlibet capaces fauces, capacem ventrem afferas, fons vincit sitientem. Et denique ad Simplicianum Lib. 1. q. 2. Quis potest credere, nisi aliqua vocatione, hoc est, aliqua rerum testificatione tangeretur? Quis habet in potestate tali visio attingi mentem suam, quo ejus voluntas moveatur ad fidem? Quis autem animo complectitur aliquid, quod eum non delectat? aut quis habet potestatem, ut vel occurrat, quod eum delectare possit, vel delectet, cum occurrerit? Cum ergo nos ea delectant; quibus proficimus ad Deum, inquiratur hoc, & præbatur gratia Dei, non nutu nostro, aut industriâ, aut operum meritis comparatur.

Ex his omnibus Augustini testimoniis clarissimum est, nullam aliam ab eo gratiam effectricem cognitam esse, quàm quæ illustrando, & delectando intellectum simul, & voluntatem expugnet; idque jure merito: Cum enim homo, ut peccare velit, aut ignorantia, aut dulcedine creati alicujus boni adducatur, gratia, quæ facit, ut peccare non velit, non aliter id assequi potest, quàm ignorantiam contraria luce, voluntatem contraria voluptate vincendo, agendoque, ut appareant, quæ prius latebant, ut delectent, quæ prius non delectabant; sic enim tota radice, & illecebrâ peccati sublatâ, ignorantia videlicet æterni veri, ac amore fallacis boni, tam non potest esse voluntas peccandi, quàm non potest effectus esse sublatâ causâ. Quæ tamen non ita intelligenda sunt, quasi suavitas, & delectatio illa, quam gratia inspirat, omnem penitus aut in voluntate, aut in appetitu sensitivo difficultatem, & repugnantiam dealeat: sicut enim non ideo dantur militi arma, ut nullum hostem, aut pugnam habeat, sed ut pugnando hosti prævaleat; ita gratia non ideo homini datur, ut om-

ni difficultate careat, sed ut ipsam difficultatem superet, luctando-
 que coronam mereatur, hoste quidem victo, sed nunquam planè de-
 bellato juxta illud Apostoli ad Rom. 7. *Condelector quidem Legi Dei*
secundum interiorem hominem, video autem aliam legem in membris
meis repugnantem legi mentis meæ. Infelix ego homo, quis me libera-
 bit de corpore mortis huius? gratia Dei per JESUM Christum Domi-
 num nostrum. Hæc ergo est illa gratia, quam Augustinus mirabi-
 bilem, ineffabilem, efficacissimam, invictam, omnipotentissimam,
 indeclinabilem, insuperabilem, triumphatricem, & denique, ac re-
 quentissimè congruam appellat; hoc est, talem, tamque flectendæ
 voluntati accommodatam, ut nunquam non flectat, & vincat, siue,
 ut ipse loquitur: *quæ facit de nolente volentem, quæq; à nullo corde*
respuitur. Neque id mirum videri debet; voluntas enim non ap-
 petit nisi aliquod bonum; neque fugit, & aversatur, nisi aliquod ma-
 lum, si ergo impudico proponatur castitas non solum ut bonum, sed
 etiam ut magnum bonum, magnisque præmiis donandum, nec cum
 Dei auxilio difficile (ut reverà non est) impuritas verò non solum
 ut res vana, brevique cessatura; verumetiam ut maximum malum,
 & gravissimis pœnis cum æternis, tum temporalibus obnoxium; vo-
 luntas hanc aversabitur, quia propositam instar maximi mali; illam
 verò amplectetur, quia propositam instar maximi boni: hoc enim
 est voluntati bonum, & malum, quod lanci majus, miusque pon-
 dus; sicut ergo majus pondus lancem ad se trahit, ita majus bonum
 voluntatem: nam quod voluntas pro sua libertate minus bonum
 majori præponat, ideo est, quia majus bonum non considerat (quæ
 ipsis quoque Angelis causa peccandi fuit, teste Angelico Doctore)
 considerat verò minus bonum, quippe & à sensibus, & à pravis ha-
 bitibus, & ab experientia, & à potentia imaginativa pictrice om-
 nium maxima vivacissimè propositum; sicut ergo parva scintilla
 magis urit; quàm magnum incendium, non quia major, sed quia vi-
 cinior; ita aliquod bonum sæpe voluntatem plùs movet, non quia
 majus, sed quia notius. Si ergo Deus bonum honestum tam clarè,
 cumque omnibus illecebris, & deliciis suis voluntati obiciat, ut
 sensus appetitui solet, dubium non est, amaturam voluntatem, & in
 amplexum ruituram. Et hæc est gratia, de qua loquitur Augusti-
 nus, ea videlicet, quæ pulchritudinem boni honesti tam affabrè vo-
 luntati depingit, ut rapiat in amorem.

Id Augustinus *Lib. de Corrept. & Grat.* eleganti exemplo Esthe-

*ræ Regina ostendit, de qua cùm ad Regem exorandum ingrederetur, ita loquitur Scriptura cap. 15. Illa autem roseo colore vultum persusa, & gratis, ac nitentibus oculis ingressa cuncta per ordinem ostia stetit contra Regem, ubi ille residabat super solium Regni sui indutus vestibus regiis, auroq; fulgens, & pretiosis lapidibus, eratq; terribilis aspectu. Cumq; elevasset faciem, & ardentibus oculis furorem pectoris indicasset, Regina corruit, & in pallorem colore mutato laissa super ancillam reclinavit caput. Convertitq; Deus spiritum Regis in mansuetudinem &c. Ubi observa, Reginam quamvis pulchram ornatamque, non tamen flexisse animum Regis, imò potiùs asperâsse, quòd non vocata intrâset; flexisse autem pallidam, & exanguem, & in deliquium, sinumque ancillæ collapsam; quod ergo non forma, non roseus color, non regius ornatus potuit, id pallor, & deliquium potuit; & cùm Deus ad vincendum barbari Regis animum posset venustate uti, maluit languore: una ergo, eademque Regina fuit, & valida, & exanguis, sed uno modo regium animum movit, alio non movit. Idem libero arbitrio contigit, de quo Augustinus ad Simplicianum Lib. 1. q. 2. *Alius sic, alius autem sic movetur ad fidem; eademq; res sæpe, alio modo dicta movet, alia modo dicta non movet, aliumq; movet, alium non movet.* Hoc ergo est voluntati bonum, quod pulchra facies videnti; trahit enim, non cogit, quia trahit amantem, sicque de nolente volentem facit. Quid minùs ad amandum dispositum erat, quàm Assueri animus furore incensus? amavit tamen pulchra facie ex adverso micante, ac instar Solis tanto dulciùs flagrantis, quantò propiùs occasum. Si ergo tanta vis pulchritudini creatæ, cur non major increatæ, si voluntati quantumvis averse offeratur? An quod potest scintilla, non possit incendium? nam revera nihil aliud est forma creata, quàm scintilla increatæ. Verum quidem est, unam, eandemq; veritatem, unum, idemq; bonum jam valere, jam non valere inflammando amori; imò sæpe minus bonum efficere, quia meliùs propositum, quod majus non potuit; sicut in humano vultu minus pulcher est pallidus, quàm roseus color, & tamen in placando Rege ille prævaluit; quid ergo mirum est, idem quoque in vertenda voluntate contingere, Deo ita faciem veri, bonique ostendente, ut placeat, & vincat? De Cleopatra refert Historia, tantùm ejus formæ lenocinium fuisse, ut neminem intuentem non caperet, & ideo non aliter cum illa Augustum, quàm dejectis in terram oculis locutum esse. Quid de Phryne Græcarum formosissima dicam, quæ*

capitis damnanda, cum Hammeum removisset, quo faciem velaverat, adeò Judicium animos pulchritudine rapuit, ut omnium votis absolveretur? Et de Helena refert Aristoteles *Lib. 2. Ethic. cap. 9.* Sæpe à Trojanis de illa Græcis restituenda in Senatu decretum esse, sed quoties causam dictura Prætorium intrasset, adeò illius venustate omnium animos percussos esse, ut mutatâ sententiâ extrema pati, quàm reddere illam mallent. Si ergo in commovendis, versandisque in omnem partem animis tanta vis est creatæ formæ, quanta erit formæ increatæ? quod potuit lutum, non poterit Cælum? quod potuit Helena, non poterit gratia, cum tamen, ut optimè dixit Augustinus: *incomparabiliter pulchrior sit veritas Christianorum, quàm Helena Græcorum?* Unicornem quamvis indomitum visa Virgine mansuescere, & in genua procumbere, Elephantem naturâ mitem aspectu purpuræ in rabiem agi, vertique in fugam certissimum est. Quid ergo mirum, aliquid esse, quod etiam voluntatem, si ostendatur, certissimè in aliam mutet? ostendere verò ad gratiam pertinet.

Quid de cantu, & Musica dicam? Quanta illi in ciendis, vendisque affectibus potentia est? Alexandrum jam in furorem, jam in socordiam, utcumque vellet Timotheus cantu agebat. Saul cytharæ lusu mœrore, & insaniâ levabatur. Theodosium Magnum Antiochenos delere parantem, quod ejus statuum evertissent, Flavianus Episcopus adeò cantu demulsit, ut convivanti lacrymæ in poculum caderent, juberetque continuò rebellibus parci. De se ipso Augustinus lib. 9. Confess. cap. 6. *Quantùm flevi in Hymnis, & Canticis tuis suavè sonantis Ecclesiæ tuæ vocibus commotus acriter? Voces illæ instuebant auribus meis, & eliquabatur veritas tua in cor meum, & ex ea astuabat affectus pietatis, & currebant lacrymæ, & bene mihi erant cum eis.* Sed omnia superat, quæ de Erico 11. cui nomen boni, Daniæ Rege Olauus Magnus, Crantius *Lib. 5. Daniæ, & Saxo Grammaticus Lib. 12.* narrant. Verba Saxonis sunt: *Apud Ericum cognomine bonum Daniæ Regem, Citharædus quidam hæud ignobilis admirabilis, & propè stupendos artis suæ commendabat effectus, maximeq; illud ipsum, quod in humanos sensus, mentesq; obtineret imperium. Rex verborum novitate percussus, qui neq; tantum vim musicæ arbitraretur, continuò hominem artis suæ specimen edere jubet, & torpentes animos ad furorem Martium, si posset, accendere. Annuit ille, & nequa nocendi ansa daretur, arma omnia ex aula efferri præcipit, Custodesq; in atrio collocari, quo furentes, si qui fortè in*
infra-

*insaniam agerentur, comescerent. Dictum, factum. Tum illa, quæ plurimum pollebat, cantandi peritiâ primùm quidem inusitata severitatis concentum edidit, quo stupore quodam, & mærore omnium, quotquot aderant, Auditorum mentes cernebantur oppressæ. Deinde aded suaves, & mellitos cantus effudit, ut toti iactatione corporis intemperantem proderent letitiam. Tandem verò ubi acrioribus modulis intonare cepit, continuò totis tectis fremere, tumultuari, arma, & gladios inclamare. Nec mora, accurrunt Custodes, ut Regem cum aliis furentem contineant. Sed ille effraclis atrii foribus, arrepto ense quatuor transfodit, & ut actus in rabiem taurus totis bacchatur adibus. Vix tandem pulvinarium, & lectulorum mole undiq; oppressus contineri potuit. Postquam menti restitutus est, relicto Procuratore Regni Filio Jerusalem expiandorum homicidiorum per pios cruciatus gratiâ profectus est, atq; in Cypro defunctus. Quodd si quætas, unde in animi affectus tantum Mulicæ imperium? dari alia ratio non potest, quàm soni, aërisque per sonum concitati ad spiritum animalem proportio, quidamque Magnetismus, & occulta Sympathia; juxta enim proportionem soni, aërisque vibrati, necesse est, moveri phantasiam, humoresque corporis, aut crispari, aut densari, aut rarefieri, accendi que ex motu verò phantasie, humorumque, ac præsertim spiritus animalis agitatione alios, aliosque affectus in anima concitari: nam, ut ait Augustinus lib. 10. Confess. cap. 33. *Omnes affectus spiritus nostri pro sui diversitate habent proprios modos in voce, atq; cantu, quorum nescio qua occulta varietate excitantur.* Et Athanasius Kircherus in sua Musurgia lib. 7. fol. 552. *Latent in singulis rebus proportionem quadam, quarum concursu omnes rerum exoticæ operationes conficiuntur, quarum proportionum si quis perfectè rationem nosset, is haud dubiè maxima naturæ miracula in suscitandis animi passionibus vi musica efficere posset: si quis igitur harmoniam accommodare posset, ut spiritus eodem prorsus modo, quo harmonici numeri moverentur; is intentum effectum produceret haud dubiè.**

Si ergo in mollienda, flectendaque voluntate tanta vis cantus, quantum major vis gratiæ? Et si ad eam superandam tantum valet proportio soni, quantum magis valebit proportio, & cognitio boni, quod proprium illius obiectum est? An verò poterit peritus musicus reperire sonum, quo certissimè affectum moveat, & non poterit Deus reperire obiectum, quo certissimè voluntatem in aliam mutet? Aut anima magis cantui subditur, quàm veritati?

Paria de vi, & efficacia persuadendi, hoc est, eloquentia occurrunt: Possunt enim argumenta aliqua tam clara esse, tantaque facundia proponi, ut continuè & intellectum, & voluntatem capiant, subdantq; veritati: ut bene de Eloquentia cecinerit Horatius lib. 3. Ode 16

*Tu potes Tigres, comitesq; silvas
Ducere, & rivos celeres morari,
Cessit immanis tibi bludienti
Janitor Aula.*

*Cerberus, quamvis furiale centum
Muniant auges caput ejus, atq;
Spiritus teter, saniesq; mauet
Ore trilingui.*

Et Tullius Lib. 2. de Orat. *Tantam vim habet omnium Regina rerum Eloquentia, ut adversantem, & repugnantem, quò velit, inducat, deducat, unde velit.* De Cleopatra Ægypti Regina narrat Dion lib. 42. *Tantum in ejus verbis fuisse leporem, ut quisquis illam loquentem audiret, amore concideret.* Scribit Laërtius, Palæmonem solutissimis moribus juvenem aliquando semiebrium, inereticio cultu, floribus, & unguentis sparsum Scholam irrupisse, dum Xenocrates de Temperantia diceret: sic verò illius argumentis, & eloquentiâ captum, ut delitiis, amoribus, ornatuque posito ad eò pudicus, sobrius, sibi que dissimilis evaderet, ut passim ab omnibus ob morum gravitatem Tonus Doricus audiret, & ne à cane quidem rapido morsus vultum, aut colorem imitaret. Simile aliquid de Diogene refertur: cùm videlicet juvenem quendam obvium habuisset ob recentem in Ludis Olympicis victoriam triumphantem, palmâ, coronaque insignem, ac ingenti plaudentium turbâ circumfusum, quæ ovantem deducebat, interrogâsse: quæ tanti apparatus, & causa tripudii? eoque respondente, ob florem Græcæ Juventutis à se in ludâ superatum; Diogenem intulisse: quos ergo vicissè te gloriaris; fortiores, pares, an imbecilliores te viribus erant? non fortiores, ant pares; alioquin victi non essent; imbecilliores ergo: at vicissè imbecilliores, quæ tandem gloria est, aut quis non possit? quin potius omissa hac virium pugnâ, quibus te bestix vincunt, quasque & morbus, & senium carpent, ad sapientiam, moresque componendos te vertis, perpetuâ tui gloriâ, & bono? Nec mora, pudore suffusum juvenem palmâ, coronâ, turbâque omissis Philosophum induisse. Scribit Atticis Bellariis *Pontanus par. 2. cap. 16.* Fuisse Chinensem, quò

Regi

Regi suo persuaserat, repertum à se pharmacum, quo fieret immortalis; poculum verò in Aulam allatum quandam ex Amicis involâsse, haussisseque, quem cùm Rex nudato ferro invaderet, hoc Dilemmate furem stitisse: aut, inquit, potio illa immortalem facit, aut non facit? Si facit, frustra mihi necem intentas; si non facit, ergo deceptus es, nec mortem mereor, qui te hac fraude liberavi. Tam clara visa argumentatio, ut ferrum Princeps reponderet, dolumque intelligeret. Missi à Menia Milites, qui Antonium cæderent, cùm jam gladios strinxissent, vibrassentque, adedò illius oratione fracti, ut sideratis, ac stupentibus similes re infecta ad suos redirent. Si ergo in ducenda, volvendaque voluntate tanta vis est verbo humano, quanta erit Verbo divino? potest Philosophus verba, & argumenta reperire, quibus intacta libertate voluntatem pleno cursu ruentem, non tantùm sistat, verùm etiam in oppositum vertat, & non poterit Deus? Plùs dabimus Oratori, quàm Creatori? plùs verbo in aure, quàm in mente sonanti? Nihil ergo aliud est triumphat^r ista gratia, de qua loquimur, quàm oratio, & Rhetorica Dei humanam voluntatem alloquentis, & alloquendo in quamcumque partem voluerit, persuadentis. Nec mirentur, si dicimus, posse Deum argumenta, & rationes invenire, quibus certissimè quamcumque etiam obluantem voluntatem expugnet, cùm id Diogenes, Tullii, Antonii, Cleopatraz, Xenocrates, aliique potuerint. *Liquefacta est anima mea, cùm dilectus locutus est*, inquit aliqua, quæ amat: hoc ergo est cordi duro Verbum Dei, quod metallo est ardor ignis: liquecunt igni metalla, & non liquecunt corda Dei Verbo? Fac ærea, fac adamantina esse, ad hunc ignem solventur. Quòd si in magno hoc Mundo dicente Deo facta sunt omnia, nihil novi, aut insoliti est, si dicamus, etiam in Mundo minori, hoc est, homine, dicente Deo, fieri omnia. Quid qualitates prædeterminantes, hoc est, quid arietes, & machinas, & vocabula quærimus, nec in Scripturis, nec in Patribus audita quatiendæ ac debellandæ voluntati, cùm pro omnibus machinis unum Dei Verbum, nutusque sufficiat? Dixit: *fiat lux*, & facta est lux; *fiat Cælum*, *fiat Mare*, factumque est Cælum, & Mare: cur non etiam dicente illo, fiat in voluntate amor, non fiet amor? fiant lacrymæ, fiat castitas; non fient lacrymæ, & castitas? Ergo ut aliquando concludam: Deus, qui dicendo fecit Mundum ex nihilo, dicendo quoque facit justum ex peccatore (nam & peccatum nihil est) & hoc ipsam ita dicere, ut fiat, est gratia

tia Dei, quam prædicamus, & quam semper docuit Augustinus; qui verò aliter explicant, aliterque sentiunt; pace illorum dixerim: nec satis cum Augustino conveniunt, nec tantum Deo in anima loquenti tribuunt, quantum Dei verba merentur. Fixum ergo, ratumque sit, nihil aliud ex sententia Augustini gratiam efficiatricem esse, quam *cognitionem congruam*, hoc est, quæ tale, tamque proportionatum objectum, tali que modo proponat, ut ad illud amplectendum voluntas Magnetismo, & Sympathiâ quadam certissimè moveatur. Nulla igitur tam fortis, & adversa, aut ex vitio, aut ex natura inclinatio, nulla vis inolitæ consuetudinis, quæ victrici huic gratiæ non planè succumbat, sive confestim, unoque velut impetu, ut in Paulo, & Magdalena; sive, ut plerumque contingit, paulatim, & longo velut bello voluntatem submittat. Si enim domari arte, contraque naturam Urso, Leones, aspides videmus; quis dubitet, posse domari gratiâ etiam voluntatem quamvis averfam, & repugnantem? An verò plus arti, quam gratiæ dabimus? quæ tamen & ipsa nihil aliud est, quam ars quædam Dei providentis. Quod si nemo tam avarus est, qui non furto absteineat metu præsentis Judicis, & à quo supplicium præsens expectet; nemo tam impatiens amoris, qui non temperet, si corruptam pestem, aut leprâ amicam intelligat; nemo tam inimicus, qui non vindictam omittat, principe ipso rogante, & Regnum pollicente; si nulla, inquam, cupiditas est tam magna, & præceps, quæ majori spei, aut metui non cedat; quantum magis nulla cupiditas, nulla consuetudo, nullumque vitium erit, quod timori omnium maximi, & certissimi mali, ac spei omnium maximi, & certissimi boni non continuo cedat, gratiâ utrumque & validissimè intellectu proponente? Hæc ergo est gratia illa victrix, quam, ut cordis humani potiat, impedire nihil potest, & de hac dictum est: *Nihil est, quod tua possit resistere voluntati, si salvare decreveris Israel.* Ester 13.

II. Dices: Voluntas hominis est intrinsecè, ac physicè impotens ad actum supernaturalem, v. g. amoris, veræque contritionis: at per solam propositionem objecti, sanctasque inspirationes & illustrationes (quæ tantum moraliter movent) non potest physicè fieri potens; debet ergo fieri talis non solum per objecti propositionem hæcenus à nobis explicatam; sed per aliquam qualitatem ordinis supernaturalis (in iis præsertim peccatoribus, qui habitum charitatis necdum adepti sunt) quam qualitatem Theologi *physicam prædeter-*

minationem vocare solent. Rursus bonitas objecti, quamvis infiniti, quamvis clarissimè, ac vivacissimè propositi, extra visionem beatificam voluntatem relinquit indifferentem, & indeterminatam ad amandum, & non amandum; debet ergo præter cognitionem objecti aliud principium effectivum admitti, à quo determinetur; neque enim dici potest, voluntatem indeterminatam à se ipsa determinari; cum enim ea determinatio sit res creata, debet subordinari, & dependere à causa prima, ejusque influxu, non tantum in genere naturæ, & potentie verumetiam in esse agentis, & quoad ipsam actualem causalitatem.

Resp. Nec nobis, nec aliis quibuscumque rem bene, citraque affectum, ac privatum in partes studium consideranti hanc explicandi gratiæ efficacis rationem probari posse. *Primo* enim quæro, an in S. Augustino hanc qualitatem prædeterminantem aliquando repperint, aut non repperint? si repperint, locum aliquem Augustini ostendant; at nunquam ostenderunt, nunquam ostendent. Si verò nunquam repperint; quæ rogo fiducia est, in explicanda natura gratiæ scire aliquid melius velle, quàm sciverit Augustinus? aut velle quærere & invenire, quod tanto studio, tanto ingenio, tantaque oratione nunquam Augustinus invenit? Quod argumentandi genus multò validius contra illos est, qui tantoperè Augustino gloriantur, nec patiuntur aliquid in hac causa dici, non ab Augustino acceptum. Nec opponant, gratiam efficacem ab Augustino *omnipotentissimam, invictissimam, indeclinabilem* &c. vocari, quæ elogia non videntur cadere in causam merè, uniceque moralem: Nam suppositum, quo nituntur, incertissimum est; quàm multi enim etiam ex nobilissimis Thomistarum sunt, qui docent, ab objecto, ejusque oblata bonitate non moraliter tantum, sed etiam physicè moveri voluntatem, ut oculus à colore, ejusque speciebus, utque in Divinis Verbum physicè spirat amorem? *Deinde*, quid opus rixis, & cavillationibus est; cum ipse Augustinus verborum suorum optimus interpres, toties ac tam disertè mentem suam explicaverit, eo videlicet modo, quem ex clarissimis, & quàmplurimis ejus testimoniis suprà ostendimus. Vocat ergo *omnipotentem*, non eo sensu, quem Gonetius, aliique obtendunt; sed quia omnia potest: *invincibilem*, quia omnia vincit: *indeclinabilem*, quia omnia superat: *triumphatricem*, quia omnia expugnat. *Secundo*. Qualitas illa prædeterminans tot difficultatibus implicatur; ut faciliùs Nodum Gordium, quàm illas exsolvas, ut pas-

passim apud Theologos videre est. Sicque Ænigma Prædestinationis alio Ænigmate non tam explicant, quàm obscurant, Ænigma enim Ænigmati additum, sicut obscurum obscuro additum, non facit rem clariorem, sed facit magis obscuram, ut taceam alia mille, quæ ne à doctissimis quidem hæcenus intellecta sunt, & nec forsan ab eorum Auctoribus.

Nec obstant, quæ opponuntur: Voluntas enim multis modis citra physicam prædeterminationem fit physicè potens ad operandum, nam quoad *specificationem*, hoc est, ut potius amet, quàm odio habeat, redditur potens, & determinatur à bono, & objecto supernaturali, quod per suas species in voluntatem agit, inclinaturque instar ponderis. Rursus fit potens per concursum simultaneum; sicut equus fit potens ad trahendum currum per rotam, sine qua equus non posset; jam verò supra notavimus, hoc esse gratiam voluntati, quod rotam, & machinam curru. Denique, & principaliter, ad actus supernaturales fit voluntas potens per voluntatem illam, & Decretum Dei æternum quidem, sed in tempore operans, quo Deus vult hic, & nunc voluntatem Petri potius amare, quàm non amare. Hoc verò est illud stabile, fixumque Dei propositum, quod toties Apostolum, & Augustinum legenti occurrit. Quod Decretum licet formaliter indifferens, quippe liberum, & causa actus liberi, est tamen eminenter, & virtualiter determinatum, & ideo potest esse causa effectus determinati, nam quod est eminenter tale, idem potest, quàm quod est formaliter tale. Ita Sol eminenter calidus æque manum calefacit, ac etiam objectum corpus inflamat, ac ignis, qui est formaliter calidus: & lux eminenter colorata æque objectum colorat, & tingit (ut in nubibus, & iride, vitroque trigono videre est) ac cocus, & cinabarum, quæ sunt formaliter colorata. Idem dicas de voluntate humana, quæ licet omnibus omnino tam ex parte objecti, quàm ex parte Dei spectatis sit formaliter indifferens, quippe libera; est tamen eminenter, & virtualiter determinata, cum se ipsam determinare possit; utpote suorum actuum Domina; potest ergo ab illa quamvis indeterminatà effectus determinatus prodire: Si enim à principio non calido potest calor procedere, & à principio non colorato potest effectus coloratus; cur non à principio indeterminato effectus determinatus? Cum ergo quæris, quis determinet voluntatem indeterminatam? Respondeo: ipsam voluntatem, dependenter tamen à Causa prima, à qua

& virtutem se determinandi accepit, & concursum quoque simultaneum, & consequenter à qua non tantum quoad esse, verumetiam quoad operari dependet. Si ergo voluntas hominis, ejusque determinatio, & operatio à primo Operante, primaque Causa dependet, ei que subordinatur; cessant omnia absurda, quæ huic nostræ sententiæ opponuntur; nihil enim aliud à Causa secunda exigi potest, quam ut in esse, & in operari, in ipsaque sui determinatione à Causa prima dependeat, quamvis à Causa prima non prædeterminetur: præsertim si consideres, in voluntate operante nihil esse, quod non verè, proprieque causetur à Deo. In voluntate enim, cum v.g. amat, nihil aliud est, quam potentia voluntatis, & ipse actus amoris, qui actus solus voluntatem determinat, (nec datur media alia determinatio inter actum, & voluntatem, ut aliqui sibi imaginantur, alioquin eundem esset in infinitum) at tam ipsa voluntas, quam ipse actus voluntatis à Deo est, tanquam à causa: concursus enim simultaneus est vera causa amoris, omniumque actum, qui à voluntate procedunt. Et planè voluntatem à nullo alio, quam à se ipsa determinari (dependenter tamen à causa prima, ut modò explicatum est) apertissimè docet S. Thomas. Sic enim loquitur in 2. Distinct. 39. quæst. 1. art. 1. *Ipsa potentia voluntatis, quantum in se est, indifferens est ad plura, sed quod determinatè exeat in hunc actum, vel in illum, non est ab alio determinatè, sed ab ipsa voluntate.* Et q. 3. de Malo art. 3. ad 3. *Voluntas cum sit ad utrumlibet, per aliquid determinatur ad unum, scilicet per consilium rationis, nec oportet, hoc esse per aliquod agens extrinsecum.* Et 1. 2. q. 9. a. 6. ad 3. Ubi proposita quæstione, an voluntas moveatur à Deo sicut exteriori principio, respondet: *Deus movet voluntatem hominis sicut universalis Motor ad universale objectum voluntatis, quod est bonum* (tribuendo ei videlicet naturalem inclinationem, & determinationem ad solum bonum, sicut gravibus ad centrum) *& sine, hac universali motione homo non potest aliquid velle: sed homo per rationem determinat se ad volendum hoc, vel illud, quod est verè bonum; sed tamen interdum specialiter Deus movet aliquos ad aliquid determinatè volendum, sicut in his, quos movet per gratiam.* Vides clarissimè docere S. Thomam, excepto speciali casu gratiæ voluntatem creatam à se ipsa, non à Deo determinari. Quoddà omnino velis, voluntatem creatam ab increata determinari, istud quoque in sano sensu verissimum est: Illud enim propositum, decretumque divinum, quo

Deus

Deus voluit , ut Petrus hîc , & nunc amaret , & quo statuit , in hunc finem tales ei gratias dare , quibus ad amandum moveretur , hoc , inquam , divinum Decretum verissima causa est , ut Petrus amet , & ad amandum determinetur . Quamvis enim hujusmodi Dei Decretum sit formaliter indifferens , ideoque libertati humanæ accommodatum , est tamen virtualiter , & eminenter determinatum , & ideo potest effectum determinatum producere modo , quem paulò antè insinuavimus . Et hæc ipsa ratio est , ut in hujusmodi Decreto suo , simulque in humana voluntate velut in causa Deus futurum Petri amorem certissimè prævideat : Cùm enim Deus & suam , & hominis voluntatem perfectissimè comprehendat , comprehendit quoque , cognoscitque omnes effectus ab utraque profecturos , hoc enim ipsum est causam comprehendere , nihil videlicet in ejus sinu esse , nihil ex ea futurum , quod cognoscentem lateat , quod præsertim de intellectu infinito verum est , qui se ad omnem speciem , & conditionem veri extendit ; At etiam futura vera sunt , præsertim quia si futura non cognoscerentur , ideo esset , quia non sunt præsentia ; at sunt præsentia , & coexistunt æternitati , sicut minimum centrum coexistit toti , maximoque circulo , quæ perpetua est S. Thomæ sententia 1. p. q. 14. a. 13. & contra Gentes cap. 67. Et alibi sæpè . Planè cùm Sacra Scriptura nihil de modo dicat , quo Deus voluntatem humanam movet , ac futura contingentia cognoscit (quod etiam fatetur Augustinus Lib. 8. in Gen. cap. 21. & alibi frequenter) dicat verò frequentissimè , milliesque repetat : *Deum velle omnes salvos fieri : relinquere hominem in manu consilii sui : expectare , ut faciat veras , & non labruseas : stare ad ostium , & pulsare , ut si quis aperiat , ad eum intret* . Cùm , inquam , ita se res habeat , mirum est , si quis contra regulam Augustini ista certissima propter illa incertissima neget . Quando ergo Angelicus Doctor alicubi dicere videtur , voluntatem hominis à Deo determinari , alibi verò contendit , non determinari nisi à se ipsa ; ea ratione intelligendus est , quam modò exposuimus . Si ergo quæras , cur Decretum divinum , quod indifferens est ad amandum , & non amandum ; causet potiùs amorem , quàm non amorem ? Respondeo , idem quæri posse , cur Decretum divinum , quod indifferens est ad creandum Mundum A , & Mundum B ; potiùs creet Mundum A , quàm Mundum B ? Causa ergo est , quia ob infinitam & illimitatam perfectionis suæ plenitudinem voluntas divina ita formaliter est indifferens , ut eminenter sit determinata . Taceo importunam ,

nam, & superfluum quæstionem esse, cum quæritur, cur voluntas divina hoc potius, quam illud velit, aut causet; hoc enim ipso, quod est causa prima, nullam aliam causam habet; & ideo tam absurdè illud quæritur, quam absurdè quæreretur, cur linea sit potius longa, quam lata, & cur centrum sit potius in medio, quam à latere circuli?

Hic etiam observandum est, Deum ad executionem Decreti illius sui, quod modò descripsimus, mutandamque hominis voluntatem, nulla qualitate opus habere, quæ voluntati inhæreat, eamque determinet; sed solo nutu, efficaciamque suæ voluntatis id totum præstare: Quæ enim mutatio major cogitari potest, quam cum Deus materiam primam tot formis cœlestibus, & sublunaribus ornavit, & quando lutum animam rationalem, vitamque instruxit? At solo nutu voluntatis suæ, nullaque intermedia qualitate velut instrumento id fecit; quantum ergo magis eodem modo, eademque ratione mutare voluntatem poterit? Cum enim tota virtus agendi, quam tu qualitati illi attribuis, à Deo sit, & in Deo eminenter contineatur, sequitur, solum Deum sine illa præstare posse id totum, quod illa potest; sicut quia tota potestas jus dicendi in Iudice delegato est à Principe delegante, sequitur, solum Principem sine omni delegato posse iudicium exercere, ac sententiam ferre, quod Theologi volunt, cum universim docent, posse Deum supplere omnem virtutem causæ effectivæ non vitalis. Mutatur ergo voluntas in genere causæ effectivæ, & à Deo, & à se ipsa in genere causæ finalis à bonitate proposita; in genere verò causæ formalis ab amore, aliove actu, quem elicit, recipitque.

III. His ergo notatis, cum suprâ copiosè probatum sit, gratiam petendi, orandi que nulli peccatorum negari, superest, ut ostendamus hanc ipsam orationem certissimam, & infallibile medium esse, efficacissimam hanc, & triumphatricem gratiam, præsertim verò finalis perseverantiæ à Deo impetrandi. Et quidem iustos quod attingit, nihil in Sacris Litteris aut frequentius, aut clariùs exprimitur, quam eorum orationem, quoties petunt, quæ ad vitam æternam spectant, certissimè exauditum iri. Quod cum passim in Scripturis occurrat, & notissimum sit, non est, ut hic fusiùs expendatur. De oratione tantum peccatoris quæstio est, de qua dicimus, si fiat, ut oportet, esse quoque efficacem, semperque exaudiri; non quidem per viam meriti, cum hoc dignitatem postulantis supponat; sed per viam
impe-

impetrationis, quæ solâ Dei misericordia, Christi quæ infinitis meritis nititur. Observandum tamen est, duo esse genera peccatorum: Alii enim sunt, qui nihil minus, quàm de peccatis deferendis cogitant, & instar mancipiorum, quæ libertatem pretio vendiderunt, catenas suas, & compedes amant. Istorum verò orationes non tantùm non efficaces, verùm etiam ingratas Deo esse, quippe temerarias, & impudentes, palàm est, sæpe quæ in Scripturis expressum. Quid enim invecundiùs, quàm si beneficia, & gratias à Principe petas, quem non tantùm offendis, verùm etiam deinceps offendero statuisti, palam quæ professus es? insultantis hæc oratio est, non postulantis: *qui declinat aures suas, ne audiat legem, oratio ejus fiet execrabilis*. Prov. 28. Et Isaïæ 1. *Cùm extenderitis manus vestras, avertam oculos meos à vobis, & cùm multiplicaveritis orationem, non exaudiam, manus enim vestrae plene sanguine sunt*. Talis fuit oratio Judæ, talis Antiochi Regis, de quo Machabæorum 9. *Orabat hic scelestus Dominum, à quo misericordiam non esset consecuturus*. Alii sunt peccatores, qui peccant quidem fragilitate naturæ, aut impetu cupiditatis velut torrente abrepti, qui & peccatum agnoscunt, & sub jugo gemunt, cupiunt quæ servitutem, & catenas exuere, nec tamen possunt; & ideo divinum auxilium, & gratiam constanter implorant, quorum oratio illa est, quam dicimus, à Deo infallibiliter exaudiri.

IV. Primb enim *Matth. 7.* universaliter dicitur: *Omnis, qui petit; accipiet*. In quæ verba Author Operis Imperfecti Homil. 18. *Sive justus, sive peccator sit*. Et *Luc. 11.* *Dico vobis, etsi non dabit, quia amicus est, propter importunitatem tamen surget, & dabit, quidquid habet necessarium*. Ubi vides importunitatem, hoc est assiduitatem precandi æquari, imò præferri debito, juri quæ amicitia; aded ut quod amico negari potest, negari non possit importunè roganti. Ex quibus Evangelii verbis colligit etiam S. Basilius in *Constitut. Monast. cap. 1.* *peccatores impetrare, quod petunt, si perseveranter petant*. Et *Luc. 18.* Publicanus orando indulgentiam obtinet: quo exemplo S. Augustinus *Traçt. 44.* in Joan. arguit illius cæci verba, dicentis: *Scimus, quia peccatores Deus non exaudit*. In quæ verba Augustinus: *Cæcus adhuc inunctus loquitur, nam & peccatores exaudit Deus; si enim peccatores Deus non exaudit, frustra ille Publicanus diceret: Deus propitius esto mihi peccatori*. S. Hieronymus quoque *Epist. ad Damasum de Filio prodigo*, docet, si peccator jam spe ac desiderio filius Dei sit, non absurdè in oratione Dominica dicere: *Pater noster*,

NAM

nam & filius prodigus *Luc. 15.* nondum reconciliatus dicit se indignum, qui filius vocetur, & tamen Patrem appellat, cum ait: *Pater peccavi in Cælum, & coram te.* Et S. Chrysostomus Homil. 56. de diversis: *Non tam valet amicitia apud Deum, quam oratio, & quod amicitia non perfecit, id perfectum est ab oratione.* Idemque confirmat S. Gregorius in Psalm. 6. Pœnitentialem (sitamen hoc opus Gregorii est) exemplo Jonæ Prophetæ: *Clamavit Jonas ad Deum de ventre Ceti, de altitudine maris, de profundo inobedientiæ, & ad aures Dei oratio illius pervenit, qui cum eruit à fluctibus, eripuit à hostia, absolvit à culpa. Clamet & peccator, quem à Deo recedentem cupiditatum tempestas contrivit, quem malignus hostis absorbit, quem præsentis sæculi fluctus involvit, agnoscat, se esse in profundo, ut ad Deum sua perveniat oratio.*

Sed omnium luculentissimè Angelicus Doctor 2.2.q. 83. a 16. in C. & ad 2. In Peccatore duo sunt consideranda, scilicet natura, quam diligit Deus, culpa, quam odit. Si ergo peccator orando aliquid petit, in quantum peccator, id est, secundum desiderium peccati (v. g. iracundus vindictam, avarus injustum lucrum) in hoc à Deo non auditur ex Misericordia, sed quandoq; auditur ex iustitia ad vindictam, dum Deus permittit peccatorem adhuc amplius ruere in peccata; Deus enim quadam negat propitius, quia concedit iratus, ut dicit Augustinus. Orationem verò peccatoris ex bono natura desiderio procedentem Deus audit non quasi ex iustitia, quia peccator hoc non meretur; Sed ex pura Misericordia, observatis tamen quatuor præmissis conditionibus, ut videlicet pro se petat, necessaria ad salutem, pia, & perseveranter. . . . Peccator quidem non potest orare, quasi ejus oratio ex habitu virtutis informetur; potest tamen ejus oratio esse pia, quantum ad hoc, quod petit aliquid ad pietatem pertinens, sicut ille, qui non habet habitum iustitiæ, potest aliquid iustum velle. Et quamvis ejus oratio non sit meritoria; potest tamen esse impetrativa; quia meritum innititur iustitiæ, sed impetratio innititur gratiæ.

Exempli quoque in Sanctis litteris abundant: Achab Regis, 3. Reg. 21. Manassis 2. Paralip. 33. Nabuchodonosoris, Daniel. 4. Debitoris mille Talentorum, Matt. 18. Filiis prodigi. *Luc. 10.* Jonæ Prophetæ c. 2. & 3. Publicani *Luc. 18.* Denique quod olim nomine rebellium Judæorum Daniel; id omnes peccatores dicere ad Deum possunt: *Inclina aurem tuam Deus meus, & audi: neq; enim in iustificacionibus nostris prosternimus preces ante faciem tuam, sed in miserationibus tuis multis.* Daniel. 9. 18.

V. Et

V. Et planè id ipsum *ratio* convincit: Indignum enim est divina, infinitaque Clementiâ creaturam, ac filium repellere ejus auxilium & protectionem implorantem. Nec obstat, peccatorem indignum veniam esse. Præterquàm enim quoddam jam dignus aliqua ratione videatur, cum cupit, & conatur contra naturæ suæ impetum peccato obsistere, quæ voluntas, & conatus sine gratia Dei esse non possunt; ubi verò Dei gratia, ibi jam aliqua dignitas est. Ut inquam, de hoc fileam; illud prætereà observandum est juxta doctrinam Angelici, orationis efficaciam, & virtutem impetrandi non merito, & dignitate postulantis niti, sed Dei misericordiâ, Christi suæ infinitis meritis; sicut ergo merita Christi, Dei quæ misericordiâ peccatores non excludit; ita nec eos excludit vis, & efficacia impetrandi toties in Sacris Litteris promissa. Non ergo quæritur, quid mereatur peccator, sed quid Deum, ejusque Bonitatem deceat; non autem decet, ut filium repellat ejus genua complectentem, ejusque non amplius offendendi gratiam implorantem. Quid enim iustius, Deoque gratius peccator petat, quàm ne illum offendat? quis verò credat, sibi quæ persuadere possit, Deum iusta, & grata petentem non exaudire? Planè si nullus tam durus est, qui naufragium passus, & cum undis luctanti, opemque poscenti, manum non porrigat: & si Areopagus dignum morte Senatorem censuit, qui passerem sinu excussit, in quem se condiderat, milvo persequente; quantò minùs credendum erit, divinam Bonitatem creaturæ suæ, filioque facturam, quod nemo cum naufrago, nemo cum passere faciat. Deinde nisi Deus etiam peccatores exaudiat, tota ferè oratio etiam iustorum invalida redditur: Anima enim orationis est certa fiducia impetrandi, juxta illud Apostoli: *postulet autem infide nihil basitans, qui enim kasitat, similis est fluctui maris, qui à vento circumfertur; non ergo assimet homo ille, quoddam accipiet.* Jacobi 1. Et ideo S. Doctor. 2. 2. q. 83. a 16. docet: *Orationem habere vim merendi à charitate; efficaciam verò impetrandi à fide & fiducia.* Et S. Bernardus *Serm.* 3. de Annuntiat: *Sola spes apud te Domine miserationis obtinet locum; nec oleum misericordiæ nisi in vasa fiducia ponis.* At si oratio peccatorum virtutem impetrandi certam non habet; sequitur, etiam iustorum orationem, paucissimis exceptis, efficacem non fore. Quotus enim quisque est, qui sine vlla hæsitatione, nihilque dubitans credere possit, se iustum esse? cum potius nesciat homo, odio, vel amore dignus sit. Si ergo orationis efficacia, orantisque fiducia pendet à præ-

senti iustitia, sequitur, ut sicut nemo, paucis exceptis, certus est, se iustum esse; ita nemo certam impetrandi fiduciam habere posse, & consequenter nullius etiam iusti orationem efficacem fore, quippe destitutam eâ fiduciâ, quæ juxta Apostolum ad impetrandum necessariæ est, hoc est, quæ nihil hafitat, nilq; dubitat.

Si ergo Deus, ut demonstratum est, exaudit orationem peccatoris, quoties necessaria ad salutem postulat, sequitur, si peccator gratiam illam efficacem, malæque voluntatis triumphatricem, hoc est, auxilium se emendandi, perseverandique in bono postula verit, infallibiliter obtenturum. Quid ergo superest peccatori, quod optare amplius, aut quo vecordiam suam excusare possit, si pereat, cum tot illi, tamque copiosa media suppetant, non pereundi? imò cum clavem acceperit, quâ Cœli thesauros, æternæque salutis aperire sibi januam certissimè, & tutissimè possit? Quid enim facilius, & promptius, quàm petere, quod non habeas? & tamen tam certum est, te petendo accepturum, quàm certum est, Deum id promississe, & salvere promissâ non posse? Si ergo non petas, & ideo non habeas, amabo te! cujus culpa id erit? Dei volentis dare, si petas; an tua petere recusantis?

VI. *Opponer.* Sæpillimè in Sacris litteris exprimitur, Deum aliquorum & contumacium peccatorum orationes non audire, imò eorum preces in peccatum verti. Nam *Thren. 3. v. 8. 42. 44. Sed & cum clamavero, & rogavero, exclusit orationem meam.* Nos iniquè egimus, & te ad iram provocavimus, idcirco tu inexorabilis es. *Opposui* tibi nubem, ne transeat oratio, Et *Prov. 1. Vocavi, & remisisti, & ego quosq; in interitu vestro ridebo: tunc invocabitis me, & non exaudiam; mane consurgent, & non invenient me, eò quod exosam habuerint disciplinam.* Et *Jerem. 15. Si steterit Moyses, & Samuel coram me, non est anima mea ad populum istum; eice illos à facie mea, & egrediantur.* Et *cap. 7. Et tu noli orare pro populo isto, nec assumes, pro eis laudem, & orationem, & non obstitas mihi, quia non exaudiam te.* Et ad *Hebræos 7. Esau reprobatus non invenit penitentiae locum, quamvis eum lacrimis inquisisset illam.*

Resp. Sacras Litteras, quoties dicunt, Deum non exaudire aliquorum peccatorum orationem, loqui de peccatoribus, vel qui pergunt peccare, nullamque voluntatem emendationis habent, vel qui non pro culpa, peccatoque deinceps cavendo Deum rogant; sed tantum pro temporali poenâ evitanda: Vel de illis, qui non pro se,

sed

sed pro aliis rogant; isti enim non semper exaudiuntur; scriptum enim est: *Quidquid petieritis Patrem Vestrum, dabit vobis . Vobis*, inquit, non aliis . In quæ verba Augustinus: *Exaudientur, si pro se ipsis petant, non pro omnibus, non enim absolute dictum est, dabit, sed dabit vobis*. Tract. 102. in Joan. Ea verba: *In interitu vestro ridebo* &c. præter datas explicationes, quas solidissimas esse patet ipsum textum legenti, Beda, & Lyranus intelligunt de die iudicii, aut obitæ mortis, quando certum est, nullum amplius pœnitentiæ, & orationi locum esse . Illa verd, quæ S. Paulus ad Hebræos de Esau commemorat, & ex ipso contextu, & ex Patrum interpretatione certum est, non de pœnitentia commissi peccati accipiendæ, sed de pœnitentia venditæ, amissæque hæreditatis, & primogenituræ, quam nullis lacrimis, nullisque precibus obtinere amplius à Patre Jacobo potuit . Gen. 27. v. 39.

§. V.

Aphorismi seu Regule Asceticæ de Mystério Prædestinationis.

S V M M A R I A .

- I. *Explicatio primi Aphorismi .*
- II. *Explicatio secundi Aphorismi .*
- III. *Explicatio tertii Aphorismi, ubi de spe & timore.*

Aphorismus . I.

I. **D**Eiis cogitandis, & faciendis sollicitum esse, quæ Deus præcepit, & quibus observatis nemo unquam periit: non verd de iis anxium esse, quæ Deus non præcepit, nec sciri à nobis voluit, quale est *Mysterium Prædestinationis*.

Hunc Aphorismum jam olim docuit S. Gregorius Nyssenus Magni Basilii Frater, qui Homil. 2. post Dominicam primam Quadragesimæ circa finem hæc habet: *Noli attendere ad Prædestinationem*

nem Dei, quam ignoras; attende ad verba, quæ audis, & intelligis: sicut enim in Prædestinatione verus est Deus, & mutari non potest: ita & verba ejus vera sunt, & mutari non possunt. Sed audiamus, quæ sunt verba: Si volueritis, & audieritis me bona terra comedetis: quod si nolueritis, gladius devorabit vos. Ne quæras aliam Prædestinationem. Nihil hoc Aphorismo iustius, rectæque rationi accommodatiùs, & communi omnium hominum consensu magis receptum: Quis enim peregrinus, qui in patriam contendat, ex duabus viis non eam eligat, quæ trita, comperta, secura, & quâ nemo non ad patriam pervenit? Eam verdè relinquat, quæ longissima, impeditiissima, inaccessa, & quam quotquot ingressi sunt, aut perierunt, aut maximum pereundi periculum adierunt? Via ad Cælum est via mandatorum Dei, assiduæque orationis, quâ gratiam mandata observandi, in iisquæ perseverandi à Deo petimus: nemo ad Cælum non pervenit, qui hâc viâ incessit. Quid profunda judiciorum Dei, quid Eurippum Prædestinationis, & voraginem petis, quæ citra naufragium navigari non possunt? Hîc Origenes, hîc Pelagius, hîc Calvinus, aliiquæ absorpti sunt; quid sequeris pereuntes? Noli quærere, noli scrutari, sed vive, ut Christianum decet; hoc est, age quod potes, & pete, quod non potes; sic tutus pervenies. Id ipsum in omnibus negotiis humanis, & ab omnibus mortalibus fieri videmus. Nemo enim pugnaturus sollicitus est, quid Deus de Victoriâ prædestinaverit, sed omnem curam in media vincendi vertit, quibus optimè paratis victoriâ sperat. Idem de navigantibus, negotiantibus, agriculturam artesque omnes exercentibus dicas. Quantò ergo magis idem vitam Christianam profitentibus faciendum est? videlicet non eis curandum, cogitandumque prædestinati, aut non prædestinati sint; sed ut vitam Christianè instituunt; sic enim certissimè de prædestinatis erunt. Audi Augustinum egregiè in hanc rem differentem Lib. de Dono Perseverant. cap. 22. De ipso cursu vestro bono, rectoq; condiscite, vos ad Prædestinationem divina gratiâ pertinere. Vos ipsam obediendi perseverantiam à Patre Luminum, à quo est omne datum optimum, & omne donum perfectum, sperare debetis, & quotidianis orationibus poscere. Atq; hoc faciendo confidere, non esse vos à Prædestinatione alienos, qui etiam hoc, ut faciatis, ipse largitur. Quoties igitur de Prædestinatione sive tua, sive aliorum molestæ cogitationes occurrunt, excutiendæ sunt, & animus ad alia divertendus. Quid enim

enim juvat, superfluis, noxiisque occupari? At quid tam superfluum, & vanum, quàm velle cognoscere, quæ Deus voluit ignorari? aut quid tam noxium, quàm imperitum navigandi, nullaque necessitate se illi mari committere, quo etiam peritissimi abrepti, haustique sunt? Vitandum ergo est, quod nocere tantum, & juvare non potest. Qua de re præclare Gerson noster philosophatur, peritissimus videlicet rerum asceticarum, vitæque Christianæ Magister: Sic enim in Dialogo de Prædestinatione loquitur, quem scripsit, cum soluto Concilio Constantiensi insidias Ducis Burgundiæ voluntario exilio in Bavaria declinaret; sic, inquam, in persona Monici interlocutoris monitum istud illustrat: *meditatur aliquando* (Gerson videlicet) *Secum conquerens: quid si iusto Dei iudicio damnandus est? Si reperis indispositum cor suum ad humilem huius rei considerationem, derelinquit eam, & ad alia se convertit; quem admodum fieri consilium est in tentationibus, vel interrogationibus carnalium peccatorum, vel experientiis earum rerum, quæ sunt difficillima electionis. Si vero percipit affectum suum Deo propitio tranquillum, humilem, & suavem, sistit pededentim tamen, & cautè in hac recogitatione, si forte damnandus est: Cuius apprehensione nequaquam remurmurat secundum præsentem affectum, & sensum de divina Justitia, sed humiliatus dicit: iustus es Domine, & rectum iudicium tuum; etiamsi me occideris, tamen in te sperabo. Et conversus ad Dominum cum pio, & humili affectu: scio, inquit, æquissime iudex, quoniam damnati te odiunt. At ego, dum interim affectibus illis tam efferis, & blasphemis careo, amo te; qui solus es amabilis: te iustissimum, te amantiissimum, te clementissimum iudicor: quidquid postremò de me futurum ordinaverit voluntas tua; credo, & ore profiteor, quoniam nulla est iniquitas apud te, qui Sanctus es in omnibus operibus tuis. Hic amor gratuitus est, non mercenarius, non recurvus: hac affectio filialis est, imò fidelis Sponsa, quem amorem, quia Dominus suavis est, non acceptare non potest, quia diligentes se diligit. Beatus qui ascensiones in corde suo disponens ad hunc gradum penè supremum pervenit.*

Aporismus II.

II. Ita in negotio salutis conatum, & industriam propriam adhibere, ac si nihil à gratia expectares: ita verò in solam Dei gratiam sperare, ac si nihil conatus, & industria tua possent.

Hanc doctrinam à S. Ignatio societatis JESU Fundatore accepimus, cui admodum commendata erat; hic verò à S. Augustino didicit, cujus celebre illud axioma est: *Qui fecit te sine te, non salvabit te sine te*. Sunt plerique, qui talem Deum, talemque gratiam cuperent, quæ omnia faceret; hoc est, velis in Cælum navigare non remis vellent: ipsi non orare, non eleemosynas facere; non hostibus parcere, non cupiditatibus resistere; sed Deo omnia, sibi nihil relinquere. Victoriæ ergo sine bello, bravium sine cursu, & præmium sine merito cuperent; perinde ac si clementia esset Deo digna, terram otiosis, Cælum ignavis replere. Et ideo S. Apostolus, cum dixisset: *gratiâ Dei sum id, quod sum*, ne quis crederet, ita gratiam Dei omnia, solamque præstare, ut nihil humanæ voluntati faciendum superstit; mox adjunxit: & *gratia ejus in me vacua non fuit, sed plus omnibus laboravi; non ego autem, sed gratia Dei mecum*. In quæ verba Augustinus de Grat. & libero Arbitr. cap. 5. *Nec gratia Dei sola, nec ipse solus, sed gratia Dei cum illo*. Id ipsum vel Ethnici agnovere. Narrat Plutarchus in Apophthegmatibus: fuisse quendam, qui pridie, quam cum adversario confugeret, votis, & Sacrificiis Minervam placavit, acceptoque oraculo, *Deam ad futuram*, lætum, & victoriæ certum arenam intrasse. Sed cum nec manum ad pugnandum moveret, nec ferrum stringeret Minervæ suæ fiduciâ, & adversarius interim punctum, casumque feriret, conqueri cæpisse: *Ubi est Deorum fides? Nunquid Minerva victoriâ promisit?* Cui à Dea responsum: *Tu quoque cum Minerva manum admove*. Cæterum quidquid in causa salutis præstare homo potest, id planè tam exiguum est, ut omnia gratiæ, nihil industriæ suę debeat. Primum enim nihil potest sine gratia, & illud ipsum parum, quod agit à gratia est: Sicut ergo stultus esset, quicumque morbo decumbens spem suam in vyperas, & venena (quæ potius mortifera sunt) & non in medicum collocaret, qui novit ex venenis remedia conficere; ita multò stultior, qui voluntati, & naturæ suæ semper ad-

malum pronæ, non verò gratiæ consideret, quæ sola novit, ex mala voluntate bonam facere. Deinde illud ipsum parùm, quod homo cooperando gratiæ facit, si consideretur, quatenus ab homine est, nihil proflus ad vitam æternam conducit. Quid ergo sperare homo de se possit, cum nihil possit? ut merito de humana voluntate, quatenus gratiæ caret, dicere possis, quod de ligno vitis apud Ezechielem legere est cap. 15. *Fili hominis, quid fiet de ligno vitis ex omnibus lignis nemorum, quæ sunt inter ligna silvarum? Nunquid tollitur de ea lignum, ut fiat opus, aut fabricabitur de ea paxillus?* Accedit, illum ipsum conatum, & concursum humanæ voluntatis tot aliis imperfectionibus, demeritis, culpisque, vel anteceder, vel concomitanter admixtum, & inquinatum esse, ut si Deus seposita Misericordia agere tecum ex iustitia velit, longè plura reperturus sit, quæ puniat, quàm quæ præmio donet. Imò illa ipsa fiducia tui ex sententia omnium Patrum maximum demeritum, temeritas, & præsumptio est, ac proxima dispositio, ut à Deo relinquare, & cadas. Quid ergo sperare de bonis operibus tuis tanquam de magnis opibus possis, quando semper plura debes, quàm solvas? *quasi pannus menstruatus omnes iustitias nostras*, inquit Isaias cap. 64. In quæ verba S. Macharius Homil. 20. *Omnium Sanctorum opera bona & iustitia, si separentur à gratia Dei; & accipiantur ut procedentia tantum ex natura lapsæ libero, sed vitiatò arbitrio; omnes indignæ sunt oculis Dei, & reputantur, ut pannus menstruatus: Opera enim ex operante assumat Deus; hic autem operans est homo lapsus, vitiat, concupiscens, & peccator.* Denique voluntas creata etiam maximis & perfectissimis donis instructa, aded volubilis, inconstans, & infidelis est (quod Luciferi, & Adami exemplis patuit) ut ab illa sperare perseverantiam in bono (sine qua nullum bonum prodest) idem sit, quod sperare perpetuum ab aere serenum, aut à mari malaciam. Quid est, inquit S. Gregorius 2. Moral. cap. 22. *quid est bono nisi folium, quod tentationis vento rapitur, & desideriorum flatibus levatur? Mens quippe humana, quot tentationes patitur, quasi tot flatibus movetur.* Hanc enim plerumq; ira perturbat: cum recedit ira, succedit inepta letitia; Aliquando hanc Superbia elevat, aliquando verò inordinatus timor in infima deponit. Unde bene per Isaiam dicitur: *Cecidimus quasi folium universi, & iniquitates nostras quasi ventus abstulerunt nos. Quasi ventus quippe nos iniquitas abstulit, quia nullo fixo pondere in vanam elationem levavit.* Hoc ergo est in
se-

seipsum vireſque ſuas ſperare, quod ſperare in folium. Quod exem-
plo ſuo S. Auguſtinus olim expertus ita in ſoliloquiis egregiè deſcri-
bit: *Sperabam aliquando in virtute mea, qua non erat virtus: &*
cùm ſic volui currere, ubi magis ſtare credebam, ibi magis cecidi, ſa-
ctiſſi ſum magis retrò, quàm antè. Dicebam enim, hoc faciam, illud
perſiciam, fiebat poſt nec hoc, nec illud, quoniam de meis viribus con-
fidebam. Nunc autem confiteor tibi Domine Rex Pater Cali & terra,
quoniam in fortitudine ſua roborabitur vir, ut non gloriatur ante te
ſulta præſumptio omnis carnis. Et lib. 6. Confels. cap. 16. Va ani-
mæ audaci, qua ſperavit, ſi à te receſſerit, ſe aliquid melius habitu-
ram. Verſa & reverſa in tergum, & in latera, & in ventrem, &
dura ſunt omnia, & tu ſolus requies es Domine. Inſigniter quoque
& ad praxin Gerſon ſuprà laudatus de hac re diſſerit. Expendens
enim illud Jeremiæ cap. 17. Maledictus homo, qui confidit in homi-
ne, & ponit carnem brachium ſuum, & à Domino recedit cor ejus.
Erit enim quaſi myrica in deſerto, & habitabit in ſecitate. Benedi-
ctus vir, qui confidit in Domino, & erit Dominus fiducia ejus, ita
ratiocinatur: Mirum fortæſſe videbitur, quod dicturus ſum. Inve-
nire eſt hominem (Gerſon ipſe videtur indicari) qui quânto pluribus
impugnatur tentationibus, quânto remittens eis pluries vincitur, vel in
voracitate gula, vel in ſomniculoſa dormitatione, & aliis huiusmodi,
tantò frequentius, certius & idèò fortiùs, quia humiliùs in Deum ſe
proiicit, de Deo ſperat, & confidit. Conſulò quidem, dum nullam
in ſe videt fiduciam reſiſtendi vitiis, neque virtutes & ſalutem adipi-
ſcendi repositam. . . . Sed hic occurreret trepida cogitatio dicens: qua
ratione conabor declinare vitia, ſervare mandata Dei, virtutes acqui-
rere, ſine quibus ſperare vitam iam non ſpes eſt, ſed arrogans & inſi-
delis præſumptio? conaberis prorsus, ſed in adiutorio Altiffimi, &
millies viſus, millies conaberis, eò quidem ampliùs & certius, quò
nulla tibi ſuperreſt fiducia de proprijs operibus. Ergo dum propria fragi-
litas obiiicitur, ut deſperes, deſperes volo, ſed de te, & in te, qui ho-
mo & caro es; nam maledictus homo, qui confidit in homine, & po-
nit carnem brachium ſuum. Deniq; ſpes velut anchora, quò minus in
arenulis fragilibus & fluidis humani auxilii figitur, tantò ſolidius, &
certius ſuprà firmam petram, qua Chriſtus eſt, deſixa ſtabilitur.

Aphorismus III.

III. *Totam spem suam in Deum reponere, nec minori fiduciâ vitam aeternam ab illo expectare, quàm si unicè à voluntate, arbitrioq; suo penderet.*

Priùs aliqua observanda sunt, quàm Aphorismum hunc explicemus. *Primò* enim sciendum est, cùm de spe loquimur, nobis de iis peccatoribus sermonem non esse, qui cùm nullum peccandi finem faciant, nullamq; curam emendandæ vitæ suscipiant, sperant tamen, se tandem misericordiam obtenturos. Quorum spes non tantùm vana est; verùm etiam temeraria, novoq; supplicio digna, cùm ad offendendum Deum, ipso Deo, ejusq; infinita Bonitate abutantur; perinde ac si Deus ideo bonus esset, ut ipsi mali sint. Et ideo hanc peccatorum spem, imò præsumptionem mille locis Sacræ Litteræ, Sanctiq; Patres detestantur. Misericordia enim Dei injusta esse non potest; at quid esset injustius, magisq; aduersum Legibus rectæ Providentiæ, quàm obstinatè & ex proposito malos gratiâ & præmio afficere? Verum est, id aliquando, & aliquibus accidisse; sed rarissimè ac paucissimis: at quod rarissimè, citraque ordinem contingit, desperandum potiùs, quàm sperandum est; quis enim tam inops mentis, ut sanitatem à veneno speret, & ideo quotidie sumat, quia id aliquando bene Mithridati cessit? aut quis se in mare proijci faciat, sperans auxilio Delphini evasurum, quia id semel Arioni factum? Non sperare, sed delirare hoc est. Accedit, misericordiam divinam non debere iis propitiâ esse, qui peccatis insistent; hoc enim ipso, quodd infinita est, sequitur, illi majorem boni & salutis publicæ, quàm boni & salutis privatæ curam esse; at quanta in publicum mala redundarent, si Deus hujusmodi peccatoribus gratiam indulgeret? hac enim non tantùm impunitate, verùm etiam remuneratione, ac facilitate, & fiduciâ veniæ omnes passim justî, injustiq; ad peccandum invitarentur, ut optimè dixerit Seneca: *Tam omnibus indulgere crudelitatem esse, quàm nulli.* Cùm ergo homines ad sperandum excitamus, de iis tantùm hominibus loquimur, qui aut justî sunt, aut saltem peccatores quidem; sed tales, qui peccatum agnoscant, illiq; delendo, divinæque gratiæ impetrandæ elemosynis, piis operibus, ac præsertim quotidianis

orationibus laborent; istis enim sperandam omnino misericordiam esse contendimus. Si enim objectum misericordiæ miseria est, tantò utique major misericordia, quantò major miseria, at nulla major, quàm peccati; tantoque major, quòd voluntaria, nam si non voluntaria, nec esset peccatum, eoque nec vera miseria. Licèt nec dici omnino voluntaria possit, cui extinguendæ laboratur. Hujusmodi peccatoris statum captivi quidem, sed tamen evadere conantis egregiè in se ipso exprellit, descripsitque S. Augustinus Lib. 8. Confess. cap. 11. *Ægrotabam, & excruciebar accusans memetipsum, & volvens ac versans me in vinculo meo, donec abrumperetur totum, quo exiguo tenebar, sed tenebar tamen. Et tu instabas in oculis meis Domine severâ misericordiâ flagella ingeminans timoris & pudoris, ne rursus cessarem, & non abrumperetur id ipsum exiguum & tenue, quod remanserat, & revalesceret iterum, & me robustius alligares: Dicebam enim apud me intus: ecce modò fiat, modò fiat. Et cùm verbo jam ibam, jam penè faciebam, & non faciebam, & item conabar, & paulò minùs ibi eram, & jamjamq; attingebam & tenebam, & non ibi eram, nec attingebam, basitans mori mortì, & vitæ vivere, plusq; in me valebat deterius inolitum, quàm melius insolitum, puniuntq; ipsum temporis, quo aliud futurus eram, quantò propius admovebatur, tantò ampliorem incutiebat horrorem. Retinebant me nugæ nugarum, & vanitates vanitatum antiquæ amicæ meæ, & succutiebant vestem meam carneam, & submurmurabant: dimittisne nos? & à momento isto non tibi licebit hoc & illud ultrà in æternum? & dicebat mihi consuetudo violenta: putasne sis istis poteris? aperiebatur autem ab ea parte, quâ intenderam faciem, & quò transire trepidabam, casta dignitas Continentiæ. Ibi tot pueri, & puella; ibi juvenus multa, & omnis ætas, & in omnibus ipsa Continentia, & irridebat me, quasi diceret: tu non poteris, quod isti & ista? an vero isti, & ista in semetipsis possunt, & non in Domino Deo suo? Quid in te stas, & non stas? proiice te in eum, noli metuerè, non se subtrahet, ut cadas. Proiice te securus, excipiet te, & sanabit te. Quamdiu, quamdiu? cras & cras? quare non modò, quare non hâc horâ finis surpitudinis tue? Planè dum Augustinus ea verba proferret: proiice te in eum, noli metuerè, proiice te securus, excipiet te, & sanabit te; cùm, inquam, hæc diceret, adhuc peccato tenebatur, & tamen sperabat, nihilque dubitabat de auxilio Dei, quo deinceps expugnare peccatum posset, & pudicus vivere; non ergo peccatum,*

cui

cui vincendo per orationem , aliaque pia opera militatur , certam spem & fiduciam de divina gratia obtinenda excludit . Idque eleganter quoque S. Thomas expressit 3. p. in Supplement. q. 14. a. 4. ubi quærens , an bona opera facta extra charitatem sint meritoria , respondet : *Meritum dicitur actio , quâ efficitur , ut ei , qui agit , sit iustum aliquid dare . Sed iustum dupliciter dicitur , uno modo proprie , quod videlicet respicit debitum ex parte recipientis . Alio modo , quod respicit debitum ex parte dantis : aliquid enim decet dantem dare , quod tamen non habens non habet debitum recipiendi , & sic iustitia dicitur decentia divina Bonitatis , sicut Anselmus dicit , quod Deus iustus est , cum peccatoribus parcat , quia eum decet . Cum autem in omnibus illis , quæ gratis dantur , prima ratio dandi sit amor ; impossibile est , quod aliquid tale sibi debitum faciat , qui amicitia caret ; & ideo cum omnia & temporalia , & æterna ex divina liberalitate donentur , nullus habere potest debitum recipiendi aliquid illorum , nisi per charitatem ad Deum ; & ideo opera extra charitatem facta non sunt meritoria ex condigno , neq. æterni , neq. temporalis alicuius boni apud Deum . Sed quia divinam Bonitatem decet , ut ubicumq. dispositionem invenit , perfectionem adiciat ; ideo ex merito congrui dicitur aliquis mereri aliquod bonum per opera bona extra charitatem facta , & secundum hoc opera ista ad triplex bonum faciunt , scilicet ad temporalium consecutionem , ad dispositionem ad gratiam , & ad assuetudinem bonorum operum . Circa quæ verba S. Doctoris notandum est , bona opera peccatoris vocari dispositionem ad gratiam ; ubi verò est dispositio habens necessariam connexionem cum forma , illic quoque est ipsa forma , ut patet in calore intensissimo , quem semper comitatur forma ignis ; at oratio perseverans est talis dispositio , propter promissionem divinam .*

Deinde ex eodem Angelico Doctore 1. 2. q. 40. a. 8. Sciendum est spem valde conferre ad bene ac constanter operandum , spes , inquit , per se habet , quod adjuvet operationem intendendo ipsam . Et hoc ex duobus . Primi quidem ex ratione sui obiecti , quod est bonum arduum possibile (non enim dicitur aliquis sperare minimum , quod statim est in sua potestate ut habeat , & per hoc differt spes à desiderio vel cupiditate , quæ est de bono futuro absolute , existimatio enim ardui excitat attentionem ; existimatio verò possibilis non retardat conatum . Secundo verò ex ratione sui effectus ; spes enim causat delectationem , quæ adiuvat operationem . Ex quibus verbis S. Doctoris colligitur ,

dum peccatores ad spem excitamus; nihil aliud nos agere, quàm ut illis ad piè ac Christianè operandum stimulos, viresque addamus.

His ergo observatis Aphorismum nostrum testimonio Divi Augustini confirmamus, qui sæpissimè illum tradit, nam lib. 1. de Prædest. Sanct. cap. 11. *Sanè, inquit, cùm Apostolus dicat: ideò ex fide ut secundum gratiam firma sit promissio; miror, homines infirmitati suæ se malle committere, quàm firmati promissionis Dei. Sed incerta est mihi, inquit, de me ipso voluntas Dei. Quid ergo? tuane tibi voluntas de te ipso certa est, nec times? cùm igitur utraq; incerta sit, cur non homo firmiori, quàm infirmiori fidem suam, spem, charitatemq; committis?* Et lib. 2. de Bono Perseverant. cap. 6. *Tutiores igitur vivimus, si totum Deo damus; non autem nos illi ex parte, & nobis ex parte committimus.* Et cap. 17. *Ego autem nolo exaggerare meis verbis, sed illis potiùs cogitandum relinquo, ut videant, quale sit, quod sibi persuaserunt, prædicatione Prædestinationis audientibus plus desperationis, quàm exhortationis afferri; hoc enim est dicere, tunc de sua salute hominem desperare, quando spem suam non in se ipso, sed in Deo didicerit ponere, cùm Propheta clamet: Maledictus omnis, qui spem ponit in homine.* Et cap. 22. *Absit autem à vobis ideo desperare de vobis; quoniam spem vestram in ipso habere jubemini, non in vobis; bonum est enim confidere in Domino, quàm confidere in homine, quia Beati omnes qui confidunt in eum. Et hanc spem tenentes, servite Domino in timore, & exultate ei cum tremore.* Hæc, atq; huiusmodi, cùm dicuntur sive paucis Christianis, sive multitudini Ecclesiæ; cur metuimus Sanctorum Prædestinationem, & veram Dei gratiam, quæ non secundum merita nostra datur, prædicare? an verò timendum est, ne tunc de se homo desperet, quando spes ejus ponenda demonstratur in Deo; non autem desperaret, si eam in se ipso superbissimus & infelicitissimus poneret? Hactenus Divus Augustinus, ex cujus doctrina palàm est, hominem Christianum non minùs sperare gratiam æternamque gloriam debere, Prædestinatione à divina voluntate pendente, quàm si illa à propria voluntate penderet. Fac enim, in manu tua calamum & librum esse, quo in numerum Electorum adscribaris; quid tunc amabò ageres? nunquid te ipsum forte illa beatissima excluderes? minimè, inquis: cur verò non excluderes? quia me meamque felicitatem, inquis, amo. At multò magis te amat Deus, multò ergo magis ab eo, quàm à te sperare illam debes. Si enim amor non ex verbis, sed operibus pensandus est: quantò plura pro te fecit Deus, quàm

tu pro te ipso; tantò major illius, quàm tuus amor. Deinde sicut, ut aliquid pervenias, non sufficit, ut ire velis, sed oportet, ut viam perveniendi agnoscas, & eligas; nam frustra est voluntas finis errore mediòrum. Ita ut Beatus sis, non sufficit, ad Beatitudinem eligi, nisi certissima quoque media disponantur, quibus eam obtineas: ac in mediòrum electione, quoties, quantumque errares, numquam errante Deo? ergo quomodocumque Prædestinationem consideres, semper tutius Deo, quàm tibi spem tuam committis. At, *inquit*, cum Deus tam multos ad vitam æternam non elegerit, quid si me quoque non elegisset? quomodo ergo securè in eum sperabo, illique meam sortem committam, qui tam multos abiecit? Resp. multos à Deo electos non esse, quia videlicet mediis ab illo præscriptis uti noluerunt, certum est; at falsum, aliquem electum, vitamque æternam consecutum non esse, qui eo modo in Deum, ejusque gratiam speravit, quem modò descripsimus. Quid ergo times, tibi speranti eveniturum, quod nemini hæcenus speranti evenit? *Respicite filii nationes hominum, & scitote, quia nullus speravit in Domino, & confusus est.* Eccl. 2. In quæ verba eleganter S. Chrysostomus: *Non dixit, iustus, sed quis? etsi, inquit, sit peccator.* Hoc est enim admirabile, quòd etiam peccatores anchoram hanc spei tenentes sint ab omnibus inexpectabiles. Et in Psalm. 117. Dices: ego speravi, & sum pudore affectus. Bona verba quòd homo, ne divinæ Scripturæ obloquaris. Nam si pudore affectus, es ideo affectus, es quòd non ut oportuit, speraveris, ex eo quòd cesseris, quòd finem non expectaveris, quòd pusillo & angusto animo fueris. Hoc enim vel maxime est sperare, quando in media, mala & pericula fueris cinctus, tunc erigi: Nec minùs eleganter S. Bernardus Serm. 9. in Psal. qui habitat: *Quidquid agendum sit, quidquid declinandum; quidquid tolerandum, tu es Domine spes mea.* Hæc una mihi omnium promissionum causa, hæc tota ratio mea expectationis. Pratendat alter meritum; sustinere se jactet pondus diei & æstus; jejunare se bis in Sabbatho dicat; postremò non esse sicut cæterus hominum gloriatur; mihi autem adbarere Deo bonum est, ponere in Domino Deo spem meam. Si quid illi impossibile, si quid vel difficile ei est, quære aliud in quo speres; Sed verbo omnia potest, quid faciliùs dictum? an verò de facilitate jam non dubitas, sed ipsa tibi est suspecta voluntas? at quando in se speranti desit illa Majestas, quæ tam studiòre monet, in se sperare, planè non derelinquet sperantes in se, quare? quibus meritis? quia speraverunt in eo; dulcis causa! sed tamen effi-

efficax, & irrefragabilis; quis enim speravit in eo, & confusus est? Et optimè S. Thomas: *Divino auxilio nemo potest nimis inniti. Verba ipsius sunt 2. 2. q. 17. ad 2. Virtus Theologica est circa ipsam regulam primam non regulatam aliâ regulâ tanquam circa proprium obiectum; & ideo per se, & secundum proprium obiectum non convenit virtuti theologicæ esse in medio, sicut fides non potest habere medium & extrema, in hoc, quod innitatur primæ Veritati, cui nullus potest nimis inniti. Et similiter spes non habet medium, & extrema ex parte principalis obiecti, quia divino auxilio nemo potest nimis inniti. Cum ergo duæ sint voluntates ad vitam æternam consequendam necessariæ, divina videlicet, & humana, divinam quod attinet, nunquam de illa satis sperare potes, quia nunquam deesse, nunquam deferere vult, & ideo quantum ampliùs de illo speras, tantò felicior. Aliud est de voluntate humana, quæ cum naturaliter, semperque in defectum propendeat, ideo nihil boni ab ea sperare possis; sicut qui arundini incumbat, casui proximus est, nulla quidem terræ, quippe immobilis, sed arundinis culpâ. Hinc salubris ille & toties in Sacris Scripturis commendatus Sanctorum timor, quo spem suam velut myrrhâ mordaci quidem, sed salubri condiebant, ne corrumperetur, quantum enim securi de Deo erant, tantum de se metuebant. Constabat illis, nunquam Deum sibi defuturum; at metuebant, ne ipsi deessent Deo, sicque perirent, juxta celebrem illam Augustini sententiam in Psalm. 102. *Sanat Deus omnem languidum, sed non sanat invirum, opus est, ut sanari velis.* Non ergo timebant, ne sanare Deus vellet; sed timebant, ne sanari ipsi nolent; sicque nulla de medico, tota de languido trepidatio.*

Cæterum observant magistri vitæ spiritualis, hunc saluberri-
mum, perpetuumque timorem, quo misceri spem nostram oportet, talem esse debere, ut semper fiduciâ formidinem superet, sicque talis sit proportio timoris ad spem, qualis *septem ad centum*. Cum enim timor humana fragilitate & malitiâ; spes verò divinâ Omnipotentia, & Bonitate nitatur; quantum Bonitas Dei major malitiâ humanâ; tantò maior spes metu. Accedit, timorem, cum sit ex consideratione mali; affligere animam & dolorem asferre, sicque affectum quàm violentum, tam fugacem & brevem esse; & ideo animum gaudendi avidum, timori tanquam molesto omni conatu obliteré, ac tandem pellere: unde conversiones peccatorum solo metu inchoatæ, nisi spe & amore sustineantur, fallacissimæ & brevissimæ

simæ sunt, quales Achabi, Ninivitarum, Lutheri, aliorumque. Deinde timor etsi à peccato mortifero cohibeat, quippe causa æterni mali, non exstinguit tamen amorem, & cupiditatem rerum terrenarum, quæ sine peccato lethali esse possunt. At cupiditate illa & amore flagrante semper anima in præcipiti est, cum difficillimum sit vehementer sitienti non plùs bibere, quàm sanitati conveniat. Timor ergo conversionem peccatorum inchoat quidem, sed nec producit, nec absolvit. *Quidenim*, inquit, S. Augustinus Serm. 9. de verbis Apostoli, *panem times? nam & Latro timet malum, & fugit Judice comparente, & tamen latro est*. Ergo quod Medicus de vulneribus corporis optimè dixit: *Nimis intumescere vulnus, malum; nihil intumescere, pessimum est*. Idem & potiori jure de vulneribus animæ dicas: *Nimis peccatorem timere malum; nihil timere, pessimum est*.

Sed iuvat, totam hanc de Prædestinatione & fiducia in Deum reponenda Dissertationem verbis laudati suprà Gersonis absolvere: *Vt intelligo, ita serres habet: quod apud verè humilem, quânto minùs est in se spei, minùs in ope aliena fiducia, minùs deniq; vult constituere iustitiam suam, tantò plùs spei, plùs fiducia de Deo concipit, plùs quoq; iustitiæ Dei se subiectur, dicens ex sententia Psalmistæ: Mibi autem ad hæc Deo bonum est, & ponere in Domino spem meam, sicq; magis intelligere nunc videor, quæ in devotorum libris legi de introductione Sponsæ in cubiculum Sponsi, de osculo oris ejus, de habitatione præterea in adjutorio Altissimi; non in habitatione vel meritorum propriorum, quæ vana est; vel pænarum futurarum, quæ anxiosa est; vel industriarum propriarum, quæ timida, & incerta est. Vult ergo Theologia per summam desperationem de homine, trahere ad summam de Deo spem; & per dissolutionem inassimabilem & intolerabilem sursum ducere ad solidam consolationem. Caterùm stabilitur à Deo spes, cujus supernaturale est donum. Sed si particulariùs aliquid exigit, invenitur quadruplex meditatio, quæ velut in tetragono firmissimo gestat spem. Una meditatio est; divinæ iussionis, ut spes: Altera divina promissionis, si speres, Tertia immensa Dei pietatis, ne desperes de suis miserationibus. Quarta propriæ fragilitatis, ne speres in te, vel in propriis viribus. Dic igitur cogitationi tuæ solicianti spem deferre, dum non facis certam vocationem tuam per bona opera, quotidie corruens de peccato in peccatum, ingerenti proinde, ne sis de multis vocatis, & non electis, sicut vita tua similis est multorum; dic, in-*
quans

quam: quod obedis iubenti Deo, qui mille locis Scriptura præcipit, ut speres in eo. Proiticio me in te iubente te: non es crudelis, aut fallax, ut abiicias me; iuncta præsertim multiplici promissione tua, quæ sperantibus in te pollicitus es, quod liberares, eriperes, saluares, & glorificares: cujus demum tam immensa pietas est, ut nullis peccatis etiam infinitis (si commissem ea solus) vinci possit in hac via, quodq; interposuisti cum immobilitate consilii tui iurjurandum, ut per duas res immobiles, sicut loquitur Apostolus tuus, quibus impossibile est, mentiri te, nos fortissimum solatium habeamus ad tenendam propositionem. Quamvis enim sis inobligabilis à creatura tua rationali; voluit tamen dignantissima condescensio tua commercium quoddam habere cum hominibus, ut bene de te mereantur, si iussa tua compleverint, & in te speraverint, qui fidelis es, & te ipsum negare non potes.



N O D U S

PRÆDESTINATIONIS

Triplici ictu solutus.

P A R S A L T E R A.

*In qua ostenditur, nihil opponi posse divinæ Provi-
dentia ex eo, quòd in negotio prædestinationis
quædam sint inscrutabilia.*



ODUS Prædestinationis unum est de Arcanis Divinitatis, quæ homini expedire non licet; Nec minùs absurdum est negare Deum, quem omnis natura clamat, quia aliqua ejus opera non capis, quàm si neges vixisse aliquem Poëtam Virgilium, quia aliqua ejus carmina non intelligis; sicut ergo non ideo nullus Virgilius, quia tu rudis; ita non ideo nullus Deus, quia tu ignarus. Imò ideo est

Deus, quia tu ejus opera non omnia intelligis; nam si omnia intelligeres, ille non esset Deus; sicut non esset mare, quo phialà caperetur, nec Sol, qui à nocturnis videretur, nec turris, quæ à Nano tangeretur; quid enim est homo ad Deum, nisi phiala ad mare, Sol ad noctuam, & Nanus ad turrim? In Regno Siamorum Rex idiomate utitur, quod nemo ex plebe loquitur, aut intelligit, sed soli Sacerdotes, Aulaeque Magnates, postquàm diu didicere. Sicut ergo apud Siameses inditium est Regis, non intelligi à Plebe; ita apud Christianos argumentum est Dei, non intelligi ab homine. Lingua, & arcana Dei Cœli Magnatibus, non aliis patent, & ne istis quidem, nisi post longum in

H h

terris

terris studium tandem in Cælis didicerint. Et quid dico Cæli Magnatibus? imò isti forsàn ignorant, Deo arcani suo parco. Ita Jobus *Job 28. v. 21.* profitetur: *Abscondita est*, inquit, *Sapientia ab oculis omnium viventium; volucres quoq; Cæli latet.* Volucres Cæli Angeli sunt: quid ergo sibi promittant volucres terræ, hoc est, homines; quando ne ipsæ quidem norunt Volucres Cæli? An noctuæ cernent, quod Aquilas latet? dicam ergo cum Hilario: (a) *Ego nescio, nec requiro, consolabor ne tamen: Archangeli nesciunt, Angeli non audierunt, sacula non tenent, Propheta non sentiunt, Apostolus non interrogat, Filius ipse non edidit, quis ergo divinabit?*

Ut verd in hoc sacro pelago vela faciam, quantum homini licet, citraque naufragium; tria circa hoc Prædestinationis mysterium expediam. *Primò* ex Sacris litteris, Sanctisq; Patribus ostendam, hoc unum esse ex illis Cæli secretis, quæ Deus celata homines voluit, ideoque quæ ab omnibus investigari non debent. *Secundò*. Quàmplurima esse in hoc mundo oculis nostris exposita, quorum causas nemo hæcenus invenit; mirum ergo non esse, si remota, & divina homines non capiant, qui non capiunt vicina, & mundana. *Tertio*. Demonstrationem conficiam, quâ invictè, clareque ostendam, justissimum esse Prædestinationis Decretum.

§. Primus.

Probatur ex Sacris Litteris, Sanctisq; Patribus noluisse Deum Mysterium Prædestinationis ab Hominibus explorari.

PRIMUM ergo sit Esdræ (b) testimonium. Huic enim hoc ipsum Enigma volventi ita Angelus respondit: *Excedens excessit cor tuum, & comprehendere cogitas viam Altissimi. Vade pondera mihi ignis pondus; aut mensura mihi statum venti, aut revoca mihi diem,*
qua

(a) Hilar. l. 2. de Trinitat. prope medium.

(b) Esdræ 4. c. 4. Quamvis non constet, Esdræ Librum quartum esse Canonicum; citatur tamen ab Ambrosio tanquam Canonicus, libro de bono Mortis & lib. 7. in Lucam; & Ep. 71. ad Horatianum & Genebrardus pro Canonico habet in Chronologia c. 90.

qua preterit . Si effem interrogans te , dicens : quanta sunt habitatio-
nes in corde maris ; aut quanta vena sunt super firmamentum ; aut
qui sunt exitus Paradisi , diceres mihi fortassis , in abyssum non de-
scendi , neq. in Cælum unquam ascendi . Nunc autem non interrogavi
te , nisi de igne , & vento , & die , per quem transisti , & à quibus se-
parari non potes . Si ergo tu qua tua sunt tecum coadolescencia non po-
tes cognoscere , quomodo poterit vas tuum capere Altissimi viam ?
Quemadmodum enim terra silva data est , & mare fluctibus suis , sic
qui super terram inhabitant , qua sunt super terram intelligere solum-
modo possunt . Hactenus Angelus Eisdæ . Sicut ergo frustra , inepte-
que laboraret , qui ignes ventosque ponderare , venas ac sinus Ma-
rium , omnesque fluctus numerare vellet ; multoque magis insani-
ret , si ventos , & ignes , ac Maria è medio tolleret , darique negaret ,
quodd eorum naturam , ac pondus assequi non posset ; ita planè insani-
nit , qui Dei Bonitatem , ac Justitiam in dubium revocat , quia caus-
sas occultissimas ignorat , metiri ignem non potes , & vis metiri
Deum ? undas maris numerare non vales , & numerabis fluctus , ac
tempestates æternæ Prædestinationis ? Non potes , non potes : crede ergo
quod non vides , & adora , quod non capis . Notanda quoque
sunt illa verba . Quemadmodum terra silva data est , & mare fluctibus
suis : quasi dicat , quælibet Creatura , & ars limites habet , & termi-
nos suos , quos egredi non potest : silvæ terram , non mare occupant :
tempestates , & naufragia aquis non terris insultant , flores in hortis ,
non in arena proveniunt ; conchæ in littore , non in pratis leguntur .
Et in ipsis quoque artibus quælibet suis terminis coercetur ; quis enim
ferat , futorem de Stellis , Astrologum de saporibus , Philosophum de
bello , militem de coloribus , pingendique regulis disputantem ? Re-
censet Plinius : Magnum Alexandrum , cum Apellem crebrè invise-
ret , & in officina multa de arte pingendi imperitè differeret ; comiter
ab Apelle silentii admonitum esse , quodd à pueris , qui colores tererent ,
videretur . Quando ergo magis ridendi , cogendique ad silentium
sunt illi , qui cum homines sint , ultra homines sapere , ac divina scrutari
volunt ? Sileat de coloribus , qui pictor non est .

Secundò Ecclesiasticus c. 3. v. 22. Altiora te ne quesieris & for-
tiora te ne scrutatus fueris ; & in pluribus operibus ejus ne fueris cu-
riosus ; non enim tibi necessarium est , ea quæ abscondita sunt oculis tuis
videre , plurima enim supra sensum hominis ostensa sunt tibi . Quatuor
hic Spiritus Sanctus rationes insinuat , quæ nos à rebus Divinis exa-

ninandis prohibere debent. *Primò*, inquit, *Altiora tene quaſieris, & fortiora ne ſcrutatus fueris*, quaſi dicat, ſicut nemo poteſt ſaltigium altiffimæ arboris pollice attingere, nec Aquilam altiffimo volatu per aëra meantem parvo lapillo ferire, nec implicatiſſimum nodum imbecilli, ac tremente manu evolvere, ita multoquæ minùs homini faſt, quæ in Cœliſiunt, humano ingenio metiri; tam enim iſta altitudine ſua humanas vires excedunt, quàm arbor pollicem; Aquila teli jactum, noduſquæ Gordius invalidam manum. Deinde *non eſt*, inquit, *tibi neceſſarium ea, qua abſcondita ſunt, videre*: Si ergo Deus abſcondit, quis reperiet? & quanta temeritas, ſi tu ex infima ſervorum claſſe, & ad veſtibus palatii deſtinatus in ſuperiora irrumpas, ſublatoquæ velo, quid in Regio thalamo à Principe fiat, dicaturquæ arbitrari velis? habent Principes arcas, & ſcrinia, quarum claves committunt nemini; cur hoc non liceat Deo? & cur ſolus non habeat claves ſcrinii ſui? Ferunt adoleſcentem quendam Corduba genitum, cùm caniſtrum ferret fruſtibus plenum, ſed velo teſtum, obvio amico, quid illic ferret, interroganti promptè reſpondiſſe. *Non velâſſem, ſi ſciri vellem*. Simile ferè eſt reſponſum, quod Tertullianus rerum Divinarum importunis Scrutatoribus dedit. *Quis*, inquit, *revelabit, quod Deus textit? unde ſciſcitandum eſt? ergo ignorare tutiſſimum*. Pergit Eccleſiaſticus: *Plurima ſupra ſenſum hominis oſtenſa ſunt tibi*. Quaſi dicat, cogita, quàm plurima eſſe, quæ omnibus videbantur, fieri non poſſe, & tamen Deus oſtendit, facta eſſe. Quis credidit poſſe fieri, ut Cœlum, & Terra ex nihilo, unoquæ verbo formarerentur? ut Deus humanâ indutus naturâ, & naſceretur & moreretur? ut virgo conciperet, pareretquæ? ut accidentia panis, & vini ſine ſubjecto velut pila in aere penderent, & ſub illis tanquam intra cortinam lateret Deus? ut eadem natura, & una eſſet, & in Perſonis trina? ut hominum Corpora conſumpta, & in pulveres, in cineres, vermeſquæ ſoluta iterum vitam recipèrent morte triumphata? quod Plinio (a) tam abſurdum eſt viſum, ut mortuorum Reſurrectionem inter *puerilia deliramenta, & vanitates Democriti* referret. Hæc inquam, priuſquam fierent, aut futura eſſe Deus revelaret, incredibilia nobis videbantur, & tamen vera ſunt. Ita cum Arcano Prædeſtinationis ſient, quæ fieri non poſſe credebantur, utquæ de futuris non dubites, voluit Deus tam multa alia præmittere, quæ fidem noſtram ſuperarent, & quæ tamen facta ſunt.

Ter-

(a) *Plin. l. 8. C. 55.*

Tertiò. Job. 26. Quis poterit scrutari vias ejus, aut quis potest ei dicere, operatus es iniquitatem? memento, quòd ignores opus ejus, da quo cecinerunt viri: ecce Deus Magnus vincens scientiam nostram. Nota illa verba: Quis poterit scrutari vias ejus? quasi dicat: quemadmodum Leones, cum insequi venatorem sentiunt, vestigia sua arenis impressa turbant, delentque, ne observari possint, sed nec navium per aquas, nec Aquilarum per aëra aliquis unquam iter notavit; si ergo non Leonum, non Aquilarum, non navium viæ exploratæ nobis sunt; quantò minus viæ Dei quas Studiosè abscondit? quid frustra hanc Aquilam insequeris, & hunc Leonem venaris? nunquam iter reperies. Et quis poterit, inquit, ei dicere operatus es iniquitatem? interroga Caimum, interroga Judam, interroga Luciferum, omnesque damnatos, nemo istorum dicet, se injustè punitum, quid ergo dubitas de Justitia illius Judicis, quem ne ipsi quidem rei, damnati que accusant?

Quartò. Ecclesiastis 8. Intellexi, quòd omnium operum Dei nullam potest homo invenire rationem eorum, quæ fiunt sub sole: & quantò plus laboraverit ad quærendum, tantò minus inveniet. Si homo non potest reperire rationem eorum, quæ fiunt sub Sole, quando reperiet rationem eorum, quæ fiunt supra Solem? si non potest homo videre propinqua, quando videbit remota?

Quintò. S. Paulus de hoc ipso argumento agens tandem disputationem omnem hoc epiphonemate claudit: O altitudo Sapientiæ, & Scientiæ Dei, quam inscrutabilia sunt iudicia ejus, & investigabiles viæ ejus? quis enim novit sensum Domini, aut quis consiliarius ejus fuit? Si ergo nemo novit sensum Domini, & nemo illi à Consiliis, & secretis fuit, quanta erit temeritas, judicare de rebus, quas non novit, & quarum consilio non interfuit, cum decideretur? expetamus diem, quæ omnia aperiet, & sententiam interim suspendamus. Idem Apostolus raptum se, ait, in Paradisum, ubi audierit arcana verba, quæ non licet homini loqui. Si ergo ne Paulo quidem de hoc Arcano Prædestinationis loqui permissum, quantò minus nobis, qui nec in Paradiso fuimus, nec rationes audivimus?

Sextò. Idem Apostolus 1. Cor. de divinis operibus loquens, videmus, inquit, nunc in Enigmate. Nullum grandius ænigma ut illud Prædestinationis; & in hoc idem fecit Deus, quod olim Augustus, qui cum consilia, & secreta sua vellet occultissima, litteras annulo, gemmaque signabat, cui Sphinx in sculpta; Angustus, inquit
Pli-

Plinius l. 27. c. 1. inter initia Imperii Sphynge signabat. Sphynx monstrum erat Thebis vicinum, quod viatoribus Ænigmata proponebat, quæ solvi non poterant, quique frustra, nulloque successu tentabant, confestim à monstro necabantur, nec aliud remedium evadendi, quàm à via declinare, solus Oedipus tandem evoluit. Ergo ut olim litteras Augustus, ita nunc Deus grande Prædestinationis Chirographum Sphynge notavit, voluitque Ænigma esse mortalibus insolubile: huic explicando, quotquot accincli sunt, Manichæus, Origines, Pelagius, Calvinus, omnes periere: ipse Spiritus S. mortem induxit, quotquot temerè conarentur, *Qui Scrutator est maiestatis, opprimetur à gloria.* Videmus ergo nunc, hoc est, dum iter ad Cælum agimus; videmus, inquam, in Ænigmate: noli scrutari, si non vis opprimi; noli ad hanc Sphynge accedere, si Oedipus non es. Narrat Clemens Alexandrinus Diolpoli in Ægypto tabulam videri, more illius gentis (quæ figuris pro verbis, litterisquæ utitur) his imaginibus sculptam: infantis, senis, Acciptris, piscis, & Crocodili (a) Amabò te, si Theologus, si Philosophus, si Astrologus, si Historicus, si omnia es, hoc ænigma interpretare, & sententiam figurarum expone, quod si non potes hoc ænigma Ægypti, quantò minùs ænigma Cæli? Quoties ergo Prædestinationem audis, toties cogita ænigma esse hominibus inaccessum, soli quæ Deo notum, & ideo nec humano ingenio tentandum.

Septimò. Christus denique ipse Joan. 3. *Spiritus*, inquit, *ubi vult spirat, & nescis, unde veniat, aut quò vadat; sic est omnis, qui natus est ex spiritu.* Duplex est hominis Nativitas, Prædestinationis, & Gratiæ, prima concipit, secunda parit: utriusquæ causa & origines tam incomptæ, quàm ventorum: Sicyonii, teste Pausania, nocte ventis Sacrificabant, ut innuerent, eorum naturam esse scitu difficillimam. Duo in Regno eternitatis flant venti, Aquillo Justitiæ, & Favonius misericordiæ, isto ad æternam vitam, illo ad æternam mortem spirante; sed uterquæ spirat, ubi, & quando vult. Quis utriusquæ sit exitus aut origo, unde veniat aut quò vadat, ignoro. Quid remedii? utriquæ huic vento *noctū Sacrifica*, hoc est, crede, quod non vides: nunc est ignorantia, sacrificium sit fides. Si ad Austrum pertines.

lau-

(a) Sensus Emblematis Ægyptiaci hic est: ô qui nascimini, & interitis. Deus odit impudentiam. Cyrillus lib. 5. Stromatum. Ægyptiis enim Infans generationem; senex interitum; accipiter Deum; piscis odium, Crocodilus impudentiam signant.

lauda; si ad Aquilone time; semper tamen *Sacrificæ noctis*, tuamque ignorantiam facere, crede esse iusta, quamvis obscura. Dic cum Davide: *Misericordiam, & Judicium cantabo tibi Dominus*: Misericordia est Auster, Judicium Aquilo, utrumque adora. Hactenus Scripturæ, nunc Patres audiamus. Primò Tertullianus, *Quis*, inquit, *revelabit, quod Deus texit? unde Sciscitandum est? ergo ignorare tutissimum*. Nota illas voces *ignorare tutissimum*; quemadmodum, & papilioni tutissimum est, non accedere ad facem, à qua crematur, & aliò festinanti tutissimum est non ingredi labyrinthum, in quo faciliùs erret, quàm exeat. Ita hominibus, quæ Deus abscondita voluit, tutissimum ignorare.

Secundò. Salvianus *de Provid.* l. 3. *Possum constanter, & rationabiliter dicere, nescio secretum, & consilium Divinitatis ignoro* (a) Hoc est responsum Philosopho Christiano dignum, quidquid ex me quælieris de occulto Prædestinationis consilio, respondebo tibi cum Salviano: *nescio, ignoro*. Nihil melius dici potest, quoties hæc causa vertitur. Cur Deus non omnes salvet, cum omnes possit? cur non omnibus det gratiam illam efficacem, & triumphatricem peccati? cur tot innocentes ante Baptismum mori permittat, cur modò post quatuor mille annos in Mundam venerit, quadraginta interim Seculis Idololatriæ totum Mundum implente? cur Luciferum, totque Seraphinorum exercitus labi permiserit, damnaveritque unius cogitationis, unius momenti reos? cur, inquam, hæc omnia? *Nescio secretum, & consilium Divinitatis ignoro!* Neque hæc ignorantia Sapientem dedecet: Sapientis enim est scire, quæ sciri possunt; non autem velle scire, quæ sciri non possunt: Quis enim sapientem dicat, qui artem scire velit volandi sine pennis, & navigandi sine remis, velisque? aut quis unquam Sapientum conatus est oculis sonum audire, aut auribus colores videre? Atqui, ut optimè notat Augustinus, idem est, *Scrutari inscrutabilia, quod velle videre invisibilia, aut fieri ineffabilia*.

Tertiò. S. Augustinus in illa Pauli Verba: *O Homo tu quis es &c. Magnum pondus habet, quod dictum est, O Homo tu quis es; nam in talibus quæstionibus ad suæ capacitatís considerationem revocat hominem verbo quidem brevi, sed re ipsa magna est redditio rationis: si enim non capit hæc, quis est qui respondeat Deo? si autem capit*.

(a) Idem Salvianus lib. 3. de Gub. *Homo Sum, non intelligo; secretum Dei investigare non audeo*.

pit, minus inveniet, quid respondeat. Quasi dicat Augustinus: Cùm interrogantibus de Prædestinatione Apostolus respondit: *O Homo!* idem fecisse videtur, quod Apelles, cùm futuri Helenam suam accusanti respondit: *O Sutor, ne ultra crepidam!* Apelles dixit: *O Sutor,* Apostolus dixit: *O Homo:* sicut enim non est Sutoris de Helena disputare, ita nec Hominis de Prædestinatione: *O sutor ne ultra crepidam.* *O Homo, ne supra hominem.* Deinde nota illud dilecti Augustino dignum: aut, inquit, Judicia Dei capis, aut non capis? Si capis, iusta invenies: si non capis, cur carpis, & cur accusas? nemo enim accusare, & carpere potest, quæ non intelligit. Si tecum Persicè loquar, & tu Persicè non intelligas, non poteris mihi respondere, nec capere, quæ ego loquor, & quæ tu non intelligis. Si ergo tu non intelligis me Persicè loquentem, quomodo intelliges Deum loquentem, & agentem divinè? Et si non habes, quæ respondeas mihi Persicè loquenti, quid habebis, quod respondeas Deo loquenti, & agenti divinè? Optima ergo, & iustissima Apostoli increpatio, cùm dicit: *O Homo tu quis es, qui respondeas Deo?* Idem S. Augustinus Tract. 26. in Joannem in illa verba: *Nemo venit ad me, nisi Pater meus traxerit illum.* Nemo, inquit, venit nisi trahens: quem trahat, & quem non trahat; quare illum trahat, & quare illum non trahat, noli velle judicare, si non vis errare. Idem ergo est in causa Prædestinationis, velle judicare, quod velle errare; quemadmodum in Eurippo Bæotix Freto perpetua tempestate, & septenis quotidie æstibus turbido, idem est velle natare, quod velle mergi, nec aliud naufragio remedium, quàm ut illuc non intres; Exemplo B. Ægidii, qui rogatus de Arcano Prædestinationis, respondit: *Sufficit mihi littus maris ad lavandas manus, & pedes, ac totum corpus, cur ipsum mare ingrediar?* hoc est, cur velim scrutari, cùm sufficiat credere. (a) Idem S. Augustinus sermone 20. de verbis Apostoli: *Si scrutari inscrutabilia venisti, crede quia periisti, tale est enim velle scrutari inscrutabilia, & investigabilia vestigare; quale est velle invisibilia videre, & ineffabilia fini.*

Quarto. S. Gregorius illa verba expendens: *Nunquid nosti ordinem Cæli, & pones rationem ejus in terra?* Job 38 v. 33. Ad rem nostram ita scribit: *Ordinem Cæli nōsse est supernarum dispositionum occultas Prædestinationes videre, rationem verò ejus in terra ponere, & ante hūmana corda talium secretorum causas aperire, quod*

(a) Nierenbergius in Theopolitico fol. 137.

antiq. facere in hac terra positi nemo potest ; quia quantalibet quis virtute proficiat , quantacumq. scientiâ excrescat ; penetrare non sufficit , quo nos Conditor moderamine judiciorum regat . Nota in hæc verba Jobi , ubi versio nostra latina habet : *Nunquid nōsti ordinem Cæli ?* versionem Hebraicam habere : *Nunquid nōsti leges , & statuta Cæli ?* ordinem enim , motusq. Cæli , & Stellarum , quæ videlicet superiores , quæ inferiores , quæ noctu , quæ interdiu luceant , quæ magnæ , quæ parvæ , quæ & quando oriantur , occidantq. optimè Astrologi callent . Imò Archimedes omnem Cæli ac Planetarum ordinem , motus , ortum , & occasum in Sphæra vitrea distinctissimè ostendit . Ordo ergo cæli sciri potest , ac etiam in charta vitroq. pingi . Sed leges , ac statuta cæli sciri non possunt : cælum enim alicubi semper serenum , alicubi semper turbidum est , alibi salubre , alibi noxium . Nunquid mihi causas divinabis , cur semper , ac stabili lege cælum tam variè in terras influat ? cur in sola Ægypto nunquam pluat , cælo semper sereno ? cur in Africa , cum æstas est , summique calores , noctes roribus abundant , frigeantq. ? cur in Loccis & ad lacum velinum in Italia quotidie Iris in Cælo spectetur , cur Rhodis , & Syraculis semper aliquâ diei horâ Sol videatur , quamvis alioquin nubilo aëre , & pluviis squallido ? Si ergo cæli , quod videmus , nemo leges novit , quânto minùs noverit Leges , & Decreta Dei , quem non videmus ?

Quintò S. Bernardus Epist. 189. Nihil magis contra rationem , quàm velle rationem ratione transcendere : Nihil magis contra fidem , quàm credere nolle , quidquid non possis ratione attingere .

Deniq. S. Hilarius lib. 8. de Trinitate : *Sapientia hæc veritas est , interdum sapere , quod nolis , quasi dicat Hilarius : cogita , quàm multa homines faciant affectibus suis , & genio adversa , ut finem aliquem obtineant . Mercatores merces jaçant , ut naufragium evadant : Milites vulnera , & mortem ferunt , ut stipendiis , ac victoriâ potiuntur , & ægroti , ut sanitatem recipiant , quàm multa faciunt , quæ nolunt ? quânto igitur magis fidei , animæq. servandæ causâ , ac in gratiam æternæ veritatis oportet Christianum aliqua sapere , aliqua credere , quæ intellectus nolit .* Ægrotò amara videtur potio , quam sumit , haurit tamen , fiduciâ , & reverentiâ Medici , qui illam propinat . Sic Christiano amara videntur cæli Judicia ; adoranda sunt tamen fiduciâ , ac reverentiâ Dei , qui illa revelat . Persuadet tibi Medicus , ut bibas ingrata ; persuadeat tibi Deus , ut cre-

das difficilia. Dicit Ægrotus cum Medico: sanitas est interdum bibere, quod nolis; tu dic cum Hilario: *veritas est, interdum credere, quod nolis.*

§. II.

Multa esse in rerum natura, quæ licet vera, occultas tamen, & inpenetrabiles habent causas, nec ideo falsi accusari possunt. Ergo multò magis idem dicendum de alea Prædestinationis.

Pessima semper fuit illa argumentatio: *Non video, non capio, ergo non est.* Id enim perinde fuerit, ac si noctua dicat: Solem non video, ergo Sol non est. Quodd enim tu aliquid non capias, sæpe ignorantia tua facit, & ideo non res ipsas accusare, sed ignorantiam oportet. Id verum esse hoc paragrapho ostendam, in quatuorplici rerum genere. *Primò* in Mysteriis supernaturalibus. *Secundò*. In dispositionibus Divinæ Providentiæ. *Tertiò*. In rebus Naturalibus. Et *quartò*. In consiliis, factisque humanis. Ex quibus optimè inferes: si tam multa ignoramus, quæ vera sunt, mirum non esse, si etiam unum illud, & inpenetrabile Secretum Prædestinationis verum, justumque sit, quamvis non appareant ejus causæ, imò temerarios esse, qui accusant, quod ignorant, cum potius accusare se ipsos, & imperitiæ deberent, quia nesciunt, & temeritatis, quia audent.

Incipiamus ergo à *rebus Divinis*. Jam suprà ostendi, multa à Deo facta esse, quæ humanæ rationi videbantur fieri non posse, Nolo repetere, quæ de Creatione, Incarnatione, ac Trinitate differui. Revoca tantum in mentem originem, & incrementa Christianæ Religionis. Cui unquam venisset in mentem expugnandæ Idololatriæ, tot Sæculorum possessione, tot Imperatorum viribus, & potentiâ, tot Philosophorum Libris, tot suppliciis armatæ suffecturos duodecim Piscatores inopes, rudes, inermes, ineloquentes, & suppliciis consumptos? Planè non minùs id dignum admiratione, quàm si delendæ munitissimæ civitati, qualis Babilon, aut Ro-

ma fuit, duodecim muscæ accingerentur. Si ego dicerem, Babilonem evertent duodecim muscæ, quis mihi crederet? at longè incredibiliùs, si totum Romanum Imperium convertant duodecim Piscatores, id tamen factum est. Sed longè miraculum auget, fidemque omnem superat, si consideres, quæ Religio nostra credenda, & facienda præscribit. Adorare pro Deo Hominem in stabulo inter Jumenta natum, & in Cruce inter Latrones extinctum, eumque Joviconanti, tot victimis, & aureis Templis, & à tot Imperatoribus culto præferre, imò præ omnibus creatis, & increatis amare, ac pro illo milles mortem, & tormenta perferre: malle præ voluptatibus supplicia, præ opibus inopiam, præ honoribus contemptum, præ libertate servitutem; nec aliud præmium expectare, quàm speratum, & post mortem ac cineres obventurum Regnum, quod nemo vidit, Civitatem, quam nemo vidit, nuptias quas nemo vidit, Gloriam, quæ nunquam apparuit, & hæc præsentibus delitiis, honoribus, divitiis, vitæque præferre. Hæc dogmata erant nostræ Religionis, quæ aded naturæ, ac sensibus repugnabant, quæque hominibus tam absurda visa sunt, ut eam teste Apostolo pro stulticia reputarent, & hanc tamen toti Mundo Piscatores persuasere. Quis rogo hoc crederet, antequàm fieret? & tamen factum esse nemo potest negare.

Photinus Philosophus Platonicus, cùm apud Gallienum Imperatorem gratiâ floreret, unamque in Campania Civitatem peteret Platonopolim appellandam, & Platonis legibus, quæ sanctissimæ videbantur, imbuendam, nunquam efficere id potuit, cùm tamen Christiani non unam tantùm civitatem, sed totum orbem imple-
rent, Imperatoribus non tantùm non faventibus, sed maximè adversis. Quis unquam antequàm hæc evenirent, sibi persuaderet, plures Crucifixi, quàm Platonis Discipulos fore, & Academiam Crucicessuram? id tamen præter omnium fidem evenit, duratque tot sæculis. In iis ergo, quæ Deus facit, non est attendendum, quàm aliquid sit nobis creditu difficile, sed quàm nihil sit Deo impossibile. Idem dicas de Prædestinatione. Justum erit, quidquid ipse decernit, quamvis ignores; sicut facile erit, quidquid ipse faciendum suscep-
perit, quamvis non capias; quàm enim Deus est omnipotens, tam est justus: & sicut omnia illi facilia, quia omnipotens; ita omnia illius recta, quia justus; si ergo credis Omnipotenti, crede & justo.

Narrat Nierembergius, [a] fuisse quendam Anachoretam, qui

I i 2

à Deo

[a] l. 2, c. 1. de Divina Pulchritud.

à Deo quotidianis precibus expetebat, vellet sibi ostendere Arcana suæ Providentiæ. Apparuit Angelus Monachum indutus, rogavitque vellet sibi comes esse, aliorum, qui in deserto agebant, cellas invisuro. Primò Monachum adeunt selectæ, & vulgatæ Sanctitatis, ab hoc humanissimè excepti & passi. Dum à prandio abeunt, clanculò Angelus phialam, quâ aquam hauriebat, subducit. Monachus furto deprehenso adolescentem sequi jubet, qui repetat, quem Angelus fuste aggressus interimit. Postèa alterius Monachi cellam pulfant, à quo contumeliis & verberibus affecti pelluntur, hunc phialâ Angelus donat, quam alteri subdlexerat. Tum clienti suo timore, & admiratione defixo: phiala, inquit, quam surripui, furto provenerat, & ideo non decuit, ut à Sancto illo Anachoreta, quamvis furti ignaro, possideretur, dedi ergo illam Monacho scelerato. Adolescentem, quem fuste cecidi, si in proximam noctem vixisset, magistrum suum perempturus erat; præveni ergo parricidium, ut innocens moreretur. *Hæc sunt Judicia Dei.* Dixit, & evanuit. Ita Nierenbergius. Quis rogo hoc Ænigma solvisset, nisi Deus ipse aperiret? Sunt, qui Luciferi casum deplorant, Deumque nimis severitatis postulant, quòd in creatura tam pulchra, & felici unam cogitationem, unumque momentum æternis suppliciis damnaverit. Quòd si istis dicas: Luciferum malle infernum, quàm Cælum, nec veniam optare, quamvis Deus dare velit; non ergo iniuste veniam negari nec optanti, nec accipere volenti; quis hoc crederet? & tamen ita est. Refert enim S. Birgitta in *Lib. Revelat.* Visam à se animam æternis ignibus addictam divino tribunali assistere, ac Judicem sic alloqui: *Quamvis possem salvari, nollem tamen.* Causam rogata: *Ne tu,* inquit, *aliquid de me gaudium habeas, hæc est enim voluntas mea.* Amabò te, hoc unquam divinasses? Scribit Petrarca [a] & ex illo Spondanus ad Annum 1343. Neapolim immani terræmotu quassatam esse, Cælo pluviis, fulminibus, ventisque horrido, & extrema minante. Tota Urbs ac præsertim Joanna Regina nudis pedibus, comisque solutis in Templum effusa: Mare verò tam sevea tempestate jactatum, ut omnes in portu naves, Nautæque, & qui illis vehebantur, meriti fuerint, ne uno quidem superstite. Sola navis, quæ quadringentos Latrones vehebat, tota ferè nocte cum ventis, & fluctibus luctata, ubi jam rebus desperatis, remis, velisque consumptis naufragium expectaret, subitò serenante Cælo, Marique placato

[a] l. 5. *Epist. Familiar. ep. 5.*

cato ad lictus applicuit, ne uno quidem è tot Latronibus inersò. Rogo te, quis hic causam reperiet cœlestis Consilii? Nam si humanis rationibus hunc eventum metiaris; nemo magis, quàm illi Homicidæ, perire debuit. *Sed quis poterit scrutari vias Domini; aut quis potuit ei dicere: operatus es iniquitatem?* Jobi 26.

Qui vidit Susannam duci, & Josephum à Fratribus venditum, ac etiam adulterii convictum, planè conclamatam Innocentiam, & à Deo neglectam diceret: At exitus docuit, non neglectam, sed custoditam fuisse: Nec Joseph regnaret, nisi venderetur, nec Susannæ pudiciam orbis agnosceret, nisi damneretur. Ægyptii cùm Sacris operabantur, oculis in cælum fixis ter exclamabant: *O tenebra, ô tenebra, ô tenebra!* hocque Sacrificandi signum, & principium erat. Ita Mysterium Prædestinationis altis tenebris, & profunda nocte involutum jacet, & qui illud scrutari aggreditur, perinde fecerit, ac si densa nocte, extinctisque facibus rerum colores, quos nunquam vidit, distinguere velit. Tenebræ jam sunt, expectanda dies æternitatis, quæ colores, causasque aperiet Divinæ Providentiæ. Nunc aliud dicere Christianis non licet, quàm olim Ægyptiis, cùm Sacris, operarentur: *ô tenebra! ô tenebra! ô tenebra!* Exitus ergo Artificem commendabit: nam ne quidem Artifices nostri de suis operibus judicari volunt ab imperitis ante operis finem. Si quis ignarus Medicinæ videat venas secari aliàs è naribus sanguinanti, credat perimi ægrotum, & tamen remedium est. Qui nescit artem navigandi, videatque imminente tempestate navim in altum mare, & à littore agi; dicet, naufragio exponi, & tamen tutior erit, quippe scopulis procul. Pictores tabulam velant, nec aspici volunt nisi finitam, sublatoque sipario. Scribunt Adamum Tannerum celebrem Theologum in itinere, ac rusticano pago morbo correptum fuisse. Morituro vestes, sarcinæque excussæ. Inter alia modicum vitrum repertum, in quo ingens monstrum, horridumque visebatur, quippe cornibus, squammis, alis, spiculo armatum, & mole specieque vasto Draconi simillimum. Ab omnibus conclamatum est, *Dæmonem esse in phiala*, & omnium votis, ac etiam Parochi ad spectaculum vocatis decretum est, si obiret, cadaver prophano loco condendum, veneficio comperto. Tandem supervenit Opticæ peritus, qui cum omnium risu, quem ipsi Dæmonem putabant, scarabæum esse ostendit, Microscopio inclusum, quique vitri mendacio in grande monstrum evaserat. Si ergo ne quidem artificum nostrorum opera

*Quis nostrum, inquit Tertullianus, scrutari potest apud adificia, for-
mica stabula, telas aranea? Et Augustinus inter communes: Ad-
miratur homo Ecclipsin Solis, quia ignorat interpositionem Luna: ad-
miratur Ecclipsin Luna, quia ignorat interpositionem Terra: admi-
ratur adventum fulguris, quia ignorat modum ejus incensionis. Quid
ergo novi, si admirari nos oporteat Judicia Dei, quia ignoramus ejus
rationes? nihil enim est aliud reprobatio, quam Ecclipsis Divini
Solis propter oppositionem humanæ voluntatis: vera est, justa est,
certa est, quamvis ignores; quod enim est rusticus ad Ecclipsin Solis,
hoc est omnis homo ad Ecclipsin Dei; uterque causas ignorat, & ta-
men sicut Ecclipsis Solis non ideo est falsa, quia ejus causas ignorat
rusticus; ita Ecclipsis Dei non ideo est injusta, quia ejus causas igno-
rat Christianus. Optimè Seneca de cælo disputans: *Illa, inquit,
Arcana non promiscuè, nec omnibus patens, reducta & in interiore
Sacratio clausa sunt. Aliud hac ætas, aliud, quæ post nos subibit,
aspiciet.* Idque à Seneca verissimè dictum; nam post sex mille annos
à condito Mundo primus Galilæus quatuor, novosque Planetas ob-
servavit, qui Jovem ambiunt, quosque Stellas Medicæas appellavit,
crebris Ecclipsibus inumbrari solitas. Tres quoque alios Planetas
Saturni Comites, aded, ut pro septem Planetis, quos Antiquitas so-
los agnovit, nova Astrologia 14. detexerit. Taceo novum Mun-
dum, hoc est, Indias Occidentales post sex mille annos nuper à Co-
lumbo repertas indicio anniversarii, statique venti ab occasu spiran-
tis; hic jam mille sex annis spiraverat, & tamen solus Columbus
agnovit, quid ferret, & forsan alii quoque Mundi supersunt tam nobis
occulti, quam Columbo America. Si ergo in hoc Mundo spectabili tam
multa fuere, & adhuc sunt, quæ nos latent, & futuræ ætati repocita,
quantò id veriùs erit de rebus illis, quæ planè nos fugiunt, quæque
futura post nos ætas in Cælis aspiciet? Reperiri non potest Mundus
Prædestinatorum nisi mari transiisso, hoc est finita hujus vitæ navi-
gatione; tunc nostrum quilibet Columbus erit, nunc verò tam igna-
ri Orbis Electorum, Reprobatorumque vivimus, quam Columbus
Americæ, cum Hispali solveret. Ergo expectemus, dum liceat na-
vigare, & in portum appellere.*

Finiam hoc argumentum de occultis Naturæ, ubi unicum
adjunxero Divinæ Providentiæ, etiam in rebus desperatis pulcherri-
mum specimen, ex quo intelligas, quantum etiam in Naturalibus
ebus Divina consilia ab humanis distent. Est in Oceano Atlantico
inter

inter Canarias, seu Fortunatas Insulas Occidentem versùs una, quam *Ferream*, vocant. In hac nulli fluvii, nulli fontes, nulli rores, nullæque pluviz, sicque aquarum dulcium nulla copia: Incolæ ferè sex mille numero. Quis non crederet omnia siti peritura, cælo tam arido? aut quis remedium inveniet? Et tamen providit Natura. In medio Insulæ arbor maxima, densisque frondibus, folium Olivam imitatur, fructus glandem optimi odoris, & aromaticus, 40. pedes longa, & ubi cornæ maximè sparguntur, pedes 120. lata. In hanc quotidie sub Meridiem Nubes incumbit, duratque in proximum diem, & Solis exortu evanescit. Ex nube per folia, ramosque tanta vis aquarum decurrit, ut sufficiat viciæ mille amphoris implendis, una verò Amphora quinque hominum siti. Ex puteo per Eurippos, Nilosque in totam Insulam aqua diffunditur, abundatque omnium necessitati. Ita recenset Bethencour Nobilis *Gallus lib. de Insulis Canariis cap. 65.* Petrus Boucher Ordinis S. Francisci: Joannes Verrier Sacerdos, Thomas Nicolaus Anglus, Jacson Anglus testes oculati, & ex istis Sanfon Regis Christianissimi Geographus de Insulis Canariis fol. 64. Quis mihi jam causas aperiet tam miræ rigationis? quodd Nubes quotidie uno loco, certoque tempore, & in unam tantum arborem subsidat? quodd nec ventis, nec Solè Meridiano dissipetur, ut aliæ nubes, nec consumatur quotidiano, ac tam largo imbre, quodque exurgat sereno ubique cælo? Deinde si ab aliquo quærerem, qui nunquam hoc naturæ prodigium vidisset, legissetque, fieri ne potest illic homines, & Animantes vivere, ubi nulli fontes, nulli fluvii, nullique lacus, & nulla pluviarum copia? quis non responderet, fieri non posse? Et tamen fieri certum est, eamque Insulam habitari, Deo supra hominum fidem providente. Ita, multoque magis fieri credendum est in iis, quæ animam, ac æternitatem spectant; quis enim credat, Deo plùs Insulam, quàm Animas cordi esse? Quàm multi sunt, qui conqueruntur Turcis, Æthiopibus, Persis, Indis, Barbarisque Evangelium, & Sacramenta defuisse, quibus salvarentur, exclamantque: *Heu Insulas ferreas, quibus Cælum nunquam pluit!* Sed interim non intelligunt nullum esse tam Barbarum, cui licèt Evangelio, Sacramentis, aliisque ordinariis mediis destituto, alia remedia, alia, & occulta gratiæ auxilia, aliæ nubes singulis mortalibus innatæ non suppetant sedandæ siti, vincendæ concupiscentiæ, ac evitandæ æternæ morti. Ex his nubi-
bus Cornelius Centurio, aliiq̃ Gentiles bibère, quos Deus miris
modis

modis ad veram fidem, æternamque salutem vocavit, & exempla abundant, quæ referre nolo. Nemo ergo Deum accuset, quippe nulla Insula tam ferrea, tamque arida, cui Cælum non pluatur; nulla Anima tam deplorata, cui non sufficiens, largumque auxilium. Quodd si natura non deficit in necessariis, multò minùs deficiet gratia: nescio modum, sed scio, non deesse.

Quodd si tam difficilè est, causas rerum Naturalium invenire, multò difficiliùs eorum causas, quæ ab hominum consiliis, arbitrioque dependent; & ideo jure optimo Jeremias cap. 17. vers. 9. *Pravum est cor hominis, & inscrutabile, quis cognoscat illud?* septuaginta habent: *βαθεία καρδία*. hoc est: *profundum est cor hominis*: Et verò tam profundum, tamque inscrutabile, ut Theologi doceant, occultas hominum intentiones ne ab ipsis quidem Angelis posse penetrari. Quodd si cor hominis tam inscrutabile aliis, quantò magis cor Dei? Sed aliqua videamus. Narrat Spondanus ad Annum 1204. & plures alii ab eo laudati, Petrum Secundum Arragoniæ Regem ab Innocentio III. Romæ coronandum die Inaugurationi sacra in Vaticano comparuisse auro, geminisque insignem, excepto Diademate, quod adamantum, & Margaritarum loco pane contextum erat. Nemo aliquis poterat tam novum Coronæ genus ingenio assequi: alii conjectabant, voluisse Regem Populis abundantiam polliceri: alii Concordiam, pane ex multis granis unitisque compacto: alii Regis frugalitatem à delitiis abhorrentis, & populari escâ contenti: alii cultum interpretabantur sanctissimæ Eucharistiæ: alii delirium; alii risum, & jocum. Finitis Saccis causam rogatus; eam dedit, quæ nemini in mentem venisset. Solebat eo tempore Pontifex, cum Reges coronaret, aureum Diadema pedibus stringere, candidatoque imponere. Pudebat Petrum, credebaturque infra Majestatem, tam abjectè haberi; ut ergo Pontifex pedibus abstineret reverentiâ panis coronam ex pane delegit. Quis unquam aut videntium, aut legentium hanc causam indagasset, nisi illam Rex ipse depromeret? Recenset Nannus in Historia Turcica: Amurathem Turcarum Tyrannum; cum febri decumberet, vicinaque morte remedia cessarent, jussisse omnia vasa crystallina ingentis pretii, quæque in delitiis habuerat toto orbe quæsitâ ex insperato collidi, nec prius quiescisse, quam omnia se coram frangerentur. Paulò post sanitas rediit. Quis mihi causam exponat, cur id jusserit Amurathes, subitoque perdi vellet, quæ aded amaverat? An mentis delirio? an quodd hæredibus

invideret, nec vellet alios frui, quibus ipse non poterat? Nihil istorum. Ipse causam aperuit. Solebat ante mortem in crystallo bibere, & semel adedè largè se proluit, ut secuta flagrantissima febris, morti præluderet. Rebus desperatis vovit se nunquam deinceps vino usurum; utque incitativa ebrietatis procul haberet, nec elegantiam, visuque crystallo votum abrumperet, comminui vasa, delerique voluit. Age jam verò tu, qui divina experiri, animoque complecti tentas, compone Amurathem cum Deo, pocula cum hominibus: si non capis consilia Amurathis de poculis, quomodo capies consilia Dei de hominibus? Nescis cur Amurathes frangi crystallo jubeat, & scies cur Deus damnari hominem permittat? Nescis, quæ homo agit circa vitrum, & scies, quid agat Deus circa Animam? Ergo in Amurathe, quod primò delirium omnibus videbatur, postea sapientissimè factum apparuit. Referunt quoque de Anaxagora, cum maxima ætate, sereno cælo, & ferventissimo diei sole Iudi Olympici agitantur, convenissetque ad spectaculum flos Græcæ Juventutis, intrasse Philosophum cerato pileo, penulaque crassissima, & impentrabili onustum. Omnes in risum, & sannas effundi, illudebantque velut insano, quòd frigeret ardente cælo, & reliquis omnibus aut seminudis, aut vix levissimo amiculo æstum ferentibus. Sed paulò post densissimæ nubes cælo obductæ, tantaque vis pluviarum secuta, ut Theatrum & homines aquis implerentur, intacto solium Anaxagora, qui aliorum peritus pluvias præviderat, & cujus consilium ante eventum imprudens videbatur; sed post eventum prudentissimum, dignumque Philosopho. Quid de aliis, & occultissimis Mortalium consiliis dicam, quæ non semel aut aliquando, sed passim, & quotidie contingunt? videt aliquis puellam elegantissima facie, geminis, unionibus, illecebris plenam, totoque habitu amores, & delicias spirantem: videt, inquam, noctu, extinctis facibus, clam, suspensoque gradu ab Eunuchò in Tabernaculum, & thalamum duci decumbentis Imperatoris: quis non credat, Thaidem, & Lenam esse? & tamen Juditha est, sancta, innocens, pudica, eademque nocte bellum finitura, hoste obruncato. Videt alius adolescentem compæm, ferro præcinctum, pallioque faciem velante Iapanar ingredi, provecta jam nocte: quis non credat Veneris militem? & tamen Theodorus est Christi martyr; Christianam prostibulo educet, mutato cum Virgine habitu, delusam; custodiam. Videt alius senem talari amictum, capite canis sparso, foroque inambulantem, fasciculos florum manu,

finu-

sinûque gestare, ut virgines solent; quis non credat, aut insanire, aut uxorem captare? & Philippus Nereus est, qui ad Insulam vocatus honores fugit, simulato delirio. Manet ergo fixum, ratumque, quodd probandum initio susceperam, multa in natura fieri, multa ab hominibus, quæ optima sunt, quamvis lateant causæ, primoque aspectu aut impossibilia, aut inconsulta ignorantibus videantur. Idem ergo dicendum de divinis Judiciis, quæ non ideo injusta sunt, quia nobis occulta, imò quia occulta, insanus sit, qui sententiam ferat de rebus, quas non intelligit. Memento, nihil esse naturam, omnesque creaturas, si cum Deo & divinis comparentur: quid enim est Nilus, aut Iris, aut Magnes, aut humana consilia cum Deo, rebusque divinis composita? Tu ergo, qui non capis tam parva, tamque exposita; quomodo capies tam magna, tamque recondita; qui in placidissimo, & minimo lacu nescis cymbulam agere, quomodo velificabis in maximo, & turbatissimo pelago? Et quid agis, cum rerum naturalium causas, & rationes non assequeris? An tibi non sufficit effectum videre, aut saltem ab hominibus probatissimæ fidei audire? Idem ergo fac in rebus Decretisque divinis. Duo hominum oculi sunt, fides & ratio: uterque, aut saltem oculus fidei falli non potest; cum ex adverso oculus corporis mille erroribus pateat. Dicit tibi oculus fidei, Deum existere, & justum ac bonum esse in omnibus operibus suis: idem quoque omnis ratio, omnisque creatura clamat. Tu ergo, qui non dubitas Magnetem semper in Boream, nunquam in Austrum vergere, quia id oculus tuus dicit; cur dubites, Deum semper bonum & justum esse, nunquam verò malignum, quia id fides, & ratio manifesta docet? An verò de Magnete oculo credes, qui falli potest, & de Deo non credes fidei, apertæque rationi, quæ falli non possunt? Duo testes oculus, & fides. Oculus testis sæpe mendacii, falsique convictus. Dicit solem parvum esse, & falsum est. Dicit Lunam maculis aspergi, & falsum est. Dicit umbram esse nigram, moverique, & id quoque est falsum. Dicit cælum stare, iridem coloribus pingi, aërem cœruleum, remosque aquæ immersos fractos esse, quæ omnia sunt falsa. Tu ergo qui oculo tuo credis testi, toties mendaci, cur non magis fidei credas testi semper incorrupto, & nullius mendacii comperto?

§. III.

*Causam Divinorum Judiciorum quærentibus
optima datur, omniq̃ue demonstra-
tione potentior.*

NOtat Plinius *lib. 21. c. 7.* aliquos esse flores, *quorum*, inquit, odor suavior è longinquo, propius admotus habetatur, ut viola, ac liliorum. Ita in rebus ac consiliis divinis, quæ melius capiunt, qui minùs, quàm qui nimis accedunt. Id optimè expresseit S. Zeno: (a) *Non intelligunt miseri, quoniam curiositas reum efficit, non peritum*: Et ideo Sponsa fugere à se dilectum optabat: *Fuge*, inquit, *dilecte mi*, & *assimilare caprea, hinnuloq̃, cervorum*. Mirum votum amantis! nam quæ homines amare, præsentés volunt, optantq̃ue videre, & amplecti; secùs illa, quæ Deum amat; diligit enim, & fugit: quæ causa tam miri, timidique amoris? quia videlicet *curiositas reum efficit, non peritum*. Si causam tamen pertinaciter velis divinæ Predestinationis, ea quoq̃ue in promptu est, tam clara, convincensq̃ue, ut clariorem, magisq̃ue invictam ne optare quidem possis. Eam breviter perstringit eloquentissimus Salvianus: (b) *Satis mihi sit*, inquit, *pro universis rationibus Author, & ordinator Deus. Author in iis quæ facit, ordinator in iis, quæ permittit*. Ex qua Salviani sententia ita argumentamur: Deus est justus, & bonus, ita ut non possit esse injustus, aut malus; ergo ejus quoq̃ue judicia sunt justa, & bona, ita ut non possint esse injusta, & mala. Si ergo ejus judicia justa & bona, ergo nulla causa criminandi: alioquin si tibi hæc demonstratio non sufficit, quæ ergo sufficiet? aut quid ampliùs velis? aperiantur Archivia æternitatis, evolvantur cœli Annales: retexantur longi, funestique processus, Tabularia, Protocolla, Libelli, Causæq̃ue damnatorum, & à Deo velut à Judice suspecto, corruptoque rationes exigantur, cur istum & illum perire permiserit: quid, inquam, in his omnibus fortiùs occurret, pacandoq̃ue animo etiã obstatissimo

(a) *Lib. 2. de æterna Filii Generat.*

(b) *Lib. 3. de Provid.*

limo aptius, quàm demonstratio Salviani repententis: *Satis mihi sit pro universis rationibus Auctor, & ordinator Deus.* Quoties ergo tu dixeris mihi: quare Deus, qui est tam bonus, permittit tot mala? quare cùm omnium sit Deus, non aequè omnium miseretur? quare ex duobus gemellis fratribus Jacob dilexit, Esau odio habuit? toties respondebo tibi: *Satis est mihi pro universis rationibus Auctor, & ordinator Deus.* Et si iterum petas, cur non annuntietur Indis Evangelium? cur Persæ non illuminentur? cur Tartaris, Chiniisque tantis Imperiis nunquam emerferit Sol veritatis? Si, inquam, hæc mihi objeceris, iterum, iterumque respondebo: *Satis est mihi pro universis rationibus Auctor, & ordinator Deus.*

Si enim demonstratio ex Aristotelis sententia constare debet ex prioribus; quid rogo est prius divina Voluntate, quæ est æterna? Si ex notioribus; quid notius est, quàm Deum justum & Sanctum esse? Si ex necessariis; quid magis necessarium est, quàm nihil esse injusti, nihilque mali in eo, qui est summè justus, summeque bonus? quem admodum in eo, qui est summè candidus, nulla nigredo; & in eo, qui summè calidus, nullum est frigus. Si denique Demonstratio constare debet ex causis conclusionis; voluntas diuina omnes causas complectitur, estque causa efficiens, exemplaris, finalis, formalis, & subiectiva omnis boni, & recti; aded ut in hoc Enthymemate: *Deus Judam damnari permisit; ergo Judas justè rectè, damnatus est:* conclusio per omne genus causarum probata sit, quod in nulla alia demonstratione reperias. Tu ergo, quicumque es, rationes, & argumenta quære, tu disputa, & dubita; ego securus cum Salviano repetam: *Satis est mihi pro universis rationibus Auctor, & ordinator Deus.* Si quidem noctu in officinam ducam præstantissimi pictoris, qualis olim Apelles, & Parrhasius, nostrisque temporibus Rubenius, & Hostenius fuit, subitoque extinctis facibus à te quæram: dic mihi sodes, hic color est niger, an albus? hæc imago est turpis, an pulchra? hæc tabula est rasa, an picta? quid aliud respondebis, nisi, non possum judicare, quod non video, credo tamen pulchrum esse, quidquid Apelles pinxit. Idem de Deo, eiusque operibus dicendum. Totus Mundus officina Dei est, & quot homines, tot Dei Imagines; aliæ candidæ; aliæ atro colore pictæ; hoc est, aliæ æternum miseræ, aliæ æternum felices. Nox est Prædestinatio obscura & illunis, & in qua omnem faciem humani ingenij Deus extinctam voluit, Si ergo à me quæras: cur Deus hanc imaginem nigram, aliam candidam pinxit? hunc felicem, illum infelicem; hunc vas in honorem, illum vas

in contumeliam? Judam desperantem, Petrum pœnitentem; paucos salvari, multos damnari voluit; imò non voluit, sed tantum permissit? quid aliud, inquam, respondebo, quàm nox est, facies extinctæ sunt, non video, nec possum cæcus de coloribus judicare, credo tamen pulchrum esse, quidquid Apelles pinxit, & justum esse, quidquid Deus fecit. Summa ergo omnium demonstrationum sit illa Salviani: *Auctor & ordinator Deus.*

Hac ipsa argumentatione tanquàm insuperabili semper usi sunt Sancti Doctores, quoties de Prædestinatione loqui oportuit. S. Gregorius l. 25. *Moral. c. 36.* Docemur, inquit, non temerè discutere æterna consilia de aliorum vocatione attendentes, quod injustum esse non potest, quod placuit justo. Et S. Paulinus epist. 38. *Non est ambigendum omnia Dei, etsi nobis non sint perspicua, tamen esse consulta.* S. Ambrosius in Luc l. 4. c. 5. *Si Deo non credimus, cui credemus?* quasi dicat: cogita quàm multa credas esse vera, quia homines dicunt, & nisi crederes, omnium risui, & sannis pateres. Credis Geographicis esse veram Americam; credis Navigantibus esse verum in Ægypto Nilum: credis Mercatoribus esse veras in Sinu Persico Margaritas: credis unguentariis verum balsamum in Palæstina ex arboribus fluere: credis Historicis verum aliquem Pompeium, & Cicero-nem Romæ fuisse. Hæc omnia nunquam vidisti, & tamen credis, quia homines dicunt. Amabò te, cur non multò magis credas, æquissima & honestissima, quæ Deus facit, cum hoc ipsum & ratio, & Deus testentur; quòd si Deo non credimus, cui credemus? aut ergo Deo, aut nulli credendum. Cum Socrati quædam oblata fuissent à Democrito Philosopho obscurissimè scripta, & ea attentè legisset; rogatus quid sentiret; respondit: *quæ intellexi fortia sunt, puto autem & quæ non intellexi; verum Delio Natatione indigent.* Sic nos de Deo. Opera illius, quæ intelligis, justa sunt, crede autem, justa esse & quæ non intelligis. Quod permiserit Josephum vendi, ut imperaret; quòd Petrum labi, ut compati posset; quòd accusari Susannam, ut constaret Deum innocentibus subvenire; quòd Latronem in extremis pœnitere, ut nemo desperet; hæc, inquam, omnia, quæ intelligis, justa sunt, crede ergo, etiam justa esse, quæ non intelligis. Refert Proclus, (a) Hiéronem Sicilia Regem construi triremem jussisse ingentis molis Ptolomæo donandam: cum verò multis laboribus, longoque tempore, ac totis serè Syracusis frustra nitentibus moveri non posset, & in aquas mitti,

voça-

(a) l. 2. c. 3. in *Euclidem.*

vocatum esse Archimede[m]: is exiguam, levemque machinam confecit, & Regi navi admovendam dedit, continuò levare navis, & in aquas agi uno Rege & citra laborem nitente. Rapuit Syracusas admiratio, ac Hieronem præcipue, qui totâ Siciliâ edictum in hæc verba vulgari jussit: *Ab hac die, quodcumq[ue] dixerit Archimedes, credendum est illi.* Si credendum Archimedi, postquam semel, unoque tantum opere peritiam suam ostendit, quantum magis credendum Deo, qui toties, tantisque operibus toti Mundo, & tibi præsertim Justitiam suam, Providentiam, & Amorem probavit? Quid fecisti, ut te crearet? quid meruisti, ut sua morte redimeret? & quot casibus te incogitantem, imò & hostem eripuit? & post tot Providentiæ, & Amoris sui argumenta cur toto Orbe, omniumque mortalium cordibus non hoc pendeat Edictum: *Ab hac die, de quacumq[ue] re dixerit Deus, credendum est illi.* Quid tuâ interest, quid Deus cum aliis fecerit: cur Luciferum, cur Saule[m], cur Judam pessumire, damnarique permiserit? hæc aliena & occulta sunt, nec ad te pertinent; cogita potius quid tecum fecerit, ejusque Clementiam & Bonitatem ex iis metire, quæ tibi collata sunt; nulla enim major probatio, quam ex iis, quæ quisque expertus est. Deus ergo, cum nihil esses, fecit ut esses. Et cum posset te lapidem, aut bovem, aut pavonem condere, idque ingens beneficium erat (quis enim non malit lapis, aut pavo, quam nihil esse) cum posset, inquam, te plantam, aut brutum facere, hominem te fecit rationali Animâ, & immortalis prædium: quantumque malum est non sapere, & mori, tantum beneficium fuit Animâ rationali, mortisque victrice donatum esse. Deinde inter ipsos homines, quot sunt cæci, claudi, nani, surdi, mutique? Nihil istorum, quæ tot millibus aliis contingere, contigit tibi. Tu natus inter Christianos, & Fideles, cum tot alii inter Barbaros, & Infideles. Tibi vestiendo, potando, cibando, curandoque omnia Elementa, totque creaturarum millia fatigantur. Quoties cecidisti, & ille erexit? quoties errasti, & ille reduxit? quoties deliquisti, & ille ignovit? quoties reus mortis effectus, & ille pepercit? taceo quodd tibi triginta tres annos amarissimè sudaverit, quodd tibi sanguinem fuderit non guttatim, & parcè, sed torrentis more, quodd tibi vitam inter dolores finierit, nullus ita Filium, aut Sponsam amavit, ut ille te. Taceo tot Sacramenta, tot remedia animæ tuæ procurata, tot voces à Cathedra, tot voces à libris, tot voces à cælo missas, inspiratasque tibi admonendo, eximendoque periculis. Et post tanta amoris ejus indi-

indicia tu velut de re dubia, & peregrina quæris & disputas, an Deus sit bonus? an rebus humanis provideat, perinde ac si aliquis media hyeme frigus, tremensque, postquam diu ad ignem confedit, & calefactus est, soluto frigore, è fociis quærat, verumne sit, quod Philosophi docent, ignem homines calefacere? quid alios interrogas, quæ tu ipse expertus es? Noli ergo de Deo, ejusque Bonitate ex iis judicare, quæ Lucifero aliisque damnatis contingere, hæc enim sunt tibi incomperta, sed ex iis, quæ tu ipse probasti.

Si Romam quatuor sint viæ, quarum tres optimæ, ab omnibus calcaturæ, à te ipso centies emensæ, quæque in Urbem commodissime ducunt: quarta verò sit invia, præcipitiis, Latronibus oblecta, & quæ nemo pervenit, & tu hanc quartam eligas, quæ pessima est, tribus aliis relictis, quæ optimæ sunt; quis te non dementissimum credat? nam primò nunquam Romam pervenies, deinde certissimè morti te expones. Ita illis evenit, qui ad Indias profecturi, cum notum tritumque Navigantibus iter Austrum versùs reliquissent, in Septentrionem breviori cursu, sed funesto flexere, quippe omnes frigore consumpti sunt, navibus gelu constrictis. Ita prorsus in causa Prædestinationis. Quatuor ad illam cognoscendam viæ sunt: tres securissimæ; fides videlicet, Ratio, experientia. Fides docet, ratio demonstrat, experientia convincit, Deum in omnibus Judiciis suis justum, & clementem esse. Quòd si his viis relictis tu quartam aggreddiaris omnibus inaccessam; occultamque; hoc est, non fide, non ratione, non experientiâ contentus scrutari causas, & arcana velis, planè nunquam hanc viam prevenies, & medio in cursu vitam, animamque amittes. Clamant omnes Patres, hanc navigari non posse, clamant omnium exempla: periire enim, quotquot hanc viam aggressi gelu & frigore confecti sunt, desperarunt infelices Religionis, Animæque naufragio facto.

Dices: voluntas Dei est tantum causa Universalis: atqui effectus particulares per solam causam universalem demonstrari non possunt, multoque minùs dubium eximere: Nam si quærenti, cur nix sit alba, non nigra: cur pisces non respirent: cur Gallus cantet revertente Sole; cur Cervi & Boves dentes non habeant? Respondeas, Deum & Naturam ita statuisse; planè rideberis, eritque hæc Demonstratio rustico, quàm Philosopho dignior.

Resp. Aliqua esse, quæ optimè, imò unicè per causam universalem demonstrantur, præsertim cum causæ particulares latent, pend-

dentque ex libera Dei, hominumque voluntate. Si quis navi iter faciat, dubitetque an erret; sufficit omni dubio vincendo, si dicas: *Gubernator hanc viam imperavit, ergo in portum ducit*; præsertim si constet Gubernatorem esse peritissimum viæ, ac sæpius illuc iter fecisse. Ita si sententia Mortis in aliquem dicta sit, quique processui non interfuit, dubitet æqua sit an iniqua? sufficiet respondere: Princeps examinatâ causâ ita decrevit, ergo sententia est iusta, præsertim si constet Principem esse iustissimum, & causæ, de qua agitur, scientissimum; talis verd est Deus. Pythagoricis loco omnis demonstrationis erat Pythagoræ auctoritas, sufficiebatque ambigentibus dicere: *αὐτὸς ἔφα: Ipse dixit*. Cur ergo Christianis non sit præ omni demonstratione Autoritas Dei, sufficiatque finiendis omnibus litibus dixisse: *αὐτὸς ἐκέλευ: Ipse decrevit*? Nec ægrotus causas Medicinæ quærit; nec saucius causas emplastri; sufficit, ut credant, fidantque Medico imperanti. Duo ergo in re aliqua quæri possunt. *Primo* an sit? *Secundo* cur sit? v. g. de Gallo, an verum sit, ejus cantu Leonem fugari? Et quæ causa hujus terroris? ad primam quæstionem affirmativè decidendam sufficit auctoritas Plinii, aliorumque Scriptorum id asserentium, præsertim si accedat experientia, quæ tamen, cum errori obnoxia sint, non possunt me certum reddere. Idem dicas, majorique ratione de divinis Decretis, nam si quæras, an iusta sint? iusta esse optinè probatur autoritate, & æquitate ipsius Dei, qui cum erroris sit expertus, me quoque certissimum reddit, nisi dicas ad fidem hominis faciendam plùs valere auctoritatem Plinii, qui falli potest, quàm auctoritatem Dei, qui falli non potest. Quare autem Deus hoc, illudque decernat, id reconditum est, minusque sciri potest, quàm cur Leo cantu vilissimæ avis efframinetur.

Plura indagare non licet, pendente adhuc velo cœlestis tribunalis. Hæc ergo sit vera, & unica methodus philosophandi de divinis Judiciis, si videlicet credas: *Primo* ita esse secreta & abdita, ut cognosci, multoque minùs ut accusari possint. *Secundo*. Multa etiam naturaliter contingere, quorum causas & rationes non assequimur, quanto minùs assequemur causas & rationes rerum divinarum? Sed & in ipsis Dei operibus aliqua initio ambigua & dura videbantur, quæ iustissima in exitu apparuere; non ergo ante exitum, ultimamque sententiam de illis judicandum. *Tertio*. Et denique sit pro universis rationibus Author & ordinator Deus. Qui in Mysterio

Prædestinationis præter istas rationes alias quærit, is non portum, sed naufragium quærit, prius peribit, quàm perveniat.

Quodd si tamen ne ista quidem sufficiant; more Areopagitarum tecum agam. Cùm ad istorum Tribunal causa deferretur tam implicata, ut pugnantibus utrimque rationibus nullus exitus, nullusque modus appareret litem finiendi; partes reverti jubebant post centum annos. (a) Ita in negotio Prædestinationis: Si tibi quæ hæcenus dixi sufficiunt; digitum ori impone, causamque perora: Si non sufficiunt, exi Areopago: *Quod Deus facit, tu nescis modò, scies autem postea*, redi post centum annos.

FINIS.

(a) *Aul. Gellius l. 12. c. 7.*

COROLLARIUM DOCTORUM,

*Qui sententiam de Prædestinatione ex prævisis
meritis, & respectivè de mente SS. Au-
gustini, & Thomæ tuentur.*

S Bonaventura Cardinalis, & Ecclesiæ Doct̃or in *prim. dist. 40. art. 2. q. 2. ad ult.* & communiter citatur in *prim. dist. 41. q. 2.* & alibi, ut videre est apud Gaudentium Bontempi *Tom. 1. in S. Bonav. tract. prim. disput. 21. q. 7. infra citandum.*

Eandem sententiam probant, & sequuntur

Cardinalis Sadoletus in *cap. 8. Epist. S. Pauli ad Romanos,*

Cardinalis Contarenus in *Opusc. de Prædestinat.* quos citat, & sequitur Claudius Frassen *infra citandus.*

Cardinalis Petrus Aureolus *Ordin. Min.* quem Sixtus Senensis appellat *Virum omnium scientiarum peritia clarissimum,* in *Comment. super quatuor lib. Sentent. Romæ Typis Vaticanis anno 1595. opera Constantii Cardinalis Sarnani Ord. Min. Convent. impressis, lib. 1. dist. 40. art. 1. & dist. 41. art. 3.*

Ludovicus Abelly Sac. Theol. Parisiensis Doct̃or, & Episcopus Ruthenenſis in Gallia, in *Medulla Theologica par. 1. tract. 2. cap. 5. sect. 3.* ubi etiam citatur

Sanctus Franciscus Salesius Episcopus Genevensis *lib. 3. de amore Dei cap. 5.,* & hujus Sanctissimi, ac Sapientissimi Episcopi extat etiam Epistola ad Patrem Leonardum Lessium Societ. Jesu, data Annelſi Gebennensium 27. Augusti 1618. cujus autographum apud Patres Societatis in theca argentea Antuerpiæ asservatur, & præ cæteris verbis ejusdem Epistolæ hæc maximè notanda sunt: *Sententia illa, inquit. antiquitate, suavitate, scripturarum nativa auctoritate nobilissima de Prædestinatione ad gloriam post prævisa opera, sanè mihi gratissima fuit, qui nimirum eam semper ut Dei*

misericordia, ac gratia magis consentaneam, veriore, ac amabiliorem existimaui, quod etiam tantisper in Libello de amore Dei indicavi.

Honorius Augustodunensis Ecclesiæ Presbyter, qui circa annum Christi 1220. clauit, in *Dialogo de Prædestinat. & libero arbit.* clarissimè docet prædeterminationem post prævisa merita.

Alexander de Ales *prim. par. quæst. 28. memb. 3. art. 3.*

Henricus *quodlib. 4. q. 19. & quodlib. 8. q. 5.*

Gulielmus Occamus Anglus Ordin. Min. Scoti Discipulus in *prim. dist. 41. quæst. 1.*

Joannes Bacconus in *prim. dist. 41. quæst. unic. art. 2.*

Ruardus Taperus *Tom. 1. explicat. Articulorum Lovaniensium pag. 240. & seqq.*

Joannes Major in *prim. dist. 40. & 41.*

Albertus Pighius *lib. 8. de liber. arbit. cap. 2.*

Hieronymus Osorius *lib. 9. de Justitia.*

Joannes Eckius in suo Chrysopasto *Cent. 3.*

Stapletonus in *cap. 9. Epist. ad Roman.* & in Oratione qua ex professo hanc sententiam defendit, probatque de mente S. Augustini.

Philippus Gamachæus Doctor Sorbonicus, & Regius Sac. Theologiæ Professor *coment. in prim. par. D. Thomæ quæst. 23. de Prædest. cap. 6. conclus. 2.* hanc sententiam probat ex mente ipsius S. Thomæ, Sanctorumque Augustini, Hieronymi, Ambrosii, & Prosperi.

Nicolaus Isambertus Doctor, & Socius Sorbonicus in Academia Parisiensi Regius Theologiæ Professor in *prim. par. D. Thomæ disp. 4. ad quæst. 23. art. 3.*

Gregorius de Valentia Soc. Jesu *disp. 1. q. 23. de Prædest. punct. 4.* ubi fusè probat prædeterminationem ex prævisis meritis de mente SS. Augustini, & Thomæ.

Gabriel Vasquez Societatis Jesu, quem præstantissimus, omniumque nostræ hujus ætatis eruditissimus Auctor Dissertat. historicae *De uno ex Trinitate carne passio* Romæ editæ an. 1695. pag. 115. hocce exornat Elogio: *Gabriel Vasquez, ait, celeberrimus Theologus, Vir in Patrum lectione aque, ac in scholastica palæstra versatissimus. Et pag. 240. Vasquez magnus Theologus in lectione Patrum versatissimus, & eorum præsertim, qui de divina gratia sub Augustino Magistro scripserunt. Quis Theologus audit, qui Vasquii nomen summa*
cum

cum laude non inaudiveris? Est ille Theologorum Societatis facile Princeps, licet unus Franciscus Suarez dubium illi facere primatum quibusdam visus sit. Is igitur præstantissimus Theologus Tom. 1. disput. 89. cap. 4. & seqq. non solum sententiam hanc de Prædestinatione ex meritis prævisis latissimè defendit, sed talem quoque fuisse veram, germanamque Augustini mentem satis superque per quatuor, & amplius capita ostendit; Unde sub initio capit. 4. ait: *Tametsi aliorum Patrum auctoritas in omni controversia magni ponderis apud omnes esse debet; in hac tamen de qua nunc agitur, unus pro multis mihi semper erit Augustinus.*

Leonardus Lessius Societ. Jesu Opusc. de Prædest. & reprob. sect. 2. eandem tenet sententiam, ab eoque alii non pauci Auctores citantur, & num. 8. subiungit -- *Eandem tenent multi viri Doctissimi, qui nondum sua scripta typis mandarant, quibuscum ego hanc rem contuli.* Hos omnes ex consilio adduxi, ut appereat, quantus in hoc puncto sit omnium penè Doctorem consensus.

Martinus Beccanus Soc. Jesu par. 1. cap. 14. num. 4. de Prædestin. ubi pro hac sententia refert Theologos Academiae Complutensis. Franciscus Amicus Soc. Jesu Tom. 1. disput. 15. sect. 4., qui longa serie alios refert pro hac sententia Theologos, num. 61. sensum suum aperit his verbis -- *Ut huic sententiæ assensum praberem, movit me misericors Dei erga omnes intellectuales creaturas affectus, & aqua in prædestinatos, ac reprobos pro eorum præstitis operibus iuxta Judicis retributio.*

Molina ad quæst. 23. art. 5. disput. 1. memb. 11. & 12.

Franciscus Turrianus in lib. de Elect. divina, & Luisius Turrianus Disput. 1. Opusc. 6. dub. 4. & 5.

Michael de Medina lib. 3. de recta in Deum fide cap. 1.

Ægydius Coninch. disp. 20. de spe dub. 13. num. 119.

Cornelius à Lapide passim in Pauli Epistolas, & Maldonatus multis locis in Evangelia.

Pennottus Canonicus Regularis S. Augustini latissimè in Propugnaculo humanæ libert. lib. 9. cap. 21. & seqq.

Herice disput. 23. cap. 10.

Moncæus disput. 4. sect. disputat.

Joannes Martinon Tom. 1. de Deo excuso an. 1644. disput. 19. n. 23. postquam innumeros penè Doctores retulit pro sententia asserente electionem ad gloriam fieri post prævisa merita, inquit -- *Denique*

niz communem esse Sanctorum Patrum, & Sacris litteris, atq. divina aequitati, iustitia, misericordia, nec non humana libertati, pietati, & zelo propria, alienaq. salutis conformiorem patebit ex sequentibus sectionibus.

Ortega tract. 2. de Deo Controv. 7. disput. 2. quæst. 3. Bresserus lib. 6. de Conscientia à num. 267. & Alarcon in omnibus sequens vestigia Patriæ Vasquez.

Thyrus Gonzalez Præpositus Generalis Soc. Jes. ac præstantissimus Hujus Ævi Theologus Tom. 2. Select. Disput. disput. 8. sect. 11. ubi pro hac sententia sæpè allegat Augustinum, respondetque Bellarmino, & aliis, qui oppositam docuerunt.

Petrus de Comitibus Augustinianus, olim in studiis sui Ordinis Veneto, Patavino, Perusino, Romanoque Regens in Tract. de Prædestin. disput. 3. art. 2. expressè tenet electionem ad gloriam fieri ex præscientia meritorum, & artic. 4. ponit hanc conclusionem -- *Electio post prævisionem meritorum nullomodo contrariatur S. Patri Augustino, imò est germana ejus doctrina*; & post allatos quàmplures S. Augustini textus concludit in hæc verba -- *Possèm afferre sexcenta alia loca, ex quibus clarè deducitur, germanam doctrinam D. Augustini nunquam fuisse, quòd prædestinatio ad gloriam sit antè prævisa merita*. Demum art. 8. docet S. Thomam etiam tenuisse hanc sententiam.

Gaudentius Bontempi Ordinis Capucinatorum Tom. 1. in Seraph. Bonavent. Tract. 1. de Deo Disput. 21. de Prædest. quæst. 7. hanc sententiam latissimè probat ex mente Seraphici Doctoris.

Sed licèt Scotus in prim. dist. 41. quæst. uni. contrarium defendat, se tamen in hac controversia problematicum ostendit, dum ait ibi -- *Ne scrutando de profundo eatur in profundum, eligatur, quæ magis placet*. Hinc est quod multi ex celebrioribus Scotistis proprii Doctoris libertatem, validissimisque pro altera sententia rationes nacli, prædestinationem fieri ex prævisis meritis, atque adeo ex mente S. Augustini docuerunt.

Horum ducit agmen Philippus Faber Faventinus Conventualis, (quem Theologum verè doctum Lucas Wadingus de Scriptoribus Ordinis Minorum appellat,) in prim. sentent. dist. 41. quæst. 1. disput. 58. de Prædest. ubi de mente S. Augustini fusè probat Prædestinationem fieri post merita prævisa.

Joannes Poncius Hibernas Corcagiensis qui quatuor Tomis Coment. in

in Scotum edidit, Philosophiam, & cursum Theologicum aliis duobus Tomis prælo donavit *disput. 7. Cursus Theolog. quest. 3.* hanc sententiam tuetur de mente S. Augustini.

Claudius Frassen Theologus Parisiensis in Patrum lectione versatissimus, atque optima eruditione excultus *Tom. 1. Scoti Academici tract. 2. disput. 3. art. 2. sect. 1. quest. 2.* fusè hanc quæstionem pertractat, defenditque ex mente S. Augustini, eorumque discipulorum, & sequacium, Prosperi videlicet, Fulgentii, Primasii, Anselmi &c.

Joannes Gabriel Boyvin Gallus *Tom. 1. disput. 2. quest. 8.* eam pariter tuetur de mente S. Augustini.

Bartholomæus Durand Gallus *Tom. 1. Tract. 5. disp. 1. quest. 1.* probat ex mente S. Augustini, & Fulgentii prædestinationem fieri ex prævisis meritis.

Saxius in sua Catastrofi *Tom. 2. dist. 10. quest. 3. art. 1.* Gauellus Candelariensis *Tom. 1. disput. 8.*, quibus adde Ferchium Vegliensem præstantissimum Theologum in Universitate Patavina in *Epitom. Theolog. lib. 1. sent. dist. 41.*

Omittimus alios eximios, præstantissimosque Theologos, qui pro hacce sententia scholastica in Palæstra decertarunt, cum ijs omnino perspicuos esse credamus, qui in Scholasticorum lectione versantur.

FINIS.

E R R A T A.

Pag.	lin.	<i>5. pracedentia</i>	lege <i>providentia</i>
16.	ult.	<i>careros</i>	<i>cateros</i>
29.	21.	<i>damatos</i>	<i>damnatos</i>
38.	34.	<i>sanitatem</i>	<i>sanitatem</i>
53.	7.	<i>Batholo</i>	<i>Bartolo</i>
54.	4.	<i>dolore</i>	<i>dolores</i>
63.	30.	<i>Apostolis</i>	<i>Apostoli</i>
65.	10.	<i>nos</i>	<i>non</i>
74.	28.	<i>Indaos</i>	<i>Judæos</i>
82.	36.	<i>oporet</i>	<i>oportet</i>
83.	36.	<i>peccum</i>	<i>peccatum</i>
85.	17.	<i>alibi</i>	<i>alibi</i>
86.	34.	<i>Doctore</i>	<i>Doctorem</i>
87.	19.	<i>viuum</i>	<i>viuum</i>
91.	15.	<i>intelligi</i>	<i>intelligit</i>
101.	22.	<i>viam in die vie</i>	<i>iram in die ira</i>
103.	20.	<i>hareditarena</i>	<i>hareditatem</i>
109.	37.	<i>Apostolico</i>	<i>Apostolo</i>
112.	26.	<i>aliis</i>	<i>alii</i>
117.	17.	<i>puris</i>	<i>Pueris</i>
124.	34.	<i>Angelicus</i>	<i>Anglicus</i>
135.	20.	<i>tam sive</i>	<i>sive tam</i>
155.	36.	<i>viginta</i>	<i>viginti</i>
179.	37.	<i>tamen</i>	<i>tam</i>
180.	37.	<i>Augustini</i>	<i>Gennadi</i>
192.	23.	<i>ego</i>	<i>ergo</i>
207.	13.	<i>per</i>	<i>pars</i>
239.	33.	<i>despetes</i>	<i>desperes</i>
242.	8.	<i>ne</i>	<i>me</i>
270.	ult.	<i>Hibernas</i>	<i>Hibernus</i>

Reliqua errata, si quæ occurrant, Lector benevolus emendare dignetur: non enim totum Librum attentius percurrere licuit post editionem, ut omnia annotarem.



indicia tu velut de re dubia, & peregrina quæris & disputas, an Deus sit bonus? an rebus humanis provideat, perinde ac si aliquis media hyeme frigans, tremensque, postquam diu ad ignem confedit, & calefactus est, soluto frigore, è sociis quærat, verumne sit, quod Philosophi docent, ignem homines calefacere? quid alios interrogas, quæ tu ipse expertus es? Noli ergo de Deo, ejusque Bonitate ex iis judicare, quæ Lucifero aliisque damnatis contingere, hæc enim sunt tibi incomperta, sed ex iis, quæ tu ipse probasti.

Si Romam quatuor sint viæ, quarum tres optimæ, ab omnibus calcatæ, à te ipso centies emensæ, quæque in Urbem commodissimè ducunt: quarta verò sit invia, præcipitiis, Latronibus obfessa, & quæ nemo pervenit, & tu hanc quartam eligas, quæ pessima est, tribus aliis relictis, quæ optimæ sunt; quis te non dementissimum credat? nam primò nunquam Romam pervenies, deinde certissimè morti te expones. Ita illis evenit, qui ad Indias profecturi, cum notum tritumque Navigantibus iter Austrum versùs reliquissent, in Septentrionem breviori cursu, sed funesto flexere, quippe omnes frigore consumpti sunt, navibus gelu constrictis. Ita prorsus in causa Prædestinationis. Quatuor ad illam cognoscendam viæ sunt: tres securissimæ; fides videlicet, Ratio, experientia. Fides docet, ratio demonstrat, experientia convincit, Deum in omnibus Judiciis suis justum, & clementem esse. Quod si his viis relictis tu quartam aggreddiaris omnibus inaccessiblei; occultamque; hoc est, non fide, non ratione, non experientiâ contentus scrutari causas, & arcana velis, planè nunquam hæc viâ prevenies, & medio in cursu viam, animamque amittes. Clamant omnes Patres, hæc navigari non posse, clamant omnium exempla: periire enim, quotquot hanc viam aggressi gelu & frigore confecti sunt, desperarunt infelices Religionis, Animæque naufragio facto.

Dices: voluntas Dei est tantum causa Universalis: atqui effectus particulares per solam causam universalem demonstrari non possunt, multoque minùs dubium eximere: Nam si quærenti, cur nix sit alba, non nigra: cur pisces non respirent: cur Gallus cantet revertente Sole; cur Cervi & Boves dentes non habeant? Respondes, Deum & Naturam ita statuisse; planè rideberis, eritque hæc Demonstratio rustico, quàm Philosopho dignior.

Resp. Aliqua esse, quæ optimè, imò unicè per causam universalem demonstrantur, præsertim cum causæ particulares latent, pend-

dentque ex libera Dei, hominumque voluntate. Si quis navi iter faciat, dubitetque an erret; sufficit omni dubio vincendo, si dicas: *Gubernator hanc viam imperavit, ergo in portum ducit*; præsertim si constet Gubernatorem esse pericissimum viæ, ac sapientissimè illoc iter fecisse. Ita si sententia Mortis in aliquem dicta sit, quique processui non interfuit, dubitet æqua sit an iniqua? sufficiet respondere: Princeps examinata causâ ita decrevit, ergo sententia est iusta, præsertim si constet Principem esse iustissimum, & causæ, de qua agitur, scientissimum; talis verò est Deus. Pythagoricis loco omnis demonstrationis erat Pythagoræ auctoritas, sufficiebatque ambigentibus dicere: *αὐτὸς ἴπα: Ἦπερ dixit*. Cur ergo Christianis non sit præ omni demonstratione Autoritas Dei, sufficiatque finiendis omnibus litibus dixisse: *αὐτὸς ἐκέλευ: Ἦπερ decrevit*? Nec ægrotus causas Medicinæ querit; nec saucius causas emplastri; sufficit, ut credant, fidantque Medico imperanti. Duo ergo in re aliqua queri possunt. *Primo* an sit? *Secundo* cur sit? v. g. de Gallo, an verum sit, ejus cantu Leonem fugari? Et quæ causa hujus terroris? ad primam questionem affirmativè decidendam sufficit auctoritas Plinii, aliorumque Scriptorum id asserentium, præsertim si accedat experientia, quæ tamen, cum errori obnoxia sint, non possunt me certum reddere. Idem dicas, majorique ratione de divinis Decretis, nam si quæras, an iusta sint? iusta esse optimè probatur autoritate, & æquitate ipsius Dei, qui cum erroris sit expertus, me quoque certissimum reddit, nisi dicas ad fidem hominis faciendam plùs valere auctoritatem Plinii, qui falli potest, quàm auctoritatem Dei, qui falli non potest. Quare autem Deus hoc, illudque decernat, id reconditum est, minusque sciri potest, quàm cur Leo cantu vilissimæ avis effæminetur.

Plura indagare non licet, pendente adhuc velo cœlestis tribunalis. Hæc ergo sit vera, & unica methodus philosophandi de divinis Judiciis, si videlicet credas: *Primo* ita esse secreta & abdita, ut cognosci, multoque minùs ut accusari possint. *Secundo*. Multa etiam naturaliter contingere, quorum causas & rationes non assequimur, quanto minùs assequemur causas & rationes rerum divinarum? Sed & in ipsis Dei operibus aliqua initio ambigua & dura videbantur, quæ iustissima in exitu apparuere; non ergo ante exitum, ultimamque sententiam de illis judicandum. *Tertio*. Et denique sit pro universis rationibus Author & ordinator Deus. Qui in Myſterio

Prædestinationis præter istas rationes alias quærit, is non portum, sed naufragium quærit, prius peribit, quàm perveniat.

Quòd si tamen ne ista quidem sufficiant; more Areopagitarum tecum agam. Cùm ad istorum Tribunal causa deferretur tam implicata, ut pugnantibus utrimque rationibus nullus exitus, nullusque modus appareret litem finiendi; partes reverti jubebant post centum annos. (a) Ita in negotio Prædestinationis; Si tibi quæ hæcenus dixi sufficiunt; digitum ori impone, causamque perora: Si non sufficiunt, exi Areopago: *Quod Deus facit, tu nescis modò, scies autem postea*, redi post centum annos.

F I N I S.

(a) *Aul. Gellius l. 12. c. 7.*

COROLLARIUM DOCTORUM,

*Qui sententiam de Prædestinatione ex prævisis
meritis, & respectivè de mente SS. Au-
gustini, & Thomæ tuentur.*

S Bonaventura Cardinalis, & Ecclesiæ Doctor in *prim. dist. 40. art. 2. q. 2. ad ult.* & communiter citatur in *prim. dist. 41. q. 2.* & alibi, ut videre est apud Gaudentium Bontempi Tom. 1. in *S. Bonav. tract. prim. disput. 21. q. 7. infra citandum.*

Eandem sententiam probant, & sequuntur

Cardinalis Sadoletus in *cap. 8. Epist. S. Pauli ad Romanos,*

Cardinalis Contarenus in *Opusc. de Prædestinat.* quos citat, & sequitur Claudius Frassen infra citandus.

Cardinalis Petrus Aureolus Ordin. Min. quem Sixtus Senensis appellat *Virum omnium scientiarum peritia clarissimum*, in *Comment. super quatuor lib. Sentent. Romæ Typis Vaticanis anno 1595. opera Constantii Cardinalis Sarnani Ord. Min. Convent. impressis, lib. 1. dist. 40. art. 1. & dist. 41. art. 3.*

Ludovicus Abelly Sac. Theol. Parisiensis Doctor, & Episcopus Ruchenenensis in Gallia, in *Medulla Theologica par. 1. tract. 2. cap. 5. sect. 3.* ubi etiam citatur

Sanctus Franciscus Salesius Episcopus Genevensis *lib. 3. de amore Dei cap. 5.*, & hujus Sanctissimi, ac Sapientissimi Episcopi extat etiam Epistola ad Patrem Leonardum Lessium Societ. Jesu, data Anneli Gebennensium 27. Augusti 1618. cujus autographum apud Patres Societatis in theca argentea Antuerpiæ asservatur, & præ ceteris verbis ejusdem Epistolæ hæc maximè notanda sunt: *Sententia illa, inquit. antiquitate, suavitate, scripturarum nativa auctoritate nobilissima de Prædestinatione ad gloriam post prævisa opera, sanè mihi gratissima fuit, qui nimirum eam semper ut Dei*

miseri cordia, ac gratia magis consentaneam, veriore, ac amabiliorem existimaui, quod etiam tantisper in Libello de amore Dei indicavi.

Honorius Augustodunensis Ecclesiæ Presbyter, qui circa annum Christi 1220. claruit, in *Dialogo de Prædestinat. & libero arbitr.* clarissimè docet prædeterminationem post prævisa merita.

Alexander de Ales *prim. par. quæst. 28. memb. 3. art. 3.*

Henricus *quodlib. 4. q. 19. & quodlib. 8. q. 5.*

Gulielmus Occhamus Anglus Ordin. Min. Scoti Discipulus in *prim. dist. 41. quæst. 1.*

Joannes Baconus in *prim. dist. 41. quæst. unic. art. 2.*

Ruardus Taperus *Tom. 1. explicat. Articulorum Lovaniensium pag. 240. & seqq.*

Joannes Major in *prim. dist. 40. & 41.*

Albertus Pighius *lib. 8. de liber. arbit. cap. 2.*

Hieronymus Osorius *lib. 9. de Justitia.*

Joannes Eckius in suo Chrysopasto *Cent. 3.*

Stapletonus in *cap. 9. Epist. ad Roman.* & in Oratione qua ex professio hanc sententiam defendit, probatque de mente S. Augustini.

Philippus Gamachæus Doctor Sorbonicus, & Regius Sac. Theologiæ Professor *coment. in prim. par. D. Thomæ quæst. 23. de Prædest. cap. 6. conclus. 2.* hanc sententiam probat ex mente ipsius S. Thomæ, Sanctorumque Augustini, Hieronymi, Ambrosii, & Prosperi.

Nicolaus Isambertus Doctor, & Socius Sorbonicus in Academia Parisiensi Regius Theologiæ Professor in *prim. par. D. Thomæ disp. 4. ad quæst. 23. art. 3.*

Gregorius de Valentia Soc. Jesu *disp. 1. q. 23. de Prædest. punct. 4.* ubi fusè probat prædeterminationem ex prævisis meritis de mente SS. Augustini, & Thomæ.

Gabriel Vasquez Societatis Jesu, quem præstantissimus, omniumque nostræ hujus ætatis eruditissimus Auctor Dissertat. historicæ *De uno ex Trinitate carne passio* Romæ editæ an. 1695. pag. 115. hocce exornat Elogio: *Gabriel Vasquez, ait, celeberrimus Theologus, Vir in Patrum lectione æquè, ac in scholastica palastra versatissimus. Et pag. 240. Vasquez magnus Theologus in lectione Patrum versatissimus, & eorum præsertim, qui de divina gratia sub Augustino Magistro scripserunt. Quis Theologus audit, qui Vasquii nomen summa*

cum laude non inaudiverit? Est ille Theologorum Societatis facile Princeps, licet unus Franciscus Suarez dubium illi facere primatum quibusdam visus sit. Is igitur præstantissimus Theologus Tom. 1. disput. 89. cap. 4. & seqq. non solum sententiam hanc de Prædestinatione ex meritis prævisis latissimè defendit, sed talem quodque fuisse veram, germanamque Augustini mentem satis superque per quatuor, & amplius capita ostendit; Unde sub initio capit. 4. ait: *Tametsi aliorum Patrum auctoritas in omni controversia magni ponderis apud omnes esse debet; in hac tamen de qua nunc agitur, unus pro multis mihi semper erit Augustinus.*

Leonardus Lessius Societ. Jesu Opusc. de Prædest. & reprobatis. sect. 2. eandem tenet sententiam, ab eoque alii non pauci Auctores citantur, & num. 8. subiungit -- *Eandem tenent multi viri Doctissimi, qui nondum sua scripta typis mandarunt, quibuscum ego hanc rem contuli. Hos omnes ex consilio adduxi, ut appereat, quantus in hoc puncto sit omnium penè Doctorem consensus.*

Martinus Beccanus Soc. Jesu par. 1. cap. 14. num. 4. de Prædestin. ubi pro hac sententia refert Theologos Academiæ Complutensis.

Franciscus Amicus Soc. Jesu Tom. 1. disput. 15. sect. 4., qui longa serie alios refert pro hac sententia Theologos, num. 61. sensum suum aperit his verbis -- *Ut huic sententiæ assensum praberem, movit me misericordia Dei erga omnes intellectuales creaturas affectus, & æqua in prædestinatos, ac reprobos pro eorum præstitis operibus iusta Judicis retributio.*

Molina ad quæst. 23. art. 5. disput. 1. memb. 11. & 12.

Franciscus Turrianus in lib. de Elect. divina, & Luisius Turrianus Disput. 1. Opusc. 6. dub. 4. & 5.

Michael de Medina lib. 3. de recta in Deum fide cap. 1.

Ægydius Coninch. disp. 20. de spe dub. 13. num. 119.

Cornelius à Lapide passim in Pauli Epistolas, & Maldonatus multis locis in Evangelia.

Pennottus Canonicus Regularis S. Augustini latissimè in Propugnaculo humanæ libert. lib. 9. cap. 21. & seqq.

Herice disput. 23. cap. 10.

Moncæus disput. 4. select. disputat.

Joannes Martinon Tom. 1. de Deo excuso an. 1644. disput. 19. n. 23. postquam innumeros penè Doctores retulit pro sententia asserente electionem ad gloriam fieri post prævisa merita, inquit -- *De-*
niq;

nig. communem esse Sanctorum Patrum, & Sacris litteris, atq. divina aequitati, iustitiae, misericordiae, nec non humanae libertati, pietati, & zelo propria, alienaq. salutis conformiorem patebit ex sequentibus sectionibus.

Ortega tract. 2. de Deo Controv. 7. disput. 2. quæst. 3. Bresserus lib. 6. de Conscientia an. 267. & Alarcon in omnibus sequens vestigia Patriæ Vasquez.

Thyrus Gonzalez Præpositus Generalis Soc. Jes. ac præstantissimus hujus Ævi Theologus Tom. 2. Select. Disput. disput. 8. sect. 11. ubi pro hac sententia sæpè allegat Augustinum, respondetque Bellarmino, & alijs, qui oppositam docuerunt.

Petrus de Comitibus Augustinianus, olim in studiis sui Ordinis Veneto, Patavino, Perusino, Romanoque Regens in Tract. de Prædestin. disput. 3. art. 2. expressè tenet electionem ad gloriam fieri ex præscientia meritorum, & artic. 4. ponit hanc conclusionem — *Electio post prævisionem meritorum nullomodo contrariatur S. Patri Augustino, imò est germana ejus doctrina*; & post allatos quàmplures S. Augustini textus concludit in hæc verba — *Possèm afferre sexcenta alia loca, ex quibus clarè deducitur, germanam doctrinam D. Augustini nunquam fuisse, quòd prædestinatio ad gloriam sit antè prævisa merita*. Demum art. 8. docet S. Thomam etiam tenuisse hanc sententiam.

Gaudentius Bontempi Ordinis Capucinatorum Tom. 1. in Seraph. Bonavent. Tract. 1. de Deo Disput. 21. de Prædest. quæst. 7. hanc sententiam lucissimè probat ex mente Seraphici Doctoris.

Sed licèt Scotus in prim. dist. 41. quæst. uni. contrarium defendat, se tamen in hac controversia problematicum ostendit, dum ait ibi — *Ne scrutando de profundo eatur in profundum, eligatur, quæ magis placet*. Hinc est quod multi ex celebrioribus Scotistis proprii Doctoris libertatem, validissimasque pro altera sententia rationes nacti, prædestinationem fieri ex prævisis meritis, atque adeo ex mente S. Augustini docuerunt.

Horum ducit agmen Philippus Faber Faventinus Conventualis, (quem Theologum verè doctum Lucas Wadingus de Scriptoribus Ordinis Minorum appellat,) in prim. sentent. dist. 41. quæst. 1. disput. 58. de Prædest. ubi de mente S. Augustini fusè probat Prædestinationem fieri post merita prævisa.

Joannes Poncius Hibernas Corcagiensis qui quatuor Tomis Coment.

- in Scotum edidit, Philosophiam, & cursum Theologicum aliis duobus Tomis prælo donavit *disput. 7. Cursus Theolog. quæst. 3.* hanc sententiam tuetur de mente S. Augustini.
- Claudius Frassen Theologus Parisiensis in Patrum lectione versatissimus, atque optima eruditione excultus *Tom. 1. Scoti Academici tract. 2. disput. 7. art. 2. sect. 1. quæst. 2.* fusè hanc quæstionem pertractat, defenditque ex mente S. Augustini, eorumque discipulorum, & sequacium, Prosperi videlicet, Fulgentii, Primasii, Anselmi &c.
- Joannes Gabriel Boyvin Gallus *Tom. 1. disput. 2. quæst. 8.* eam pariter tuetur de mente S. Augustini.
- Bartholomæus Durand Gallus *Tom. 1. Tract. 5. disp. 1. quæst. 1.* probat ex mente S. Augustini, & Fulgentii prædestinationem fieri ex prævis meritis.
- Saxius in sua Catastrofi *Tom. 2. diff. 10. quæst. 3. art. 1.* Gauellus Candelariensis *Tom. 1. disput. 8.*, quibus adde Ferchium Vegliensem præstantissimum Theologum in Universitate Patavina in *Epitom. Theolog. lib. 1. sent. dist. 41.*
- Omittimus alios eximios, præstantissimosque Theologos, qui pro hacce sententia scholastica in Palæstra decertarunt, cum ijs omnino perspicuos esse credamus, qui in Scholasticorum lectione versantur.

F I N I S.

E R R A T A.

Pag. 13.	lin. 5.	<i>præcedentia</i>	lege <i>providentia</i>
16.	ult.	<i>cæteros</i>	<i>cæteros</i>
29.	21.	<i>damatos</i>	<i>damnatos</i>
38.	34.	<i>sanitatem</i>	<i>sanitatem</i>
53.	7.	<i>Batholo</i>	<i>Bartolo</i>
54.	4.	<i>dolore</i>	<i>dolores</i>
63.	30.	<i>Apostolis</i>	<i>Apostoli</i>
65.	10.	<i>nos</i>	<i>non</i>
74.	28.	<i>Indæos</i>	<i>Judæos</i>
82.	36.	<i>oportet</i>	<i>oportet</i>
83.	36.	<i>peccatus</i>	<i>peccatum</i>
85.	17.	<i>alibi</i>	<i>albi</i>
86.	34.	<i>Doctore</i>	<i>Doctorem</i>
87.	19.	<i>vinum</i>	<i>riuum</i>
91.	15.	<i>intelligi</i>	<i>intelligit</i>
101.	22.	<i>viam in die viæ</i>	<i>iram in die ira</i>
103.	20.	<i>hereditarem</i>	<i>hereditatem</i>
109.	37.	<i>Apostolico</i>	<i>Apostolo</i>
112.	26.	<i>aliis</i>	<i>alii</i>
117.	17.	<i>puris</i>	<i>Pueris</i>
124.	34.	<i>Angelicus</i>	<i>Anglicus</i>
135.	20.	<i>tam sive</i>	<i>sive tam</i>
155.	36.	<i>vīginta</i>	<i>viginti</i>
179.	37.	<i>tamen</i>	<i>tam</i>
180.	37.	<i>Augustini</i>	<i>Gennadi</i>
192.	23.	<i>ego</i>	<i>ergo</i>
207.	13.	<i>per</i>	<i>pars</i>
239.	33.	<i>despetes</i>	<i>desperes</i>
242.	8.	<i>ne</i>	<i>me</i>
270.	ult.	<i>Hibernas</i>	<i>Hibernus</i>

Reliqua errata, si quæ occurrant, Lector benevolus emendare dignetur: non enim totum Librum attentius percurrere licuit post editionem, ut omnia annotarem.





